



42380/B

E x v e

18

coll

PUJATI, G. A.

DE CAS

RARIORUM MEDICARUM

OBSERVATIONUM

Theoreticis, Practicisque Animadversionibus
illustratarum.

H I S C E

Præposita est Præfationis loco Dissertatio de
peculiaribus, & rarioribus Observationibus
in Praxi Medica conscribendis, &
de Methodo eas conscribendi.

ACCESSIT ITEM EPISTOLA

ad Virum Illustrissimum, Doctissimumque

JOANNEM FREIND

DE VERA HIPPOCRATIS DOCTRINA

circà Venæ Sectionem, & Catharsim
in febribus,

NEC NON DISQUISITIO

De hydrargiri interno usu.

VENETIIS, MDCCXXXVII.

Apud Sebastianum Coleti
SUPERIORUM PERMISSU.

2 A 3 5 6 7 8

THE HISTORY OF THE
ROYAL SOCIETY OF MEDICINE
AND THE ARTS
IN LONDON
FROM THE YEAR 1662 TO 1703

BY
JOHN HENRY
WELLS
OF THE
MIDDLE TEMPLE
ESQ.

LONDON
PRINTED BY
J. BARNARD
ST. PAULS CHURCH-YARD
1793

THE HISTORY OF THE
ROYAL SOCIETY OF MEDICINE
AND THE ARTS
IN LONDON
FROM THE YEAR 1662 TO 1703

BY
JOHN HENRY
WELLS
OF THE
MIDDLE TEMPLE
ESQ.

LONDON
PRINTED BY
J. BARNARD
ST. PAULS CHURCH-YARD
1793



Illustrissimis, Amplissimisque Viris

JOANNI BAPTISTÆ
MORGAGNI,

ET ALESSANDRO KNIPS MACCOPPE

In Patavino Archylicæo

*Primo quidem Primario Anatomies Professore
& Præsidi; Alteri vero Praxeos Primario
Professori; in Medicina addiscenda Præ-
ceptoribus quondam suis usque ad cineres
colendis*

JOSEPH ANTONIUS
P U I A T I

Sacilensis Portus Naonis Medicus

S. P. D.



*Amet si is non essem, Præ-
ceptores meritissimi, qui
vobis plura debeam, quàm possim
velle debere, ut propterea publicum*
* 2 ali-

aliquod grati mei erga vos animi
testimonium exhibere æquissimum du-
cam; nihilominus ob alias, & qui-
dem potissimas causas, nunc istæ
meæ, quas nunc in lucem profero,
Nomini vestro commodissime nuncu-
parentur. Cum enim ea sit vestri
nominis Celebritas, ea auctoritas,
ea in Iatricis rebus scientia: ut, tu
quidem, Joannes Baptista, Anato-
micorum Princeps; tu vero Alexan-
der, Praxeos Dictator, & habea-
mini, & sitis; honestissime ille, ac
pro meritis vestris fecerit, insuper-
que sibi scite consuluerit - qui Me-
dicas suas lucubrationes Nomini ve-
stro, vestro Patrocinio devoverit.
Magnatum favor scriptorem bonis
cumulare potest, sed approbare non
potest, nisi forte fortuna ex iis fue-
rint, qui de rebus scriptis æquum
ferre possint iudicium. At favor
vester, Amplissimi viri, is est; ut,
quem

quem vos illo dignemini , omnium
Doctorum Virorum se munierit suf-
fragiis ; atque à Sciorum censuris ,
& Scommatibus ; ab eorum dicta-
riis , qui iudicium suum , etiam de
rebus à se non intellectis interpone-
re volunt (quorum haud sane est
infrequens numerus) prudentissimè ,
& felicissime sibi caverit . Cui ete-
nim non probabitur , quem vos , duo
apud nostrates Scientiæ Medicæ Co-
lumina , probaveritis ? Ast , non ob
meam utilitatem , quæ incerta est
(nihili enim forte sunt , quæ nunc
à me traduntur , neque vos æquis-
simi rerum æstimatores , nisi prome-
rentem approbare scitis) scriptis
hisce meis nomen vestrum præfixi ;
Quod , ut hoc facerem me impulit ,
est id , quod vobis debeo , quodque
volo debere maxime . Manet alta
mente repositum , gratissimaque quo-
tidie memoria recolo , colamque du n

*spiritus hos reget artus, summum
beneficium per vos acceptum, mea
nempè in rebus Medicis Institutio,
per quam factum est, ut non om-
nino lapis super lapidem sedeam.
Neque summæ illius humanitatis,
comitatisque vestræ obliviscor, aut
oblivisci potero, qua me, & dum
Præceptis, Institutisque vestris ope-
ram dabam, & postquam etiam
ex Ephæbis excessi, amplecti dignati
estis. Illa quoque cordi meo peni-
tissime inhaerent, Celeberrime Ale-
xander, quæ pro mea valetudine,
modo equidem Deum favore, satis
prospera, & valida, annis vero su-
perioribus, haud satis firma, ma-
xima benignitate, summa benevo-
lencia, ac veluti Paterno amore mi-
hi innuisti. Igitur gratitudinis meæ
arrabonem, Observantiæque in vos
meæ pignus, leviusculum sane, sed
majore, qua possum devotione instru-
tum,*

*Atum , nunc vobis exhibeo , dum
Commentatiunculas hasce vobis sisto .
Quin eas vestro oculatissimo judicio
lubens subiicio , ita enim vestri Ob-
servantissimum Discipulum decet ,
sicque vobiscum agere par est , quos
summum ingenium , peracre judicium ,
haud interruptum , neque vulgare in
rebus Medicis ab usque acerbior
juventa studium ; longa tandem
exercitatio , atque Observatio , ad
amplissima illa , summique honoris
loca , ad gravissima , quæ sustine-
tis munera , quæque Personis ve-
stris , vestris studiis , scientia vestra
majora facitis , haud ita quidem
evexere . Mea hæc igitur , quæcum-
que ea sint , lubenti animo , pro
humanitate vestra , excipere ne de-
dignemini , dum ipse Hygæamque ,
Panacæamque oro , atque obtestor ,
ut ad Coi Senis , cujus in meden-
do peritiam , prudentiamque , ne-
dum*

*dum imitamini , sed usu vestram
fecistis , longævam ætatem perve-
niatis . Valete , meque vestri A-
mantissimum Discipulum redamate.*

Dabam è Portu Naonis

Kalend. Octob. MDCCXXXVII.

I N D E X

DISSERTATIONUM, ET OBSERVATIONUM.

DE peculiaribus & raris Observationibus
in Praxi Medica conscribendis, & de
methodo eas conscribendi A.

*Ventriculi Polypus per anum detrusus. Obser-
vatio I. B.*

*Gonorrhæa metastasis ad Pulmones lethalis .
Observ. II. C.*

*Ischuria Vescicalis convulsiva feliciter ac citò
sanata. Præceptum Hippocratis de mittendo
sanguine in urina vitiis , expenditur Obser-
vatio . III. D.*

*Stranguria: Hemorroidum dolor, & dextrite-
sticuli tumor in sene , sanata . Nova Stran-
guria Idea illustratur . Observ. IV. E.*

*Bubones, & ficus Gallici, sine Chirurgiæ præ-
sidiis feliciter persanati. De nova hac me-
thodo differitur: aliqua item de cura Go-
norrhææ . Observ. V. F.*

*Rarior Phthisis . Obiter Chronica Lumbago
Rheumatica, morbus à pluribus prætervisus,
nec forte satis illustratus , describitur . Ob-
serv. VI. G.*

*Incerti loci abscessus feliciter ad sanitatem per-
ductus*

*ductus. Obiter de hyemali Epidemia anni MDCCXXX. H. Accessere item aliqua de Constitutione anni MDCCXXXV. Observ. VII. **

Lues Venerea gravior sine salivatione curata. Differitur de aque certa, ac jucundiore methodo, quam quæ per salivationem obtinet, hujusce morbi percurandi. Observ. VIII. 1. Asthmatis congeniti felix palliatio: Obs. IX. L. Nova, & rarissima mensium via. Obs. X. M. Epistola ad Clariss. Freind. De vera Hippocratis Doctrina circa Venæ Sectionem, & Catharsim in febris. N. De usu interno Hydrargiri Disquisitio O.

NOI REFORMATORI

dello Studio di Padoa .

H Avendo veduto per la fede di Revisione , Approbatione del P. F. Tomaso Gennari Inquisitore nel Libro intitolato *Decas Rariorum Medicarum Observationum Theoreticis &c. Accessit item Epistola ad Virum Illust. Doctissimumque Joannem Freind de vera Hipocratis Doctrina, nec non Disquisitio de Hidrargiri interno usu &c.* non v' esser cos' alcuna contro le Santa Fede Cattolica , & parimente per Attestato del Segretario Nostro , niente contro Principi , & buoni Costumi , concedemo Licenza a Sebastiano Coletti Stampatore, che possi esser stampato , osservando gli ordini in materia di Stampe , & presentando le solite copie alle Publiche Librerie di Venetia , & di Padoa .

Dat. X. Settembre 1736.

(Michiel Morosini Kav. Ref.

(

(Pietro Grimani Kav. e Proc. Ref.

Agostino Gadaldini Segretario .

Omnia

Omnia ab experimento hominibus fieri consuevere (Herodot. in Polyhymnia

Quare experientia penè simile quid scientiæ, ac arti videtur. Per experientiam autem ars, & scientia hominibus efficitur: Experientia enim, ut rectè ait Polus, artem effecit, inexperientia vero, fortunam. (Aristotel. Methaphysic. I. c. I.

DE PECULIARIBUS,

Et rarioribus Observationibus in Praxi
Medica conscribendis, & de Metho-
do eas conscribendi.

DISSERTATIO.



Uamvis certum sit salutarem me-
dendi Professionem ejusmodi esse,
quæ ratione destituta manca, &
clauda futura sit, ut propterea
Galenus (a) eam bipedi animali
aptissimè compararit; nihilomi-
nus certissimum est, eam Observationi solum-
modo ortum suum debere, paucarumque herba-
rum scientiam a principio extitisse. Cumque
Naturæ ordini consonum sit per eadem res cre-
scere, per quæ ortum habuerunt; factum est,
ut non minus exordia, quam incrementa ex
Observatione eorum, quæ hominibus, sive
prospera, sive adversa valetudine utentibus,
accidere solent, potissimum ars nostra cæperit.
Hujusce rei luculentissimum specimen habemus
in quam elegantissimo inter cætera ejus opéra,
Hippocratis libro de Vetere Medicina, in quo
quomodo diætetica Medicinæ pars per Obser-
vationes in artem redacta sit, Magnus Medicinæ

A Pa-

(a) apud Tozzi T. 1. De exper. ratio. analogis.

Parens patefacit. Haud equidem contendo, ordinem illum medendi, per quem non raro in arte majora præstantur, quemque methodum appellamus, experimentis solummodo, non rationi inniti, ut Themisonis Discipuli male, Celso (a) teste autumabant. Cum, ut ex omnium Medicorum, tum maxime Methodicorum Principe Hippocrate (b) cui, & Galenus (c) occinit, sciam, Medenti, & communia, & particularia (quæ res sine ratione haud perfici potest) esse considerata. Verum, quoniam post Observationes ratio inventa est; Methodicis Medicis (cum methodicos dico, maximè rationales intelligo) Observationi in medicina primas deberi, confitendum est.

II. Et sane hospes admodum in Neoterico-
rum Medicina ille esset, qui clarissimum illum splendorem, quo hodie Iatricam artem exornatam videmus, rationi potius, quam observationi deberi contenderet. Etenim, non minus ea Physices pars, a qua Medicus incipit, Physiologiamque vocamus, quam altera, quæ ægris auxiliatur; si quædam minus incerta, rationi magis consona, magisque utilia, nostris hisce temporibus, quam superioribus Sæculis habeant, ea observationi primum, & potissime referenda sunt. Unde enim universæ

(a) In Præf.

(b) Epid. I. Sect. 3.

(c) 9. Method. 8.

versæ Medicinæ præcipuum lumen Anatomes ;
sine qua (quidquid Empirici contra blate-
rent) Hippocrate (a) teste , cæterisque sanio-
ribus medentibus succlamantibus , manca tota
ars esse debet , incrementa splendidiora accepit ,
nisi ab assidua Professorum observatione ? Mi-
rabile illud , utilissimumque circulationis in-
ventum , haud rationis , sed sensus opus est ,
quod nunquam Medico Orbi Immortalis Har-
Wejus revelasset , nisi ingeniorum Phænix Sar-
pius in venis valvulas observasset . An san-
guinis natura , & constitutio : an partium
Sanguinem constituentium ad invicem propor-
tio : an semen , urina , saliva , lympa , nobis
quid sint innotescerent nisi LeWenoechius , Boy-
lius , Guglielminus , Bellinus , Baglivus , hæc , quæ
superioribus Sæculis delituerant , observatio-
nis ope , quasi e Democriti puteo , nobis no-
strisque commodis eruisent ? Ex eodem Fon-
te promanant morborum historiæ , successio-
nes , exitus , quæ secundum Hippocratem ,
Aretæum , Aurelianum , Lommium , Pisonum ,
Sydenhamium , Listerum , jure celeberrimos
reddidere . Hinc plures abditissimæ , neque
antea excogitatæ morborum causæ in lucem
se prodiderunt , unde Boneto Sepulcretum
immortale peperit nomen . Eadem Observa-
tionum vis , vomitum scientia Medicamina (cla-
vam nempe difficiliorum morborum tum acu-
torum ,

A 2

(a) de veter. Medicin. tex. 39.

torum, cum maximè Chronicorum domitricem) opiumque ægrorum solamen, Medicorumque auxilium, quæ ob Galenistarum argutias e Praxi ferè exulaverant, in usum revocavit: Hæc potentissimum, tutissimumque, si quis eo uti sciat, remedium, familiarem vel puerulis Mercurium fecit: Hæc celebrioribus licet Præcticis reclamantibus, divinum corticem e Peruvia nobis advectum, supra cætera jactata febrifuga, ad fastigium evexit: Hæc verbo, omnium simplicium Medicaminum virtutes detexit, quibus, si officinalia composita opponas, paucis exceptis longo usu probatis antidotis, in primis, ut Plinii (a) verbis utar, *naturam esse* apparebit: in secundis, conjecturam sæpius fallacem, *nulli satis custodita in mixturis concordia Naturæ, & repugnantia*. Forte Pyrophili remedia e furnis petita nobis obtrudent, quibus artem locupletatam esse gloriantur? Chemiæ equidem magna laus a Philosophis, & Medentibus debetur, quæ composita reservando, vel e venenis præstantissima pharmaca nobis exhibuit. At præterquamquod plurima e Chymico penu petita, non tam effectum pollent, quam titulo clara sunt, dicam: hæc, si probata, id ab observatione solummodo præstitum; casu vero, & tentando solummodo inventa. Quo etenim fundamento hypotheses a furnis petitiæ, atque a paucis fornacum

(a) H. N. l. 22. c. 23.

Medica rariores.

cum experimentis deducta Philosophia, eaque paucis admodum adaptanda, & majorem partem phantastica, morborum Praxi aptare remedia poterat? Non igitur dicta Medicamina ingenii ratiocinantis effectus, sed casus, atque tentaminis; quapropter superioribus annis, cum nondum Chémia eam, quam hodie merito obtinet famam, nacta esset, a Spargificis, quasi ab Agyrtis, & Empiricis, neque id injuriæ, cavebatur.

III. Quæ a me hucusque adducta sunt, eo spectant, ut quoniam potiora incrementa ab Observatis duxit ars nostra, tandem aliquando statuatur, quod hisce maximè incumbere debeant sacris illius Mysteriis initiati; ut Artium utilissima, & nobilissima, *quæ dedit una Deum*, in humani generis commodum, ad majora quoad fieri potest incrementa semper evehatur. Nondum Magni Hippocratis oracula expleta sunt, qui quasi Deo afflatus, protulit, plurima adhuc in arte latere, plurimaque esse invenienda (*a*). Etenim quantumvis hodierna Medicina, haud pauca jactet se scire præ illis, quæ norant antiqui; nihilominus ingenuè fatendum est, exigua, & forte leviora esse, quæ scimus, plurima vero, & potiora, quæ nos adhuc latent. At quemadmodum Observationes in aprium ea protulere, quæ antiquis prorsus incognita fuerunt; ita fieri

A 3

non

(*a*) De veter. Medic. tex: 3:

non poterit, quin ætas, usus, semper aliquid novi adportent, si Æsculapii filii hisce incumbere non desistant, eaque sedulo vestigia premant, quæ majores nostros nostrique ævi Clarissimos homines, ad pulcherrima detegenda quasi manuduxerunt.

IV. Hisce itaque permotus, & Medici secundum Hippocratem solidissimi Aretæi, auctoritate compulsus, qui necesse esse docuit (a) *juvenem medicum suo Marte aliqua sibi comparare, neque omnia ex alienis Commentariis depromere*; ab eo usque tempore, quo primum Medicinæ faciendæ animum appuli, accuratissimæ, quantum potui, observationi, me addixi, Ægrorumque non paucas historias Adversariis consignavi, ut hac via aliquando me quoque possem tollere humo. Ex adnotatis igitur, cum exercitii gratia rariora quædam animadversuunculis, ut mihi quidem visum est, illustrassem; in eam veni sententiam, quod si illa in lucem emitterem, unica fidelia, ut dicitur, binos dealbare possem parietes. Nempè, quòd ipse quoque in Medicum Physicum aliquid mei conferrem, nec non Medicorum judicia experirer.

V. At hic quisquam reponet, quæ a me modo traduntur ea quidem esse quæ a Medicorum trutina pensitata, me insipientiæ meæ cer-

(a) De curat. acut. l. 2. c. 11.

certiorem reddere possint; non autem, illiusmodi, quæ Medicum penum exaugeant, summæque aliquid addant. Cum ex iudicio Celeberrimi Observatoris Sydenhamii casus oppidò rari ad morborum historiam propriè non pertineant, observationesque particulares, non magnam Arti Medicæ afferant (a) utilitatem.

VI. Hujusce Clarissimi viri auctoritas, quem in Praxi Medica teretem totum, atque rotundum semper existimavi, tanti a me fit; ut rationibus, quas contra adducere posse mihi videor, renuntiassem, atque ab incæpto destituissem, nisi Magnorum virorum exempla animos addidissent; qui cùm contra, ac Sydenhamius sensit se gesserint, suspicioni locum reliquerunt, an non, viro licet Insigni, aliquid humanitus contigerit; proindeque illa quæ ab eo in sui optimi operis Præfatione traduntur, minimè ex Apollinis Tripode prolata esse putandum sit, ut quasi æternæ veritatis suprâ quodcumque examen posita videantur. Contrà enim credidisse Magnum Hippocratem Dictatorem nostrum certissimum est, qui non solum peculiare observationes descripsit, & rariora non semel notavit, sed expresse præcepit id Medicis curæ esse debere ad artem perfectè assequendam, ut peculiaribus Observationibus adnotandis incumbant: *Sint & in me-*

A 4 *moria*

(a) In Præfat.

moria tibi morborum curationes, & harum modi quotupliciter, & quomodo: hoc enim principium est in Medicina, & medicum, & finis (a). Celsus quoque, qui Latini Hippocratis nomen jure sibi promeruit, a peculiaribus Observationibus utilitatem Medicinæ accessuram putavit, cùm de sanguine utero gerentibus extrahendo scriptum reliquit (b): Sibi antiqui persuaserant, mulierem utero gerentem secta vena abortum facere: Postea verò usus ostendit nihil ex his esse perpetuum, aliasque potius Observationes adhibendas esse, ad quas dirigi curantis consilium debeat.

VII. Porro peculiare historias Hippocratem descripsisse, ex libris Epidemiorum cuicumque etiam non Medico constare potest. Quòd verò rarioribus etiam Observationibus ad posteros transmittendis studuerit, satis probant bini casus sexto Epidemiorum ex parvâ Tabula descripti: Primus quidem Phaetusa Pi-theæ uxoris in Abderis, quæ ob exulem virum in mærorem prolapsa, post suppressos menses, undè rubores, & dolores ad articulos exorti sunt, hirsuta evasit, barbam produxit, virilemque sumpsit vocem, & habitudinem: Alter verò Namysia Gorgippi uxoris in Thasso, cui eadem contigere. Probant id item bini alteri casus ab eodem recitati, Autonomi (a) nem.

{ a } De Decent. ornât. tēx. 8.
{ b } l. 2. c. 10.

(a) nempe in Omilo, & Eumeli Larissæi
(b); primus quorum, cum in medio capitis,
ac sincipitis ulcus haberet, ad manus utrasque
convulsionibus tentabatur (cognorat enim ante
nostra tempora Hippocrates in cerebro læso
in subjectis partibus parti læsæ appositis
vitia manifestari;); alter verò cum rigidas ha-
beret manus, & crura, caputque ad lapidem
cadendo allisset, sanus a rigiditate surrexit.
Quæ res menti meæ Clementis VI. literatissimi
Pontificis historiam obijcit, cui Petrarca te-
ste (c) felicissimam memoriam ictus ingens ca-
pitis, quem in supremo vertice acceperat,
conciliarat. Id probat Observatio uxoris co-
rariæ jam vetulæ, bis, postquam menses de-
fuerant, concipientis (d); probatque rarior
lapidis historia, usque a prima juvenia in ute-
ro gestati, coitus tempore dolorem inferentis,
conceptionemque impredientis; quo tandem
senio appellente excreto, mulier sana fiebat
(e). Verum, ut ab Hippocrate ad alios de-
scendamus; an putandum est Practicum inter
recutitos Celeberrimum Zacutum, nihil ad
artis utilitatem spectare credidisse historias
medicas admirabiles, quas conscripsit? An ad
pom-

(a) Ep'd. 5. tex. 14.

(b) Ibid. tex. 12.

(c) Apud Gravesonum Hist. Eccles. T. 2. colloq. 2.

(d) 2. Epid. Sect. 2.

(e) 5. Epid. tex. 12.

pompam solummodò vir in arte consumatissimus Nicolaus Tulpus memorabilia Petro Filio scripsit? An viri illi Doctissimi, qui Boneto materiem suæ Septentrionalis Medicinæ conficiendæ subministrarunt, nihil opis Medicinæ attulere rarioribus, quæ ibi visuntur, Observationibus? An rariora, quæ Accademix Leopoldinæ Curiosi Socii tradiderunt (figmentis tamen rejectis): an quæ Parisienses Accademici scriptis consignarunt: an quæ in Anglicanis transactionibus locum habuerunt, Theoriam, Historiam morborum, Methodum, Praxim, ut de materie medica sileam, non locupletarunt? Medius fidius, quod si ita factum non fuisset, circa plurima eadem obrueremur caligine, qua cæcutiebant Majores nostri. Quod si de peculiaribus, sed obviis observationibus sermo quoque instituendus est; præsto sunt post Hippocratem plerique ex illis, qui Praxim tradiderunt. E quibus aliquos ut commemorem, qui id ex instituto fecerunt; præsto sunt Lusitanorum utriusque, utrique Bartholinorum, Forestus, Schenckius, Platerus, Hildanus, Scultetus, Riverius, Jacozius, ut plerisque alios omittam; quorum, ut observata licet particularia, Medicum penum copiosa utilissimaque supellectile auxerunt; ita nomen, & auctoritas cuicumque, qui peculiaribus Observationibus conscribendis incumbat, patrocinio semper erit.

VIII. Verum enim verò, qui hanc Provinciam suscipiunt, & suscipient posthac, haud egent Magnorum virorum exemplo, & auctoritate tutari quæ fecerint; cum (aut admodum judicando fallor) ab illis stet ratio, quæ velit nolit Sydenhamius, confiteatur necesse est, & peculiare, & rariores Observationes, haud exiguum, sed maximum emolumentum arti Medicæ conferre. Quod, ut de peculiaribus, sed obviis primo demonstrum: averem scire a Sydenhamio, quibus principiis fretus suas generales observationes utilissimas conscripserit. Haud equidem ab ulla hypothesi illæ promanant, sed ab iis, quæ in ægris suis observavit. Et sane, si quis naturalem historiam, qualis est historia morborum, eodem Sydenhamio docente, conscribere velit; haud alia via incedere bene poterit, Verulamio (*a*) optimo auctore, quam per inductionem, per peculiare nempe Observationes. Qui igitur fieri potest, ut istæ Medicæ facultati emolumentum non afferant, si absque illis, morborum historiis, sine quibus nulla esset Medicina, careremus? Ponamus etenim, quod morbus ingruat (ingruunt autem ignoti morbi, Celso (*b*) experientia, eodemque Sydenhamio testibus) hærebit certe Medicus in eo curando, donec post plures habitas ob-

fer-

(*a*) Vid. novum Organ.

(*b*) In Præfat.

servationes, illius naturam, historiamque didicerit. Verum, ad quid generales observationes tradidit Sydenhamius? Quia illi constitit, non undequaque perfectam constare morborum historiam, sed hypotheseon figmentis haud raro conspersam. Unde vero id illi constitit, nisi a suis peculiaribus observationibus, quas de morbis male descriptis vir vere Lynceus habuit? Ipse fatetur ingenue, quod si quando novam febrim curare aggredideretur, vix facere poterat quin aliquos e primis ægris orco traderet. Non igitur se aliquid contra morbos valuisse confitetur, cum experimenta per mortes habita, peculiare, nempe, observationes naturam morbi, methodumque illius curandi illum edocuerant? Idem auctor (ejus verbis utor) *juvenili, atque hominis inexperti fiducia fretus (a)* sibi plaudebat de remedio specifico contra hydropes invento. Sed peculiaris observatio illum sententiam mutare coëgit, quam si non adnotasset, illud certo certius futurum fuisset, ut præconceptæ opinioni usque parens plures alios aqua intercute laborantes male multasset.

IX. Sed quoniam ad utilitatem, quam in uno remedio administrando peculiaris observatio attulit, oratio progressa est, hic paululum se sistat, ut quæ huic argumento in-

fer-

(a) Tractat. de hydrope.

servientia mihi nunc veniunt in mentem ; brevitate qua potero, edisseram. In Pharmaceuticis præsiidiis administrandis, tunc securior dubio procul incedit Medicus, cùm illa peculiariter præscribit, quæ usus repetitus illi maxime comprobavit, non vero cum e materie Medica quam callet, novas ex tempore concinnat remediorum formulas. Propterea fit, ut omnes Practici quædam habeant, ac veluti in loculis sibi servant, quibus etiam contra difficiliore morbos se aliquid valere putant, certa que spe freti, cæteris posthabitis, iis, si quando res urgeat, neque successu fallente ut plurimum mutantur. Nemo hercle inficias iverit, quod istæ commoditates a peculiaribus observationibus Medicis non accedant : hincque factum est, ut plurima pharmaca nominis celebritatem nacta sint. Sed quamvis certo sciam, haud sane pauca e celebrioribus, quæ circumferuntur titulo tenuis speciosa esse, ob eam, quæ non minus ac faciles promissiones Medicorum vitium est, se se jactandi, osque cæteris sublinendi intemperiem, quæ inter cæteros, Pyrophilos maxime tangit ; nihilominus certum est, haud pauca esse in Medicina præsidia, quæ, ut jure optimo suis auctoribus famam nomenque auxerunt, sic a nobis apprime utilia experiuntur. Hisce vero, certe res Medica non crevisset, nisi de iisdem peculiare observa-

tiones

tiones ab Auctoribus adnotatæ fuissent. Quin-
cū de iisdem ab aliis repetita experimenta
sæpe responderint, & respondeant, maxima
cum animi fiducia, nec successu fallente illis
utimur. Ex hisce non omnino pauca comme-
morare hic possem, nisi quorundam peculia-
ris recordatio, iis, quorum mentio non fit,
notam aliquam inureret, ac proinde aliquis
putaret ea in censu eorum a me reponi, de
quibus sermo paulo ante habitus est. At ta-
men (quod in casu absque invidiæ conflatio-
ne asserere posse mihi videor) dicam, me
quotidie in Praxi aliquibus Sydenhamii reme-
diis optimo cum successu præ cæteris uti,
quæ, per quamdam forte analogiam ab opti-
mo viro inventa sunt; sed peculiaribus ob-
servationibus præeuntibus de eorum faculta-
te certior redditus est, ut ea posteris tan-
quam probata & valida medicamina obtule-
rit. Sunt autem illa, Laudanum auctoris li-
quidum; ejusdem apozema aperiens, & an-
tiscorbuticum; pulvis chalybeatus pro deli-
catulis; ac Peptica ipsius Electuaria, quæ
quibus substitutam forte habeo, quæ vero an-
teferam, minime habeo. Cū igitur repeti-
tæ peculiæ observationes horum remedio-
rum vim illi probarint; designat vir, cætero-
quin clarissimus, & meritissimus Medicos a
peculiaribus observationibus conscribendis
avertere, sine quibus per illum ars jatrîca,
ne-

neque promota fuit, neque promoveri potuisset.

X. Quòd verò absque Observationibus peculiaribus Medica facultas promoveri non possit, ex iis, quæ subdam, ni fallor, patefiet. Quamvis Praxis Medica a cujuscumque Medicinæ partis incremento utilitatem consequatur, attamen pars illa Medicinæ, de qua ante agebamus, Pharmaceutica, nempe Praxim maxime inter cæteras adjuvare, certissimum est. Cùm enim hæc potiora Medico adjumenta administret, quibus curantur ægri; ab hac Clinicos summe juvari necesse est. Verum equidem est, indicationes ex arte, recteque expiscatas curationum præcipuum esse fundamentum; nihilominus si media desint, quibus indicationibus satisfiat, tota quanta est Medicina inutilis, atque inofficiosa jacebit. Non absimili ratione peritissimus belli Dux, bellicas omnes artes frustra calleret, si copiis, armisque destitueretur, quibus cogitata perficere posset. Ad rem nunc venio.

XI. Quantæ remediorum, & formularum accessiones Armamentario Pharmaceutico post Hippocratem, factæ sint; qui, vel leviter, Græcorum, Arabum, Latinorumque Scripta noverit, nosse facillime poterit. At omnia remediorum genera a veteribus in unum collecta, vix, ac ne vix quidem immensæ illi remediorum sylvæ æquiparari possunt, quæ
pro.

proxime elapso, eoque, quod labitur sæculo, in medium se protulit. Galli, Angli, Batavi, Itali, circa metam hanc infudarunt; sed laborum patiens Germana natio, ita omnes, qui hanc susceperunt Provinciam, longo post se reliquit intervallo; ut, sive Chymica, sive ignem non passa remedia spectes, omnium horum, præ reliquis nationibus quamcumque, latissimam supellectilem exhibuerit. Quibus titulis, quoque fucis oblata remedia, & remediorum formulæ exornentur, lectu certe, quam dictu facilius est. Procul dubio, quod si ea præstarent, quæ præstatura asseruntur, nullus esset morbus, cui debellando par specificum aliquid remedium non haberetur. Proindeque Apollinis filii, non ob violata inferorum jura, mortuosque restitutos, in Deorum numerum referendi essent; sed ob naturæ leges confractas, immortalesque redditos homines, ab Jove puniendi. Hæc Medicaminum copia immensa id præstitit, ut Medicus, præcipue Tyro, exclamare necesse habeat: *inopem me copia fecit*. Cum enim ob remediorum speciosos titulos, auctorumque laudata nomina, modo huic, modo illi medicamini fidat, hodieque uno utatur, cras altero; ne minus sapere, quam alii, qui nova continuo captant, videatur; inde fit, ut nullum satis probatum habeat, utque dicta remediorum sylva ab inutilibus,

& noxiis, vix expurgari queat. Quæ res Medicinam, & Medentes non adjuvat, sed opprimit, neq; validiorem, sed mimis potentem efficit artem.

XII. Hisce igitur positis, quæ tam sunt vera, quam quod verissimum, quomodo queso, aut qua via ab hac remediorum informi, seu, ut melius dicam, indigesta mole, noxia ab utilibus, inutilia a valentibus, tituli, & vana remediorum nomina, a veris Medicaminibus secernentur, nisi experientiæ, & Observationis ope? An fidendum Scriptorum nomini, & auctoritati? An rationi, aut illi, quæ ratio eis visa est? Si primum: ergo omnia optima, omnia eximia erunt: quod utinam! At pace eorum dixisse liceat, tam id distat a vero, quam quod maxime. Si secundum: ergo hypotheses, præjudicia; nomina sine rebus; mentis fallaciæ; rectæ methodi philosophandi ignoratio; superstitio; sophismata (hisce etenim, ut plurimum dictorum Medicaminum vires innituntur) ut mendacia absque ullo pudore conficta sileam, Medentibus fundamenti loco erunt, ac Medica præsidia, quæcumque ea sint, aut esse possint, probata reddent. Quæ, cum quisque, qui sensu communi plane non careat, quam, non dicam levia, & futilia, sed damnosa, & damnanda sint, videat; inferri necessario debet, quod Medicaminum approbatio solius veræ, & solidæ Observationis sit opus. Asserti contra quos-

cumque sit Patronus magnæ auctoritatis sit Galenus, qui prudentissime, summoque cum Medico criterio tradidit: *Experientia norma vice semper habenda est eorum, quæ cogitaveris, nec scribendum pro utili quidquam, quod non sis expertus, nisi tamen hoc ipsum testaris te non esse expertum (a)*. Cum igitur per experientiam, quæ bona, quæque inutilia, aut noxia sint Medicamina, discere queamus, maxime nostra interesse hanc, quæ ab Observationibus peculiaribus pendet, excolere, absque ulla animi fluctuatione asserere possumus, ob magnam, quam præstat utilitatem. Cumque ea, quæ apprime utilia sunt, maxime necessaria sint; sequitur, nedum utile, sed necessarium esse Medentibus, peculiaribus Observationibus adnotandis incumbere. Quibus si diligentius studuissent, qui de re Pharmaceutica tot volumina conscripserunt; haud ædepol in tantæ molis acervum materies Medica excrevisset, sed firmiora, quam quæ prostant, haberemus præsidia, & magis auctorum promissis, votisque Medicorum, Ægrorumque respondentia. Quamobrem mihi magis de materie Medica bene meruisse videntur duo viri Clarissimi, qui libellos, quidem mole parvos, sed rerum pondere eximios ediderunt, præ quibusdam aliis, qui in magnis voluminibus confarcinandis, insudarunt: Weinarth, & Boerhaavium, dico; quorum primus, in
suo

fuò Medico officioſo, diuturna experientia, & longo uſu, ut ipſe ait, *canonizatas* remedium formulaſ deſcripſit: Alter verò in libello de materie Medica ſuæ Praxi annexo, Medicaminis titulo illa ſolummodo commendavit, quæ commendari poſſe, Obſervatio, & Praxis illum edocuit. Quale iudicium de dictis opellulis fero, non quia de omnibus medicaminibus ibi perſcriptis periculum fecerim; ſed quod, nihil unquam ab illis Medicaminis aſſumpſerim, quod votis, expectationique non reſponderit. Quemadmodum igitur, qui fallax perſæpe fuit, fallax ſemper habendus eſt; ita, qui promiſſis perſæpe ſtetit, veracium virorum albo jure merito adſcribendus eſt.

XIII. Huc uſque quanti interſit Medicos habere, qui peculiare Obſervationes conſcribant, vidimus: nunc altera Sydenhamii examinanda ſententia eſt, qua contendit rariores Obſervationes rem medicam minime promovere. Id verò ut fiat, explicandum primo eſt, quid nomine rarioris Obſervationis apud Præcticos venire poſſit. Ea igitur Obſervatio rarioris nomine cum primis commendari poſſe videtur, quæ novitatis aliquam notam præſert: quæ enim nova ſunt, ea certe rara eſſe neceſſe eſt. Secundo loco, rarioris Obſervationis nomen meretur, quæ licet rara non ſit, raro tamen evenit. Po-

stremo illa Observatio rarioris prærogativam jure optimo sibi vindicare potest, quæ tametsi, neque novi quicquam præ se ferat, neque raro contingat; tamen, vel ob eventus insperatam felicitatem; vel ob difficultatem minime prævisam; vel ob facilitatem, qua vulgaria, vel in difficilissimis responderunt; sive ob individualem personarum, loci, temporis circumstantiam; sive (quod ad rem nostram maxime facit) ob utilitatem, quæ paritura est, peculiariter describi meretur. Primo modo, cum primo apparuerunt, rara equidem fuerunt Variolæ, Scorbutus, Venerea lues, & alii morbi, qui, vel novissimè nobis incubuerunt, vel minus antea cogniti, notiores facti sunt: Secundo modo, rariores Celsi (a) tempore erant Apoplexia, & Elephantiasis, quæ rarius in Italia visabantur. Quarum ægritudinum prior, licet cuique nimis obvia facta sit; posterior tamen inter rariores morbos adhuc censerimeretur. Quin aliquando fuit, cum nostro Europæ cœlo dicta ægritudo fuit etiam primo modo rarior. Philo etenim Medicus apud Plutarchum (b) constanter asseverabat, Elephantiasim novum esse Morbum; Athenodorusque ibidem narrabat, primùm Asclepiadis tempore Elephantiasim innotuisse. Dixi Europæ cœlo:

quia

(a) 1. 3. c. 35. 36.

(b) 8. Sympoli. Quæst. 9.

quia constat ex Magni nominis, ac pervetustissimo Scriptore Lucretio (a) Elephantiasim morbum fuisse Ægyptiis endemium:

Est Elephas morbus, qui propter flumina Nili, Gignitur Ægypto in media, neque praterca usquam

Ob postremas porro rationes, rarior fuit Harwei Observatio (b) qui largiore dosi opii sumpta, calculos extruxit: morbi primo aspectu facilimi a pluribus descripti, qui tamen non nisi fortioribus auxiliis paruerunt; Riveriana (c) hydropis cum asthmate complicati per remedia facilima habita curatio: Venæ sectio, disparentibus variolis tutissime, ac felicissime a Boneto (d) Sponhio (e) Grassio (f) celebrata: Observationes de hydrophobis a Clariss. Mead in Anglicanis Transactionibus relatæ: ejusdem morbi curatio per Dominum Roault peracta & a Morino in Gallicis Actis descripta; ac plurima alia, quæ ob aliquam ex postremo adductis rationibus, rariorum observationum nomine queunt insigniri. Quas nisi auctores litteris consignassent, dubio procul circa plurima Medicina non profecisset.

B 3

XIV.

(a) De rer. Natur. l. 6.

(b) Apud Pitcarn. Elem. M. M. M. l. 2. c. 24.

(c) Observ. Cent. 3. observ. 8.

(d) In Polyalth. de Variol.

(e) Ibid.

(f) Medic. Septentr. T. 2. l. 5. Sect. 5. Observ. 13.

XIV. Quotus enim V. G. quisque esset , qui ratiocinio fretus , contra totius ferme vetustatis auctoritatem , quæ opium inter frigidissima reponebat , expellentium cætui illud adscribere ausus fuisset ? Sed veterum auctoritate posthabita , quæ tandem ob recentiorum inventa e fastigio deturbari visa est ; quis quæso audax adeo fuisset , suisque argutationibus tantum tribuisset , ut cum videret sanguinis profluvia , vomitus , dejectiones ab opio sisti , tali remedio uti vellet ad ea promovenda , quæ per cutim abscedunt ? Forte dicetur , id ostendere potuisse opium Chemica analysi resolutum : At , præterquam quod Observationes , & quidem rariores , de opio habitæ , viris Chemiæ peritis ansam præbuerunt illud igne examinandi : quis quæso crederet , compositum adeò sulphure abundans , ac volatilibus principiis refertum , vi ea , quæ fluunt , sistendi , pollere ? Cum hujusce farinæ remediis utamur quotidie ad tenacia dissolvenda ; lenta in motum cienda ; quæ nimis dense coeunt , diffocianda : quomodo quæso , nisi id , vel ingratis . Observationes evincerent , volatilissimum , summeque sulphureum remedium adhiberemus ad cohibenda , quæ fluunt ; ad sistenda , quæ turgent ; atque ad ea cicuranda , quæ vi , motuque fusdeque omnia agunt ? Quanto verò egrosum , & Medicorum emolumento id fiat , illi optime

optime e medentibus norunt, qui norunt mederi. Novit id optimus Sydenhamius, qui adeo ex arte opio utitur, quique opii præparationem excogitavit, nedum ob facilitatem, qua uti ea possumus, ut Magnus vir credidit; aut ob correctionem fictæ cujusdam virulentia, quam addita in præparatione præstent, ut quibusdam in clarissima rerum luce adhuc cæcutientibus, videri potest; sed ob menstrui innocentiam, & valorem in volatilibus opii partibus extricandis, longe pluribus, quæ de hoc remedio prostant, præparationibus, anteferebam.

XV. Utque ab uno ad aliud remedium Herculeum animum convertamus; quis quæso rationi solummodo confusus, crederet, vim penetrantissimam hydrargiri Apoplexiæ, Paralyti, nervisque obstructis mederi, cum videamus eos artifices, qui circa metallum hoc laborare consueverunt, nervinis potissimum affectionibus conflictatos? An ratiocinia id medentes docuerunt? Nempe ea, quæ inter frigidissima venena reponebant Mercurium: seu, ut recentiora proferam figmenta, quæ inter Alchalina remedia, maximum alchalicorum eum putant. Fortè obicient id argui ex pondere, figura, & divisibilitate Metallii: At id genus remedii primas in solvendo obtinebat, antequam Mechanice philosophari didicissent medentes. Carpiusque, qui primus

Mercurium contra Veneream luem adhibuit; quique ex eo vere aurum confecit, neque Chymice, neque Mechanice loqui sciebat. In hac rerum hodierna luce, probabiliter equidem de vi Mercurii philosophamur; sed ante nostras probabiliore, naturæque magis consonas rationes, Observata, quondam rariora, vivum Argentum in debellandis maximè pertinacibus lentoribus, probaverant. De Antimonio, quid quæso, dicendum? Quanta dissidia, quantæque lites Medicos inter non exarsere, cùm primùm ejus usus cæpit institui? Quæ hypothesium, fallaciarum, Mentis Medicæ delirantis filiæ disparuerunt, ac quasi solum vertere coactæ sunt, cùm Observationes, primo quidem, non ob unam rationem rariores, postea obviæ, remedii vim, nedum innocentem, sed maxime efficacem, probaverunt. Memini me audiisse ab vetere Medico, de Borromæo, Clarissimo sui temporis Patavii Clinico, & Professore, Antimonii, que fautore, cum dicti remedii usus sanctione publica inhibitus est; illum, quasi furore percitum, aras, sacraque omnia obstantem, liberos suos ostendere solitum, atque exclamare: Iste, antimonii filius est: iste est filius Antimonii: Antimonii filius est alter. An igitur rara Observata parum opis Medicinæ attulissent, si ternarium hoc remedium solummodo in Medicum penum com-

por-

portassent? An id satis non est; ut Clinici
imposterum rarioribus conscribendis studere
debeant?

XVI. At hic Sydenhamium suo gladio ju-
gulare liceat. Binos casus afferre est animus,
unumque ab eo traditum; qui ob unam, aut
alteram ex adductis rationibus inter rariores
reponendi, mirum! quantum ea, quæ ipse
edocet, confirment. Haud equidem quotidiana
obviaque Observatio est, morbo maligno,
phrenitideque correptum, ac pro mortuo ha-
bitum, aeri frigidiori expositum, revixisse.
Hanc verò Observationem Sydenhamius no-
tavit, ut suum frigidum regimen in variola-
rum cura, firmaret (*a*). Neque e trivio Ob-
servatio ea est, quod vomitus talis indolis,
quandoque infestet, ut post quorumcumque
remediorum vim elusam, cochleari (quis cre-
deret?) succi limonum, cum paucò Absyn-
thii sale, sistatur. Nihilominus, tanquam
summe potens remedium, ut vere est, ad vo-
mitum in febribus præsertim malignis, sisten-
dum, commendatur a Riverio (*b*) qui re-
medii vim in suis (*c*) Observationibus ad-
notarat. Sydenhamius, vel Riverii præcepta,
vel Observationibus procul dubio fretus, me-
thodum firmam pro curando leeo (*d*) tradens,

tali

(*a*) De Variol.

(*b*) Praxe l. 9. c. 8.

(*c*) Centur. 1. Observ. 15. & alibi

(*d*) Feb. contin. ann. 1662.

tali remedio, quasi firmissimo vomitum sistendum docet. An si Riverius rariores, quas profert de hoc remedio Observationes, non adnotasset, talis remedii vis Sydenhamio innotuisset? Quid, quod tres alias peculiare, & quas quidem raras appellare possumus, Observationes, Sydenham profert (a) ut quanti valeat Vitrioli Spiritus contra nigras variolas edoceat? En igitur, quod, vel ingratum, Clarissimus vir confiteri debet, rariorum Observationum historiam praxi Medicæ plurimum contulisse.

XVII. Verum hic quispiam reponet, me met finxisse mihi inimicum, quem impugnarem, cum Claris. Sydenhamius, haud asserat rariores Observationes Medicinæ non contulisse; sed quod ad morborum historiam proprie non pertineant. Si vero inductione, neque infrequenti probavero ab raris Observationibus morborum historiam, non jam expolitam, sed adauctam; virum Claris. manus dantem, ut puto, habebo, confitentemque rariora observata ad Historiam Medicam pertinere.

XVIII. Si cum primum apud Italos ad Neapolitanam obsidionem Venereus se se manifestavit morbus, virum aliquem ægritudine sæda correptum Sydenhamius vidisset, quale; quæso de tali morbo iudicium tulisset? Illud

pro-

(a) Variol. anomal. an. 1664.

procul dubio, quod tunc a cæteris Medicis latum est; morbum, nempe, hunc inter rariores, difficilioresque reponendum. Quod si tunc de hoc morbo habitas rariores Observationes in Adversariis descripsisset: eas cum cæteris medentibus communicasset: ex iisque invicem collatis, qualem apud ipsum nunc videre est, morbi historiam confecisset; nonne dicendum esset rariores Observationes dictæ historiæ prima veluti fundamenta, jecisse? At ita factum est: Ergo ne verum est, quod asserit, casus oppido raros ad morborum historiam proprie non pertinere? Idem de Variolis, de Scorbuto idem dicendum. Sed alia addamus non ita e longinquo petita. Quam quæso Maniæ, morbi ferocissimi, historiam, non dicam apud sequioris sæculi Practicos, sed apud ipsummet Sydenhamium habemus? An satis pro morbi historia dixisse est, a nimis exaltata, & vivida sanguinis crassi exoriri? Haud ita mihi videtur. Sed si de Maniacis habitas rariores Anatomicas Observationes adduxeris, ut Magnus facit Batavus Boerhaavius (a) quanto absolutiorem hujusce insanix texes historiam! Ait iste, Anatomica dissectione constitisse, Maniacorum cerebrum siccum, durum, friabile, in suo cortice flavum; vasa vero turgentia, varicosa, atro, tenacique cruore distenta.

Quo

(a) Aphor. de cognoscend. 1121.

Quò facit nuperrima, eaque haud sanè obviâ Clariss. nostri Santorini Observatio (a), qui hominis fatui cerebrum firmitus invenit, quam esse consuevit, cum foveis hinc indè in medittulio insculptis: Variolarum historia, quantum Sydenhamio debeat, vel ex comuni Saniorum Medicorum plausu, videre est. At maximum additamentum historiæ huic accessit ex peculiaribus, & quidem raris Observationibus Doctissimi Freind (b). Phthisis descriptionem, adornavit idemmet Sydenhamius; attamen nullus dubito, quin rariora de hoc morbo Observata, quæ habuit Mortonus, licet vir totus in hypothesi, neque meo judicio, Sydenhamio æquiparandus, copiosiore Phthisiologiam, amplioreque dicti morbi historiam, reddiderit. Deerat Medicinæ, quæ naris emunctæ Polijatri placeret repentinarum mortium historia, quam tamen ex rarioribus Medico-Anatomicis Observationibus, magnus contexit Archiater Lancisius. Sed ad morborum historiam remedia quoque pertinent, quibus, ut plurimum, & *certitudine Medica* morbi descripti cedunt; hanc verò historiæ morborum partem mirificè rariora Observata adauxerunt. Cùm E.G. Cortex Peruvianus ad nos primùm delatus est, quid quæso rarius Clinicis contingere potuit, quàm tàm facili remedio febres illas expugnare,

(a) Observat. Anatom. c. 3. §. 6.

(b) In Epist. ad Mead.

re; quæ neque maximo remediorum apparatu cedebant; quæ, & ægrotos, & medentes plurimum defatigabant; quæ neque temporis maximi morborum domitoris vires sentiebant, frustra sæpè nimium *quartanam sperantibus ægris*? Ergò pars illa verissima historię febrilis, qua traditur, febrem, eamque potissimum, quæ per manifestas Periodos motus suos absolvit, Peruviano cortici cedere, historiam medicam utilissimè locupletavit. Constat ex Dysenterię historia, eam, quæ cum nausea, & vomitu incipit, non raro esse lethalem. Ità Observavit Baglivus (a) ità Lommius (b) Hippocratesque scriptum reliquit, malo omine vomitum biliosum in principio Dysentericis supervenire (c). Sed vomitus ab arte per Ipechachuanæ radicem (forte, & per alia Emetica) excitatus, Dysentericos maxime levat. Porro dictæ radicis virium priores Observationes in Praxi apud nostrates habitæ rariores certe fuerunt, quæ etenim nova, rariora sunt. Ab rarioribus itaque Observationibus Dysenterię historia profecit. Quid opus pluribus? Opium, Mercurius, Mars, simplicia vegetabilia, illorum morborum historiam Practicam adauxerunt, quos feliciter, & sæpius expugnare solent; quorum tamen effectus, cum primum saltem in usum

(a) De Dysenter.

(b) Observ. Medicin. p. mihi 145. 146.

(c) Coac. Prænot. Sect. 3.

usum venire cæperunt, rariorum Observatio-
num nomine sunt insigniti. Neutiquam igitur
vera est Sydenhamiana assertio, qua tradit ca-
sus rariores ad morborum historiam non per-
tinere, cùm ab hisce utraque morborum hi-
storiæ pars (quæ morbum solummodò descri-
bit, *Physicam* historiæ partem, divisionis gra-
tia appello, quæ illum curat, & remedia re-
citât, *Practicam*, seu *Medicam* partem dico)
summo cùm artis emolumento adaucta sit.

XIX. Hic Lectores, si quos habuero, persuasos
velim, me hæc minime differuisse animo Sy-
denhamium traducendi, quem quanti faciam
ex superioribus constare potest; sed Professio-
nis solummodò, veritatisque studio, si nulli-
bi, in re tam gravi, atque est medicina ne-
cessariæ, ut ipse quoque pro virili ea aufe-
ram impedimenta, quæ Medicinæ, ejusque per-
fectioni officere possunt. Magnus Angliæ Hip-
pocrates Sydenhamius de re medica ità benè
meritus est, ut quæ contrà illum differui, ni-
hil ejus nomini detrahere possint. Scriptis, &
exemplo adeò medicinæ profuit solertissimus
Medicus; ut si quid illi e calamo exciderit,
quod undequaque commendabile non sit, hoc,
non viri, sed hominis vitio adscribendum sit.
Cùm ille universaliori historiæ Medicæ con-
scribendæ studeret, Medicinamque quantum
posset certiores, omninoque Dogmaticam red-
dere vellet, ea probare non poterat, quæ Na-
turæ

turæ inconstantiam causarumque diversitatem in morbis gignendis arguere aliquo modo possent. In hoc suo sensu ita abundavit, ut, quoniam peculiaria, majoraque observata ostendunt, non rarò causas morbos producentes, haud univocas, constantesque esse; tradiderit, rariores casus ad morborum historiam non pertinere, peculiareque observationes paucam arti Medicæ afferre utilitatem. Quæ res, si quid judicando valeo, cum quasi nævus in pulcro corpore Sydenhamium non deformet (etenim homines sumus, & *quandoque bonus dormitat Homerus*) sic Medicos ex altera parte ob viri auctoritatem (a) rarioribus, & peculiaribus observationibus conscribendis avertendo, non exiguum, sed omnino maximum detrimentum arti Medicæ afferre valuisset.

XX. Nunc postquam Sydenhamiana asserta dilui, atque enervavi, quæ sit vis peculiarium, & rariorum observationum in Praxi promovenda, pressius perpendere liceat. Si quis negare auderet usu artes perfici, eum, non jam ad Sapientum, sed ad Fabrorum Collegia provocare possemus. Quæ usus repetitus, & bene cedens invenit, ea inter Artis Præcepta reponenda sunt, quæ inde alios instruant artifices ad opera peragenda. Hæcque adeo late patet veritas, ut nedum de Mechanicis Bollicisque artibus vera sint; sed etiam inter Societatis negocia

(a) Methaphsic. I. c. I.

cia locum obtineat; quapropter usu probatos; rerumque peritiores ad ea pertractanda suscipimus. In levioribus quoque peragendis expertus in experto præstat; ideoque *tenerorum amator amorum*, quem plures exercuerant casus, se artis amatorix præceptis tradendis, & constituendis aptissimum existimavit. Usus itaque in artibus (repetitæ, nempe, modo obviæ, aliæ quando rariores observationes) præceptis invenientiis inservit. Quæ quoniam statim ac inventa sunt, non unde quaque expolita, & perfecta esse queunt; non alio modo perfici possunt, quam si iis ad Praxim methodo compositiva traductis, quæ in Praxi usuveniunt, responderint. Hinc fit, ut ea Præcepta, quæ observationes in artibus invenerunt, dum ad usum reducuntur, ab rariore aliquo casu cui congruere inveniuntur, illustrentur, & perficiantur; ac magis late potentia esse, quam quis sibi putasset, aut e contra, si contra eveniat experiendo, noscatur.

XXI. Non absimile certe in jatrîca facultate evenit, in qua per peculiare observationes præcepta, & dogmata inventa sunt. Istæ vicem cujusdam analyseos gerunt, quæ, ut in mathematicis Theoremata, sic in Medicis Dogmata, & constantiores regulæ medentibus aperiantur. Atque (ne ab allato recedamus exemplo) quemadmodum Legum, & Theorematum in mathematicis analysi ope
inven-

inventorum valor, & fecunditas elucescit; cum eorum ope, vel involuta adhuc explicantur, vel difficiliore via, & methodo explicita facilius enodantur; sic Dogmata Medica, tunc firmo stare talo, ut ita dicam, atque fulciri videntur, cum rarioribus quoque congruunt, iisque sive curandis, sive enodandis, inserviunt. Quod si contra eveniat, noscimus regulam ad nimiam universalitatem evectam, Praxique, non omnino parem; quo vitio forsan Clariss. Sydenhamii processus in morbis omnibus curandis, quandoque laborant. Hisce colophonem imponat Magni Stagyritæ effatum (a) dicentis: *Quare experientia (repetitæ nempe Observationes) simile quid scientia ac arti videtur. Per experientiam autem ars, & scientia hominibus efficitur.* Per Observationes peculiare, Medicina in artem evecta est, nec sine hisce suæ perfectioni propior fiet unquam. Si ergo paucis commoditatibus medentes afficiant, Medicæque facultati non eximia additamenta allatura sint, cuicumque e Medentibus dijudicandum relinquo.

XXII. Evidentum jam puto, quod meâ interesset cum primis demonstrare, peculiare nempe, rarioreque Observationes esse conscribendas, ad Medicinæ incrementum. Verum prius, quam alteram pensî mei partem conficiam, antequam, nempe, de methodo in Observationibus

C

nibus

(a) Metaphysic. 5. c. 1.

nibus conscribendis servanda edisseram ; ut primum meum assertum ulterius firmetur, via eadem, qua sub Dissertationis initio Observationum utilitatem in universum demonstravi, incedere nunc statuo ; peculiaribusque, ac rarioribus Observationibus in medium adductis, quantum ab istis Medicina profecerit, demonstrare. Est animus igitur per singulas Medicinæ partes festinanter excurrere, ex iisque illustriora quædam exempla delibare, quod, ut fiat, a Physiologia initium duco.

XXIII. Ambigebatur apud Physiologos post Clariss. Pitcarnii Dissertationem (*a*) an Ventriculi digestio solidorum triturationis solummodo opus esset, an vero peculiaris succi, qui assumptorum compagem dissolveret. Sed binæ Observationes, una Vallisnerii nostri Celebrissimi (*b*), qui in Struthio-Cameli ventriculo ferri frustra manifeste erosa invenit ; altera clariss. Amyand in Londinensibus actis (*c*) qui in cujusdam voracissimi stulti Stomacho, ferrum, quod vorare consueverat, binis in locis erosum observavit, contra Pitcarnium dissolventem menstruum statuere videntur. Quibus observatis, si addas glandulas, a pluribus quidem gratis assertas, sed a Præclarissimis viris, Morga-

(*a*) De metu, quo cibi æ.

(*b*) In Anatom. Struthio. Camel.

(*c*) T. 2. Transact. Anglic. §. XVII.

gagnio (*a*) & Heistero (*b*) in ventriculi tunica nervea demonstratas, adeo res firmo stare talo videtur, ut assertæ Pitcarnii ingeniosissimi demonstrationes, corruere videantur. Pro primo conceptionis loculo uterus a pluribus habitus est; sed fœtus abdominales, & tubales rem neutiquam ita esse demonstrant. Quin, qui in ovario inventus est, hunc situm pro conceptionis loco Naturam statuisse evincere videtur. Etiam post recentiora inventa, obscurior liquoris amnii erat usus: obscurus itidem modus, quo fœtus infra uteri claustra aleretur. Hippocrates hac super re, nequaquam sibi constare videbatur, dicebat enim, modo fœtum in utero sugere (*c*) modo per umbilicalia vasa (*d*) nutriri. Binæ Observationes, Graaffii altera (*e*) qui in embryonis Œsophago observavit semper liquorem similem ei, in quo natabat; altera Heisteri (*f*) qui Vituli os, æsophagum, stomachum amnii liquore repleta invenit; & dicti liquoris usum in propatulo posuere; & grandiolem fœtum sugere evicere; & Hippocratis sensa apparenter contraria, conciliavere. Ut enim certum est ultimis mensibus fœtum per os

C 2

ali-

(*a*) Advers. 2. Avimadv. 4.

(*b*) Compend. Anat. 209. 4.

(*c*) De carnib. tex. 8.

(*d*) De natur. feb. tex. 5.

(*e*) Apud Morgagn. Advers. 4. animad. 46.

(*f*) In notis ad C. A. 20.

alimentum fumere; ita probabile est, eum per vasa umbilicalia nutriri, antequam oris deglutitionisq; organa satis bene efficta, aut sufficienter explicita sint. Huc spectat etiam Verulamii viri Amplissimi (a) observatio de pulcis ab oro exclusis, in quorum gutturibus vitelli, quibus intrà corticem pascebantur, inventi sunt. Sub iudice lis erat, utrum maternus cruor *immediate* in fætum transfunderetur, nec ne. Egregij Cowperi rarissima observatio, de fætu in funiculo umbilicali sauciato, indeque exanguis reddita matre, cujus cruor in abdominis caro effusus, inventus est: aliudque Solertissimi Protectoris experimentum de Mercurio in Vaccæ arteriam, quæ ad quemdam cotyledonem abibat, injecto, posteaque invento in venis umbilicalibus ad eundem cotyledonem spectantibus (b) evincunt, fætum immediate a Matre sanguinem haurire.

XXIV. Circa Pathologiam, non opus est tempus, & verba terere, cum Boneti Sepulcretum satis probet, quantum a peculiaribus, & rarioribus observationibus locupletata sit ea Medicinæ pars, quæ morborum causas pertractat. At operosum non erit, hic quoque luculentissimum aliquod exemplum afferre. Nolim convulsionum Doctrinam ab optimo Willisio traditam; tanquam numeris omnibus ab-

so-

(a) In Histor. Vitæ, & Mortis ad artic. 4.

(b) Ex Dissert. Drake T. 2. Transact. Anglic. c. 3. §. 14.

solutam commendare. Aliquid humani in ea tradenda Magnus vir passus fuisse videtur, quod sane ab ejus hypothesebus de natura spirituum, & de fermentatione deducendum est. Nihilominus, quod in ea Doctrina optimum est, flatus (res quidem contra suum systema de flatibus ab Hippocrate prolata, licet a posteris prætervisa) qui caput, Thoracem, artus, viscera omnia infestabant, magno Medicorum dedecore, & ægrotantium damno, inter intestina conclusit; quæque flatibus tribuebantur, Practicis, Anatomicisque Observationibus edoctus, membranarum viscera constituentium spasmos, crispaturasque esse, maximo cum hypochondriacorum, hystericarumque emolumento, demonstravit. Verùm, nedum flatus, Doctrina ista compescuit; sed humorum quoque non raro vires compressit, eosque inermes reddidit. Hippocrati suboluit quidem lethargicas affectiones (a) non raro esse convulsivas. Sed Riverii observatio (b) qui hypnoticis lethargum curavit, satis valet, ut de hujusce morbi anticipiti natura Jatro-Clinici imposterum moneantur. Coi auctoritate, & Riverii Observatione fretus, ipse quoque virum Typhomania laborantem remediis ex opio, & Castoreo sanitati restitui.

XXV. Semiotices Pathologiam sequitur;

C 3 quæ

(a) In Coac. Prænot.

(b) Centur. 2. Observ. 26.

quæ signa morbi Diagnostica, & Prognostica refert, nec non affectas partes dignoscendi modum tradit, a quibus omnibus, & natura morbi illustratur, & exitus prævidentur. Procul dubio, quod signa hæc a principio, cum nondum hominis historiam callerent homines, Empyrica fuere. Cum deinde Medici artem subtilius excolentes, anatomes studio incubuerunt, causasque notas, ad notas corporis partes applicuerunt; tunc signa, quæ harum causarum applicatarum effectus sunt, rationalia esse cæperunt. Nemini, qui ratione uti velit, dubium esse potest, quin Syncopem V. G. ab Apoplexia, hysterica præfocatione; colicam a Nephritide, Pulmonum a Pleuræ inflammatione, facilius distincturus sit, qui historiam partium humani corporis noscit, quam qui illam ignorat. En igitur, quomodo per Anatomicas, neque uno de nomine, rariores Observationes, morborum Diagnosis additamentum accepit. Prognosis quoque securior inde facta est, quia certius mortem, aut vitam præfagiet, qui noscit, an pars laborans vitæ sit necessaria, nec ne, & quousque sit; quam qui de parte laborante nullam historiam habet. Oblici poterit, antiquorum, de signis exacta, & fidelis Doctrina. Respondeo, quod tametsi isti quandoque morbos recte descripserint, non raro tamen eos confuse descripserunt, inutiliterque distinxerunt, quod certò certius factum

Etum non fuisset, si hominis Æconomiam, partiumque usus perfectius novissent. Hippocrates, atque Aretæus hac ex parte Insigniores, non raro hoc vitio laborant; neque Anginæ V. G. historiam ab hisce traditam, cum illa comparandam censeo, quam nobis incomparabilis exhibuit Boerhaavius (a). Sed hæc res longiore Dissertatione indigeret, quod instituti mei ratio non patitur. Addam solummodo quædam, per quæ constet, hanc quoque Medicinæ partem a peculiaribus Observationibus incrementa accepisse. In Pleuritide, ut falsum est, quod tradidit Aretæus (b) facilem esse decubitus in affectum latus; sic e contra dolor ad jugulum ascendens ab ipso, & Hippocrate notatus, signum certius pro morbo dignoscendo est, quam quæ a Practicis vulgo traduntur. Pauci e medentibus norunt idiopathicos capitis dolores, a sympathicis distinguere. Sed observatio Ettmuleri (c) qua tradidit eos esse idiopathicos, qui Lunæ, aut Solis cursum sequuntur, haud parum lucis Medico hosce morbos curanti attulit. Hystericarum, Hypochondriacorumque historia, copiosior certe, & verior apud Sydenhamium est, quam quæ in veteribus libris describitur. Baglivus in sua Praxi, Diagnosticæ Doctrinæ,

C. 4 non

(a) In aphor. de Angin.

(b) L. 1. acut. c. 10.

(c) Colleg. Pract. l. 2. Sect. 5. c. 6.

non pauca per suas Observationes, attulit additamenta. Ut verò etiam e signis Prognosticis aliqua calamo currenti tangam; præsto sunt, ventris tensiones, & Meteorismi in Variolis lethales (a) ex Pacecho, cui tamen ex Doct. Freind (b) præluxit Joannes filius Mesue, quo de signo, si bene memini, ne verbum quidem Sydenham. Vomitus in principio Pleuritidis salutem certissime ex eodem Pacecho præsignans (b): Diarrhæa in Phthisi Scorbutica ex mortono minime lethalis. Eadem Pulmonia, contra ac Hippocrates tradidit, ex Galeno (d) Boerhaavio (e) & mea observatione, salubriter accedens: Facies plumbea, quæ hydropicis mortem propè esse, obnuntiat ex Baglivo (f); Surditas in statu acutorum salutaris ex Riverio (g) quæ in incremento ex Hippocrate, & quotidiana fere experientia, lethalis, ut non pauca alia omittam, quibus ampliore prædicendi artem, peculiare, rarioreque observationes reddiderunt. At illud me iudice a peculiaribus, & rarioribus observationibus utilius semiotice accessit; quod hæc pars Medici,

næ

(a) In observ. River. com. 63.

(b) De purg. in scun. variol. febr.

(c) Apud Tozzi de Pleur.

(d) De Phthis. l. 2. c. 4.

(e) 6. de loc. effec. c. 4.

(f) In aphor. de Peripneum.

(g) Prax. l. 1. de hydrop.

(b) Prax. l. 17.

næ a pluribus tantopere excolta, atque hercle summopere excolenda, cuique, nec fane pauci, neque inferioris subsellii Medici, unicam, quæ haberi possit in Medicina certitudinem tribuunt, suas fallacias, incertitudinesque satis detexerit; ac quasi Proteus intervincula, sic illa ab experimentis, & Observatis exagitata. & circumsepta, quam parum valeat, si rationis adminiculo destituatur, vel vi, confiteri, debuerit.

XXVI. Quæ valetudinem conservat Hygiænes, qualis, quæso, esset sine Sanctorii Statistica, diuturnæ, laboriosissimæ, rarissimæque Observationis inventum, cujus utilitatem in universa Medicina, nec solum in hac Medicinæ parte impari calamo ipse attingere nequeo. Norat utique Hippocrates, corpora esse, ut ille ait *expirabilia*; at quantitatem expirantis effluvi non norat, quemadmodum cum eo ignorabamus omnes, quæ vis esset sex rerum non naturalium ad hoc naturalis Æconomix præcipuum opus vel promovendum, vel impediendum. Nugas profecto agere mihi videretur, quicumque hominum diætam, remque cibariam Systemate aliquo includere vellet. Idem sensit Dictator Cous, qui scripsit, impossibile esse de Diætâ quicquam exacte scribere (a). Nihilominus, si quis Sanctorianis principiis, & methodo insistens, diuturnas;

im;

(a) De Diæt. l. 3. tex. 1.

imbrobasque Observationum sollicitudines patienti animo ferre vellet; nullus dubito, quin præclarissimum aliquod opus esset confecturus.

XXVII. Methodus medendi, quæ Therapeutices præcipua pars est, utilissima ab observatis, modo obviis, modo rarioribus accipit incrementa. Si enim ea parte hanc consideremus, qua, vel peculiare morbi curandi sunt, vel peculiaria remedia administranda, se se offert (res quidem a magno Hippocrate pluries tradita; licet a posteris ferme dixerim prætervisa) quod ad Phthisim dispositi, facillime, & male purgentur: quod opium, vel in exigua dosi sumptum hydropicos occidat: quod dolores Podagrici ab alvinis solummodo, & Stomachicis evacuationibus mitescant: quomodo hydrophobi salvari possint, si salvari queant: quod etiam impurgato corpore, ubi eorum usus indicetur, Narcotica tutissime exhiberi possint: quod Pleuritis Sanguinea sudore potius, quam sputo solvatur: quod in calculosis affectionibus, non tam pellendo calculo, quam demulcendis doloribus studendum sit: quod diuretica nullam noxam gravidis afferant: quod iisdem, vel inferiores venæ sine noxa pertundi possint: quod sanguinis missio sudorem non tollat, quin promoveat, & sexcenta alia, quæ apud emunctæ naris Practicos, & Observatores magno cum artis emolumento visuntur.

XXVIII.

XXVIII. Quod si dicendum etiam quicquam est de ea Therapeutices parte, quæ instrumenta Medico ministrat; ut alias recensita hic denuo non oggeram, memorabo usum internum maxime validum cantharidarum: Nobilissimam radicem vel auro cariorem Gin-seg: Salsam nunquam satis laudatam: Bidentem urticæ folio Lithontripticam Zeilanicam: Plantas acriore sale præditas antiscorbuticas dictas: Histricis lapidem, siue naturale, siue factitium concretum sit: pluraque alia, quæ haud nomine sed re & viribus Medicum Armamentarium locupletarunt; quibusque careamus, nisi peculiare, & rariores Observationes de iis habitæ literis consignatæ fuissent.

XXIX. Ea quoque Therapeutices pars, quæ morbos manucurat, insignes, utilissimæque ab observatis habuit profectus. Sæculi prope elapsi Chirurgi (forte non pauci etiam hoc nostro tempore) per primam, ut ajunt, intentionem, morbos fere nunquam curabant; at Observationes satis in propatulo posuerunt, quam per compendium, atque feliciter plurima ita sanentur. Quemdam ad hoc singularem, licet fortuitum eventum afferam. A pluribus minoribus plumbeis glandibus caput pertusus, per Satellites comprehendebatur profligatissimus quidam homicida, & latro. Ut ex lege, laqueo suspensus emori debebat, sic alia aderant, ob quæ prudens Præfectus sen-

sententiã de ejus morte ferre ex re minimè ducebat. Chirurgus itaque accersito edixit, nequissimo homini mederetur equidem, sed ita, ut mortem obiret. Chirurgus naviter Præfecti Præceptis parere credens, Spiritu vini admo-
to vulneribus, inflammationem utique induxit; sed ejusdem spiritus usu continuato, felicissime, & citissime ægrum ad sanitatem perduxit. Eadem Observata, linamentorum, seu turandarum abusum, qui adeo invalverat, improbarunt, legitimumque usum probatum reddiderunt. Ab iisdem docemur, quod & in progressu morbi, Trepanum, dummodo vires consent, sit adhibendum: quod in capite vulneratis, nedum tempora ab Hippocrate vetita, sed & Lunares Syzygiæ ab opera Chirurgica peragenda, sint vitandæ: Quod in Pectoris vulneribus, optimo cum successu injectiones adhiberi possint: Quod suppurantia maximopere vitari debeant pestilenti constitutione vigente: Quod prope vasa majora pus sit arcendus, & plurima alia, quæ apud observationum Chirurgicarum collectores videri possunt. An si quis, per allata solummodo, Jatricam facultatem exornatam, locupletatam, & in melius evectam, negaret, in eum, quod de Phænicibus vetus Paremia habebat jaci summa cum ratione non posset?

Φοινικικὸν Περυσμα

XXX. Quispiam ex iis, qui nodum in Scir-

po

po quærunt, obliçere posset, me extra oleas divagatum; cum enim de Observationibus in Praxi rarioribus, & peculiaribus describendis, differere instituerim, eas Observationes in medium adduxerim, quæ ad Physiologiam exornandam plurimum contulerunt. Huic ego respondeo, me ex iis esse, qui putant corporis humani Æconomiam, hominisque historiam unum esse ex præcipuis rationalis Praxeos fundamentis, proindeque ad Praxim conferre, quæ Physiologiam illustrant, certiolemque reddunt. Claris. Practicus Weinarth (a) docuit, fallacissimam esse Praxim, quæ valida non est Theoriæ basi munita; Hippocratesque (b) Medicum hortatur, ut physicus sit, si omnia velit ad amissum perficere. Quin libro de veteri Medicina, textu 37. (ad quem textum, aut ipse nihil intelligo, aut male admodum sibi plaudunt Empyrici, & Anatomes, Physiologiæque olores) ita cohærenter textui de sterilibus, scriptum reliquit: *atqui mihi necessarium esse videtur, ut omnis Medicus de natura sciat, si modo aliquid eorum, quæ fieri debent recte prestare velit*. Bona igitur Praxis, auctore Hippocrate, sine Physiologia stare minime potest, quamobrem, cum ea observata protuli, quæ Physiologiæ favent, a quibusque Physiologia profecit, adduxi itidem, quæ

veris

(a) Medic. Offic. c. 2. x.

(b) De sterilib. tex. 18.

veris Clinicis utilitatem attulerunt, & sunt allatura.

XXXI. Quoniam igitur utilissimum, commodissimumque arti Medicæ usum esse probavi peculiares, & rariores Observationes conscribendi, restat, ut de methodo in hisce conscribendis servanda aliquid edisseram. Sub hujusce Dissertationis initio significavi, mutilam admodum artem nostram futuram si rationis subsidio destituatur. Quia cum (a) sit conjecturalis: cum nondum universæ artis (b) principium inventum sit: cum vix universalia Præcepta recipiat (c): cum varient omnia pro personarum (d) temperamentorumque diversitate; aliud aliquid requiritur, quod observationes dirigat, atque expurget; nimis generalia a minus generalibus secernat; effectusque causarum inconstantium, atque æquivoci, ab iis, qui tales non sunt, distinguat, & notet. Quæ certe, nisi a ratione præstari possunt, quod ita fidenter assero, quia Magnæ autoritatis, summique judicii viros Patronos habeo. Totius Philosophiæ lumen Verulamius, qui *anticipationes naturæ a naturæ interpretationibus* primus ab Hippocrate distinguendas docuit (optima etenim philosophandi

(a) Cels. l. i. c. 6.

(b) Hippoc. i. de morb. tex. 3.

(c) Cels. in Præfat.

[d] Thom. Barthol. apud Bonet. T. 2. M. S. l. 4. Observ. 17.

di methodus, quam Verulamius nobis restituit ; in Hippocratis operibus collaudatur) *remesse infirmam Medicinam sine Philosophia* (a) declaravit. Claris. Baglivus observationibus, si quis alius, addictus quique Medicinæ Incrementa, ab observatis potissimum esse petenda asseruit, ingenue scriptum reliquit : *Fallax quoque non raro experientia, si rationis subsidio destituatur ; quapropter, nisi sibi mutuam lucem communicent, aliquam erroris ansam præbebunt* (b). At unum pro cunctis in medium adduxisse sat erit. Cuius, penes quem semper erit in re Medica summa potestas, præcepit Medicum curam aggredi oportere *exercitationi cum rationi intentum* (c). Sed nimis ad rem facere mihi videntur, quæ in libro de vetere Medicina tradidit, ut ea huc transferenda non ducam. Contra artis obtrectatores differens (d) magnus Medicinæ Vindex, qui artem non esse, vel esse vituperandam sentiebant, quia exacta careret certitudine ; ait, non ob id esse reiiciendam, sed potius admirandam, quia certitudini propinqua, & talis, quæ ratione duce ad eam possit pervenire. *Non censeo itaque propter hoc, artem velut non existentem, neque probe investigatam*

ve.

(a) De augm. Scient. l. 3. c. 2.

[b] Pray. l. 1. c. 2. §. 6.

(c) Præcept. tex. 1.

(d) Tex. 2.

*veterem oportere rejici, quia non habeat circa omnia certitudinem exactam. Verum multo magis, propterea quod propinqua est recto, simulque ratione possit ad ipsum pervenire, admirari oportere censeo ea, quæ ex multa ignorantia sunt eruta, atque inventa. At si antequam ad alia progrediar luculentis exemplis Hippocratis auctoritas per me illustrabitur, ostendeturque, quomodo rationis fax tenebri-
cosis Observationibus lucem præbeat, me tempus, & verba terere non putabo.*

XXXII. Mulieribus utero gerentibus, sanguis ne detrahendus? Priscæ clamant Observationes, mulierem gravidam vena secta abortum facere (a): Observationes vero recentiores falsum id esse ostendunt. Quomodo igitur inter observationes hæc contrarias se a difficultatibus expedire poterit Clinicus? Si ætas, temperies, robur, victus ratio, ac graviditatis tempus probe pensitata; ostendent, ea, quæ patitur prægnans a sanguinis copia pendere, qui primis præsertim gestationis mensibus a fœtu non consumitur, neque per uterum, ut solebat, excernitur, sanguis tutissime detrahatur. Alias periculum erit, ne cum sanguine detracto alimento fœtui, iste laboret, & pereat. Sic Medicina *recto propinqua* ratione observationibus accedente, *ad rectum perveniet.*

XXXIII.

(a) Aphor. 5. 30.

XXXIII. Capitis, oculorum, aurium affectionibus, vomitus conducit, nec ne? Observationes, & Medicorum, Hippocratisque dictata ab observatis deprompta, hac super re variant. Libro de locis (a) in homine, inflammationibus oculorum, vomitum expresse damnavit Hippocrates; sed in eodem libro scripsit *fluxione a capite fiente, vomitus conducit* (b) & alibi (c): *si superni loci turgeant, qui sunt circa caput, ulcerum purgatio, vomitus, hydrops*. Secundo de morbis (d) contra cerebri morbum ex aqua, in quo & regiones oculorum dolent, & cacutit, & papilla finditur & si surrexerit vertigo accedit, ab Emetico curationem auspicatur. Clariss. Tozzi (e) coherenter primo Hippocratis præcepto, ait, in affectibus oculorum, & cerebri, vomitum non conducere, quia partes istæ plurimum compatiuntur a vomitu. At contra Martianus (f) eos valere jubet, qui in capitis affectibus vomitoria præscribere formidant; Pitcarniusque (g) docuit: *oculorum affectus non debere quemlibet detertere a vomitorio, quod iis sanandis potius prodest, quam obest*. Dum

D

hæc

(a) tex. 21.

(b) Sect. 2. tex. 47.

(c) Epid. 2. Sect. 2.

(d) Tex. 15.

(e) Sup. aphor. 21. Sect. 1.

(f) Sup. 2. Epid. Sect. 6. ver. 34.

(g) Elem. M. M. M. l. 2. c. 10.

hæc scribo; puellæ diuturna ophthalmia laboranti cum hypopii suspitione, quæ evanuit; Medicinam faciebam. A radice Jalappæ cum Mercurio dulci catharâs gratia propinatæ evomit, & postridie melius se habuit. Nosco virum quinquagenarium, phlegmatico-melancholici temperamenti, qui quotiescumque in victu, & in potu, præsertim, errores committit, postridie dolore intenso oculi sinistri laborat, a quo procurato vomitu (evomit autem facillime) evadit. De affectibus oculorum vomendo sanatis, consulatur ab Hivellina in Observationibus. Sed en *pila minantia pilis*, stant apud Hildanum, e quibus nosci potest, quantum cerebro mali, oculisque immineat ab Emeticis. Quod tradidit Celsus (a): *qui obnoxii sunt dolori capitis, vomitum non sufferunt*; confirmari videtur ab Hildani Observatione (b) qua memorat quemdam capitis dolore exercitum ab assumpto Emetico mentis, & rationis usum ammisisse. Alter cachecticus (c) cæcitatem vomendo contraxit: Fæmina optimo corporis habitu prædita, vomendo auditum amisit: & vir a vomitorio vehementi, prius cæcus evasit (d) ejusdemque postea Medicaminis beneficio visum recuperavit. Sed vir

Ge

(a) L. i. c. 3.

(b) Cent. 5. Observ. 12.

(c) Cent. 3. Observ. 60.

(d) Cent. 5. Observ. 19.

Genere, Virtute, Dignitate oppido Insignis triste præbuit exemplum noxæ, quam oculis Emetica minitantur. Albertus I. Imperator, Magni Rodulphi, a quo Austriacorum gloria caput, filius, ut venenum ab Salisburgenſi Episcopo (a) propinatum vomendo rejiceret, oculum amiſit. Qui itaque ſolis obſervationibus pronas præbent aures (Præcepta Hippocratis ſunt mihi acervi, & myriades Obſervationum) quomodo ſe gerere dictis in caſibus debebunt, cum Medicina, ut ſemper cum Coſ loquar, *non idem facit, & ad idem contraria facit?* (b) *Filum*, quo ab hiſce Labiſ in hiſ ſe expediant, a ratione petendum eſt. Si ad ægrorum cùm fluidorum, tùm ſolidorum temperiem; ſi ad colli, & faciei vaſorum revehentium ſtatum: ſi ad morbi ſedes; cum maxime ad quaſdam ægrorum idioſyncraſias, quas ab ægris ſciſcitando diſcimus, animum advertemus (ex Celſo (c) ſiquidem, *ſunt quedam proprietates hominum, ſine quarum notitia non facile quicquam in futurum præſagiri poteſt*) eos ab aliis caſibus diſcrimina-
bimus, in quibus ſuſpecta erit, & eſſe poterit plenitudo, quam capiti vomendi conatu inducunt. Abeant igitur, ac valeant, ſibi que ſe ſolos plaudentes habeant, qui ratio-

D 2

ci.

(a) Graveſon Hiſt. Eccleſiaſ. T. 2. Colloq. 1.

(b) De loc. in hom. tex. 50.

(c) L. 1. c. 2.

cinium a Præxi excludunt, cùm sine hoc *ad rectum nunquam perveniri possit*; & nos e contra, in Observationum, Experimentorumque subsidium rationem advocemus. Sed quam rationem?

XXXIV. Forte, quæ ab hypothese aliqua deducta, peculiaria, quæ Observantur suo modo, suamque, ut ita dicam, ad amissum difsecat, sibi que subigit? Minime herclè, sed, quæ ab iis, quæ visuntur, quæque in potestate nostra sunt, promanans, se rebus submittit, eaque componit. En magni senis (a) paucis verbis comprehensum magnum Consilium: *Non ratiocinationi prius probabili in eorum curam aggredi oportere, sed exercitationi cum ratione*; Subditque a se non laudari ratiocinationem, illam, quæ ab universalibus probabilibus tantum pendet, *sed illam solummodo, quæ ex iis, quæ palam perficiuntur initium fecerit*. Prima etenim opinionem, secunda scientiam parit: Cum vero opinio ignorare faciat, scientia scire (b), necesse est, ut opinio in Medicina maxime in crimen vertatur eam adhibentibus (c).

XXXV. Ex dictis, quasi per corollarium iuste deducitur, nudas Observationes minus utilitatis Medicinæ afferre; sed tunc artis

ma-

(a) Præcept. tex. 1.

(b) De leg. tex. 3.

(c) De decent. ornat. tex. 4.

maxime promovere incrementa, quando cum aliis datis notisque compositæ, ad indicationes pro morbo curando mentem excitant: Præcepta artis, vel plus late potentia efficiunt, & exornant, vel quæ extra Pomeria perferuntur, suis terminis coercent: methodum aliquam peculiarem comprobant: præjudicia ab hypothesebus orta destruunt: ac quæ præstita sunt, rectè ne, an secus facta sint, determinant. Quemadmodum ea Historica lectio utilior est, quæ nedum facta narrat, sed ex hisce ea colligit, per quæ amicorum, inimicorumque cogitata dignoscuntur; futura prævisuntur; eamque lector mentis, judicii que habitudinem adipiscitur, quam civilem prudentiam vocamus.

XXXVI. Infertur inde etiam, quod quamvis minus commodi nudæ Observationes afferant, ob ea, quæ ante allata sunt, utilius tamen fuerit a plerisque medicorum eas nudas exhiberi, quam appendicibus exornatas; quia, cum plerumque hypothetici essent, vix fieri potuisset, quin naturæ phænomena vel malè ad sensa sua detorsissent, vel suis argutationibus obumbrassent. Haud pauca hac super re exempla afferri possent.

XXXVII. Hisce igitur positis, quicumque Observationes Medicas peculiare scribere aggreditur, illud sibi ante omnia negotii datum putet, ut quæ vidit, quibusque interfuit

quam castissimè describat, nihil de suo addens, aut demens, ne quid facti veritas detrimenti suscipiat. Ex illis vero, quæ ab Ægrotis, aut adstantibus audivit, quæ ad rem faciunt, aut facere possunt solummodo notet, cum plerumque (neque id solum apud rudiores) eveniat, ut in enarranda morbi historia plura intermisceantur, quætama morbo distant, *quam distant ara lupinis*. Illud etiam non raro accidit, ut *non causa pro causa* accipiatur, ac remotioribus ægri adhæreant, iis posthabitis a quibus ægrotant. Igitur ex eorum narrationibus ea tantummodo seligenda quæ morbo favent.

XXXVIII. Illud secundo loco sciendum est, quod nedum ea scribere Medicus debeat, quæ vidit, quæque ab ægrotis audivit, sed alia etiam, quæ plurimum commodi ad conjectandum afferunt. Hæc verò sunt temporum vicissitudines, quæ morbum antecedunt; ægri habitudo; temperies; labes hæreditaria; ætas; sexus; ars, quam exercet; locus quem incolit; victus ratio; Epidemica constitutio, quæ obtinet; anni tempus; quia, quo plura sunt data, & nota, eo facilius ad incognitorum naturam pervenitur. Quæ omnia si exemplis illustrare, ac persequi vellem, profecto dies me deficeret. Ob id tradidit Hippocrates: *victus rationes, quantum fieri potest noscenda,*

nam non nosse, multarum calamitatum (a) res est. Ob id etiam Medicos improbat, qui Gnidias sententias scripserunt (b) quia tametsi ægrotantium morbos, quæque ægrotantibus supervenire solent, recte perscripserint, quæ tamen, & non Medicus describere poterat; nihilominus ea omiserunt, quæ quoniam conjecturas, & indicationes suggerere quibant, Medicum non decebat omittere.

XXXIX. Peculiares quoque idiosyncrasias; morbos prægressos, vulnera, ictusque, atque hisce similia minime omittat; hæc etenim, mirum! quam conferant, tum morbi intimiori naturæ noscendæ, phænomenisque cum ratione enodandis; cum maximè Medicaminum selectui, & dosi. Quidam, vel a levissimis copiose purgantur: quibusdam, peculiaris aliquis odor molestus est: quorundam Stomachus a liquidis abhorret: non paucorum guttur solidiora deglutire respuit. Passim observamus, quod morbus aliquis parti alicui, quæ, vel vulnerata, vel contusa, vel fracta, aut e propria sede detrusa fuit, incumbens, gravior oppido, quam reverà sit, appareat. Neque obstat, quod singulis in casibus utilitas, quæ ex horum adnotatione expectari potest, non elucescat. Sat enim est, eam nos consequi sæpe, ut semper iis animum adver-

(a) Epidem. 6. ex parva Tabul.

(b) De rictus ratio. in morb. acut.

tamus. Sic aleator ; quamvis se victoriam quandoque noscat reportare non posse , non ob id tamen negligentius ludit , eaque omittit , quæ eum , vel non obsecundante Fortuna , probe atque ex arte , ludere arguunt .

XXXX. Semper illud etiam Observationum Scriptor in mente habeat , hominem , ut agebat Hippocrates , universi potestatem non suscipere . (a) nempe , quod vel ægrotus , & in cubiculo conclusus , aeris vicissitudinibus , quasi automaton subijciatur . Proindeque sicuti necessarium duxi temporum mores , quæ morbum præcesserunt , describere ; ita non minus necessarium est tempora observare , dum actu homo ægrotat , ut effectus , qui morbi , aut Medicaminum proprii sunt , ab iis , qui ab aere pendent , quantum fieri potest , distinguantur . Hæc vero de temporibus observandis dicta , ita intelligenda sunt , ut , non solum horarias cæli mutationes , sed magnas anni vicissitudines quoque comprehendant ; quarum vires in morbis , vel gignendis , vel solvendis , vel extenuandis , vel gravioribus reddendis , nemo , ut puto , est e Clinicis , qui non adnotarit .

XLI. Nedum remediorum adhibitorum mentio facienda est , sed etiam methodus , & morbi tempus quo adhibita , scriptis exacte sunt consignanda ; etenim si nullo,

(a) De dieb. judicat. tex. 1.

libi, certe in acutis: *temporibus Medicina valet, data tempore profunt*; ideoque ea observatio, quam tanquam exemplum, inspecturum sumus, similem ei, qui in ea habetur, morbum curantes, clare, ac distincte omnia nobis ob oculos ponere debet. Quam valeat, tum in acutis, cum in longis passionibus curandis methodus in Medicis administrandis præfidiis, supervacaneum est disquirere: vel levia, vel vulgaria apta methodo exhibita mirabiles edunt effectus; cujusce rei luculentissimum nobis præbuit argumentum in sua Praxi; & materie Medica omni laude major Boerhaavius. Præbuit itidem Sydenhamius in cura, peculiariter, hysteriarum, & hypochondriacorum, quos si de more cathartice exerceas, doloribus, spasmis, lypothimiis fere semper multabis; iis vero e contra si methodo Sydenhamiana medearis, absque ullo malo symptomate intestina inferiusque guttur deterges.

XLII. Cum remediorum vires non sint *absolutæ*, ut non pauci e Medentibus credere cum vulgo videntur, sed *respectiva*; necesse est etiam, eorum præsertim, quæ sensibiliores edere solent effectus, doses annotare; cum inde inter agens, & patiens corpus servata conspiciatur proportio, qua similibus in casibus cum profectu Medicamina propinentur, quæ Mechanice tantummodo agunt, tametsi eorum actio,

actiones haud semper Mechanice explicare queamus. Quin, cum haud raro eodem remedio pluribus indicationibus satis faciamus, quæ operationum diversitas a diversa remedii dosi solummodo pendet (opium, cathartica, aquea, sudorifera, hujusce rei exempla nobis quotidie ob oculos ponunt) necessitas adnotandi dosim eorum remediorum, qui sensibiliores edunt effectus, elucescit. Eadem necessitas ex eo etiam apparet, quod diversitas ætatum, temperamentorum, virium, morbosarum affectionum potissimum, nunc ut pleniore, nunc ut minore dosi propinentur Medicamina exquirunt. Quoniam etenim, ut rectissimè Celsus (a) *multa admodum corporibus nostris incidere consueverunt, quæ sine Medicamentis ad sanitatem pervenire non possunt*, Naturæ morborum Medicatrices sic remediis ad subigendos morbos egent, quemadmodum Machinamentis Mechanicus opus habet ad opera peragenda. Verum sicuti Architectus spe excidet, si vectes debiliores, subtilioresque funes gravioribus ponderibus admoveat; ita Naturæ cedit frustra labor, si Medica Machinamenta non erunt illiusmodi, quæ plurimarum circumstantiarum observato concursu, vi morbosæ affectionis congruant. Gualterus Harris (b) sat docuit, quanti referat

vel

(a) In Præfat.

(b) De morb. Infant.

vel testaceorum, atque absorbentium doses adnotasse. Præjudicium contra Peruviani Corticis valorem, quo adhuc non pauci tenentur: hunc, nempe, recidivas, aut promovere, aut non præcavere, inde originem duxit; quod quantitas ea corticis, quæ necessaria est ad febrium causam edomandam, averruncandamque, aut non sumatur, aut non præscribatur. Evenit, ut hac super re, modo indulgentiæ, modo incuriæ meæ me bis pæniteret, quod hic loci ingenue narrare, ut alii feliciter periculo meo sapiant, non abs re, neque mihi injuriosum fore, existimo.

XLIII. Vir in Ecclesiastica dignitate constitutus: siccioris temperaturæ, prope octogessimum annum ætatis agens, a victu salito, & meraciore potu, Aprili inclinante laborabat graviore febre, quam tertianam duplicem vocamus, quæque paucis horis ægrum integrum relinquebat. Pulsus, licet in statu febris satis elatus, semper tamen inæqualis. Diarrhæa aderat, cum siti vehementiore, atque in febris vigore, mentis inconstantia. Necessum esse proximum antevertere Paroxysmum edixi, ne æger morbo cederet, ideoque corticem Peruvianum in forma sicca cum absorbentibus, & extenuata dosi Laudani, propinandum. Non vocatus, Senior accessit Medicus, timens, ne per manus imperiti Carnificis (tunc etenim eram admodum juvenis)

æger

æger jugularetur. Iste corticis usum ; ne ægrum excalefaceret improbabat : non tutum itidem illum corpore non expurgato exhibere, esse ajebat. Sed cum ego, nisi rationibus, lingua certe plus valerem, ab eo extorsî, ut cortex exhiberetur, sed de dosi convenire non potuimus. Tres igitur Drachmæ solummodo Chinæ cum grano laudani opii, Antimonio diaphoretico, & Montana Chrystallo præparata sufficienti quantitate Syrupi e corticibus citri excipiebantur, atque in bolos efformabantur, a quibus præstitum, ut statâ hora febris non accederet. Quapropter cum mane ad optimum Archipresbiterum accessi, tanquam suum Redemptorem me amplexabatur, omnino hilaris, & de sanitate securus. Tunc corticem denuo ingerendum ego clamabam, sed senior Themiso omnino obstitit, nil nisi ætatem, longævamque Praxim obijciens. Quid inde igitur ? Ad meridiem horripilatio, & somnolentia accedere ; vomitus ; pulsus inæqualis ; lingua arida, quibus in febris progressu se comites dabant impotentia deglutendi, loquela intercepta, manuum tremores, quæ die sequenti ad meridiem ægrum sustulere. Plenior dosi cortex exhibitus febrim jugulasset, & forte æger sanitati restitutus fuisset.

XLIV. Viro legitima Ischuria laboranti, cui ex arte, sed irritò successu ab ejus Medico
plura

plura præscripta fuerant, ut cantharides cum camphora exhiberentur, consulebam; recordabar siquidem, me legisse in actis Londinensibus, infecta hæc desperatæ Ischuriæ opem tulisse. Sed cum quantitatis remedii non recorderer, ad quatuor solummodo grana cum æquali camphuræ portione exhibebantur. Duabus horis ab assumpto remedio aliquantulum minxit; sed denuo urina suppressa, ad plures migravit. Mea excerpta postea revolvens, inveni Dominum Yonge (a) quinque ex hisce, infectis, & Hieronymum Fabricium ab Aquapendente (b) quatuor, optimo cum successu, exhibuisse. Cujusce dosis, si tunc ego recordatus fuisset, neque causticam vim cantharidum veritus essem, æger fortasse evasisset. Tanti interest Magnorum remediorum doses probe annotare!

XLV. Nihil Æthiologici, multoque minus hypothetici Historiæ permisceatur, cum primum, licet utile, & Observationibus non raro adiungendum, inter historicam narrationem locum non habeat, eamque perturbet: secundum, fere nihil boni, ubicumque ponatur, pariat, sed intellectum legentis, præcipue

(a) T. 3. Transact. Anglican. c. 4. §. 5.

(b) De urin. suppress. in oper. Chirurg. Hippocrates quoque ad cientes menses, quatuor cantharidas, alis, pedibus, capitibusque disruptis, præbuit.

(Text. 8. & 29. de natur. mulieb.

pue si Tyro sit; vel falsis; vel dubiis ideis infarciat. Contra quam legem peccasse mihi videtur quidam Doctissimus vir, qui Observationem quamdam tradidit, tanquam exemplar ad imitandum iis, qui Observationibus conscribendis student; dum in narrationis contextu loquens de appetitu, quo æger erga res gelidas ferebatur, subdit, id a bilis æstu originem traxisse. Quod quamvis probabile fortassis fuerit, attamen tunc non erat ei locus, cum id, non ex historia, sed ex ratione constare debuisset: Deinde, dum remedia adhibita recitat, herbas nominat fermentantes, cum tamen adhuc lateat an ulla in nobis fermentatio sit, quæ solummodo pro hypothesi, suscipere debet.

XLVI. Historia fideliter enarrata, si velit Æthiologiam morbi tradere, tunc opportune locus illi aperietur. Qua in re perficienda, magni Bellini methodo inhæreat, ex datis, & notis ad ignota philosophandi. Cæterum pro animadversione ea pertractet, quæ utiliora pro re nata illi videri possunt, ab hypothesibus semper abstinens, nec pro rationis fundamentum, nisi certa ex Anatomico, atque experimentalis penu sibi assumat. Quod si quandoque hariolari necesse habeat, aut volupe illi sit; cum primis religiosissime sibi careat, ne dubia pro compertis jactet; illisque potissimum adhærent, quæ animali Æconomix,

nomiæ, anatomicisque dissectionibus congruunt; quæque Mechanicis legibus, ac Geometrica methodo pertractari se sinant. At hic non est animus de methodo philosophandi in Praxi Medica pertractare. Ita Observationes, meo iudicio, legentibus utilissimæ evadent; Præxiisque Medica, per quantum homini licet, promovebitur; quale punctum, an ego hisce meis quæ nunc in lucem profero, tulerim; præceptisque a me datis rite paruerim, Doctorum Jatro-physicorum erit iudicium.

F I N I S

VEN:

VENTRICULI POLYPUS

Per anum detrusus.

OBSERVATIO PRIMA.

B.

Mulier 46. annos nata, melancholici temperamenti, merobiba, & multibiba, a multo tempore animi pathematibus agitabatur, ob rei domesticæ jacturam, suæque conditionis sortem in deterius mutatam. Cum antea operosa, ac negociosa esset, vitæ modum deinde sic instituerat, ut fere semper otiosa degeret. Hinc queri incæpit de famis deficientia; flatibus, ac borborygmis plus solito divexari: alvus adstrictior fit; ac tandem maximo labore, qua colon per abdomen reptat, laborat. Accessit vomituritio prius ferossæ deinde biliosæ materie; admodum corruptam postmodum materiem rejiciebat, & visu, & odore fædam. Per ventrem durus quidam glomus nunc huc, nunc illuc discurrebat, qui aliquando ad Epigastrium ascendens, acerbissima cardialgia, ventriculum infestabat; quam e lecto exiliens, ejulans, ac se emori clamans, altero dolore colico, graviorem oppido, mulier misella fatebatur. Emollientes, ac discutientes fatus; tepidæ in

unctiones ex demulcentibus oleis; atque ex
triticis furfuribus cum olivarum oleo ex tem-
pore parata clysmata, levamen vix afferebant;
cum tertio die levabantur dolores, Paregori-
eis haustibus affatim ingestis (nihil enim le-
viores juverant doses) ex laudano liquido
Sydenham, & spiritu carminativo de tribus
(quem alias in intestinorum morbis, ex Ect-
muleri, ni fallor, monitu, a vini abusu, opti-
mum expertus eram) in aquis stillatitiis ute-
ro, stomachoque dicatis. Attamen etsi do-
lores siluissent, neque amplius glomi per ven-
trem perreptatio urgeret, stomachus nihilomi-
nus oblata quælibet cibaria respuebat, ac
medicamina quæcumque, nisi laudano socia-
ta essent, indignabatur. Ajebat se procul du-
bio vivum aliquod animal in stomacho habere,
unde vermium suspicio exoriebatur. Ir-
rita itaque contra indignantem stomachum
illinicione ex Theriaca, & Balsamo Peruviano:
irrito cataplasmate de crusta panis; irritis sac-
culis ex aromaticis herbis ex vino coctis; ir-
rita fuere quoque cataplasmata anthelmintica
ex absinthio, hyperici floribus, foliisque
mali Persici ex vino coctis. Minus tamen
vomituriebat linimento appposito, ex oleo nu-
cis myrrhisticæ expresso; absinthii stillati-
tio; aqua Reginae Hungariæ; ex mastiche in
pulverem redacto. Tunc purgationem aggredie-
bar minutis pillulis, ex aloë, & mercurio

dulcificato , succo absynthii exceptis , quibus medietas grani opii Laudani miscebatur . Hoc die , qui sextus erat ab invasione morbi , bene se habuit , neque alvus subducabatur . Diem tamen benigniorem , gravissima non excepit , qua enormibus vomendi conatibus , crebris lipothymiis ; tenesmo frequentiore , cui pauca excretio mucosa succedebat ; stomachi , ventris , lumborum partium , que naturalium doloribus ægra tantum non necabatur . Vocor ad Auroram , atque ad Laudanum , tanquam ad sacram , cum confugerem , anchoram omnia mitescunt , & mediocris purgatio variegatæ , ac fatidissimæ materiei cum euphoria succedit . Morbum magna ex parte protritum pronuntio , vinumque ex cerasis , quas *Marasche* appellamus , sic ægra expetente , concedo . Bene per huncce diem se habuerat , cum improvise ad secundam noctis horam , magna sollicitudine , accersor , ut infelicem jam jam perituram (ita enim nuntius agebat) quæ propria cacaverat intestina , invisam . Rei novitate permotus , festinanter accutro , illamque invenio summa quidem formidine correptam ; quam cæteroque , cum nihil se mali habere diceret , bono esse animo jubeo . Afferuntur intestina supposita : & ecce glomus membranous , magnitudine duos pugnos æquans , nullo stercore coinquinatus , colore , ad cinerem

ten-

tendens, qui explicatus, in duas satis crassas membranas diducebatur. Duorum funiculorum ope, crassitiem calami scriptorii obtinens, ad marginem, qui mihi inferior apparebat, dictæ membranæ connectebantur; qui inferior margo in convexam desinebat superficiem, cum qui mihi superior erat, in irregularem terminaretur. Ita dictæ binæ membranæ non omnino ruditer, duos ventriculi humani parietes repræsentabant. Tum longitudo tum latitudo illarum, unum ex meis majoribus palmis superabat: latiores verò, quam longiores erant. Quatuor duorum digitorum spatio distabant ab invicem, atque una ab altera chorda, quæ eas connectebat, duorum digitorum intervallo dirimebantur. Plicas quasdam per longitudinem discurrentes, habebant, quæ tamen haud continuæ, neque recta in longum exporrigebantur; sed ut assclet in frontis lineis quorundam hominum, portio portionem superascendebat. Frequentiores erant hæ plicæ, qua membranæ ad inferiorem marginem invicem colligabantur; obliterabantur vero superiorem limbum versus, ibique ferme levigatæ membranæ apparebant. Unius ex dictis membranis, quæ tunc mihi a sinistris erat, supertor limbus, quamdam foliaceam expansionem emittebat, aliquantulum albidioris colore, rugisque confertissimis exaratam. Inter rugas, plicasque

attentissime inspexi, si qui cucurbitini vermes latitarent, quorum tamen nullum fuit mihi datum videre. Inde mulier optime se habuit, ac post duodecim annos, adhuc sana est.

II. Quid quæso superiorum sæculorum Medici super hac concretionem commenti fuissent, si eam, vel huic similem illis videre datum fuisset? Hanc equidem ad lativermis speciem reducere minime potuissent, cum quantum fasciis substantia similis, tantum forma dispar; quamobrem mihi rarior sane visa est, quam ut meretetur pulvere, & situ perire. Neque minus me illexit ad illam publici juris faciendam, quod etsi polyposas concretiones in intestinis genitas auctores vulgarent; nullam tamen quæ in Ventriculo concreverit, ac per inferiora detrusa fuerit, descriptam, qualem à me visam fuisse autumo, adhuc mihi legere contigit.

III. Superioribus quoque temporibus concretiones hæc, minime infrequentes fuisse, nullus dubito: Ita enim semper animalium fluida comparata fuerunt, ut facillime in quibusdam circumstantiis, concrefcere possent, & in solida nedum organica, sed inorganica quoque efformari. Verum illarum mentio, apud Auctores veteres sub nomine concretionum inorganicarum rara est; Quia si quando istæ animalis cujusdam formas, quamvis ruditer

litter præferebant, ab externa specie decepti, statim illas vita donabant. Inde tot fabularum, quæ naturalem conspurcarunt historiam, origo; quales sunt, lacertarum; buffonum; ranarum; millepedam; talpæ vomitus; teretes in sanguinis fluente lumbrici inventi; ac nostræ speciei fæmellarum, tot ridiculi, insulsi, monstrosi partus.

IV. Recentiores Itaque Observatores, quibus aliquid falit sinistra in parte mamillæ, in illas solertius intimiusque inquirendo; cum eas organis ad vitam necessariis, proindeque vita cassas invenerint; ob mollem quam nactæ sunt substantiam; ob colorem marinis polypis haud multum ab similem; forte etiam quandoque, ob hinc inde diducta, ut polypi solent, brachia; eas polyporum, ac polyposarum concretionum nomine insignivere. Ob quam similitudinem, etiam sarcoma illud quod nares obsidere solet, polypi nomine, Fabricio ab Aquapendente teste (a) vocatum est; quale vitium vetulæ libidinosæ perbelle exprobrabat Venusinus naris emunctæ Poeta: *Nanque sagacius unus odoror*

Polypus, an gravis hirsutis caret hircus in alis,

Quam Canis acer ubi lateat sus

Nomen hoc itaque natali sarcomati, & concretionibus iis quæ concrescunt in vasis sanguiferis, inditum, absque eo quod ab hisce

E 3

rece-

(a) In Oper. Chirur. de Polyp.

recederet, ad eas etiam; quæ extra animal, hoc est, extra sanguinis orbem nascuntur, accessit. Ita Lancisius (a) ratione optima, polypos intestinales, quia in intestinis genitæ essent, concretiones eas vocavit, quas antea, vel latos vermes, vel membranas simpliciter, ac frustra membranosa vocaverunt veteres. Neque enim ille primus, corpora quædam e podice excreta, compressa, lata, & oblonga, aliquando cava, latum vermem non esse cognovit; cum Platerus (b) ante ipsum, ea animata esse negaverit, & fascias membranosas, ex chylo genitas asseruerit. Jonstonus (c) etiam aliquando pro verme tæniæ, membranosam fasciam, cucurbitinos inclusos habentem, cognovit. Lancisii igitur, aliorumque Clariss. Virorum, qui post ipsum tales concretiones polypeas vocare solent, exemplo, & auctoritate fretus, quam mulier excrevit, polyposam ipse quoque vocato; quæ cum meo iudicio intra ventriculum genita sit, Polypi Ventriculi nomine, supra indigitare, non dubitavi.

V. At producendæ sunt conjecturæ illæ, quibus eam in ventriculo coaluisse duco, quas e diametro, & figura concretionis po-

tissi-

(a) In Dissert. de triplic. Intest. polypo.

(b) L. 3. Observ.

(c) C. 23. Syntagm.

tiſſimum deſumo . Cum enim ex una parte utriuſque membranæ quævis diameter quorumlibet inteſtinorum , ſeſtione major eſſet , impoſſibile mihi videtur , illas intra inteſtina genitas fuiſſe . Cum vero ex parte altera , ventriculi capacitas eas capere , earumque generationi locum præbere poſſet ; inſuperque ventriculi formam præſeferrent ; intra ſtomachum concretas aſſerere , haud irrationabile mihi videtur . Quis enim nescit , liquida , quæ coeunt , modulo in quo concreſcunt , conſormari ? Ita quoque lentior lymphæ , & ſcoire apta in ventriculi cavitatem , ex ejus glandulis diſtillans : talem , dum concreſcebat , in figuram ſe ſe effinxit , quam ventriculi modulus conciliare ipſi potuit ; plorans etenim ex ventriculi parietibus , ut ſebum , vel cera concreſcens , illos incruſtavit . Quæ Polypola concretio , ſi ibi diutius moram traxiſſet , forſitan in quoddam veluti ſubſutum Ventriculi ſe ſe efformaret , ac ventriculum in ventriculo repræſentaret . Cuiuſce rei argumentum probabile ex eo haberi poteſt , quod per binas chordas , ex utriuſque membranæ fundo enatas , ac utriſque membranis colligatas , invicem neſti , ſeſeque apprehendere polypeæ membranæ cæperunt ; ac fundi , qui illis , & ventriculum repræſentarent , deerat adhuc , rudimenta poſuiſſe videbantur . Ventriculi Polypum hunc fuiſſe , in-

de etiam confirmari posse puto ; quod sedatis per opiata doloribus , ac spasms infimi ventris , remanebat adhuc vomituritio , & anxietas ad stomachum , haud equidem sympathica , cum aliæ lacescitæ , atque irritatæ partes tunc quiete degerent : sed idiopathica , a corpore extraneo ventriculum vellicante. Sic mulier illa , quæ contra Icterus pillulis , & decocto Fulleri usa , diverso liquore plenas vesiculas exclusit : ex stomachi labore putavit , Musgravio (*a*) referente , illas e stomacho prodiisse. Huc etiam accedit sensus ille , per quem ægra , vivum aliquod animal in stomacho se habere , dicebat , qui vermium suspicioni ortum præbuit : nihil enim aliud fuisse puto , nisi polypi motum , magnam partem a ventriculo divulsæ , ibique fluitantis .

VI. Hic fortasse quispiam exquirere posset an non , e chymi reliquiis potius , quam e succis glandulosi Polypus iste concreverit , quod quidem de talibus membranis per inferiora dejectis putavit Platerus , loco citato . Etsi nolim id impossibile ducere , mihi tamen ob quasdam conjecturas probabilius videtur , glandulosos succos , tali concretioni , materiem præbuisse . Prius animadverto cum Lancisio : loco citato , hæc in ulceris cavo Dysentericorum quandoque gigni , quarum chy-

lus

(*a*) Transac. Angl. T. 3. §. 18.

lus materia non existit. Cujusce concretio-
nis exemplum, antequam Lancisium legissem,
primis annis quibus Medicinam faciebam in
Nobili muliere mihi videre contigit. Hæc a
contumaci, & male curata Diarrhæa ulcere in-
testini recti laborans, antequam melius se
habere inciperet (ope etenim, & consilio
Clariss. apud Venetos Medici Leonardi Doro,
quem dum Venetiis Praxi Tyrocinium po-
nerem, una cum Eruditissimo viro Josepho
Grandi Ducem, ac Magistrum optima sorte
habui, eam sanitati restitui, contra Medici
senioris sententiam) frustum membranosum,
haud teres, sed longitudine fere unius pal-
mi, ac fætens quod polyposam concretionem,
e succis, in ulceris cavum stillantibus, coag-
mentatam, tunc suspicatus sum. Verum de
Ventriculi Polypo præcipue loquendo, dum
adhuc chylosa puls in ventriculo moratur,
nondum ita subacta est, ut fluidum perfecte
ad sensum homogeneum constituat, quale vi-
debatur fuisse Polypi materia: neque enim
vim Biliosi, ac Pancreatici succi, quibus
perfectior redditur, atque a fætibus secerni-
tur, adhuc passa est; quapropter, similari,
ut ita dicam, corpori constituendo, non ad-
huc mihi videtur apta. Præterea animadver-
to, ad concrescendum aptitudinem, seu fi-
brosam ductilitatem, a motu, quo in orbem
rapiuntur, nostris fluidis impartiri: cum san-
guis,

guis, adeps, narium, & palati mucus, salivæ, semen, lymp̃ha, aurium cerumen, sebacea materies, articulorum synovia, si sibi relinquantur, concreſcant; lac verò, quod si non ſolus chylus eſt, tantum non eſt; corrumpatur, & diſſolvatur potius ſibi relictum. Quod si, ut explicandis Phænomenis apprimè congrua, ita etiam vera ſit idea, quam de animalis nutritione protulit ſagaciſſimus Boerhaavius (a); non ne fatendum erit, a motu, quo in gyrum rapiuntur, fluidorum moleculas, tomentofas, plicatiles, cohæſioni, que aptiſſimas reddi? Quin ex butyri confectione evincitur, motu lac indigere, ut concretioni diſponatur, cum ope preſſionis, & percuſſionis ſolummodo, butyri fibroſum corpus e lacte emergat. In Plantis etiam res ita ſe habet: Manna ſiquidem, & Mel, fibroſæ, ductiles, glutinoſæque ſubſtantiæ, ſuccorum magis elaboratorum, eorumque, qui etiam minimorum foliorum canaliculos ſæpius pervaserunt, ſunt ſoboles. Poſtremo animadverto, quod si injecto coagulo lac concreſcit, in offam quidem durioſam, informemque abeat; moduli vero in quo coit, formam non aſſumat, niſi illum, ut in confectione caſei ſuccedit, adæquate impleat. Sic Phthiſicus ille, de quo ſit mentio apud Bonetum (b) quidum

(a) Æconom. anim. 451. 452.

(b) M. S. T. 2. l. 3. ſect. 12. c. 6.

dum lactea utebatur diæta; ab Empirico; ad ventris inflationem tollendam, suafus, spiritu salis usus est; non jam fibrosum, molle, membranaceum, polyposum corpus, sed caseum optime efformatum vomitu rejecit. Ego suspicor, quod quæ e chymo in ventriculo concresecunt corpora, haud mollioris, sed solidioris substantiæ sint, quemadmodum lapides Bezoartici; pilæ in boum ventribus inventæ; stramina concreta ostendunt; proindeque calculorum in ventriculis hominum inventorum, chylum materiam esse puto; molliorum verò concretionum, e ductilibus fibris, quasi telæ confectarum, succos e sanguine secretos; quoniam fluida nondum fibrosa, indurescunt, dum coeunt; quæ verò fibris donantur, molliora remanent, atque in membranaceas texturas extendi possunt. Quam a fibrosa ductilitate dependentem glutinositatem, plerisque illorum fluidorum inesse, quæ in orbem rapta fuerunt, necesse est: qui enim pars parti appositæ cohæreret, atque assimilaretur, nisi aliquo glutine donata esset? Eam vero præextitisse in chylo opus minime est; cum non immediate solidis partibus, sed sanguini primo, & potissimum restituyendo a natura destinatus sit. Verum hæc levium solummodo conjecturarum momenta sunt.

VII. Illud quod mihi certius asserere posse videor, est, quod concretio de qua huc usque

que verba feci, intra ventriculi cavum genita, ac perfecta sit; deinde ob ventriculi tunicarum crispaturas, & convulsiones, purgantisque vim, a parietibus quibus adhærebat, divulsa; in glomum postea redacta, ob ejus mollem, facillemque substantiam, canalisque intestinalis compressionem; tandem excreta, *lubrica dejectis quæ via nota cibus*, historiæ forte novæ nomen dederit, polypusque Ventriculi per anum protrusus jure appellari potuerit.

VIII Morbum huncce pro colica hysterica, habui; cujusce pathognomonica signa, intestini colon dolor; vomituritio; præfocatio; glomi sensus per abdomen reptantis, & cardiogmos mihi fuere. Ita enim putabam, nedum innixus generalioribus, comunibusque affectionis hystericae tum antecedentibus, tum concomitantibus signis; sed etiam Hippocratis Angli Sydenhamii (a) auctoritate fretus, qui veluti peculiaris hujusce affectus signa, dotorem atrocissimum, circa scrobiculum cordis, & humorum corruptorum vomitu rejectionem ponit. Quæ morbi idea mihi suggererebatur quidem putridam, indigestamque cacochyliam, ob animi pathemata, vitamque sedentariam accumulata: ac duras, salinas, stimulantibus particulas, a meri potu in humores elutriatas, quæ vellicando, & pungendo,

(a) Procef. integr. de Col. Hyft.

do, mesenterii, stomachi; partiumque adjacentium fibras, in crispaturas, distensiones glomos, convulsiones, adigerent; verum polyposam concretionem, ne somniabam quidem, cum tamen eventus, ab ea symptomata omnia ortum traxisse satis evicerit. Itaque Hippocratis (a) magnorumque Hippocratis discipulorum Martiani (b) & Ballonii (c) monitum, exemplumque sequebar: a magnis doloribus divexatos, non esse purgandos, nisi dolores siluerint; totusque eram in membranis distentis, demulcendis, ac doloribus sedandis, donec aptius purgationi tempus elucesceret. Purgationem vero præ vomitu, animo volvebam, quia Ventriculus irritatus, cum periculo inversionis, peristalticæ intestinorum motus, conferens locus evacuationi, haud mihi videbatur. Eam deinde; cum mihi se se obtulit occasio, moliebar; sed additione laudani, aloes, & Mercurii vim retundebam, ne totis suis viribus, in membranas distensionibus obnoxias irruerent purgantium spicula. Ob id tardius, ut jam prævisum fuerat, sequebatur purgatio: verum cum polypus a vi medicaminis exagitatus; licet ægre, tandem a membranis quibus adnascabatur, divelleretur, sequebatur partium

exa-

(a) sup. tex. 116. l. 2. de morb. mul.

(b) De rat. vict. in acut. tex. 64.

(c) L. 2. Epid.

exagitatarum, aliarumque cum illis comuni-
cantium labores, doloresque. Quibus tandem
ab haustu paregorico sedatis, ob intestinorum
inde natam relaxationem, variegatæ, ac fæti-
dæ materiei sequebatur excretio, quæ ab in-
testinis, eorumque glandulis secreta jam erat,
detinebatur autem ob membranarum intesti-
nalianum spasmos, corrugationesque: a qua mo-
ra in intestinis atque agitatione, forte va-
riam superficiem, ac ulteriorem corruptionem,
nacta erat. Porro post luctam difficilem, po-
lypo a membranis divulso, atque adoloris ces-
satione, naturali peristaltico motu intestinis
restituto, quin aucto eorum expulivo robo-
re a vino ceraforum, in glomum redigebatur
concretio, paulatimque ad podicem, a quo
cum ructu disruptorum intestinorum exiit,
protrudebatur.

IX. Talem exitum lati vermis proprium
asseruit Hippocrates (a) *Si quis curet homi-
nem, latum lumbricum habentem & medica-
mentum dederit, aut potionem: siquidem fuerit
homo bene preparatus, totus rotundus factus,
ad pilæ formam exit. Quæ in glomum com-
plicatio, cum ex una parte membranoso cor-
pori facillime accidere possit, ex altera vêtus
latus lumbricus, qui antiquis imposuit, nil
aliud esse potuerit, nisi polyposa concretio,
vel cucurbitinorum series, & catena, cor-
nicu-*

(a) 4. de morb. tex. 27.

niculis, quæ possident, inter se mutuo nexorum, quemadmodum ante Vallisnerium, qui rem, facta analysi unius catenæ, demonstravit, plerique e veteribus cognovere, & Olaus Borricchius (a) ex quadam observatione asseruit; puto, id, quod magnus Hippocrates latum vermem vocavit, intestinale polypum solummodo fuisse. Porro attentè rimatus sum, an intus cucurbitini laterent, quia ex Hippocrate, loco citato, Jonstono (a) Lancisio (b) ac Vallisnerio (c) hisce tæniis, quandoque includi, dicti vermes assolent, atque associari.

X. Verum, antequam colophonem huic appendiculæ imponam, adnotabo, Practico quoque longe celeberrimo, Riverio, casum huic meo similem, sub hystericæ affectionis larva, imposuisse, in uxore cujusdam Domini Salgues, quæ a symptomatibus hystericis non curabatur, nisi postquam excrevit, *materiam quandam pituitosam, compactam, & latam, fascia instar, palmi longitudine* (d). In modestissima quoque Vidua, Beckers referente (e) hujusmodi membranofum corpus imposuit, modo sub larva arthritici, modo colici, modo hystericæ doloris: quod miror Beckers suspi-

(a) C. 23. Syntagm.

(b) De tripl. intest. polypo

(c) Orig. de vermi dal Corp. hum.

(d) Centur. 1. 69.

(e) Apud Bonet. T. 2. M. S. Paraleip. T. 3. sect. 15. Obs. 4.

suspicioni locum dedisse; an revera cæcum intestinum divulsum, ac per podicem exclusum fuerit.

XI. Hinc animadvertere liceat, quanto adhuc distet intervallo a sua perfectione morborum dignosis: quantumque post tot sæculorum Observationes, exantlatosque ab excellentissimis viris, in rebus medicis promovendis, labores, Medicorum pectora, cæcæ adhuc notis habeant: cum iidem effectus, vi quorum ad morbi causæ notitiam devenimus, a diversissimis, neque excogitatis causis, originem trahere possint. Jure igitur, ac merito ab Medicorum prudentissimo Hippocrate prolatum est, ut posterius animadverterent, raram esse *certitudinem exactam in Medico* (a) quodque principium sanationis demonstratum quidem non est, quod sane recte principium sit universæ artis, neque secundum aliquid, neque secundum medium, neque finis. (b)

(a) De Veter. Medic. tex. 56.

(b) I. de morb. tex. 8.

GONORRHOEÆ METASTASIS

Ad pulmones, lethalis

OBSERVATIO II.

C.

VIr advena, quinquaginta annos natus, satis robustus, vino indulgens, laborique minimè parcens, dum facilius pertransiret, declinante autumno, febris corripitur, meque vocat, ut illi Medicinam facerem. Cum accessi, a tribus diebus febris laboraverat mitioris æstus, atque ad lentæ naturam accedens, cujus ut ex toto, integritatem; sic exacerbationes minime noverat. Symptomata graviora, erant ventris inflatio, & propensio ad vomitum. Itaque, cum putarem ab erroribus in vitæ regimine ægrum solummodo laborare; præscribo ad vomitum sollicitandum decoctionem foliorum assari, cum amygdal. dulc. oleo: succedit vomitus feliciter, variegatæ materiei, febrisque postridie cedit; ægerque iter suum proseguere volens, dato sostro, me a visitatione dimittit. At post duos dies, cum credebam illum jam longius abesse, ma-

F

gna

gna sollicitudine, horis postmeridianis accer-
 tor, ægrumque invenio male admodum a la-
 boriosa orthopnœa se habentem, cum pulsu
 parvo, debili, ac frequentiore. Genæ rosæ
 erant; oculi exerti, ac rubore suffusi; lingua,
 faucesque asperæ: quæque cum summa diffi-
 cultate expuerat, viridi quasi colore, inficie-
 bantur. Ego a morbi improvise, lethali-
 insultu, non tam in admirationem raptus,
 quam territus; quæro quid causæ fuisset,
 per quam a sano, ut illum reliqueram, adeo
 in levi loco modo consisteret. Suspirosus ille
 respondit: se ante septem menses, ab impuro
 coitu gonorrhœam contraxisse, morbumque ne-
 glexisse, qui ex se ante mensem cohibebatur.
 febris postmodum laborasse, a qua ante duos
 dies, vomitorio illum curaveram; nocte an-
 tecedente, a somno cum plusquam mediocri
 difficultate respirationis excitatum fuisse;
 quæ cum usque increbuisse, me in auxilium
 vocare denuo cogeatur: & *sinum lachrymis*
implevit abortis. Statim haustus copiosos ex
 emollientibus impero, tepide hauriendos,
 qui interpolatis vicibus acuebantur solutione
 spermatis cæti, in syrupo de Erysimi Lobellii,
 ac hydromelle, cum additione spiritus salis
 ammoniaci anisati; at nullo fructu. Præcipio
 item, ut frequentes ex mollientibus fatus;
 pectori, dorsoque inter scapulas, in vescicis
 suillis apponerentur; sed frustra. Tunditur brac-
 chium

Chium dexterum : Gerræ . Mane sequenti exhibetur potio cathartica , quam solutivam magistralem vocamus , in cujus infusione radices Hellebori nigri , Polypodiis Quercini , falsæ , Helenii , atque imperatoriæ , incoquebantur ; at alvus non solvebatur . Ob id indictis , festinanterque peractis sacris omnibus , iniicitur clyster egregie purgans ; sed sedes non duxit . Respiratio sublimis fit , ægerque , post duas horas , emoritur , lingua , ac faucibus asperis , viridibus , ac duris .

II. *Turpis est calamitas medicamento purgante dato , hominem occidere* , ait Hippocrates (a) subditque Ramazzinus , (b) & etiam si detracto sanguine paulo post intereat . Verum eventus hujusce mali , haud me pudet ; cum sanguis emissus , purgansque exhibitum , hominem utique præ morbi violentia , e mortis manibus surripere non potuerint ; etenim interdum docta , plus valet arte , malum , illi autem , utpote cum ratione administrata , necem festinare minime valuerint . Ratione causæ morbi sanguinis missio haud equidem expostulabatur ; at ratione urgentis symptomatis , imminentisque suffocationis , absque omissione culpanda non poterat non institui . Baglivus ex Hippocrate , ait , in respirationis (c)

F 2

diff.

(a) de Medic. purg. tex. 3.

(b) Constit. Epid. urban. p. m. 36.

(c) Prax. l. 2. de asthma.

84 C

difficultate tundendam esse venam; si æger etiam hydropē laborarit: Quanto magis si syphilide, in qua non adeo, ut in hydropē suspecta est sanguinis emissio. Celebris Practicus Ettmullerus (a) venæ sectioni cæteroquin non multum addictus, fere semper in catharro suffocativo eam necessariam putat: in asthma quoque, si sanguis in Pulmonibus stagnet, ab ea liberiores circuitum conciliari, ait. Quin irritis expectorantibus, attenuantibus, fotibusque; quid ægro præstari poterat, ut quaqua via, e mortis faucibus illum eripere satagerem? Melius anceps experiri remedium, quam nullum, cum celso duxi; quod cum in casu unicum esset, nihil interesse putavi, an satis tutum esset, quod unicum foret. Itaque in præcipiti periculo, sanguinis missionem instituendam duxi, quam alias ratione causæ morbi, omissem. Quod vero ita præceps foret periculum, frustranea potionis exhibitio, clysmatisque injectio demonstrarunt; cum notante Clariss. Boerhaavio (si dicto auctori, opusculum, de remediorum facultatibus adjudicandum sit) medicamenta in cadaver non agant.

III. *Pars altera, alteri morbum inducit*, ex Hippocrate (b) idque probatione non indiget.

[a] Colleg. Pract. l. 1. sec. 14. c. 4. & sect. 13. c. 3.

(b) De Loc. in hom. tex. 2.

diget. Verum enim verò, quanquam *consensus unus, conspiratio una, consentientia omnia*, quia ut idem ait, *qualibet corporis pars omnia habet quæ, & maxima (a)*; nihilominus quasdam inter corporis nostri partes, quasdam magis peculiaris communio intercedit, ut quodam veluti familiaritatis jure, una alteri proprias affectiones impartiri videatur. Peculiaris vitæ consensus inguen inter, pectus. que viget. Vocis gracilitatem ab testium varice solvi, observavit Hippocrates, solutionemque testium tumoris, a mammarum elevatione contingere annotavit (b): *quæ res*, ut idem alibi protulerat, *commonefacit nos communionis pectorum, mammarum, genitura, vocis (c)*. Iste consensus conspicitur etiam in venere lue: Observavit Baglivus (c) sterni dolorem, contractæ luis signum esse; quod multo ante Baglivum, notatum fuerat a sui ævi Celeberrimo Practico Saxonia, qui de venereis doloribus loquens, ait: *præcipuè vera afficiunt ossa furculæ pectoris quinimmo univèrsam Thoracem (e)* An ob solum hunc consensum gonorrhœa in casu, a malo vitæ regimine retroacta, ad pulmones decubuerit; an a

(a) Ibid. tex. 3.

(b) 2. Epid. sect. 5.

(c) Ibid. sect. 1.

(d) Prax. l. 1. de morb. gland.

(e) In Tract. de lue Vener. c. 19.

vi vomitionis illuc abrepta fuerit, prudentioribus, sagacioribusque inquirendum relinquo. Scio quidem ad vasa pulmonalia hærentes humores, vi vomitionis potentissime solvi, ac deturbari; num vero eadem ratione liquida tenacia in pulmonalia vascula, quæ suæ crassitiei ratione pertransire nequeunt, vi adigantur; haud equidem affirmare ausim. Certe casus iste facit, ut hæc super re attentior observatio instituat. At præstat Magno Præxeos Magistro hic morem gerere; qui postquam de morborum successibus, prout sursum, vel deorsum abscessus fecerint, loquutus fuit, subdit: *consideranda sunt hæc, quo, & unde, & propter quid (a)*. Nitamur igitur aliqua afferre, quæ si forte non vera, veri saltem similia sint nostrique ævi naris emunctæ Medicis, fortassis non displicitura.

IV. Si humorum e parte ad partem decubitus, nervis mediantibus efficeretur, quemadmodum per nervos stimulus, & distentio, e loco ad locum defertur; facilimum esset hujusce a partibus genitalibus ad pectus, & e contra peculiæ decubitus rationem reddere. Verum cum nervi ex una parte crassioribus liquidis continendis nati non sint; atque ex altera varicum ad testes; tussis ad pulmones; testium tumoris; mammæ elevationis, quæ materialis causa est, crassior existat; hanc per
nervos

nervos ire, redire non posse, cuique notum est. Sequitur igitur, ut per cruoris, vel lymphæ vasa dicta morborum transmutatio perficiatur.

V. E pectoris specu ad mammas, tum venosa, tum arteriosa vasa ex axillaribus, & subclaviis, emergunt, quæ abdomen versus protensa, ibi cum Epigastricis vasis, quæ cum iis quæ ad inguina in sexu utroque repunt, communicant, arteriæ arteriis, venæ venis, inosculantur. Si igitur quæ e pectore emergunt arteriæ, aliquid morbosum secum e pectore afferant; illud per Epigastrica inguinalibus vasis infundere poterunt, unde ab inguinum morbo morbi Thoracici solutio. Si item inguinales venæ Epigastricis mediantibus, axillaribus, subclaviisque, quæ morbum in inguine faciebat, materiam communicent; hac ad mammas decumbente, qui ad inguen erat morbus, solvetur. Ob id summus observator, idemque rationi addictissimus Hippocrates, nedum, e statu mammarum uteri statum dignoscendum docuit: *Si papilla mammarum, aut rubor pallidus fuerit, morbosum est uteri vas (a)*; sed nimium sanguinis ex utero fluxum, cucurbitula ad mammas posita, compescendum, summa cum ratione præcepit (b). Ista Thoracicorum cum genitalibus vasis communio,

F 4

mire

(a) 6. Epid. sect. 5.

(b) 5. aphorif. 50.

mire etiam illustratur , a binis Volckameri Observationibus (*a*) apud Bonetum . Mulieri cuidam e muliebrissima , carunculæ propendebant : adnascitur egræ in collo tumor , qui apertus, eundem, quem carunculæ continebat humorem . Ut melius se habebat uterus , benignius & colli ulcus se habuit ; novo inferioris recrudescente morbo , & superior recruduit , atque ab utroque simul mulier convaluit . Alteri mulieri exsectus uterus : eo exsecto convaluit ab ulcere quod collum male habebat, quodque eundem factorem olebat , quem morbosus exsectus uterus . Scio quidem Clarissimo Warthono (*b*) hanc ab utero ad mammas translationem , mediantibus mammariarum cum Epigastricis anastomosibus , fabulam esse ; nihilominus haud ita memovetejus auctoritas , ut Boerhaavio adveser (*c*) eam ex Nukio asserenti . Hanc itaque unam esse viarum puto , per quas pectus inguini , inguen pectori morbos vicissim communicant .

VI. Per hanc virus quoque Venereum abinguine ad pectus transire potest , Verum cum ejus metastasis ita semper cita non sit ; via difficiliore ad pectus decumbere haud temere suspicari datur . Huc accedit , quod ita sanguis a lue statim inficeretur ; quod tamen non evenire puto , nisi cum ad summum suæ potent-

(*a*) T. 2. M. S. l. 4. sect. 2. Obser. 8. 21.

(*b*) Adenograph. c. 36.

(*c*) OEconom. animal. 666. 687.

tentiæ devenerit virus, siue ob curam neglectam, siue ob vim maiorem vincteati minis-
tis; si enim sanguinem semper inficeret, fune-
ra eumlaret, cum illum, in polyposas con-
cretiones condensare solent, ut constat ex Ni-
colai musæ Observationibus, apud Bonetum,
in Sepulcreto (a). Quin observanti patet,
luem Veneream albos potissimum succos infi-
cere; mucus etenim, & mala pituita nasi,
qua infecti exercentur, id ostendunt. Osten-
dunt id etiam tumores Venerei, qui liquida
a sanguine rubro aliena continere soleat, nec
facile, ut phlegmones, supperantur; Celtica
item febricula, quæ insectos male excipere so-
let, earum naturæ esse videtur, quas Medici
lymphaticas appellare consueverunt. Si igitur
viam qua virus Venereum liquida circum-
gyrantia inficiat, atque ad pectus decumbat,
ut Saxonia ex Baglivus notarunt, paucis at-
tigero; aliud iter, quo inguen pectori mor-
bos communicare potest, explicuero.

VII. Quamquam succus lymphici, vel ad
lymphæ naturam accedentes, qui copiose par-
tes genitales irrigant, non suaderent vasa
lymphatica copiose ad dictas partes deferri; pe-
nis lymphæ ductus a Cowpero, & Drackio
delineati (b); Willisy (c) assertio, dicentis,
plures lymphæ ductus ab hisce partibus, quam
ab

(a) T. 3. l. 4. sect. 9. Observ. 1.

(b) Apud Heist. in c. a. 252.

(c) De anima brut. c. 5.

ab quavis alia exoriri ; quique in animali vivo copiose perreptantes videri possunt, id cui cumque suadere posse existimo. Hinc fit, ut si aliquando, quodad canaliculos urethræ majores, aut ad alia illic sita emunctoria hæserat malignum, ac vere fermentativum miasma gonorrhœam efficiens, per lymphaticas venas reforbentur ; prout eæ ad testes, vel inguinales glandulas pervenerint ; vel venereos bubones, quod magnis viris Cowpero (a) & Boerhaavio (b) placuit ; vel dolentes, sæpissimeque inflammationis testium tumores excitet. Ob hanc celtici virus per lymphæ ductus absorptionem, fit, ut lymphæ citius præ sanguine celticam vim experiri cogatur, quemadmodum supra evenire, adnotavi, e muco infectorum ; e natura venereorum tumorum, & febricula, quæ infectos exercere solet. Posito itaque quod syphilis nondum sanguinem rubrum infecerit, sed succis lymphaticis vitium solummodo induxerit, Thoracem, pulmonesque ab ea conspurcari præ aliis partibus, si non necessarium, res certe longe facilima est. Etenim cum copiosissimi per Thoracem aquæ ductus repant (mammæ siquidem Warthono (c) asserente, hujusmodi canales, & valde numerosos ; plura ; mediastinum. Thymus ; Diaphragma ex Nuckio (d) ; Pulmo ;

(a) Apud Morgagn. advers. 4. 22.

(b) Aphor. 1448.

(c) Adnogr. c. 36. (d) Apud Heist. c. a. 357.

mo; Pericardium (a), obtinent) per hosce ;
haud in parva copia venenum celticum ad
pectoris partes transducetur. Haud me lateat
aquæductuum continuationem , lymphæque
cum lymphâ immediatum circuitum ex ana-
tomicis, non adhuc constare , unde aliquis
obiicere posset , me precario adstruere ex lym-
phaticis iis , quæ ad inguina repunt , virus
venereum ad pectus transferri. Ego vero re-
ponam , neque contrarium ex Anatome pate-
re , patere vero ex praxi, Gallicos tumores ,
Gallicamque febriculam , ut plurimum lym-
pham pro materiali causa habere, qualis, qualis
sit modus quo hæc fuerit infecta. Cum constet
itaque hanc potissimum inquinari , eandem-
que copiose Thoracem rigare; haud alienum
a probabili erit, ob id maxime pectus Galli-
cam virulentiam sentire, quia in illud ma-
gna materiæ infectæ copia influit. An non,
ut sanguis sic quoque lymphâ a Pulmonum
prælo immutari opus habet , ut sanguini ,
chymoque dilutior , proindeque commodior
accedat. Suspicio ista, haud equidem ita a
ratione abhorret, ut sagacissimo, atque ut in
omni medicina, sic in Physiologicis versatis-
simo, Doctissimoque Boerhaavio in mentem
non venerit. Scripsit iste dubitatorio modo; &
forte Sympha hic, ut de sanguine demonstratum,

mi-

mutata in suis organis, in venis diluitur (a)

VIII. Tali itaque lymphæ pulmonici aquæductus infecti; si eam, ubi inter lobulorum interstitia intervatur ex Willisio (b) vasculis rete Malpighianum efformantibus, infundant; sanguis illic condensabitur: hic cruori pone succedenti impedimento erit: inter obstructionis locum, & ventriculum dextrum sanguis reliquus accumulabitur; pulmo replebitur: neque ob id eo se satis explicante, & contrahente, respiratio parva fiet etiam frequens ob continuam necessitatem stagnantem sanguinem urgendi, & dimovendi. Sanguinis copia minor in Ventriculum sinistrum influet: inde cor minorem sanguinis copiam per arterias, trudet, & pulsus fiet parvus: debilis etiam, celerque, quia cordis coronariæ, haud satis sanguine inflatæ, quod satis est roboris cordi, ut fortiter se se contrahere possit, non communicabunt, idemque de aliis potentiis sanguinem impellentibus dicendum erit; unde vix ad arterias se se applicante sanguine, pulsus debilis celerque evadet. Erit etiam frequens, quoniam ex Pulmonum agitatione, & angustia, nervi quoque Pneumonici irritati, pari vago (si intercostalis conjugatio in homine e thorace exeat, nulla cum Thoracis partibus habita communicatione, quemad-

(a) *Æconom. anim.* 2000.

(b) *Pharmac. rat.* l. 2. sect. 1. c. 1.

madmodum sentit Willisius (a) vel vago, & intercostali (si ut cæteri tradunt, nervi isti cordi, & Pulmonibus accedant) stimulum communicabunt, ex iisque in cor cerebellofos spiritus frequentius excidere facient, unde celerior cordis contractio, & pulsus. At non exonerante se cava in cor dextrum ob Pneumonicam arteriam sanguine nimis repletum; neque ea quæ per faciem, & oculos reptant vasa, in cavam exonerabuntur; qua propter in facie subsistente sanguine, hæc rubore infecta apparebit, oculique præ stagnante sanguine turgidi, extra orbitas stare videbuntur. Porro tali in statu constituto animali, summa orthopnæa suffocabitur; quam ut vitet, manibus, ut ita dicam, pedibusque nitetur; ac elevatione scapularum, Pulmoni turgido, sive ex vi, sive ex animo, spatium capacius procurabit; seu quod idem est, respiratio sublimis fiet. Cui, si malum non cedat, suffocatio, ac mors superveniet. Quid quod ita se habente ægro, nulla amplius spes vitæ supererit, ac quilibet labor frustra cedit? etenim cum ab humorum circuitu, seu vitæ vi, ea quoque facultas pendeat, quæ medicaminum vim excitat; tali in casu, circuitu per vasa minima obliterato, quæ ex hisce texuntur tunicæ, emortuæ jam erunt, unde nulla Medicaminum actio, cum hæc in Cadaver

non

(a) Nerv. Descript. c. 25.

non agent. Frustra quoque sanguis mittetur, ob Pulmonarem circuitum impeditum, sublato venosi, cum arterioso cruore, commercio. Ex supra descripto animalis nisu, & vasorum superiorum repletionē, aliquid subtilius per tunicas non poterit non exprimi; quod cum cæteroquin tenacius, ut naturæ ejus est, esse debeat; fauces, linguamque quantum sat est, minime humectabit, quæ inde asperæ evadant, easque eo colore inficiet, qui suæ densitatis denotat gradum. Porro, Hippocrates, sputa cum virore pallida, pro summæ inconcoctis habere solet. Neque faucium linguæque asperitati, quæ per salivæ canales naturaliter lymphâ excernitur, in subsidium venire poterit; qui enim naturalis excretio partibus in iis fieri potest, ubi humorum circuitus ferme compressus est? Sic laborasse, sicque diem suum ægrum meum obiisse, haud a probabili alienum duco; quem morbum Gonorrhœæ ad Pulmones metastasim vocavi, de natura morbi, non de nominibus sollicitus; cum horum in Praxi numerus, jam eo excreverit, ut potius cognitionem perdat, negotiumque Tyronibus faceat, quam scientiam parint, aut ægris adiumentum afferent. Ea namque est rerum quoque medicarum conditio, ut a necessariis primum orta, cunctæ deinde venerint ad nimium.

E I N I S.

ISCHU.

ISCHURIA VESICALIS

Convulsiva, feliciter, ac cito sanata.

Examinatur Hippocratis auctoritas
de emittendo sanguine in urinæ
difficultatibus.

OBSERVATIO III.

D.

Rusticus gracilioris, sicciorisque corporis habitus, annorum quinquaginta, vino indulgens, atque ab infantia morbo sacro obnoxius, ab hoc ante aliquot annos post multa adhibita, ferme sanabatur per foniculum in femore excitatum. Morbus haud omnino profligatus, fortiores Lunæ aspectus aliquantulum sentit; hoc enim tempore, vir leviusculis nervorum distentionibus adhuc corripitur. Dum æstivo tempore magis, magisque convulsivos pateretur insultus, erumpunt ei bini parvi tumores supra spinam ossis sacri. Ex tunc, prius aliquali difficultate in lotio reddendo per septem, aut octo dies laborat; demum legitima ischuria corripitur. Ad illud curandum quarto die ab urinæ suppressione accessi, respectu habito ad ægri temperiem, valetudinem, atque ad convulsivos insultus.

insultus, quos hoc tempore crebriores perpessus fuerat, nec non ad locum, unde tumores excitabantur ex eo ischuriam exoriri putavi, quod nervi ad Vesicam pertinentes, qui ibi exoriuntur, unde tumores eruperant, distentione afficerentur, sphincteremque orificii vesicæ musculum tonica vi clausum tenerent. Ob id indicationes sumpsit peculiarem plenitudinem, quæ vi stimuli ad nervorum affectorum exortum fiebat, tollere; stimulantibus succos exturbare (neque enim dabantur induciæ ad expectandam tumorum suppurationem) nervosque irritatos, ac janitorem musculum demulcere. Itaque immisso ex emollientibus, demulcentibusque clysmate, sanguinem e pede, ad uncias octo extrahi præcipio; sed magni Hippocratis (a) consilium sequutus, venam malleoli internam perundi curo. Spina inungitur essentia roris-marini, oleo spicæ, succinique stillatitiis, Pubisque regio, ac Perinæum illinitur oleo e scorpionibus Matthioli, desuperque parietaria imponitur, at cochleatim talem consumit mixturam,

℞ aq. succ. Melis. ℥ vj

Liq. C.C. succin. ℥ j. s.

Laud liquid. Syd. gut. xvj

Vix quatuor mixturæ cochlearia hauserat, cum bis minxit, dolorque ad pubem, ac tensio
cessa-

(a) 7. aphor. 48. & 6. 36.

cessavit. Postridie alvus subducebatur flore Cassiæ, cum conserva violarum, ac Tartari cremore; neque inde rediit ischuria: Tumor, res curabantur a Chirurgo.

II. In acutis, urinas convulsorio modo intercepti haud infrequens est in Hippocrate legere, Ischuriam vero ab nervorum distentione fieri, rarum admodum legitur apud Practicos, & Observatores. Neque enim memini, nisi apud Ettmulerum me legisse (a) hujusce mali causam quandoque esse pertinacem sphincteris spasmus a doloribus abdominis convulsivis, exortum. Cum igitur hæc observatio, ferme novam morbi ideam medentibus obijciat, operæ pretium duxi eam Clinicis exhibere. De facto autem convulsivam fuisse dictam Ischuriam, tum ex iis, quæ ex antecedentibus attigi, cum ex juvantibus; ex exitu morbi ita patere duco, ut ulterius eam prosequi, putem supervacaneum. Unum tamen est, quod hujusce observationis occasione notatum volo; Hippocratis nempe præceptum in urinæ difficultatibus interiores pedum venas secandi. Quod cum rationi haud absolum, apprime consonum mihi videntur: temporis jacturam me non facturum existimo, si circa hoc aliquantulum immorabor, rigidiorique Galeni criterio illud subiiciam.

III. Venæ sectionis in urinæ morbis, tri-

G

bus

(a) Colleg. Pract. sect. 19. art. 1,

bus in locis meminit Hippocrates . Secundo Epidemiorum, scriptum reliquit : *urina stillicidium, vena sectio solvit (a)* ; in aphorismis vero, postquam meminit venæ sectionis, utrobique internas venas secare præcipit. De venis pedum, quæ secari solent, dubio procul Hippocratem loquutum fuisse, ex eo conici datur, quod, ut Galenus, Martianusque testantur, laborantibus superioribus partibus . superiores; inferioribus, inferiores venas in morborum curationibus secare, mos apud Hippocratem obtinuerit. Doctrina hæc adeo rationi incongrua Galeno visa est, ut potissimum propter illa verba : *secare interiores*, illam ut Hippocratis dogmatibus minime consonam rejecerit. Verum male omnino, me Judice, cum iis, quæ alibi tradit Hippocrates, optime consonet. Postquam in libro de natura humana (b) tum in libro de ossibus (c) venarum crassarum historiam prosequutus est; utrobique concludit, poplitæam, & sapphænam externas, in dorsi, & coxendicum doloribus; internas vero, lumbis, ac testibus dolentibus, esse secandas: idque ob eam rationem, quod dorsum, & coxendices juxta Hippocratis anatomem, ab externo; lumbi,

& te;

(a) Tex. 20.

(b) Tex. 20. 21.

(c) Tex. 11.

& testes, ab interno crassarum venarum pari, furculos habeant. A quo interno pari, cum venas quoque habeat vesica, & partes circumpositæ; Doctrinam Hippocratis, principiis congruentem esse, in vesicæ morbis internas venas secare, cuique patere puro. Sed obiicit Galenus ultimam libri, de natura hominis partem non Hippocratem, sed Polybum auctorem habere, ob idque crassarum venarum anatomen ibi traditam, minime Hippocrati esse adscribendam. Quamvis ego sciam dictarum crassarum venarum historiam, ab Aristotele (a) qui eam improbat, Polybo adjudicari; nihilominus, eam Hippocratis esse, quæcumque ea sit, contendo. Atque ut missum faciam librum de natura hominis, ubi haud cohærenter iis, quæ superius auctor attulerat, hæc anatomes traditur; ex professo historia hæc describitur in libro de ossium natura, quem Hippocratis doctrinam continere, ex eo nosci datur; quod anatomicas venarum descriptiones alibi ab Coo traditas, ab hoc libro desumptas esse, facile sit judicare. In libris Epidemiorum (b) quod, & Martianus (c) contra Galenum annotavit venæ hepatidis appellatæ, distributionem tradit: quæ descriptio, in libro quoque de ossibus, habetur.

G

2

tur.

(a) L. 3. de Hist. animal. c. 2.

(b) 2. sect.

(c) Sup. lib. de nat. hom. tex. 20.

tur. Primo de morbis (a) splenitidem venam; atque hepatitidem ut Pleuritidis explicet ideam, delineat, quæ descriptio in libro quoque de ossibus prostat. In libro de internis affectionibus, quem Hippocratis genuinum putat Galenus (b) in morbi (c) descriptione magnarum venarum cavarum, eandem crassarum venarum historiam prosequitur. Hisce positis, erit adhuc dubitationi locus, num dicta Anatomes Hippocratem habeat auctorem nec ne? Cum ergo quæ de internarum venarum sectione in urinæ difficultatibus præcipit Hippocrates, venarum historiæ ab ipso traditæ, consonent: cur, aut quomodo, internarum venarum sectionem, Hippocratis dogmatibus minime consonam putarit Galenus, non video,

IV. Nunc quoniam dictam Doctrinam suo Auctori contra Galenum adjudicavi, restat, ut eam Hippocrate dignam, rationi nempe consonam, contra Clariss. Tozzi, demonstrerem: qui in suis, optimis, cæteroquin, super aphorismis commentariis (d) minime rationalem illam putavit. Cave sis tamen credas, in quibuslibet urinæ difficultatibus venas ab Hippocrate pertusas; neque enim adeo stipes fuit Magnus vir, ut causas, in cavitate vesicæ hærentes,

(a) Tex. 23,

(b) In 6. aphor. 27.

(c) Tex. 19.

(d) Ad 36. 6. & 48. 7.

hærentes, per venæ sectionem educere tentavit. Id solummodo ab eo factum puto, cum vitium in substantia vesicæ, ejus collo, partibusque circumjacentibus est. Quæ omnia nedum clare patent ex libro de affectionibus (a) ubi, ait, urinæ stillicidii modos multos esse, & omnigenos, nihil de sanguinis missione scribens, sed per mollientia, & humectantia, urinam cientia, doloremque sapientia Medicamenta curationem absolvens; sed etiam rationabiliter conici potest ex iisdem aphorismis, ubi venæ sectionem urinæ difficultatem tollere dixit: Ait enim, *vinum epotum, & venæ sectionem morbum tollere*. Num contra eandem morbi causam valebit vinum epotum, & sanguis emissus? Haud ædèpol ita esse mihi videtur; sed vinum præberi ad digerenda, ut penetrantior est, & urinam ciens, quæ in vesica crassiora, difficultatem pariunt, sanguinem vero mitti ad solvenda, ac deturbanda ea quæ intra vesicæ substantiam, aut circa vicinas partes reptantia, inflammationem, orificiî strangulatum, paralyfin, convulsiones, excrecentias efficiunt. Sic cum scriptum reliquit, lippitudines tolli a meri potu, balneo, fomento, venæ sectione, medicamento potione (b); non eandem semper morbi causam, nec idem morbi tempus sem-

G 3

per

(a) Tex. 29.

(b) 6. aphor. 31.

per respexit ; quod & si in aphorismo non explicuit, quia aphoristicae sententiae brevitatis, per hæc excurrere respuebat ; nihilominus attendenti, ad ea respectum magnum virum habuisse, in propatulo est ; ut non satis mirer, cur Celsus in talem aphorismum ita animadverterit : *Curare vero oculos sanguinis detractione, medicamento, balneo, fotu, vino ; vetustissimus Auctor Hippocrates memoria tradidit. Sed horum tempora, & causas parum explicuit, in quibus medicina summa est (a) ;* Nunc ego averterem scire, an non sanguis emissus, nisi virium robur, aut alia prohibentia obstant, dicta vitia auferre, & minuire, ac quidem cito possit. Nullus dubito, quin si Erasistratæos, aliosque phlebothomiæ otores exceperis, reliqui e Medentibus mecum sentire debeant, phlebothomiamque, Magno Hippocrate Duce, ubi adsit indicatio, utilem oppido in vitiis urinæ ducant Phlebotomiam, inquam, ratione morbi causæ celebrandam ; cum ratione symptomatum, doloris, nempe, tumoris, sitis, ac febris inflammationem minuantis, tunc etiam celebranda sit, cum in cavo vesicæ, aut calculus asperior, aut alia quælibet causa morbum creet.

V. At nunc mihi illud animadvertere liceat, quod nescio, an a Practicis huc usque satis animadversum sit. Ajunt equidem in-

ter

ter stranguriæ causas esse humores acres in vesica productos ; at horum humorum genesis clariorem ideam nobis minime obiciunt. Mihi itaque sæpe animo subiit, an non vitiata secretio illius humoris qui e glandulis nerveæ internæ vesicæ tunicæ extillat, vesicam irritando difficultatem urinæ quandoque non pariat? Sic ab acriore lymphæ per glandulas Epiglottidæas, aritenoideas, trachæales secreta, muscularibus trachææ fibris crispatis, & homo ad tussendum subinde impellitur, & respiratio vitiatur. Forte etiam omnino sublata quandoque muci vescicalis secretionem, contra irritantes urinæ sales, nuda vescica exponetur, vitiumque in lotio reddendo manifestabitur; quæ omnia ab Clariss. Heisteri (a) adnotatione illustrari videntur, qui animadvertit glandulas dictum mucum ex Graafio, & Dracke secernentes, circa vesicæ colulum magis conspicuas apparere, ubi nempe mejendi stimuli ab stranguriosis percipiuntur. Omnia hæc non ita a ratione abhorrentia mihi videntur, ut ea sæpissime contingere non credam; potissimum quia Cous Senex inter morbos, qui senes corripunt, quos a defluxionibus cum tussi; ab articulorum doloribus; a totius corporis pruritu; aliisque morbis, sive a crasso, sive ab acri phlegmate provenientibus tentari dixit, urinæ quoque stil-

licidia, difficultatesque numeravit. Quin Praxis quotidiana ostendit, senes eos potissimum stranguriosos fieri, qui mucis, seu lymphæ acriore scatent. Quæso nunc ego: sanguinis detractio, indicatur nec ne a secretionibus vitiatis? Solet nec ne eas in ordinem redigere? Si ita est, cur illam igitur in urinæ difficultatibus sæpissime indicari non concedemus, quæ bonam partem a mucis vesicæ oblinientis secretionem vitiata proveniunt? En igitur, quod sive a causis extra vesicam, ratione causæ; sive a causis in vesica stabulantibus, quæ inflammationem tamen minuentur, ratione effectus, nisi prohibentia adsint, sanguinis detractio sæpe indicatur: & quod jure merito melioris Praxeos Magister Hippocrates, quidquid contra graxit Galenus gamclus, & venæ sectionem urinæ difficultatem tollere ter scriptum reliquerit.

VI. Nec minus rationabiliter interiores venas secandas præcepit. Rationabiliter, inquam, quia anatomico principio innixus: quod & si anatomes hodiernam splendidissimam lucem non ferat: nihilominus ita optima fors tulit, ut quæ inde magnus senex deduxit, nedum non adversentur, sed optime stare possint cum iis, immo ex iis fluunt, quæ de cruralium venarum distributione recentiores tradiderunt, Magnusque Bellinus, Pitcarniusque de sanguinis missione scri-

scriptis consignarunt . Quod antequam demonstrarem, uno supposito, duo alia probanda sunt.

VII. Suppono prius, quod dum indicatur in urinæ difficultatibus sanguinis missio, indicetur sanguinis per vesicæ corpus, partesque circumjacentes stagnantis, vel lentescentiæ, dimotio. Si igitur hypogastrica, atque hemorrhoidalia vasa venosa, quibus vesica instruitur, depleantur: sanguinem in illis lentescentem, stagnantemque dimotum iri facile arbitror.

VIII. Ex iis quæ probanda sunt, primum illud est, quod rami venosi, qui ad malleolum internum repunt, sint saphænæ propaggines: id vero Anatomicorum auctoritate probatur. *Ramus internus saphænæ nomine insignitus fertur ... ad malleolum internum, ubi cum aliorum ramulis varie inosculatur (a)* Sic Verheyenius. Porro saphænam supra cæteras venas, a trunco crurali abscedere, demonstrant anatomicæ venarum Tabulæ ex Vesalio, Casserio, & Verheyenio, asseriturque ab Solertissimo Heistero (b)

IX. Alterum a me probandum est, quod servata ejusdem emissarii magnitudine, misque sanguinis quantitate: facilius motus sanguinis per vesicæ vasa, hypogastrica, & hæmor-

(a) T. I. Tract. 7. c. 2.

(b) C. a. 296.

hæmorrhoidalia nempe, promoveatur, si supra dictorum vasorum in ramum Iliacum insertionem sanguinis quantitas minuatur in Iliaco: quam si id fiat infra dictam insertionem. Quod si infra dictam insertionem id fiat, eo facilius cruor in hypogastricis, & hæmorrhoidalibus dimovebitur, quo proximius insertioni, sanguinis quantitas minuetur.

X. Quoniam sanguis qui ex hypogastricis, & hæmorrhoidalibus venis in Iliacas elutriatur cor versus cursum dirigit; resistantiam, quam ab reliquo sanguinem patitur, ab eo potissimum patitur, qui ipsum prope antefluit. Sed si supra dictorum vasorum in Iliacum insertiones, quantitas sanguinis minuatur, resistantia dicta in Iliaco tollitur, quod non obtinetur Iliacum infra insertiones deplendo, cum sanguis antecedens, non postveniens impedimento sit: ergo vesicæ sanguini facilius resistantia tolletur, proindeque motus conciliabitur supra dictas insertiones quantitatem in Iliaco minuendo, quam si infra, id præstetur. At secentur venæ, seu quantitas minuatur sanguinis infra dictas insertiones, in locis tamen qui a dictis insertionibus non æquidistant. Clare patet quod trunci sectiones locis pertusis superiores citius deplebuntur per emissaria insertionibus proximiora, quam per remotiora: quapropter, ea quoque trunci sectio, quæ vesicæ

ficæ vasorum insertiones comprehendit ; citius deplebitur per emissaria insertionibus proximiora , quam per remotiora . At ab eo sanguine qui in trunci sectione ea est , quæ sectionem insertionum proxime antecedit , resistantiam , ex superioribus , patitur vesicæ sanguis redux ad cor , ergo hæc resistantia sanguini citius tolletur per emissaria proximiora , quam per remotiora . Sed saphænæ emissarium cæteris pedum venis dictis insertionibus , ex Anatomæ proximius est , ergo citius per hoc vesicæ sanguini resistantia tolletur . At ab hac ablata resistantia pender sanguinis dimotio , seu affectus curatio . Saphænæ vero emissarium aperitur , interioris malleoli venastundendo , ergo citius vesicæ medebimur secando interiores , quam exteriores . Ad hæc omnia tamen , quod notandum , eadem sanguinis quantitas , emissarii que magnitudo servanda est .

XI. Verum nedum citius , sed melius etiam vesicæ medebimur secando interiores . Sanguis per vasa , & potissimum cum sursum versus per venas movetur , motu projectorum movetur . Potentiæ quæ illum impellunt , sunt maxime cruor a tergo premens , vi cordis , respirationis , arteriarumque pulsus ; muscoli superstrati ; peristalticus membranarum venosarum motus , & valvulæ . Porro dum sanguis detrahitur , ex Bellinianis demonstratis , nisi
copia

copia detracti sanguinis ea sit, quæ vires im-
 pellentes minuat, potentiis impellentibus resis-
 stentia tollitur, seu, quod idem est, iis ro-
 bur visque additur. Locus vero, unde potis-
 simum majorem impellendi vim potentia acqui-
 runt, eum esse duco, unde sanguis, secta ve-
 na educitur: quod sic probatur. Unde san-
 guis educitur ibi minor sit resistentia poten-
 tiis impellentibus; sed minor resistentia, idem
 est, ac robur potentiis adauctum, ergo robur
 potentiis augetur, ubi resistentia minuitur.
 Cum vero sanguis, ut paulo ante dixi, mo-
 tu projectorum moveatur; eo fortius, ut pro-
 jecta solent, movebitur, quo, vel principio
 motus, vel loco unde motui vis accedit, pro-
 prior est: vis autem, quæ ramo crurali, se-
 cta vena, accedit, eo loci manifestatur, ubi
 in ramum cruralem inseritur, quæ insertio
 superior est, reliquis venarum pedis insertio-
 nibus: ergo cruor in crurali, atque iliaco va-
 se velocius movebitur secta Saphæna, quam
 quolibet alio pedum vase. Sed sanguine, per
 vas aliquod se celerius movente, fieri non
 potest, quin per ea quoque vascula velocius
 moveatur, quæ in dictum vas influunt, sese-
 que promptius exonerent; ergo hypogastrica,
 atque hæmorrhoidalia vesicæ vasa promptius
 exonerabuntur, seu quod idem est, per ea
 sanguis velocius movebitur secta saphæna,
 quam quocumque alio pedum vase. Ergo ob-
 du-

duplicem causam in urinæ morbis, saphænam secabimus; & quod citius, & quod melius medeatur. Ergo Magnus Medicinæ Parens Hippocrates optima ratione docuit: *Urina difficultatem solvit vena sectio: secare autem interiores.*

XII. Si isthuc est sapere, mihi quispiam obiciet, ædepol est stulte sapere. De urinæ difficultate Hippocrates loquitur: in urinæ difficultate rationabile esse sanguinem mittere, probare conatus es: Interim supra dixeras te in urinæ omnimoda suppressione Hippocratis præceptum sequutum, pedis venas interiores secasse. Quando nam Hippocrates de curatione Ischuriæ vesicalis verba fecit? Nullibi, quod sciam. Sed cum stranguriam dixit venæ sectionem tollere, qui vesicæ affectus, secundum magis, & minus, ut scholæ loquuntur, ab Ischuria solummodo differt; probabile mihi videtur, & de Ischuria idem Hippocratem intellexisse. Idque mihi probabilius ex eo fit, quod nullibi Ischuriæ curationem tradiderit, quam tamen, utpote morbi passim obvii, explicuisset, si eam a Stranguria specie differre putasset. Ita omnes Vesicæ affectus eodem inclusit Prognostico vir, qui res, non verba captabat: *Renum affectiones, & quæ circa vesicam consistunt, difficulter sanantur in senibus* (a) Medicus quoque sua ætate

(a) In Mundin. Anatom. De anat. crur. & pedis.

etate longe Celeberrimus Curtius, dictos de
 urinis Aphorismos, sic legit, ut in iis, omnes
 urinarum affectus comprehensū videantur :
 ita enim legit: *in passionibus vesicae vena sectio
 solvit: secare autem interiores.* Sed quacumque
 auctoritate posthabita, mihi satis est, ab iis-
 dem causis Ischuriam, quibus Stranguria,
 haud raro fieri, ut cum ita se res habet,
 methodo eadem utrisque opituler.

F I N I S.

STRAN-

STRANGURIA, HÆMORRHOIDUM

Dolor, & dextri testiculi tumor, in
fene fanata . Nova Stranguriæ
Idea illustratur .

OBSERVATIO IV.

E.

Vlr annorum 70. maxime vinofus, ac la-
boriofus, acrioris temperaturæ, licet
crasso corporis habitu præditus; per hyemem
acriorem, siccioremque anni- 1738 - post esum
copiosum suillæ salitæ, laboremque insolitum
in onere deportando, Stranguria corripitur.
Torquebatur dolore acerbissimo urethræ, colli
vesicæ, ac Perinæi in urina reddenda, quæ
tota lactea, sedimentum mucosum ejusdem co-
loris deponebat. Appetitus ciborum omnino
dejectus, & noctes, ob frequentissimos mejen-
di stimulos, insomnes. A Pharmacopola illi
exhibetur Conserva Cassiæ Donzelli; a qua,
tamen ventrem solvisset, nullum dolorum le-
vamen habuerat. Me itaque vocat, ut illi
Medicinam facerem die tertia a morbi in-
sultu, nocte appellente. Statim præscribo.

℞ Sc.

℥ Semin, frigid. major. ʒ j. f.
papav. alb. ʒ j. f.

Baccar. Alchecheng. ʒ. ij.

Aq. succ. malv. q. s. ad emuls.; cui add.

Nitri papaver. ʒ i

Nocte hac placide dormiit, absque fere ulla micturitione, & doloribus. Die sequenti mediocriter se habuit, sed sero morbus recruduit, contra quem frustra emulsio præscripta; per totam siquidem noctem laboravit. Die sequenti, morbi quinta, pro scopo aversorio, præscribo

℥ Radic. ʒalap. pulv. ʒ j

Merc. optim. dulci ʒ. gr. xij

Ol. Cortic. aurant. Stillat. gutt. iij

M. F. pulvis

Habuit aliquot sedes, & quidem cum euphoria. Sero, solitam hausit Elmulsionem, Nox sequens mediocris. Die sexto in jure cui baccæ alchechengi, & semina violarum purpurearum incoquebantur, talem pulverem sumebat,

℥ Ocul. cancr. ppt.

Chrystal. Mont. pptæ } an ʒ i

Nitri purific.

M. F. pul.

Umbilico itidem talis illinitio admovebatur

℥ Axung. Anatis ʒ f.

Ol. Cortic. Aurant. Stillat ʒ j

Sero Elmulsionem hauriebat, & post duos dies,
ali-

aliquantisper melius se habebat; ciborumque appetentia reddibat. Die octava, hæmorrhoides, quibus per antea actum vitæ tempus nunquam laboraverat, adeo dolentes, & tumidæ, ut neque stare, neque sedere, vixque decumbere posset æger. Unguento de Linaria, & Populeo, cum euphoria, illiniebantur, iisdemque utebamur remediis. Die undecima, gravior denuo Stranguria urgebat; contra quam ferotinæ emulsionis vice, præscriptæ, ex F. resto, aquam rosaceam ad uncias sex, cum unius ovi albumine; sed noctem omnium gravissimam transegit, ab hæmorrhoidibus summe dolentibus, & Stranguria divexatus. Die decima secunda venam tali internam tundendam præcepi, sanguisque, qui extra aquam, in vas colligebatur, consistentior, & absque ferro apparuit. A sanguinis missione, sumpsit ʒj. f. Syrupi de Althæa simplicis, & ʒj. Syrupi violarum. Post prandium somnus obrepit, & liberè sine doloribus, minxit. Sero talis Emulsio præscripta

ʒ Semin. quatuor frig. majo. ʒv

Bacc. Alchecheng. ʒ iij

Aq. rosac. cum album. ovi conquis. q. s.

F. E., add.

Laud. liquid. Syd. gutt. vj.

Tota nocte dormiit. Bis libere minxit. Mane bene se habuit; syrnpos officinales sumpsit, sed conquestus de inflatione testiculi

H

dextri,

dextri. Urina naturalis coloris; sed paulo post mictionem turbabatur, sedimentumque rubrum, ac lateritium deponebat. Die sequenti testis magis tumidus, cui admotum cataplasma ex farina fabarum in oxicato. A syrups officinalibus abstinui, quia credidi ab illis, & sensum famis tolli, & sitim accendi.

Per duos dies irritō successu cataplasma gestavit; quapropter hujus loco, Emplastrum de spermate ceti apposui; sed frustra. Suffitum igitur ex floribus sulphuris aceto irroratis, præscripsi, a quo tumor quidem minuebatur, sed durior, & magis dolens testis evaserat. Ablegato itaque suffitu, superdedi emplastrum oxicroceum cum duplici Mercurio; sed inde dolor, atque inflammatio major; vasa spermatica, & vas deferens, manifeste nodosa, ac veluti varicosa; tumorque testis inæqualior. Tunc tale Cataplasma præscripsi.

<i>℥ Fol. Ruia</i>	} an. M. j. f.
<i>Bacc. Alchech.</i>	
<i>Incisis super aff. ol. rosac. compl. ℥ j. f.</i>	
<i>Aq. Malv. ℥ j</i>	
<i>Bull. ad aqua consumpt. , deinde repentib.</i>	
<i>add. Farina semin. papav. alb.</i>	} an. 3. f.
<i>Hyosciam.</i>	

m. f. Cataplas.

Postquam per diem tale Cataplasma gestasset, potuit stare, & incedere, cum antea decumbere

bere necesse haberet . Ufu continuato, melius habuit, domoque exiit ad solita munia, nondum teste ad pristinam magnitudinem redacto, qui tamen paucos post dies omnino detumescebat . Æger inde sanus, & perfecte valens, de moro vino se proluit, insolatuque, laboribusque, licet Septuagenarius, se exercet.

II. Indicationem, cui toto morbi tempore satisfaciendum putavi, quisque videt eam fuisse, per quam asperi, acres, irritantes succi demulcerentur; quorum dominium in viro vinoso, laborioso, temperaturæ acrioris, hyemis acrioris, sicciorisque tempore, post ciborum acrium esum, proclive erat conicere . Sed illud in dubium revocari potuit, & potest; an succi isti cum urina in vesicam delati, spasmos vesicæ excirent; an intra vesicæ tunicas compressi, ejusdem æconomiam turbarent, quod observatione superiore ad numerum V. attigi. Cum igitur ob horum vim, irritatis, crispatisque tunicis, vasisque vesicæ, sanguinis liberior fluxus pereandem perturbandus sit; illud nasci potest, seu quod mucus vesicæ obliniendæ natus non sequestretur, unde urinæ vel naturalis irritantes sales nuda vesica acute sentiat; seu quod mucus iste ea glutinositate donatus non separatur, per quam internæ tunicæ adhærescat, sed in earum dilabatur, vesicamque inermem

relinquat; seu quod acrior, & extimulans, tum ob sanguinem ejusdem indolis, tum ob ejus vitiatam separationem; effectum adversum naturali præstet, cystidemque non defendat, sed extimulet, irriter, atque, si ita dicere fas est, gravedinosam reddat. Quæ omnia cum ab usu vesicæ depravato pendeant, stranguriæ hujusce internæ continentes causæ, compendio, ad duas reduci possunt; ad vitium nempe lotii; vel ad vitium humorum per vesicam perreptantium. Examini igitur eas subiiciamus.

III. Symptomata quæ morbum comitabantur, ejusmodi esse mihi visa sunt, quæ ab utraque causa pendere potuerint. Si enim loquamur de lactescente urinæ colore, ejusque mucido, & albido sedimento; cum hoc non esset nisi mucus vesicæ (neque enim eos morror, qui a primæ concoctionis vitio mucidam hancce in urina substantiam deducunt) poterat iste a vesica abradi, tum ab acriore urina, tum ob motus vesicæ spasticos vel per causam tunicis internam, vel ob muci ejusdem acrimoniam excitatos, qui deinde cum urina commixtus, eam tingeret mucosumque sedimentum subsidendo, constitueret. Hemorrhoidalia quoque vasa, non minus a lotii, quam a non urinosi stimulis tumescere poterant. Cum enim, me judice, in casu ideo intumuerint, quia ob spasmodicos cystidis mo-

motus, & vesicæ vasa, & quæ ejusdem originis in vicinia sunt, coarctarentur sanguini, per ani venas reduci, iter cor versus interceptebatur; quapropter in vasis stagnans, ea in tumorem attollebat, & distendebat. Si frequentissimos mejendi stimulos consideremus; inde equidem exortos fuisse, putare possumus, quod, vel paucæ lotii acerrimi stillæ in vesicam illapsæ, statim irritatione sua vesicam, ad eas expellendas irritarent; sed eorum frequentiam etiam ex eo deducere quimus, quod sentientes vesicæ fibræ a stimulis non urinosis pungerentur: vel ab iis pungerentur utique, sed ob mucii deficientiam. Stimulorum vero intervalla, ex eo, quod fibræ dolorificis crispationibus exercitæ, ab acrioribus humoribus, per vesicæ vasa perreptantibus, vel a mucii acrimonia debilitarentur, & atonæ (qui spasticorum motuum effectus est) evaderent: donec stimuli sensum denuo congesti, & aciores redditi, novos insultus, distentionesque adducerent.

IV. Inter hæc ambages si quid mea sententia statuendum est, non ob urinæ acorem, sed ob vitiatam vesicæ æconomiam, dolorosam Stranguriam excitatam fuisse puto. Si enim ab acerrimo lotio originem duxisset, quare eadem acrimoniæ vis sensum per urethres illabendo, horum etiam internam tunicam non extimulasset, spasmosque circa lumbos non

excivisset? Cur sanguis acerrimis istis particulis fetus, tubulosam renum substantiam pertransiens, Nephritidem non causatus fuisset? Cur in pelvim urina decidens, morbum eundem non adduxisset? Reponi potest, urinam, ob mustum, vel cervisiam minime desecatam, peracrem redditam, Stranguriam solummodo, non Nephritim, ut auctores observarunt, excitare (ipse quoque a crudioris musti ingurgitatione, exortam, non Stranguriam, sed Ischuriam vidi, quæ dato purgante, cum sale volatili C.C. fermè ex tempore sanabatur) neque uretherum spasmus ciere. Sed ego puto tali in casu, urinam solummodo acorem concipere, postquam vesicam illapsa est. Ibi enim materia musti fæcalis stagnans, ut potest maxime fermentationi apta, in motum cieri potest, ac fermentescere; ob quem fermentationis motum, postea acidum sal, fermentationis soboles, maximeque irritantis indolis, exoriatur.

V. Sed causæ procatacticæ, a qua vir laboravit consideratio; sanatio quam a sanguinis missione eger obtinuit; remedia ante sanguinis missionem, parvo, vel nullo fructu administrata; testisque tumor curatæ Stranguriæ superveniens, sententiæ meæ pondus addere mihi videntur. Post ponderis elevationem, Stranguria accessit. Ex nisu etenim qui fit, gravius deportando pondus, in majore

jore copia sanguis ad partes in pelvi, & circa pelvim contentas, detruditur, qui, vasis nimis repletis, ob idque ex Hippocrate (a) nihil remittentibus, ibi, vel stagnat, vel lentescit. Stranguriam a ponderis elevatione solummodo excitatam, observavit etiam Nuperimus Celebris Scriptor Hoffmanus (b) cujus opera ad me deferuntur, dum hæc scribo. Si dictus igitur sanguis iis moleculis fætus sit, ut in meo ægrotante, quæ vellicare, irritare, pungere aptæ sint; nedum pars affecta spasmis, doloribusque distorquebitur, sed ejusdem æconomia pervertetur. En igitur quod vesicæ acilio, damnum capere debet; mucis sequestratio vitari; eaque contingere, ex quibus Stranguria exoriatur.

VI. Ad sanationem ope sanguinis emissæ acq̃uisitam, quod attinet: quamvis ob eas mutationes, quæ sanguini vena secta, Bellino demonstrante, accidere possunt, impossibile non sit ejus texturam ita immutari, ut quod ab eo abscedere postea debet lotium, minus acre, quam ante evadat; nihilominus conceptu facilius est, per cruoris eductionem, qui stagnabat in vasis, cum secto vase communicantibus, dimotum fuisse, sicque laborantis partis æconomiam in integrum restitutam.

VII. Ex nostri corporis humoribus, nullus

H 4 ab

(a) 8. de morb. tex. 25.

(b) T. 4. Part. 2. sect. 2. c. 7. obs. 4.

ab ingestis ocyorem impressionem patitur, quam lac, & lotium. Nedum medicamina, sed cibi, horum colorem, saporem, consistentiam mutant. Quantam mutationem ab aquosis, serum urinatum patiatur, vel bibonibus notum est. Conceptu itaque difficilius mihi videtur, quod si urina acrior morbum fecisset, ab aquosis & demulcentibus pluries adhibitis, acore non se exuisset, talisque evasisset, quæ vesicam irritare non ultra potis fuisset. Antequam igitur sanguinis missionem celebrassem, æger sanitati restitutus fuisset. Hac tamen opus fuit, ut sanguis qui per vesicæ tunicas cursum suum naturaliter non peragebat, fluxui debito redderetur.

VIII. Igitur venæ sectionis ope, dimotus a vesicæ canalibus sanguis, intra testem deferabatur; cumque liberæ circulationi ineptus, a revehentibus venis valvulis ibi destitutis, cbr versus non promoveretur, restitabat, & tumorem causabatur. Neque enim quæ de ortu tumentium hæmorrhoidum diximus, testis tumido aptari possunt. Cum enim hæmorrhoides intumuerent, distentiones, & crispationes vasorum durabant adhuc; quæ, cum sanata Stranguria, testis intumuit, jam ægrotantem disaceruare desierant.

IX. Forte nova morbi idea, mentem meam alliciendo facit, ut rationum momenta adducta, minus levia, quam revera sint, mihi videan-

deantur. Sed quæcumque ea sint, certe non sunt hypothetica, neque observationis subsidii destituuntur. Dominus Gait, apud Bonetum (a) vidit funestam Stranguriam, a venis vesicæ varicosis, sanguineque distentis. Laudatus etiam nuperrimus Scriptor Hoffmannus (b) immedicabilem observavit Stranguriam, ob membranaceam vesicæ substantiam crassiorem quam quæ esse debuerat, a summa distensione vasorum per eam perefrantium: An ita stantibus vasis iis, quæ ad glandulas vesicæ, mucum, ut ibi separaretur, deportabant, naturalis dicti muci secretio perfici poterat?

X. Sed quorsum hæc quispiam dicet? An quia idea hæc Stranguriæ nova forte est, securior, aut nova medendi methodus Stranguriæ adaptabitur? Nonne, siue acrior urina; siue turbata per humores acres in eam delapsos, vesicæ æconomia morbum fecerit, semper id Medico curæ esse debbit, ut humorum acrimoniam demulceat? Quare igitur oleum & operam perdere in eorum disquisitione, quæ nihil utilitatis Praxi afferunt? Tanti ne est Stranguriæ Theoriam acuratus enucleasse? Mihi nova hæc Stranguriæ idea aliquid opis offerre videtur, in Stranguria curanda. Si enim conjectabis vitiatam vesicæ

æco-

(a) Sepulc. l. 3. sect. 25. Obser. 22.

(b) l. 2. Parte 2. sect. 2. c. 7. Observ. 1.

æconomiam morbum facere ; demulcentiâ ;
 atque dulcificantia poterunt equidem indica-
 ri ; sed nihil citius morbum tollet, quam san-
 guinis missio: tardiores enim sunt, qui ab aliis
 remediis, expectantur effectus . Tunc vero
 a dicta causa morbum fieri censebimus , cum
 excretâ urina solito acrior non erit, qua de
 re periculum gustu, olfactuque fieri poterit;
 cum non erit purulenta, non sabulosa, quod
 visu dignoscetur; cum non aderunt signa læ-
 sæ vesicæ ; cum uteri, aut recti intestini
 inflammati (a) aberunt indicia . Qui-
 bus si ipse animum advertissem, primis diebus
 quibus ad egrum accersebat ; illum facilius
 sanitati restituisssem, & forsan ab hæmorrhoi-
 dum crutiatibus, & testium tumore, virum
 Stranguriosum præservassem.

XI. Sed hic quæri posset, an non per hi-
 rudines ano appositas quam per Saphænæ se-
 tionem, morbus facilius tolleretur? Ex obser-
 vatione, hac super re, nihil ipse dicere ha-
 beo ; Decumbentibus enim ob vesicæ morbos,
 hirudinum admotionem nunquam adhuc præ-
 scripsi . Neque annotavi, aut memini me le-
 gisse, urinæ vitia ab hæmorrhoidum fluore,
 sive spontaneo, sive artificiali, fuisse sanata.
 Adnotavi vero casum quemdam, ex quo for-
 te coniici potest, hæmorrhoidum apertionem in
 Ischuria, aut Stranguria utilem esse: Res ita

(a) 3. aphor. 58

se habuit. Vir septuagenario major, frigidioris, ut tunc videbatur, temperamenti, ob humanam fragilitatem sæpe per juventutem labe Venerea infectus, & ante quatuordecim annos Ischuriam Vesicalem passus; a multo tempore cæperat esse Stranguriosus. Cum deinde per totam ætatem vappam, vinumque ad acetum vergens, bibisset; Augusti tempore, prius diarrhæa; hac deinde sponte sanata; Ischuria vesicali corripitur. Post admotionem Cataplasmatidis a Chirurgo concinnati e Parietaria in butyro frixa, urina fluxit; sed de novo postea suppressa, & die tertio a suppressione, quo vocabar, vesica erat tumida, renitens, ac dolorosa, illisque lumbisque dolebat. Post Topicorum administrationem ex cepis, Parietaria, Malva, oleisque violaceo, de scorpionibus Matthioli & succini stillatitio; ac potiuncula (putabam enim crassam, pituitosamque materiam morbi causam esse) ex oximellis scillitici uncia, & dimidia, & dimidia, drachma Tartari Vitriolati in unciis tribus succi Parietariæ; præscripti, ut syringa, lotium e repleta cystide educeretur; Forte ob Chirurgi imperitiam, non urina, sed ferme uncix quinque sanguinis e pene exiere. Paulo post operationem, involuntaria urinæ excretio sequuta est, meliusque postea se habuit æger atque convaluit. An sanguis e vasis penis, & colli vesicæ, emif-

emissus morbum abstulerit: an remedia interna, & externa Ischuriam curaverint, certo determinare non ausim. Sed mihi a probabili haud alienum videtur, quod sanguis per penem eductus, vel affectionem sustulerit, vel curationem adjuvarit. Quæ si vera sunt, venarum quoque hæmorrhoidalium apertio in vitiiis urinæ adjumento esse potest. Nihilominus puto utiliorem futuram saphænæ incisionem, qua super re ut aliquid cum fundamento proferam, ab anatome lumen petendum est.

XII. Videndum igitur quæ vasa ad vesicam, quæ ad rectum intestinum abeant. Arterias habet vesica a ramo interno arteriæ Iliacæ, si-ve Hypogastrico; venas vero ab trunco Iliaco, Hipogastricas dictas. Rectum intestinum nedum ab iisdem, tum venosis, tum arteriosis truncis vasa sua obtinet, cujus venosa, hæmorrhoidalia externa vocantur; sed insuper venis hæmorrhoidalibus internis dictis, donatur, quæ venæ portarum radices inferiores constituunt. Nunc hirudines podici admoveantur: Istæ dubio procul, tum a venis, tum ab arteriis cruorem sugent. Ponamus, quod venæ quibus animalcula ista adhærent, sint ex internis hæmorrhoidalibus. Cum hæc nullam communionem cum vesica habeant, perinde erit, ac si quælibet alia corporis vena pertundatur, neque sanguini intra vesicam lentescenti, resistentia suo redditui in Iliacum vas de-

metur. Quatenus igitur ab internis hæmorrhoidalibus suctu hirudinum mittetur sanguis, nulla derivatio e vesica continget, neque vesicæ laboranti medebitur. Tundant hirudines arterias. Ex Bellino, velocitas, quæ exercetur per Iliacum truncum, major est dum hirudo fugit, quam esset ante suctionem. Ergo eodem temporis spatio, puta unius secundi, major sanguinis quantitas derivabitur ex Iliaco trunculo, in arterias hypogastricas sugente hirudine, quam ante suctionem: hæc vero quantitas proportionalis erit velocitati per suctionem acquisitæ; velocitas verò proportionalis emissariis ab hirudinum ore apertis. Hæc simul sumpta æquare quidem possunt, & fortè superare grandius emissarium a phlebotomo excisum; nihilominus velocitas ope horum parvulorum emissariorum adaucta, velocitatem, quæ acquireretur per unicum emissarium vulnusculis hirudineis collective sumptis æquale, minimè equabit. Per emissarium nempe phlebotomi, sanguis continenter, & sine mora effluit, quod sugentibus hirudinibus minime contingit; cum per intervalla, quemadmodum sugentes faciunt, atque ex horum animalculorum sugentium conspectu videre est, venas exhauriant. Fieri igitur poterit, ut in vesica, spasticis præsertim motibus crispata, & exagitata, velocitas sanguinis adaucta ob hirudinum suctum, ea non sit, quæ stagnantes humo-

humores tollat, & abripiat, sed quæ quantitatem cruoris lentefcentis accumulet. Profectus igitur, qui ab apertione hæmorrhoidalium arteriarum expectari potest, incertus est. Restat igitur ut aliquid speremus, ex externarum hæmorrhoidalium apertione, quæ ejusdem sunt originis, ac vasa per vesicam reptantia. Haud inficias ivero, harum venarum apertionem utilem esse non posse; sed mihi videtur utilior saphænæ pertusio, idque ob majorem velocitatem, quæ sanguinis in hipogastricis vesicæ venis contento, communicabitur tundendo saphænam, quam hirudines externis hæmorrhoidalibus admovendo. Tundendo enim saphænam, resistentia sanguini reduci in Iliacum continenter, & sine mora tollitur, non vero per intervalla, ut accidit in suctu hirudinum; eodem enim temporis spatio, per saphænæ incisionem major sanguinis quantitas in Iliaco demetur; quam dematur ab hirudinibus, si etiam vulnuscula ab hisce inflicta, emissarium in saphæna apertum æquarent. Neque dici potest proportionem inæqualitatis multo majorem habere posse hirudinea vulnuscula collective sumpta, ad vulnus, a phlebotomo saphænæ inflictum, ea, quam habet velocitas cruoris per saphænam exeuntis, ad eum qui ab hirudinibus fugitur; quia totus hirudinum numerus hæmorrhoidalibus externis solummodo minime adhæret, sed etiam inter-

nis,

nis, atque arteriis; unde vulnuscule externarum hæmorrhoidalium vix poterunt æquare collective sumpta, vulnus illud, quo saphæna pertusa est. Quæ ratio mihi esse videtur, ita me suadet: si aliter Praxis doceat, aliter sentiam. Forte etiam dispositio Vasorum per podicem ea est, ut potissimum externis hæmorrhoidalibus adhærere debeant hirudines, ut inde hirudineum vulnusculorum collective sumptorum ad saphænæ incisionem proportio, multo major sit, quam velocitas sanguinis per saphænâ exeuntis ad eum, qui per singulos hirudinum morsus educitur: quo in casu totum meum ratiocinium labascit, & corruit.

XIII. Egro stranguoso dolori utique, & tædio; mihi verò utile fuit exarare morbi Ideæ animum non advertere, neque sanguinis missione testis tumorem prævenire; quia ita feliciter periculum feci de maxima vi discutiente, qua semina narcotica donantur. Nondum Clariss. Freind legeram (a) qui ex Bateo, ait, opium discutientibus emplastris additum mira præstare; cum opiatorum seminum eximiam indiscutiendo vim, expertus eram. Adolescens annorum 18, prægrandi abscessu a coxæ medietate, usque ad metatarsum laborabat. Pluries, & pluribus in locis illum secaverat Chirurgus; sed tametsi copiosissimum

mum pus undequaque erupisset, genu tamen maxime tumidum, dolensque, non subsidebat. Multa ob id, sed irritò successu per Chirur- gum admota fuerant; cum ipse in auxilium vocatus, ut Emplastrum ex farina seminum hyosciami & papaveris albi, cum unguento rosaceo malvino, superdaretur præcepi, Post diem, & noctem ab Emplastri appositione, genu ferme omnino detumuit. Nobilissimus vir sæpe gonorrhæa virulenta infectus, doloribus in scapulis, & colli musculis, nec non ad malleolum pedis externum non raro laborabat. Apposito Emplastro exicroceo cum Mercurio duplici facillime dicti dolores tollebantur. Sed quadam vice evenit, ut totus pes dexter, a dolore, & levi tumore occuparetur. Appositum de more Mercuriale emplastrum, sed eventu minus felici; siquidem quamvis tumor modo hic, modo illic subsideret, & ab uno loco discussus, in alterum exurgeret, doloresque locum mutarent; nunquam integre vir impatiens sanabatur. Calcis, & cæteris Tarsi ossibus novissime firmiter adeo incubuerat dolor, ut neque a Mercuriali Emplastro, neque a totibus ex anodynis, & discutientibus sæpius admotis, tolleretur. Jamque edixeram, hac vice morbum topicis, sine internorum remediorum subsidio inminime cessurum. Cum tamen æger expostularet, ut aliquid excogitarem, quo Emplastrum efficacius redde-

redderetur; de vi narcoticorum discutiente in mentem venit, ac tale Emplastrum concinnavi,

℞ *Semin. hyosc. pulv.* } an. ℥iij.
papav. alb. }

Emplastr. oxicroc. ℥. i.

Ol. Castor.

Lumbric. } an. ℔v.

Vulpin.

M. ad lenem ignem & reform. Emplastr.
cui admotionis tempore ad. Mercur.
crudi ℥. i.

Quæ Mercurius ex se non prestiterat, accedente horum seminum efficacia, facillime prestitit, ægerque intra paucos dies sanitati restituebatur. Hisce observationibus confisus, tumori testis renitenti, scriptum super dedi Cataplasma, quod spem meam non fefellit, ægrumque sanitati felicissime restituit.

E I N I S.

I BUBO.

BUBONES, ET FICUS GALLICI, SINE CHIRURGIÆ PRÆSIDIIS FELICITER PERSANATI.

De nova hac methodo disseritur: aliqua
item de cura Gonorrhœæ.

OBSERVATIO V.

F.

JUvenis inculpata fruens valetudine, validissimus, & robustissimus ab impuro coitu Gonorrhœa inficitur, quæ post octo dies a coitu apparuit. Virus stillans minime copiosum erat, sed viridescens, ac crassioris consistentiæ, ut quasi sebum liquatum æmuleretur. Adebat ardor in mictione, & dolor acerbus in penis erectione. Illum prius purgavi pillulis foetidis majoribus, scammonio sulphurato, & Mercurio dulci; deinde potionem diureticam mane sumendam præscripsi, ex unciiis quatuor succi raphani hortensis, quibus scrupulus addebatur spiritus Terebynthinæ, & semidrachma nitri purificati. Die secundo ab assumptione diuretici, copiosissimè mingere cepit;

cæpit; ardor urinæ cessavit; ac sanies stil-
lans dilutior, & copiosior evasit; in erectione
vero penis dolor magis acerbus. Sed die octa-
va a diuretici usu, apparuere bini bubones
utrinque in inguinibus, quorum maturatio-
ni cum studendum edicerem, juvenis sacris
initiatu omnino obstitit; seque potius mori
testatus est quam ut quæ fragilitatis indi-
tia, me excepto, cui erat, a teneris, ut
ajunt, unguiculis, amicus, ulli patefcerent.
Expostulabat itaque a me, ut, quocumque
tandem res desitura esset, bubonum matura-
tionem arcerem, seque alia methodo, quam
quæ obtinet, curare satagerem. Ego, suppu-
rationem avertere periculosa plenum opus
alleæ testatus, ac plurima objiciens; tandem,
cum ita ille vellet, exorari me sîno. Itaque
ad bonum exitum perducî posse putavi, si
quæ glandulas inguinales obsidebat materiem,
partim superdato discuterem medicamine; par-
tim ad ani vias, per validius, & anti-vene-
reum Catharticum, sæpius diverterem, atque
educerem. Præscripsi ergo catapotia, ex gr.
j. s. extracti Throchiscorum Alhaandal, & ex-
tracti Elaterii: gr. xij Mercurii dulcificati:
cum s. q. extracti Panchymagogi Crollii. Ta-
met si medicamen haud copiose alvum duxis-
set, nihilominus postridie inguinum tumor
disparuit, & dolor cessavit: sed ex irritatio-
ne acrioris purgantis, ad perinæum, & anum

dolor gravior accessit, qui discutiente, & anodyno fotu solvebatur. Minime igitur, contra ac statueram, iterata catharsis, ob metum, ne anus extimulatus aliquid detrimenti caperet, atque inflammationem contraheret. Diureticum denuo ingestum; sed post octo alios dies, duo fici in præputii pelle exorti erant, qui sub usu dicti diuretici, nullis exedentibus appositis, evanuerunt. Per mensem continuato succi raphani haustu, gonorrhœa omnino sanabatur, remanente solummodo quodam punctationis sensu in penis erectione circa frænulum, ad locum nempe, ubi antea octo tempore semper dolebat. Sed injecto prius ad aliquot dies lacte tepente; postea Balsamo Peruviano in vino albo dissoluto, dolorosus sensus evanuit, juvenisque perfecte convaleuit.

II. Ea apud Medicos, & Chirurgos obtinuit, & obtinet sententia, ut Venerei bubones maturentur, deinde aperiantur, cum eos digerentibus resolvere, sit res quæ non caret periculo. Chirurgorum facile Princeps ab Aquapendente (a) tametsi bubones non venereos, digerentibus, resolvendos esse docuerit; nihilominus contra venereos suppurantibus solummodo utendum docet, *quia digerentium ope, tenuiore parte resoluta, crassiores intus se desigunt & concrescunt*. (b) Mercatus etiam
usum

(a) Pentateu. l. i. c. 13.

(b) Ibid. c. 46.

usum resolventium (a) in venereis bubonibus improbat, quia per resolutiva, ea solum materia evanescit, quæ intra bubonem continetur; cum vero bubo suppuratur totius corporis materia eo defluit, atque expurgatur: qua ratione, ait, *consultissimum esse censeo in his omnibus suppurationem tentare, tanquam huius pessimi effectus presens remedium*. Ita Err. mulerus (b) magni nominis inter recentiores Practicus, bubones venereos, prius emolliendos, larga dein sectione aperiendos esse docet. Et sane, ut ex allata historia videre est, ipse quoque, & usu, & auctoritatibus fretus, in ea fui sententia, ut dicti tumores solummodo per suppurationem, & apertionem tuto curarentur. Verum cum fors tulisset, ut nova methodus felicissime cesserit, rem pensantius examinavi; mihi que suasi, ut jucundiorē, sic non minus tutam rem esse eos digerentibus, & resolventibus quidem, sed catharticis mercurialibus in consortium accitis, curare.

III. Quod antequam Practicis rationibus consonum demonstrem; quæ ab Aquapendente, & Mercato afferuntur, difficultates diluendæ sunt. Aquapendens veretur, ne subtiliore parte materiæ obstruentis digestat & resoluta, quæ remanet fixior evadat. A præterquamquod etiam in bubonibus non Venereis

(a) De indic. Medic. l. 2. c. 4.

(b) Chirurg. Medic. sect. 5.

idem periculum timendum esset (quidni ? an non a discutientibus in omni tumore idem exitus timeri potest ?) quod tamen minime timet Fabricius ; si vis discutientis ea sit , ut crassiora etiam & fixiora digerere , atque in motum ciere possit , timor Fabricii , ne crassior materiæ pars fixetur , omnino evanescit . Profecto , quod si lympham a miasmate Venereo sideratam , iis resolvere tentes , quibus bubones non Gallicos resolvit Doctissimus Chirurgus ; aquam , ut dicitur , in mortario tundes ; cum eorum virtus ea non sit , quæ Gallica concreta , fluxilia reddere possit . At si duriori nodo , duriolem cuneum adaptes , Mercurium , nempe , potentissimum syphilidos domitorem ; fluida vel intra glandulas coacta , vel intra vasa lente discurrentia , ab eo dissociari , fortius agi , circulationique , atque evaporationi apta reddi certissimum est . Ad Mercati vero difficultatem quod attinet : vel miasma Venereum partium genitalium lymphatica , inguinalesque glandulas solummodo infecit ; vel etiam corporis interiora commaculavit , ut contagium susceptum , luis jam contractæ nomen mereatur . Si primum : cum evanuerit materia intra glandulam congesta , jam malum ablatum est : si secundum , an per inguen suppuratum lues contracta tolletur ? Haud equidem rem ita esse observatio ostendit . Cum igitur dictæ difficultates nullæ sint ,
neque

neque methodum alteram infirmis, restat ;
ut de nova hac methodo verba faciam.

IV. Cuicumque, vel leviter in Anatomicis
edocto, atque in rebus practicis exercito,
patere puto, nihil aliud esse bubones Vene-
reos, quam lymphæ stasim in glandulis in-
guinalibus coactæ a Gallica virulentia, per
copiosissimos lymphæ ductus, qui partes ge-
nitales perluunt, in impuro coitu contracta.
Quid agendum ut tali morbo medeamur? Mias-
ma venereum corrigendum, atque enervan-
dum: lues imminens præcavenda; & tumor
tollendus. Quæ si præstari possunt, absque
eo quod æger scalpello Chirurgico subiicia-
tur; methodus qua id peragitur, tametsi no-
va, non culpanda, & negligenda, sed lau-
danda, & in usum revocanda profecto erit.
Ad tumoris ablationem, & lymphæ stasim jam
corruptæ discussionem, nil potentius cataplas-
mate Mercuriali: ad miasma venereum enerv-
andum, luemque præcavendam, nil melius
remediis ex vivo argento petitis. Si igitur
Cataplasma Mercuriale tumori apponemus:
si fluidis circulantibus, ne a veneno Venereo
inficiantur, per repetitas Mercuriales purga-
tiones, prospiciemus, an non bene medebimur?
Id vero catharsis, ut assequamur efficiet, quia
monente Baglivo (a) morbi partium genita-
lium optime ducuntur per alvum. Cum enim

I 4

vesicæ

(a) De morb. succes. c. 10.

vesicæ urinariæ adnatum sit rectum intestinum, partibusque genitalibus, & circa inguen, proximum; ob vim stimulia cathartico fibris ejus inductam, fieri non poterit, quin ex vicinis partibus ad stimuli locum, atque, ut ita dicam, ad centrum oscillationis circumpositarum fibrarum, major liquidorum copia feratur, quæ vel per solitarias intestini glandulas; vel per canaliculos anivalvas columnasque interpositos, (a); vel per intermedias membranas (in viventibus enim omnia patula sunt) excreta, ad ani exonerationem extra prodeat. En igitur quomodo dicta methodus Venereo buboni absque scalpello medebitur; quæ me iudice, felicissime cedit, si in morbi principio in usum revocetur; tum quia eo tempore lymphæ coïnquinatæ copia minor erit; cum quia ex Doctissimi Freind (b) observatione constat, discutientia Medicamenta potissimum tumores prorsus dissipare, quando tempestivius adhibentur. Advertendum tamen, ne quæ ad dissipandum bubonem apponuntur illiusmodi sint, quæ, vel oleositate poros claudant, vel stipticitate vel frigidityte repellant: quia hæc utique lueni inducerent, quemadmodum ex recensione Danielis Angeli (c) apud Bonetum juvenculo acci-

(a) Advers. 3. animadv. 6. Morgagni

(b) Comment. 2.

(c) M. S. l. 2.

accidit, qui ad sopiendum inflammati bubonis dolorem, olivarum, & nymphaeæ oleo usus tumorem quidem discussit, & dolorem sedavit, sed a difficilima lue inquinabatur.

V. Omni laude major Boerhaavius (a) bubonis Venerei curam tradens, ait utique per emplastra specifica tumorem dissipandum, per quod illi indicationi, quæ tumorem tollit, satisficit. Sed cum materies ante stagnans fluxui reddita, nisi extra corpus amandetur, ad aliquam ex internis partibus denuo possit decumbere, & Gallica symptomata, seu luem excitare: mihi videtur satis non fore tumorem per dissipantia discussisse, nisi per anti-Gallica Evacuantia luis periculo prospiciatur Catharsis autem, me Judice, aliis anteponenda: quia *morbi uti aiebat Hippocrates, qua parte proximi sunt, extrahendi sunt* (b), & quia ut paulo ante ex Baglivo recensui, vesicæ, & partium genitalium ægritudines, facillime ducuntur per alvum.

VI. Ob eandem rationem neque ad gonorrhæam tutior, aut citior methodus, quam repetita sæpius catharsis eam aggredi, quod pluribus experimentis edoctus testari possum. Curatio vero, quæ per emollientia, dulcificantia, aquosa diuretica, atque aperientia e trivio instituitur, morbo potius blanditur, quam

(a) Aphor. de dignos. 1462.

(b) De loc. in hom. sect. 2. tex.

quam illum averruncet. Non tamen laude sua defraudanda sunt ea e fortioribus diureticis quæ ab officinis animalibus infracta, suisque viribus prædita, atque integra, ad partes laborantes accedunt. Quæ talia enim sunt morbosas causas, & morbosa producta abripiunt, secumque rapiunt: quapropter partes deterfæ suum vigorem, tonumque denuo acquirunt, atque sanantur. Ita in meo ægroto salia raphani acriora, Therebynthi spiritu, & Nitro acutiora reddita, adeo vascula quoque minima pervadebant, & detergebant, ut quæ præputii fibras in ficos, seu verrucas produxerat materies, per hæc prorsus sanguinis fluento redderetur, & per urinæ vias amandaretur; unde ad pristinum contactum, & positum fibris redeuntibus, morbosarum excrementiarum, quæ alias per caustica auferendæ fuissent, vestigia delebantur. Sed cum nimium verum sit, quod adnotavit Bartholinus (a) nos laborare defectu diureticorum, quæ prompte effectus suos edant; pauca admodum sunt, quæ laudari possunt, quæque partibus ex gonorrhœa laborantibus auxiliari queant. Tria solum non nomine tantum sed re diuretica, atque in gonorrhœo utilia, dummodo apta quantitate exhibeantur, hætenus observatio me docuit. Raphani hortensis succus:

(a) In Epist. ad Wepfer. apud Bonet. T. 2. Poly. alth. l. 4. c. 32.

cus: Terebynthina : & Cantharidum infusio Bartholiniana. Infusione cantharidum, gonorrhæam curavi, quæ ægrum sæpius sæpius tali morbo exercitum, per binos ferme annos defatigabat, tribusque medicis crucem fixerat. Therebynthina non lota cui glycirrhizæ, pulvis immiscebatur juvenis cui æquor arandum era, quique suum morbum socios celare debebat, nihil obstantibus navigationis laboribus, erroribusque in vitæ regimine, adeo morbum edomavit; ut in terram redux vix morbi reliquias secum veheret, quæ facillime bis sumpta emulsione cathartica, disparebant. Ex olla, qua Therebynthinata polenta servabatur, bis de die, mane, & sero, quantum nux juglans de Therebynthina digitis extrahebat, atque vorabat. Succo vero raphani plus triplici vice morbum hunc, modo injectionibus in subsidium accitis, modo sine iis debellavi. Juvenis de quo scribo, felicissime tali remedio, gustui quidem, sed magis olfactui oppido injucundo, summe tamen diuretico, sanabatur; remanente solummodo aliquo punctationis sensu in penis erectione, ad locum quo ante dolebat. Quæ res non solum Doctissimi Morgagni sententiam confirmat (a) docentis primariam gonorrhææ sedem in urethræ majoribus canaliculis statuendam esse; sed usum etiam injectionum utilissimum demon-

(a) Advers. 4. animad. 9.

monstrat, quæ immediate affectam partem tan-
gendo curationem faciliorem reddere possunt,
& reddunt. Scio quidem istas ab Pitcarnio
(a) improbari, quasi carunculis ortum præ-
beant; sed tempora morbi, injectionumque
materies distinguenda sunt. Qui iis ex rebus
mucilaginosi confectis utuntur ad urinæ ar-
dorem tollendum, dum nempe morbus adhuc
est in vigore, caruncularum exitum promo-
vere utique possunt; uti luem sanguini im-
mittere, qui eas ex adstringentibus confectas
tempestivius adhibent. Sed qui illas ex bal-
samicis, & detergentibus in fine morbi, in
usum revocant ad vestigia gonorrhææ delen-
da quæ alias diutissime durare solent, mihi
bene facere videntur neque unquam ex hac
Praxi, quæ mihi solemnis est, vel carunru-
las, vel luem exortam vidi. Sed de hisce,
forte alias.

(a) Elem. M. M. c. 26. paraph. 5.

F I N I S.

RA-

RARIOR PHTHISIS O B I T E R

Chronica Lumbago Rheumatica
(morbus forte non satis illustratus) describitur.

OBSERVATIO VI.

G.

Calculosa Matris filius annorum 18, gracilioris temperaturæ cui pectus depressus, longius collum, prominentes scapulæ, genæque rosæ; a laboribus autumnalibus, potissimumque ob susceptam, tali anni tempore, auram nocturnam (sub Jove siquidem frigido, fere per totum Septembris mensem ob graviores æstus in subdiali lapideo ruri, obdormierat) *contrahit Rheuma lumbare*. Ab hac ægritudine sequenti hyeme, & veris initio divexatus; hoc declinante, ut illi mederer me accersit. Tunc truncum sine doloribus vix flectere poterat, a quibus noctu ægrius, quam interdiu se habebat. Neque solum regionem lumbarem dolor occupabat; sed etiam ad obliquos, transversosque abdominis musculos extendebatur. Inde ortas in
abdo-

abdomine distensiones, flatibus tribuebat adolescens cervicosus, ob id, quia se flatibus maxime obnoxium agebat; vixque aures mihi præbebât assenti, ideo distensionibus, obliquos transversosque abdominis musculos divexari, quia a vertebrae lumbares, ubi sedem morbus fixerat, magnam partem, nascebantur. Deerat cibi cupiditas, pulsusque aliquando inordinatior apparebat. Ut flagnantes succos ad lumbares vertebrae exturbarem, præmisso laxante leni, ex cassiæ flore, & Tartaro, præscribo cucurbitulas cum scarificatione, dorso, lumbisque admovendas. Æger tamen a vetula consultus, malebat sibi hirudinum ope hæmorrhoidalia vasa aperiari. Ac quamvis *rationali Praxi magis consonam* cucurbitularum admotionem, quam hirudinum appositionem edicerem; ille nihilominus, cui nescio, an levius, vel pervicacius ingenium, accersito Chirurgo, sibi, tanquam ex meo præscripto hirudines ano apponi jubet. Hoc me Pater ejus commonefecit, obnixè rogans, ne gnatum, quem unice amabat, objurgarem. Postea salviæ folia lacti incocta impero. Aliquo levamine, tali utebatur remedio; cum quadam nocte vehementissima, ac delassante tussis correptus, cum totius corporis concussione, extussit cum paulo sanguine, frustulum osseum, album, durum, duabus ramosis, protuberantiis asperum, coral-

coralloidem repræhesentans; quod cum apud me asservare cogitassem, ægri Parentes illud mihi concedere renuerunt. Cum enim eos superstitio (an potius amentia?) cæpisset, filium a Lamiis divexari, osque excretum, Dæmoniacum opus esse, sibi animum induxissent, Religioso cuidam, cui forte levior, nisi callidior mens, illud crediderunt, quo de postea, quid factum sit, nescio. Crassities excreti ossis, erat quantum apex digiti auricularis; longitudo, uncia fere, & dimidia, Binæ protuberantiæ prope ossis caput exortæ, ramos arborum juxta truncum præcisos perbelle exprimebant. Una, altera depressior, neque ex adverso, neque ex eadem ora. Tunc ego remis omnibus, ut dicitur, velisque, obnitebar, ut nodum haud Dæmone vindice dignum, ostenderem; nec opus esse hunc in scenam adducere, cum a causis solummodo naturalibus, a succorum suorum indole: forteque ab hæreditate materna, concretio hæc ossæ potuerit exoriri. Id exemplis illustrabam calculorum nedum in cavitatibus nostri corporis, sed in cerebro, in musculorum carne, sub lingua genitorum: ostendebam tophaceæ substantiæ calculum, quem elegans rustica puella, Rheumate maxillam inferiorem, collum, scapulas, occupante, laborans, tussiendo ejecerat: concretiones in pulmonibus a pleurisque visas: Pulmones quasi arena plenos in
stre;

strenuo potatore, qui ob Phthisim obiit, a me inventos. Boum cerebra, seu lapidosa, seu ossea: cerebro sinus, ac vasa arteriosa in os sapissime conversa narrabam. Nondum mihi Boneti opera comparaveram, neque legeram, ut calculos quoque tussu ejectos ex Valentini (a) observatione illis objicerem. At laterem lavabam: ita enim Parentes, familiam totam invaserat superstitio, ut posthabitis quibuscumque humanis auxiliis, precibus solummodo expiationibusque ægrum restituere vellent. Adeo verum est, quod gravissimus Philosophus Plutarchus. (b) adnotavit, nullum esse metum, *qui perinde ab agendo abducat, atque hesitare cogat, ac superstitio*. Id ego solummodo lucri feci, quod in ejus matris indignationem incurrerim, quia filii morbum, maternam hæreditatem appellarim. Sacerdotibus itaque juvenis cura commissa: Inde æger melius se habere dicebat, domo exibat; nullo victus regimine utebatur: quin aliquando me coram, se sanum contra Medicorum sententiam (ita enim agebat) profitebatur. Attamen lumbi rigidi, & inflexiles, illum, dum ambularet, satis mendacii arguebant.

II. Salva semper auxiliis spiritualibus reveren-

(a) M. S. T. 2. Paraleip. ad sect. 15. l. 2. Observ. 1.

(b) L. 1. Moral. de Superst.

verentia, quod commodius ille degeret, decoctionis adhibitæ usum, vimque cæli æstivam causabar. Sinerent, donec insaluber rediret autumnus, tunc ægri res in pejus ruituras. Nec me mea prognosifefellit, appellente enim autumnali æquinoctio, summeque inequali existente cælo, febricula corripitur, quæ matutinis horis vix se manifestans, ab assumpto cibo, cum genarum rubore, calore præsertim in volis manuum, frequentiore anhelosque spiritu, sicca tussicula, levi dolore sub dextra mamilla, frequentiore, ac celeriore pulsu, manifestabatur. Ab Empirico quodam, Cathartico, nescio quo (prius tamen benedictionibus probe a Sacerdote illustrato) copiose purgatur. Sed cum inde omnia pejora, ad me accuritur. Renuo primum accedere: sed postea exorari me sino (neque enim aliter facere poteram Medicus publico fostro ductus) atque præter recensita mala, ægrum male admodum de nutritione se habentem invenio, liquidioresque, quam opus erat, alvo.

III. *Ad Phthisim ægrum vergere obnuntio.* Sumptis ob id indicationibus, succos in Pulmonibus stagnantes, sanguinisque lentam diathesim corrigendi; Pulmones roborandi; alvum fufam sistendi, tussim moderandi, nutritioni consulendi, præscribo statim, summo fructu ex Ertmullero pillulas sero sumendas

ex antihectici Poterii ꝯj; salis Saturni gr. vj; extracti croci gr. vj; & laudani opii gr. iij pro duabus dosibus; alvus siquidem sistebatur, tussisque minus erat molesta. Alvo solida facta, *uncias quinque sanguinis* e manu lateris dolentis extrahendas præcipio, qui non durus, sed maxime viscidus apparuit. Gelatinam deinde mane ex c. c., & Cinnæradice, fero, emulsionem, ex melonum, & papaveris albi seminibus, cum amygdalis dulcibus quotidie exhibebam. Præscripsi quoque suffumigium humidum per tubulum hauriendum ex Traumaticis herbis; quibus per sexdecim dies continuatis, ventum est postremo ad usum lactis distillati cum Pulmone agnino, radicibus glycyrrhizæ, cannæ montanæ, foliis tussilaginis, Chærefolii, ac Pulmonariæ maculosæ, cui præmittebatur bolus ex nitro papaverato, & antihectico Poterii, paucis guttis Balsami Peruviani exceptis.

IV. Post unam lactis distillati dosim consumptam, sex dierum spatium, quodam mane mihi visus est apyretos, cessavitque sub hujusce remedii usu intra mensem tussis, dolor, & postmeridiana anhelatio. Pulsus adhuc aliquantulum frequens, sed calor mitis etiam ad arterias. Quin cum vires redirent, & depedita nutritio videretur restitui, horis quoque serotinis, illum sine febre degere facile mihi suadebam. Tunc igitur diætæ lacteæ loco,

cujus

cujus usum æger respuebat ; denuo præscriptis emulsionibus mane , & sero sumendis ex amygdalis, melonum seminibus, & nucleis pineis ; eoque commonefacto , se subjectum tibi oportunissimum esse, ab ejus visitatione me subduxi. Ejus Parentes, qui Prognosim quam de ægro institueram , male admodum habuerant, me tanquam in morbi cognitione deceptum, liberrime traducebant.

V. Adolescens sibi nimium fidens , meisque admonitionibus non auscultans; ut sanitatem ostentaret, domo exhibat , licet temporis constitutio, quæ tunc obtinebat , austrina , & maxime nimbose esset ; En itaque ad Decembris finem tussis redux, ac sanguinis floridi, spumosi que expuitio , cum dolore ad scrobiculum cordis, prout mihi retulit ejus Genitor, qui cum vasculo collecti sanguinis , ad me , morbo Naroniano laborantem (cujusce ferini morbi historiam aliquando editurum me spero) accurrebat , rogatum auxilium . Præscripsi e lecto haustum ex aqua succi Plantaginis, & papaveris Rhæados, cum ejusdem papaveris tinctura , a quibus denuo videbatur convalescere. Itaque denuo domo exhibat, atque ad solita redibat. Quin sub Bacchanaliorum finem in nuptiis consanguinei, plura errata, me coram, quasi de morbo, & medico triumphum agens, commisit, pro quibus

tamen brevi pœnas daturum prædixi, neque fallebar. Namque Quadragesimali tempore denovo lecto committitur, ac post viginti dies a decubitu, ad illum invifendum accerfor, quem inveni macie confectum; tussi inanive-xatum, *nihilque fere, nisi pauca viscida, & tenacia expuentem*, tametsi in pectore strepitus sputi adesset. Aderat continua, & frequens anhelatio: non poterat super latus sinistrum decumbere: vixque per lectum moveri: pulsus frequens, celer, & debilis: in sinistro carpo aliquando deficiens, & fere semper inæqualis; cibi tamen desiderium, quod mirum, vigebat, & copiose comedebat. Nihilominus, quod magis mirum cuicumque videbitur; nedum æger tot ærumnis confictatus, sed etiam Parentes ab impotenti amore occæcati, eum bene se habere ajebant, meque ulcus, quod ad narrem sinistram eruperat, prout servus sanioris mentis mihi narravit, celabant. Itaque tale ulcus inspicere volui, quod excitabatur ad femoris sinistri protuberantiam, nullo adhuc malo colore præditum; circa quod aliæ etiam excitabantur vesiculæ humore alto plenæ, Loco aquæ rosacæ, qua ulcus & vesiculæ abluebantur; adhibito fotu ex mentha, origano, Salvia, Lavendula, vino, & aceto, ad partes æquales incoctis, ulcus sanabatur, & vesiculæ subsidebant. Instituta fatali Prognosi, Julapia nescio quæ, præscripti, & pul-

pulverem Conerdingii in decoctis Traumatia-
cis; donec mense Martio sub Æquinoctium .
vitam cum morte commutaret, postquam per
tres dies, in agone vixisset. Agonem, leve de-
lirium, & alvus fusa præcessit.

VI. Cadaveris aperiendi eopia facta; id præ-
statur coram multis ex ejus consanguineis,
quibus prædicebam, tubercula suppurata;
sinistrum Pulmonis lobum costis adhaerentem;
& forte concreciones præternaturales inve-
niendas. Verum vix Chirurgus e dextro la-
tere diaphragma perforaverat, ut sternum
sicuti moris est, elevaret; cum pus in pecto-
ris cavitatem effusum, in magna quantitate
per perforationem exiit, viride, liquidissi-
mum, ac færens, quod delicatulos circumstan-
tes abigebat. Ego ut Chirurgus sternum ele-
varet, urgebam, qui tamen propter fætores
ab opere cessare cogebatur. Ut melius potui
in cavitatem inspexi diaphragmate a sinistra
quoque parte cæso: cujus partis lobus costis
adhærebat, dexter verò erat omnino corru-
ptus.

VII. Si quæ singillatim infelici huic ado-
lescentulo successerunt, spectentur, aliquam
raritatis notam præferunt; eo magis si col-
lective sumantur, historiam constituunt,
neque ex passim obviis, neque relatu indi-
gnam, & Praxim medicam exercentibus Ty-
ronibus, forte non inutilem. Cujusce rei me

certiorem lectorem facturum puto, si quasdam appendiculas hujusce casus occasione exortas, hic subnectam. Eas vero, cum in ordinatam Dissertationem colligere operosum doxerim; satius putavi eas, prout in Museo meis utilitatibus, atque usui natæ sunt, subilicere.

VIII. *Calculosa Matris filius*. Quid calculo Matris cum lumbagine, & Phthisi filii quispiam reponet? Quamvis in universum haud verum Hippocratis effatum existimem, *morborum*, nempe, *omnium unum eundemque modum esse*, ipsum vero locum differentiam facere (a); attamen in hoc casu morbi matris, ab eo quo laboravit filius, diversitas, a locorum solummodo differentia pendere puto, cum utrobique fluida concrefcentia habeantur, & si concretionum loca, concretaque ipsa eadem minime sint, ob peculiarem individuum constitutionem, & causas procatacticas, quæ in filium agere potuerunt. Forte enim filii concrefscibiles humores ad lumbos decubuerunt, quia iste super Paradromis lithostratum, levioribus tegminibus superstratis, decubuit: quemadmodum innuere visus est Hippocrates, senem (b) lumborum dolore, cruribusque, ac coxis laborasse, quia sedebat in marmoreis vestibulis. Quidquid tamen

(a) De flatib. tex. 4.

(b) Epid. 4. tex. 23.

tamen hac de re sit, illud ex ratione, observatione, & auctoritate asserere posse mihi videor; peculiarem Thoracis in filio constitutionem in causa fuisse, cur ibi succi concrescibiles coagulantur, Phthisimque causarentur. Quotidiana observatio nos docet, tali pectoris constitutione præditos, tabi opportunissimos esse; unde Galenus (a) ex Hippocrate, talem Thoracis constitutionem *talem nativam vocavit*. Et jure quidem: nempe cum arctius pectus arguat, difficile pulmo in illo expandetur, sanguisque illac difficulter præterfluet; unde, vel e vasis erumpet, vel inibi concresecet. Sanguinem verò difficulter, ita sabrefactum Pectus perfluere, genæ roseæ ostendunt. Cum enim Pulmonalis vena haud prompte sanguinem in cor sinistrum elutriet; dextrum cor difficiliter deplebitur; truncus superior venæ cavæ non exonerabitur: in jugularibus subsistet cruor; quarum propagines per faciem reptantes eo distentæ in conspectum venient, roseoque colore venas depingent. Reor itaque succos, vel ex se coactioni obnoxios, vel a vi autumnalis cæli, & nocturno aere tales redditos; ob decubitus super strata lapidea circa lumbares vertebrae coaluisse, ac Rheuma lumbare excitasse, e glandulis item faciei posterioris Trachææ stillantes in osseam concretionem se se

K 4

effor-

(a) Sup. 3. Epid. Ægr. 6.

efformasse; quæ nodosis protuberantiis, modulum in quo coaluit, tracheam nempe in bronchia se dividentem. repræsentavit. Ætas, & anni tempus tali quoque morbo favebant. Phthisis etenim iis maxime accidere solet, qui sunt in ætatibus ab anno decimo octavo, usque ad trigesimum quintum ex Hippocrate (*a*); qui memoriæ etiam consignavit tabes autumnno potissimum exoriri (*b*).

IX. At qui fieri potuit, dicet aliquis, ut ossea concretio in Pulmonibus genita, protuberantiis potissimum aspera, vi tussis e Pulmonibus ejici potuerit? Qui hoc factum sit, dicere nescio: quomodo vero fieri potuerit, ita censeo. Haud a ratione abhorrerem mihi videtur conjectura illa, per quam puto è succis illis dictam concretionem coagmentatam, qui a glandulis Trachææ, exterius super musculosam tunicam positæ, canaliculos ex Morgagnio (*c*) in Trachææ cavum immittentibus, stillant. Porro puncta canaliculorum excretoria, ubi inter musculares Trachææ lacertos interstitia relinquuntur, in conspectum veniunt; prout ex Celeberrimi Auctoris præclara Tabula prima, conspici datur; proutque alio loco demonstrat (*d*), obliterantur vero ex dictæ Tabulæ conspectu post

(*a*) 5. aphor. 9.

(*b*) 3. aphor. 22.

(*c*) Advers. 1. num. 15.

(*d*) Advers. 5. animad. 39.

post secundam asperæ arteriæ divisionem. Illic igitur ad summum non in penitioribus bronchiis concretio coalescebat, cum eo usque solummodo lymphæ concrescibilis fontes aperiantur. Modo si quis talem situm, vel animo concipiat, vel oculis intueatur: ille næ dignoscet inde corpus solidum vi tussis vehementis extrudi posse. Atque en quantum opis ad morborum etiam infrequentium sedes, non insulse conjectandas exactior exculta anatomes, conferat: cujusce utilitatem nedum in explicandis phænomenis, sed etiam in morborum curatione instituenda, ex aliis locis harum observationum patescit.

X. *Contrahit Rheuma Lumbare.* An lumbiginem illam, cum inflammatione conjunctam, de qua potissimum Sydenhamius (a) & Boerhaavius (b) verba fecere? Minime, sed chronicum circa lumbos dolorem, qui partium lumbarium motus impediret. Quo de morbo si Baglivum excipias, qui pauca admodum de eo habet (c) cum alium sit apud Auctores, quos evolvi, silentium (Arnoldus Boot, qui de affectibus omissis scripsit, an de eo scribat nescio, quoniam hunc Auctorem in fonte, ut dicitur, nondum mihi videre contigit) ego vero per multos annos eo fuerim con.

(a) In Rheumat. descript. p. mihi 319.

(b) De cognos. & cur. 1494.

(c) Prax. l. 1. de calculo, & Podag.

conflictatus, eodemque & Virgunculam, & juvenem de quo scribo, laborantes viderim : operæ pretium me facturum duco, si data occasione de eo hic pauca loquar, eaque narrem, quæ ex observatione didici.

XI. Graciliores, humidioresque morbus hic corripere solet, atque eam ætatem, quæ a pubertate, usque ad incrementi finem transcurrit. Causas præternaturales eas sequitur, a quibus solida laxiora efficiuntur, hominemque potissimum aggreditur cum lumbares musculos plurimum defatigavit. Dolore gravatissimo, obtusoque lumbos afficit, eosque quasi ligatos, quibuscumque muniis obeundis ineptiores reddit. Noctu, quam interdiu gravior est, humidisque temporibus ingravescit, quæ certius, ut in me toties expertus sum, quodlibet Instrumentum tempestatum mutationes præsignans, minime prædicit. Lumbos nunc unum, nunc alterum, prout dextro, vel sinistro magis incubuerit morbus, attollit : tandemque iis, quos diu exercuit, paulatim superiores lumborum vertebrae, extra prolabi facit : Tunc crurum, tibiærumque musculi levibus contractionibus, frequentioribusque subsultibus, aliquando etiam torporibus afficiuntur ; quibus tamen homo ita assuescit, ut facillime eos ferat. A quibuscumque externis, si humidiora apponantur, vel maiore exsiccandi facultate prædita non sint ;

aut

aut nihil proficitur, aut morbus augetur; qui neque purgantibus, sudoriferis, diureticis, Mercurialibusve cedit, nisi pro tempore; hominem vero solummodo deserit; cum seipso crassior, habitiorque factus fuerit. A sanguinis educationibus, sive ex brachiis, sive ex cruribus, dolores, qui quandoque urgentiores fiunt (ut mihi aliquoties contigit) sedantur; quod tamen facilius obtinetur a cucurbitulis scarificatis. Vesicatoria, lumbis dolentibus apposita, morbum extenuant. In summa, quantum observatio, & mehercule diligens (de meo siquidem corio ludebatur) mihi dictavit; exsiccantia; nervina; corroborantia; opiata, morbum leniunt; sed non tollitur, nisi, aut ætate, aut victus ratione, aut regionis mutatione, robustior æger, torosiorque evaserit. Tuncque haud equidem omnino prompte, agiliterque sed satis bene, ac sine dolore suis muneribus lumbi funguntur; neque a vertebrarum prolapsu truncus obliquatur, licet circa regionem lumbarem sinuationem illam truncus deperdat, quæ decori, & pulcritudini facit.

XII. Morbum hunc *Rheumatis* nomine insignivi, non quia proprie voci Græcæ respondeat; sed quia usus obtinuit, collectiones humorum, fluxionum nomine donare. Quas, quoniam in iis ad affectam partem, non cogi, sed fluere humores, putabant veteres, & vulgus

vulgus adhuc putat ; ideo *πέματα* a *πέω* ; quod est *fluere*, ac *fundo*, appellarunt. Ita cum sic volet usus *quem penes arbitrium est*, & *ius*, & *norma loquendi*, haud semper rebus suis nomina conveniunt.

XIII. Si quis quærat, sub quam ægritudinis categoria morbus hic peculiariter describendus esset; ad dolores illos quos Hippocrates *κέρματα* vocavit, facile reducerem. Neque enim tali nomine eos peculiariter dolores magnus magister intelligit, qui circa crura, ac potissimum circa femoris articulationem fiunt, quemadmodum Galenus (a) putavit; sed dolores articulorum diuturnos, non admodum vehementes, quorum materia a prædominio, pituitosa est, sicuti Martianus (b) recte explicuit. Hosce dolores iis accedere, qui carnes effæminatas, laxioresque habent, ex eodem Hippocrate intelligi datur; qui æmatibus obnoxios Scythas, quibus victus humidior; cælum frigidius; humidiora, & laxiora corpora; ac præ continua equitatione propendentibus ex equo cruribus, delassata habent, adnotavit (c). Ob id, ei cui genua dolent equitare inimicissimum (d) Podagricoque alienissimum putavit Celsus. Quod tamen nostris temporibus non ita verum existimo,

(a) In exegesi. & in comm. i. in 6. Epid.

(b) Sup. l. de effectio. tex. 31.

(c) De a. a. l. i. tex. 5.

(d) l. 4. c. 33. 34.

mo, ut podagrico, cum potest, equitare quandoque non conferat; cum ex eo, quod non equitemus, ut solebant antiqui, docentque sculpta marmora, propendentibus ex equo cruribus, sed stapedibus innixi, de quibus, quantum scio, altum apud veteres auctores silentium; tum potissimum quia podagra, viscera chylopæa debilia, vitiataque sequitur, quorum viscerum debilitati, mirum, quantum conferat equitatio.

XIV. Ut, quæ morbum antecedunt, laxitatem funiculorum, seu ligamentorum, quæ vertebrae firman, ostendunt; sic morbi exitus, eum articulare esse docet. A laxitate, & flacciditate fibrarum luxationes accidere; & Ettmullerus (a) adnotavit; & de vertebrarum peculiariter prolapsu, Celsus (b) docuit. Ab humore vero vitioso intra articulum se se insinuante; & Hippocrates, qui *gibbositates propter collectiones intra spinam* (c) fieri scripsit; & laudatus Ettmullerus, loco citato, notarunt. Puto igitur, quod in casu, & laxata ligamenta, & vertebrarum mucus vitiatus, morbum creent, vertebraeque e suo loco excidere, prima sinant, alter vero faciat.

XV. Haud me latet, Clar. viris Schneidero,

&

(a) Chirurg. Medic. c. 1.

(b) L. 8. c. 14.

(c) De artic. tex. 38.

& Hardero apud Bonetum (a) somnium esse hanc intra articulos humoris collectionem . At præterquamquod glandulas mucilaginosas Haverianas isti minime noverant (b); Etmulleri observatio de ossibus cranii, cum dolore intensissimo, ac quandoque cum sonitu, ob viscidum lentumque humorem intra cranii futuras illapsum, a se invicem disjunctis (c) satis probat, vel ab extra, intra ossium syntheses mucum illabi, ac coacervari posse . Eo etiam spectat Poupartii Observatio altera (d) qui invenit in Scorbuticis ossium epiphyses ab ossibus disjunctas, unde ossium strepitus Scorbuticus, ab humore procul dubio inter os, & epiphysim se se adigente . Posthabitis itaque Schneideri, & Harderi auctoritatibus, haud alienum a probabili duco, mucum ab Haverianis glandulis separatum, & illiusmodi fuisse, qui ligamenta laxarit, & qui intra vertebrarum articulationem, concreverit: sicque duobus de nominibus vertebræ exciderint; cum vi, quæ eas extra locum pellebat, quæ arthron firmabant Machinamenta flaccida, & laxa, resistere minime potuerint . Hanc morbi ideam, non jam adumbravit, sed graphice delineavit Hippocrates, cum scripsit: *Mucus omnibus (articulis nempe) a*

natura

(a) Sepul. anat. l. 3. l. 4. sec. 8. Obser. 2.

(b) Apud Heist. in C. A. de glandulis speciatim 344.

(c) Colleg. Pract. l. 2. sect. 5. artic. 6.

(d) Memoir. de l'Accad. Royal des Scienc. an. 1699.

natura est, & quum hic purus fuerit, articuli sani sunt, & bene moveri possunt, utpote lubrici inter se ipsos, labor autem, & dolor, ut a carne humiditas fluxerit vitiosa... & ut multa existens, & articulo ipsam non capiente effluit, & male stabilita elevat nervos, quibus articulus colligatur, ipsosque inconnexos, ac dissolutos facit (a). Quæ optima doctrina explicationi aphorismi inserviet: Quibuscumque a coxendiculi morbo vexatis, coxa excidit, & rursus incidit, his mucosæ accedunt (b), quos ustione curandos bene admodum præcipit.

XVI. Ad hanc morbi Ideam ulterius confirmandam, binas alias Cuius senis Observationes subjiciam, per quas quisque descripti morbi Ætiologiam, non jam ex hypothesi; sed ex iis, quæ visuntur, quæque in potestate nostra sunt, facillime concinnare sibi poterit, indicationesque eruere pro tali morbo curando: Prostat utraque in libro de articulis (c). Prima est, quod carnosius excidant articuli, difficiliorque reponantur, tenuibus vero, e contra; quod Boum probat exemplo, qui ad hyemis finem, cum ob prægressos labores tenuissimi fiant, facilius luxantur, iisque femora ex acetabulo excidunt;

(a) De loc. in homin. tex. 14.

(b) 6. 31.

(c) Tex. 6. 8.

dunt: Altera est, quod mucosiores omnino sint articuli excarnibus, quam carnosus.

XVII. Contra talem morbum, si lacteam excipias diætam ustionesque, quarum utræque apprime, ni fallor, conveniebant; omne remedii genus expertus sum; at vel nullo fructu, vel solummodo temporario levamine. Tria tamen, præ cæteris omnibus, eaque extra adhibita, majus adjumentum attulere. Primum fuit mixtura ex S. V. & Laudano cydoniato Helmontii: alterum a Clarif. Weinhard depromptum (*) ex S. V. unciiis sex, quibus flores rorismarini, salviæ, lavendulæ, majoranæ, singulorum pugilli duo; cardamomi drachma, & castorei scrupulus immittendi. Postquam steterint per duos dies in digestionem vas quotidie agitando, addit auctor oleum spicæ stillatitium, quod tamen ego non immiscebam, sed sola prima mixtura lumbos fricabam. Tertium vero, quod quæcumque alia longo post se reliquit intervallo, docebat me rusticus (neque enim me pudet fateri per quem profecerim) sicque parabatur. Sumebantur e sænili sæni quiskilix. Hisce probe in aheno calefactis, addebatur nigrum temetum cum sale communi, ad eam quantitatem, ne sænum in vino nataret, adhucque calefieri, ligno mixturam agitando, sinebatur. Mixtura inde in saccum

in-

(*) Medic. offic. in formul. remed. arthritic.

includebatur, super quem lumbos, coxasque tunc summe dolentes, extendebam. Ab hoc tamen thædii pleno morbo, tunc solummodo perfecte convalui, cum apud Nigro-Corusræos per tres annos Medicus, ubi scriptum juvenis observationem habui, crassior, torosior, habitiorque factus sum. Sic experimento verum esse Hippocratis effatum didici, maritimum locum, maxime ad salutem commodum esse (a). Perfecte, inquam convalui, si præscindas a vertebrarum prolapsu, contra quem muliebrem thoracem, ut opus erat, confectum per annum gestavi; neque enim mihi arrisit. Hippocratis scamnum; neque repositioni vertebrarum quam molitur Scultetus (b) me subiicere volui. Prolapsus tamen optime firmatus, neque me gibbum facit; neque equitationem, cursum saltationem, aut venerationem impedit. Virguncula, cui post lumbaginem, vertebræ eadem excidere; famulitii, cui addicta erat, muniis, satis benefungebatur. De Rheumate lumbari satis.

XVIII. *Ac quamvis rationali Praxi.* Haud pauca erant quæ mihi rationabiliorem cucurbitularum scarificationem, præ hirudinibus ano apponendis, suadebant. Cum enim ex Anatome scirem, hæmorrhoidalia vasa haud immediate cum lumbaribus, quæ ab cavæ

L

trunc

(a) Præcept. tex. 13.

(b) Armam. Chirurg. Tab. 25. fig. 2.

trunco antequam dividatur, abscedunt, communicare; ex hæmorrhoidalium depletione, lumbaria vasa depletum iri, in iisque stagnantes succos dimorrendos esse, minime rebar. Quod tamen per cucurbitulas posse præstari putabam, cum (præterquamquod in me cæperam experimentum) ex Doctissimo Bellino scirem, quod si aliquid lentoris alicubi stagnet, aut hæreat, facilius dimoveri possit; si incidantur capillares loco affecto proxime quam truncus longius situs (a). Bellinianis porro demonstrationibus mirum, quantum faveat Hippocrates, & observatio. Magnus bonæ Praxeos parens, morbos *circa locos* curare præcipit (b) aitque, quod *morbi ea parte, qua proximi sunt, extrahendi sunt, & qua parte singulis exitus quam proximus est extrahendi* (c). Quamobrem dolores supra septum transversum, qui purgatione opus habent, per vomitum ducendos docuit (d). Cum observasset capitis dolorem per loca vicina solvi: *capitis dolorem solvit pus per nares, aut sputa crassa, solvit etiam ulcerum eruptio* (e) hunc circa locum curat, atque scarificationibus,

(a) De sanguinis mission. Prop. 5.

(b) 1. de morb. mul. tex. 32.

(c) De loc. in hom. sect. 2. vers. 285.

(d) Aphor. 4. 8.

(e) Coac. Prænot. vers. 231. & 2. Epid. sect. 6. vers. 36.

nibus, venarumque inustionibus morbum extrahit (3) Quod remedii genus apud Pænos quoque prophylactice usitatum lego ex Herodoto (a) qui pueris verticis venas lana succida inurere solebant, ut eos a distillationibus præservarent. Hisce Hippocratis auctoritatibus innixus, demonstrationeque Anatomica Claris. Valsalvæ (b) & Morgagni (c) experimento fretus, navicularum constructori, qui ab aliquot annis contumaci cephalalgia laborabat, contra quam, tantum non omnia præsidiorum genera ex multorum Medicorum præscripto adhibuerat, iis exceptis, quæ circa locum usurpantur; cucurbitula ad occiput profunde scarificata, sanitatem restitui; quod remedii genus etiam a Celso (d) contra phrenitidem præceptum invenio. Huc facit etiam efficacissimum remedium, quod tanquam suum inventum proponit Lancisius (e) contra Pleuritidem, licet illius Galenus meminerit (f) Riveriique (g) & præcepto, & observatione illius efficaciam commendarit; cucurbitula nempe loco dolenti affixa; qua hyeme, quæ proxime lapsam antecessit (1730) Chirurgum nostram

L 2 tem

(3) 2. de morb. & l. affect. tex. 2.

(a) In Melpomen.

(b) De aur. human.

(c) Adversar. 6. animad. 83.

(d) l. 3. c. 18.

(e) In Dissert. de vena sine pari.

(f) De curatio. per sang. mis. c. 19. & 2. ad Glauc. c. 7.

(g) Prax. l. 7. c. 2. Obser. Centur. 3. 39.

tem a sæva Pleuritide , incantamenti ad instar liberavi . Quid plura ? Zacutus Lusitanus (*a*) binos tumores linguæ suffocantes , aliis frustra tentatis , sanavit ; primum quidem quatuor hirudinibus linguæ affixis , unde sanguis copiose fluebat ; alterum vero profundis scarificationibus lingua incisa . Vir in Praxi apprimè doctus Jonstonus (*b*) contra quoscumque linguæ tumores , venarum sub lingua sectionem imperat ; Celsusque in angina curatione (*c*) rectè sub mento , & circa fauces ait cucurbitulam admoveri , ut id quod strangulat , evocet ; incisionesque satis altis plagis sub ipsis maxillis , circa collum , & in palato circa uvam , si parum per cætera proficiatur , præcipit esse faciendas , ut per ea vulnera morbus erumpat . Quamobrem , nunquam satis miror , cur adeo obsoleverit apud nostri ævi Medicos morbis *circa locos* mederi . At isti derivationem , nisi revulsionibus peractis , non moliuntur . Dum quædam argutatiunculas sive audio , sive lego , vix a risu mihi tempero . Hippocratis Praxim fuisse scio , ut quemadmodum in præservatione revulsionibus ; sic in curatione morborum , derivationibus , paucissimis exceptis casibus , uteretur ; atque partibus superio-

(*a*) l. 1. Hist. Med. Princ. obser. 47. 48.

(*b*) Syntagmat. c. 5.

(*c*) l. 4. c. 4.

rioribus laborantibus, superiores, inferioribus inferiores venas secaret. At quilibet peculiarem, cui indulgeat, habet methodum. Mihi certe in casu dicto, rationibus, auctoritati, observationibusque satis innixo, utilior videbatur scarificatio, & circa locum medellæ, ut phrasi Hippocratica utar, præ hæmorrhoidum, ope hirudinum apertione.

XIX. *Ad Phthisim agrum tendere*. Cautior potius, quam verior prognosis. Ex Riverio (a) tunc alvi fluxus confirmatæ Phthiseos signum est, cum adest quoque appetitus dejectus, gravior tussis, ac febris vehementior, quæ adhuc in nostro casu deerant. At ex Mortono, qui haud pauca cum laude Phthisiologiam ex professore tractavit; si tabidos Scorbuticos exceperis, qui semper in serosas colliquationes, per intestinales, & salivales glandulas propensi sunt; alvus fluida (b) cum aliis signis tabem indicantibus se comitem facit, certum est funestumque confirmatæ Phthiseos inditium. Verum quid hic Mortono, Riverioque opus? Mihi metipsum indignor, quod illius Hippocratis tunc non meminerim: *facie flores habente, & alvo, fluidiore, suppurationem circa pulmones habent* (c). Una, & altera vice in Praxi hoc verum esse notavi.

L 3

XX. Ni

(a) Prax. l. 7. c. 7.

(b) Phthisiolog. l. 2. c. 2.

(c) In Coac. Prænot.

XX. *Nihilque fere expuentem.* En quantum fallantur ii, (sunt autem non pauci) qui e sputo tabidos dignoscere tentant; cum tamen si optimorum veterum scripta attente consulantur, & ipsa Praxis, Pulmonum suppuratio haud semper putrida, aut purulenta secum ferat sputa. Suppurationum signa, non uno in loco tradidit Hippocrates. Primo de morbis tex. 18. meminit quidem sputi purulenti, at eodem textu expresse ait, talem fieri absque eo quod dolor, tussis, sputumque purulentum adsit; tuncque alia signa, pro talibus tabidis dignoscendis proponit. *Si vero horum nihil adsit* (dolor nempe, tussis, sputum purulentum) *suppuratus autem sit, ex his conjectare oportet: Spiritum multum habet, subraucosiusque loquitur, & pedes, & genua intumescunt, magis autem ab ea lateris mollitudinis parte, in qua pus est, & thorax concurvatus est, & membrorum dissolutio fit, & sudor per totum corpus distluit, & aliquando sibi ipsi videtur calidus esse, aliquando frigidus, & ungues circumtensi sunt, & alvus calida fit: Ex his suppuratos cognoscere oportet.* Libro quoque Prænot. tex. 16. suppuratorum signa proponens, neque de pure, neque de sputo purulento verba facit. Celsus, qui Latinus audit Hippocrates, dum eleganter, suo more, signa ab Græco Hippocrate in citato Prænot. libro exarata persequitur;

non

non solum de sputis mentionem non facit, quin, ait, ægros pene nihil excreare. Ac non inutile erit, ejus verba huc transferte; *Omnis suppuratio quæ nondum oculis patet sic deprehendi potest: si febris non dimittit, ea-que interdum levior est, noctu increscit; multus sudor oritur: cupiditas tussendi est, & pene nihil in tussi excreatur: oculi cavi sunt: mala rubent: vena sub lingua inalbescunt (hujusce signi, quantum ego scio, non meminit Hippocrates) in manibus sunt adunci ungues; digiti, maximeque summi calent: in pedibus tumores sunt: spiritus difficiliter trahitur: cibi fastidium est: pustula toto corpore oriuntur. (a). Hinc quisque videre potest, eos ex nostratibus Medicis, qui pro tabidis, solummodo purulenta spuentes habent, vel ad Phthisim diagnoscendam igne, aut aqua sputa explorant; juste in Aretæi reprehensionem incidere. *Quicumque igne, aut aqua, humiditates hic explorat aut notat, hunc videri haud ita multum phthoem dignoscere (b).* Ei rei animus advertendus est, quod non ad diagnosim, seu sputorum seu morbi, humiditates, ut Aretæi verbis utar, explorat Hippocrates; sed solummodo ad prognosim: quibus tabidis in mare spuentibus, pus ad fundum sedit, brevi pereunt: sit autem mare (cujusce effati rationem non*

L 4. video)

(a) l. 2. c. 7.

(b) De Sig. & caus. diuturn. c. 8.

video (*in aneo vase* (*a*) . De sputo quoque super prunas coniecto : & si prunis inspuenti , saliva graveolens sit , intra breve tempus ipsum moriturum esse pronuntia (*b*) . At non solum phthisim abique sputo , quæ res observantibus obvia quotidie , ut ita dicam , est ; sed etiam absque tussi , & spirandi difficultate notavit Merchlinus apud Bonetum (*c*) in cadavere Virginis cancro mammæ , & mira plerorumque viscerum corruptione extinctæ ; in qua pulmones marcidos invenit , tamen si nulla tussis , nullaque spirandi difficultas , eam toto morbi tempore affligerit . Wincelerus etiam apud eundem (*d*) in dextra parte pulmonis infantis copiam lchoris albi invenit , unde dyspnæa quidem , sed nulla tussis . In cujusce observationis Scholio ait auctor , quod Marcus Aurelius Severinus statuatur Phthisim contra Galenum , in qua Pulmones non sunt exulcerati , sed quadam solummodo laxitate infirmi ; idque fit quando mucore pituitoso , ac semiputriti , diu multumque abluuntur .

XXI. *Alvo solida facta* . Concretiones in pulmonibus latere suspicabar , ac cruda tubercula , dum pro Phthisi incipiente , morbum curandum suscepi . Concretionum suspicio , ab ea exbriebatur , quam extussierat ;

REMITTITUR IN VASE GLASSATO CONJECTO IN CRU.

(*a*) In Coac. Prænot. & 5. aphor. 11.

(*b*) 2. de morb. tex. 46.

(*c*) T. 2. M. S. l. 4. obser. 10.

(*d*) T. 1. M. S. l. 2. sect. 11. c. 1.

crudorum vero tuberculorum, a signis iis, quæ de crudo tuberculo tradidit Hippocrates: & quamdiu quidem adhuc crudius fuerit, dolorem exilem, & tussim siccam inducit (a). Quod si maturationem jam adepta fuisse tubercula putassem, haud ædepol sanguinem illi eduxissem, quod in suppuratis, nisi aliquis urgentior affectus sanguinis missionem ex postulet, eam noxiam ratione morbi existimem. Hac certe nuspam in curatione Phthiſeos utitur Hippocrates; neque Celsus contra Pulmonalem tabem hujusce remedii meminit: Inter recentiores, ab Ettmulario (b), magni nominis practico, improbat, nisi aliqua sanguinis suppressio, morbo originem fecerit. At ex altera parte Riverius, Sydenhamius, Willisius, Pitcairnius, Morthonus, Boerhaavius, in Phthiſi incipiente, sanguinem, vena secta, educere, necessarium auxilii genus, asserunt. Aperte docet ingeniosissimus Scoto-Britannus Pitcairnius, quod cum metus sit, ne sanguis stagnans, inflammationem, & abscessum, ulcusque producat, vena est secanda (c). An aliud præter suppurationem, & ulcus a tuberculis, quæ cruda adhuc putabam timeri poterat?

XXII. *Sinistrum pulmonis lobum*. Tametsi Hip-

(a) 1. de morb. tex. 14.

(b) Colleg. Pro. l. 1. sect. 2. 16. art. 1.

(c) Elem. M. M. M. l. 2. c. 26.

Hippocrates tradiderit, quod si Pulmo ad latus prolapsus fuerit ad affectum quidem latus decubitus sustinet, non autem ad sanum (a); nihilominus, cum alias Phthisicum viderim, qui post mortem pulmones costis adhærentes illi lateri exhibuit, supra quod decumbere nequibat; idem iudicium de ægro hoc tuli, neque conjectatio mea me fefellit. Phænomeni observati ratio, quam hic subiticio haud a ratione abhorreere mihi videtur. Magni Morgagni observatione (b) constat, quod neque in inspiratione a distentis Pulmonibus, tota Thoracis cavea impleatur, sed satis spatii inter Pulmones, & Thoracis parietes relinqui. Hinc fit, ut Pulmo, nedum in fortioribus inspirationibus, magis sese dilatare possit; sed etiam si Thorax ab vi aliqua externa leniter comprimatur, Pulmoni spatium, ad se quousque sat est, dilatandum, minimè toleratur. Quod si lateri Pulmo adhæreat, neque spatium debitum, Pleuram inter, Pulmonesque relinquatur; costis compressis, pulmo quoque comprimetur, indeque læsa respiratio fiet. Quæ costarum compressio, cum tunc eveniat, cum supra latera cubamus; Pulmonem tunc, si Pleuræ adnatum sit, in motu expansionis impediri necesse est, respirationemque vitari. Itaque animal molestiam

(a) 2. de morb. tex. 57.

(b) Advers. 5. animad. 33.

stiam hanc perpetuens, neque pulmonum impeditam actionem ferre valens; neque ferre poterit vim Thoracem coarctantem; quæ cum in casu a decubitu super affectum latus proveniat, talem positum mutare cogetur animal, neque supra latus, cui Pulmo coalescit decumbere quibit. Num ex eodem Pulmonum cum Pleura coalitu, pulsus quoque inæqualitas, in sinistri brachii carpo, & deficientia, quam in juvene notavi? Id determinare non aſſim.

F I N I S.

IN-

INCERTI LOCI

Abscessus feliciter ad sanitatem perductus
 Obiter de hyemali Epidemia anni-
 1730- Accessere item aliqua de
 Constitutione anni-1735-

OBSERVATIO VII.

H.

Vlgebat hyemalis tussiculosa constitutio
 anni-1730-cum mulieri septuagenariæ
 alacrioris, erectique spiritus, ac satis robu-
 stæ, quamvis a longo tempore uteri prola-
 psu exerceretur, rumpebatur abscessus inter-
 nus. Ab aliquot annis laboraverat dolore ob-
 tuso sinistri hypochondrii, qui ab ejus Me-
 dico, ex iis, qui Galeni sectatores se se præ-
 dicabant, pro flatu hypochondriaco habeba-
 tur. Illud mulieri molestius erat, quod se-
 dens comedere non posset; etenim statim ac
 primos, sive liquidos, sive solidos deglutivis-
 set bolos, ob dolorem. inflationemque hypo-
 chondrii sinistri, e sedili surgere cogebatur:
 stans vero, aut ambulans comedere poterat,
 tunc enim dolor, & inflatio cedebant. Qua-
 dam nocte ad illam accersor, quam nausea,
 ac lipothymia cum tremoribus, extremorum-
 que

que refrigeratione male torquebat; quæ omnia tamen sub usu mixturæ hysterico-anodynæ disperebant: jusculis inde, quibus amaricantes herbæ incoquebantur, utebatur. Ab horum usu nondum cessaverat, cum denovo noctu ad illam vocor, quæ ad alvi exor-nerationem animo defecerat, tremore asphy-xiaque supervenientibus; sed hac quoque vi-ce ab mixtura hysterica refocillabatur, sen-susque recuperabat. Mane sequenti illamin-vilo, quæ acerbissimis, ac scindentibus (ita ægra ajebat) doloribus sinistri præcordii ex-cruciabatur. Per noctem sæpius dejecerat, ac copiose saniosam materiem expuerat. Ut ea, quæ ex alvo prodierant, inspicerem, af-fertur trulla; & ecce illi, quam expue-rat similis sanies, unde internum ab-scessum disruptum pronuntio. Præscribo spi-ritum vini croco, & camphora imprægnatum, cum amygdalarum dulcium oleo sinistraque hypochondriorum regio unguento althææ, oleoque cucurbitino, & violaceo, croco, & camphora immixtis, illinitur, quibus dolores compositi. Postea ad detergendum ulcus & consolidandum, mane, & vesperi in jusculis & hederæ terrestre, veronica, hyperici flo-ribus, ac sanicula, sumebat guttas xxv. ta-lis mixturæ.

℞ Tinctur. Sulphur. Willis

Elix. pptis Paracels.

Liquor. C.C. Succin.

M. ad usum.

} an. 3 j. f.

Ab hac mixtura, tam quæ ab alvo, quam quæ ex ore prodibat; alba, crassior, æqualior, atque inodora fiebat sanies; febricula cedebat; dolores omnino tollebantur; ac quotidie per sex dies, modo bini, modo terni, quaterni aliquando lumbrici extrudebantur. Intra mensem dicti remedii usu continuato, convaluit, jamque optime sana, si ab uteri prolapsu præscindas, mensæ cum familiaribus accumbere potest.

II. Hic mihi admodum hæret aqua, dubiusque animi pendeo, in loco abscessus determinando; neque enim corporis partem invenire scio unde catharsis, & anacatharsis simul saniem educerent. An saniosa materies ab ulcere exeuns a vasis absorpta, trachææ glandulis infundebatur? An ventriculus tussis quoque expurgatur, ipleque erat locus affectus? An lien, vel Pancreas male pexerant? Sed per quos ductus tum tussis tum alvo dabatur materies? An locus Hippocratis aphorismo; *Quibus inter ventriculum, & septum transversum pituita reposita est, & dolorem affert, non habens viam ad alterum ventrem, iis per venas (non jam in vescicam ut aphorismus) sed in alvum, & pulmones versa,*
sol-

solvitur morbus. Sed quæ hæc cavitas ex anatome? Nisi Delius aliquis natator, si non veritatem, probabiles saltem conjecturas mihi hauriat, incertum apud me hujusce affectus locum minime diffiteor.

III. Sed non solum ob loci incertitudinem, & forte ob felicitatem, qua sine magno remedium apparatus abscessus iste ad sanitatem perductus est, inter rariores reponendus mihi videtur; verum etiam ob oppido singularem circumstantiam, quæ huic abscessui se comitem dedit. Pus dum movetur febres, & dolores excire docuit Hippocrates (a) quod a quotidiana ferme experientia, vel in exiguis abscessibus confirmatur. Adeo tamen verum est, quod neque iis in rebus, quas maxime regulares, constantesque plurimi ducunt, universalia præcepta Medicina recipiat; ut Hippocratis præceptum inter artis certiora reponendum, per peculiare observationes, fallax quandoque labensque, inveniatur. Qui ab aphorismi universalitate aliquid circumcidat, in eodemmet Hippocrate, casus prostat, (b) de Leambio, cui humerus, & sedes, in sinistra parte ulcerata sunt, citra febrim, postquam a dysenteria, pharmacorum ope curatus fuisset. Nondum in Hippocratis lectione satis eram versatus (neque adhuc

dum.

(a) 2. aphor. 47.

(b) 4. epid. tex. 22.

dum id præstitisse præ me ferro, memot illius Gravissimi Scriptoris Macrobbi (a): in his, quibus aluntur ingenia præstemus ut quacumque hausimus, non patiamur integra esse, ne aliena sunt, sed in quamdam digeriem concoquantur. Alioquin in memoriam int possunt, non in ingenium) cum accidit mihi aphorismi Hippocratici auctoritate confiso, ut in ejusdam tumoris diagnosi, male deciperer. Res ita se habuit. Vir fortis, atque robustus, ab gravioris ponderis elevatione, magnum contrahit dolorem lumbarem. Ab altero rustico ad locum dolentem fortiter perfricatur, & pedibus premitur: inde tumor super lumbum dexterum excitatur, qui eo tempore, quo illum invisi, exacte rotundus, duorum pugnorum magnitudinem æquabat. Circumcirca pulsationem percipiebat rusticus, quam in tumoris substantia senserat nunquam. Cùm materies contenta, fluctuans, ac mollis esset, suaderi non poteram tantam puris vim sine febre, quæ nunquam adfuit, moveri potuisse; quapropter attenta etiam tumoris exacta rotunditate, illum cystiformium censui, adscribebam. Edixi ut se scalpello Chirurgico subiceret; sectio tamen, qua de causa nescio, celebrata non fuit. Accessit Empyricus, qui caustico tumore aperuit, putumque, ac purum pus exivit, neque

(a), Ad Eustach, filium in Progm. l.f. latum.

que ulla cystidis vestigia apparuere . Ni præconceptæ opinioni favissem , de feбри individua puris pedissequa ; antecedens causa externa , de abscessu me satis commonefecisset . Dum hæc scribo misella Virguncula annorum quatuordecim , cui nondum menstrua apparuere , specie satis liberali , & formosa , abscessu graviore ad lumbos , cum lenta febricula laborat , qui antequam a Chirurgo aperiretur , nunquam febrim induxit . (a)

IV. Cum de hyemali constitutione anni Præterlapsi mentio obiter inciderit , quæ late adeo per Europam vagata est ; prout in Comitatu hoc Pulcinici , locisque conterminis , observavi , adversariisque consignavi , eam huc transcribere nunc mihi est animus . Annum MDCCXXIX. inclinantem , quo plurimum austri dominati sunt exceptis ultimis Decembris diebus , frigida , & sicca tempestas ; quæ licet aliquando spem mutationis faceret , talis nihilominus perduravit , usque ad IV. Idus Februarii , quo die copiose pluit : nix postea nostros Forojulienses montes , a cacumine ad radices totos cooperuit . Primis diebus , quibus ex Austrina in Borealem mutabatur constitutio , Mercurius magno saltu in meo Barometro adeo elevatus est : ut non recorder , an unquam altiore viderim . Cæperat tellus

M

gelu

(a) Hydropica post aliquot menses obiit , ulcere nunquam perfecte ad cicatricem perducto

gelu perstringi, cum tusses ut hyeme solet, iuboriebantur, quæ paulatim non jam singulos, sed plerisque, ita tentarunt, ut morbi popularis nomen ubique adeptæ jam essent. Febris, quæ tunc hisce tussibus se comitem dedit, cum horripilatione serotinis horis accedebat. Mane proximos apyrexia relinquebat ægros, quos non ultra quartam vicem adoriebatur. Neque prima, neque secunda die ulla sitis, vel oris malus sapor, aderant, quæ deinde morbo ad finem properante ægros rentabant. Frictionibus: haustu olei amygdalarum dulcium: ac lecti tepore, febris profligabatur. Postea licet pulsus micatio, nullum in motu sanguinis adesse vitium significaret: nihilominus pondus & confusio capitis per tres, vel quatuor dies perdurans, tristitia quadam, atque artuum torpore ægros affligebat. Ista fuere Epidemicæ constitutionis initia:

V. Januario inclinante, gravius symptoma, febris ista sibi comitem adsciscebatur, lateris nempe pungitivum dolorem, cum genis plerumque roseis, sputo crassiore, nec rarius sanguine tincto, ac aliquantulum difficultate respirationis. Dolore tamen isti febri mitescente, remittebant, nec quamquam loca mammillis subjecta non raro torquerent, ad summum humerum, aut jugulum ascendebant. Aliquibus etiam fauces dolere, quibusdam aures.

Pul-

Pulsus dolore urgente, duriusculi apparebant: cætera inæquales, debiles, celerisque: Neque tussés vehementes erant, quamvis fere continuæ; neque e pectoris specu ducebantur; sed stimulus qui ad tussendum ægros adigebat isthmo faucium hæere videbatur. Nihilominus quandoque tussî tussim accersente, eas æmulabatur, quæ pueros convullorio modo corripere solent. Si ad morbi acutiem mensurandam uti ea debeamus mensura, qua usum Hippocratem asserit Martianus (a) quod tamen ex multis Hippocratis locis mihi non probatur; nempe tunc solummodo Hippocrati morbum acutum esse, cum calor est *vehemens, acutus, mordax, ac per totum corpus diffusus*; inter eas febres, quæ minus acutæ sunt, quæ cum dolore Pleuritico hac constitutione vigeat, reponendam esse facile censeo. Haud pauci etiam ex decumbentibus. mentis levioribus emotionibus laborabant. Sed jam ventum est ad id, quod rei caput est. Quos e plebe, ac potissimum rusticana, curandos habui; omnes cum euphoria, vel vomitu, vel ex alvo, lumbricos excluderunt. Qui decumbebant e felicioribus, & si dolore Pleuritico laborarent (e quorum tamen numero, quantum scio, multi feбри, ac tussicula, pauci lateris dolore leborarunt) nulli lumbricos deiecere. Neque hisce solummodo

M. 2. ten:

(a) Sup. 3. Epid. sect. 2. ægr. 3.

tentabantur juvenculi, verum in flore ætatis constituti pariter, ac senio confecti: viri, ac mulieres: nec minus utero gerentes, quam vacuæ.

VI. Dubium minime est, quin cum talibus ægris, iteratis sanguinis detractionibus actum sit, qui Chirurgis referentibus, inflammatoriam, quam coagulum vocare solemus, exhibebat. Dico referentibus Chirurgis; etenim ex meo præscripto tribus solummodo sanguis missus est: Virgunculæ, cui sanguis emissus morbum, ni fallor, produxit: Viro in Ecclesiastica dignitate constituto, satis robusto, & hypochondriaco, cui, catarrhli febre laboranti, cucurbitularum scarificatio laud male cessit: ac rustico robusto, & vinoso, qui contra Pleuriticum dolorem, quo laborabat, sanguine bis emisso, ad plures migravit. Cæteros quos curandos suscepi, qui sani laud pauci fuerunt, nullo detracto sanguine ad sanitatem perduxi. Quin cum illis ægris plus negotii mihi datum fuit, qui post sanguinis missionem, a Chirurgis, Medico inconsulto, celebratam (qui mos nimium eum Rusticana plebe apud nostros hæmatochyta obtinet) morbo non cedente, me in auxilium vocarunt. Fomentationibus itaque, atque inunctionibus Paregoricis dolores demulcebam; in quorum tamen remediorum administratione, dolum non raro subesse observavi.

vavi. Nāque cum dolore isti febris mitescente remitterent, quod horis antemeridianis solemne erat; si tunc externa dicta remedia in usum venirent (tunc vero veniebant ut plurimum) vi remedii tribuebatur, quod morbi remissioni peculiare erat. Ut e contra doloris exacerbationem dictis tribuebant remediis ii ex ægrotantibus quibus dum febris ingravesceret, administrabantur. Sic mulier octavo mense uterum gerens, in linimentum, dum febris ingravesceret, appositum, ex cucurbitarum rasura in oleo comuni frixa, quæ alias bene cessione mihi visa erat, doloris exacerbationem refundebat. Oleum postea amygdalarum dulcium aliqua portione S. V. crocati, & camphorati admixta exhibebam, a quo lumbrici, ut plurimum vivi, sed maxime irritati, & rubentes extrudebantur. Tali occasione observavi, oleum amygdalinum, haud esse potentem illum verminecam, quemadmodum plerique putantes illud vermium trachæus obstruere credunt. Lumbricos terrestres, diu in oleo superstites manere, observavit jamdudum Willisius (a). Si qui minus acute laborare mihi videbantur: iis Mercurii dulcificati, diagridii doses pillulis de hyera commixtas propinabam; pro potu vero, quibuscumque illud expeterent, Vinum concedebam; ac quocumque morbi tempore, vel

M 3

in

(a) De anim. brut. c. 3.

in jussulis, vel in aquis stillatitiis stomacho, & Pleuræ dicatis, mixturæ guttas ex Tinctura sulphuris Willisii, & liquore C.C. succinato; vel ex dicto liquore cum Elixire proprii. Paracelsi; vel ex tribus hisce liquoribus concinnatæ, cui noctu quandoque Sydenhamii laudanum addebatur, propinabam. Vah! adeo excalesfaciente remedio, ægris febre, delirio, Pleuritide laborantibus medebaris? Isto ædepol, & quidem cum bonis ægri rebus; ex Magno siquidem Hippocrate (b) *ad causam devenire oportet, & ad causæ principium.*

VII. Antequam ad ulteriora progrediar, aliqua de S. V. crocato, & Camphorato dicenda. Hoc remedio quibuscumque Pleuritidibus incipientibus, ferè semper ab aliquot annis, & summo quidem cum profectu utor. Quod si crassiori sputo educendo incumbere debeo, neque signa adsint læsi capitis; tunc eum quocumque morbi tempore exhibeo, & fere nunquam successu fallente; neque enim adhuc mihi per remedium expectorans innotescit. Illum vero quandoque usque ad tres uncias propino, quod forte mirum videri poterit. Ad hanc vero dosim, ut tuto ascendere possim, casus plurimorum Magister, me edocuit. Mapalium constructor, in flore juventæ constitutus, robustus, biliosique tem-

pera-

(a) 2. Epid. sect. 4.

peramenti, ante aliquot annos sanguinea Pleuritide, veris tempore laborabat. Præscripsi illi in nodulo uncias tres hujusce liquoris, ut ex eo singulis diebus, mane in jussulo ex emollientibus, guttas trigintasumeret. Rudis homo, Medici præscriptum non probe tenens, unica vice totum liquorem exhaustit; indeque effuso, per copiosos sudores, morbo, citissime convaluit. Experientia edoctus, ego in ea sum sententia, ideo non pauca remedia optato carere successu, atque in officiosa apparere; quia ea in justa dosi ægris non propinantur, qua de re forte alias. Cum quidam Medicus, hac constitutione vigente, unam ex meis formulis vidisset, qua uncie quatuor olei amygdalarum, & tres S. V. crocati, & camphorati præscribebantur; miratus rem, quam misellus minime callebat, effutiit, meam Praxim, forte conducibilem esse posse Dalinatarum temperamentis (tunc enim e Dalmatia redieram) Forojuliensibus vero non sine periculo administrandam. At me miseret hujusmodi cenforum, qui chorda eadem semper oberrando, neque tantillum ab iis, quæ a somniosis Magistris didicerunt, abscedere sciunt, vel audent. Ab hujusmodi vervecinis ingeniis, non est quod multa speremus. Nunc e diverticulo in viam.

VIII. Mense Majo dolores laterum paulatim decidebant, pueri verò tussibus convul-

sivis, quas *Pagane* appellat vulgus, populariter corripiebantur. Aderant ventris dolores: vomitus a vi tussis accitus: febres continuæ: nausæ: sitis: catarrhosæ materiei pectus obfidentis, strepitus; atque in dejectionibus vermes rotundi sæpissime viscebantur. Cum ego putarem hujusce morbi causam, ab ea, quæ dolores Pleuriticos pepererat, minime differre; catharsi solummodo dicto morbo medebar. Syrupus de Cichoreo cum Rhabarbaro, si quando pueri illum non respuerent: hujusce vice Syrupus de floribus Persicorum: at sæpissime Mercurius dulcis, cum Diagrydio, & saccharo in pulverem redactus, in usum veniebat.

IX. Saccharum ne, sal in recessu acidi multum habens, Mercurio commisceat? Ita utique facio: cumque recte ita fieri posse experientia, a qua vel cæci capiuntur, me edoceat; Sogos Germanasque Gerras parvi pendō. At ita saltem puerorum dentibus inelumbilem noxam infliges. Saliva Mercurio imbuta, dentibus utique bellum indicit: Mercurius os pertransiens, si vel dentes tetigerit, eos intactos relinquit. Sed levibus hisce relictis, illud majoris momenti est, quod Mercurius dulcis, probe præparatus, vel ab infantili ætate ferri commode, atque absque ullo detrimento, possit. Ista præscripseram, cum Nobilissimi Practici, Scriptorisque Clarissimi Hoffmani, Medicina rationalis systematica ad
me

me defertur . Ait iste (a) Mercurii dulcis
 usum in infantibus maxime esse suspectum ,
 tum ob nerveam texturam laxiorem ; cum ob
 cruditates acido biliosas , & viscidas , qui-
 bus prima regio in hisce subjectis referta
 esse solet . Quin nunquam exhibendum esse
 asserit , quando ventriculus , atque intestina ,
 ex lacte corrupto , humoribus corrosivis , ac
 viridi colore tinctis , infarcta sunt . Viro adeo
 celebri , quique novissime ob Serenissimum Prus-
 siæ Regem ab Hydrope restitutum , de Ger-
 manico orbe adeo bene meritus est , rationes
 quæ contrarium suadere possent , non ogge-
 ram : tanti ejus facio auctoritatem . Quæ in
 Praxi exercenda observavi , solummodo nar-
 rabo . Puellulæ mensis unius , quæ a pluribus
 fæminis lac hauserat ; aeri quoque nebuloso ,
 atque Austrino , dum ad Baptismum deporta-
 retur , expositæ ; lac vomituriienti , in ore re-
 liquiis veluti caseolis remanentibus , cum
 aphtharum suspicione , excrementisque sine-
 re viridibus ; bis in cochleare lactis , & qui-
 dem cum optimo successu , sæcumque muta-
 tione : pulverem exhibui ex gr. ij Mercurii
 dulcificati , Diagrydii iij , & sacchari v . Puc-
 rulus unius anni , Parentum delicia , jacebat
 soporosus ; cumque expergisceretur oculis in
 unum locum defixis , erat veluti Catochus .
 Huic Parentes , ut erat lepidiusculus , sæpe

joco

(a) T. 2. c. 6. § 13.

joco vinum præbere solebant. Febris illum exercens lenta erat; lac respuebat; neque, ut infantes assolent conquerebatur: in facibus sincere flavis, apparebant veluti caseiamenta. Conjectavi omnia provenire a lactis coagulatione. Per tres vices exhibeo pulverem ex Mercurii dulcis granis iij, Diagrydii iij, & sacchari viij: inungo stomachi regionem linimento ex Electuario de baccis Lauri, oleo Absynthite, & Camymellino; statimque, quod vix sperabant Parentes, convaleuit. Per septem ferme annos, quibus Pulcinici Medicinam facio, frequentissime puerulis cujuscumque ætatis Mercurio cum Diagrydio, & saccharo medeor; neque adhuc semel, quod sancte attestor, ullum malum effectum a Mercurio adnotavi. Verum quidem est a tali remedio, non raro vomitum excitum, ut etiam a levioribus laxantibus in adultis evenire quandoque solet; qui tamen tantum abest, ut noxam puerulis intulerit, quin potius per hunc feliciter sanitati restituti sint. Unius ex horum Illustrissimorum Comitum Familia numerosa prole sæcunda, horum, quæ scribo, luculentissimum testimonium præbere potest. Paucos antedies, quibus hæc narro, filiulus meus, natu major, Antonius Cajetanus, nondum trimulus, febri, & vermibus laborabat. Huic bis Mercurii dulcificati grana V. Diagrydii iij cum saccharo

charo propino. Prima vice vomitus excitus; alvus vero semel solummodo soluta: altera vice sine vomitu alvus quater ducta cum tribus vermibus. Puerulus postidea felicissime, ac citissime senitati restitutus. Ex hisce, cuique patere potest, quam innoxie, quamque utiliter exhibeatur puerulis cujuscumque ætatis Mercurius.

X. Hoc igitur sæpe utebar in dicta puerorum tussiculosa constitutione, atque a catharsi febris remittebat; vermesque, ut plurimum, modo sub cathartici operatione, modo postea, prodibant. Quandoque prima alvi subductio nullos secum vehebat vermes, qui repetita catharsi exhibant. Cujusce rei causam fuisse puto copiosam cacochyliam, qua stomaci, intestinorumque plicæ obliniebantur; neque enim, nisi hac ablegata, ad vermes in plicis latentes accedere poterat cathartici vis. Cæterum notandum, ab exhibitione Mercurii, licet symptomata verminosa e conspectu se proripiant, non semper vermes excludi; sed quandam putrilaginem, in quam forte, si vulgo, & Jonstono (a) credimus, demortui, atque a pondere Mercurii, ut ita dicam, contriti vermes convertuntur. Diebus a purgatione vacuis, semen santonicum, cum melle præbebam, atque ab hisce remediis tussis minuebatur quidem, sed non ex-

pu;

(a) Syntag. c. 234

pugnabatur; non jam ex eo, ni fallor, quod dicta methodus, dictaque remedia morbo expugnando paria minime forent; sed quia cum pueri meliuscule se habent, difficilimum sit eos dictis parentes habere; ac sæpissime, vel ingratis illis mos gerendus sit. Scio ab optimo Sydenhamio (*b*) venæ sectionem pervicaci morbo vim omnem adimere; cum mihi tamen animum induxissem, morbi fomitem primis viis hætere; hujus deturbationi incumbendum putavi, cruorique teneriori parcendum. Usque ad hyemen anni præsentis (1731) dictæ tussēs perdurarunt, ab rarioribus morbillis exceptæ, qui jam se in fugam projecisse videntur: Jamque *Martis Romani Festa venerē Kalendæ* hyememque, ut siccam, sic oppido salubrem experti sumus.

XI. Haud solummodo hac constitutione vigente Pleuritides verminosas mihi videre contigit. Fallax hoc morbi genus alias ex observatione mihi innotuerat, antequam liberulum, quem de tali morbo Ch. Castelli, apud Foro-Julientes Medicus, concinnavit, legissem. Cum ille itaque eo in opusculo satis talium Pleuritidum tractationem absolverit, actum agere mihi nunc non est animus; sed postquam animadvertero Hippocrati quoque, si non a vermibus, ex imo ventre Pleuritides innotuisse, contra quas sanguinis missionem

(*) Proces. integ. de tuss. puer. convuls.

sionem prohibuit; aliquot historiolas breviter subdam: ex quibus quidam, apud quos scio somnium esse Pleuritides a vermibus, tamen Clarissimus Practicus Jonstonus (a) tradiderit, hos quandoque mera symptomata Pleuritica excitare; tandem aliquando sapere discant.

XII. Hæc igitur in Coacis Magnus Magister posteris reliquit (b): *Dolores circa latus, in febribus consistentes, citra notas, vena sectio laeserit, sive cibum aversetur ager, sive hypochondrium sublime habuerit.* Fungus profecto necesse est, ut sit, quicumque in hunc Hippocratis locum incidens, non noscat lateris dolorem ab imo ventre. Cum absentia signorum (citra notas) quæ pectus idiopathice pati ostendunt; & præsentio eorum, quæ stomachum, atque intestina affecta demonstrant, (sive cibum aversetur ager, sive hypochondrium sublime habuerit) clarissime laterum dolores per consensum ab abdomine fieri demonstrent. Ob id non tam ad species dolorum, magnitudinem, aut durationem distinguendas, quam ad locum affectum determinandum, ab eo prolatum puto in aphorismis (c): *dolores laterum, pectoris, & aliarum partium, an multum varient perdiscendum;*

Qui-

(a) Syntag. c. 23.

(b) Sect. 3. ver. 79.

(c) 6. aphor. 5.

Quibus doctissime subdit Tozzi in dicti aphorismi Commentario: *Hippocrates Medicos consulere videtur, ut partem affectam in doloribus internoscere curent: nisi enim partes affectæ suis inditiis distinguantur, curatio haudquaquam prospere institui poterit. Quia, ut in re tanti momenti, Hippocratica solummodo optima nempe expromam: saepe ex crapula, & cibis flatuosis, dolores procedere solent, & ad lumbos, & ad latera (a).*

XIII. Sed quæ sunt notæ doloris Pleuriticæ idiopathici ex Hippocrate? Ab hoc textu quisque discere poterit. Si vero sub septa transverso fuerit dolor (an septi positum optime norunt, isti Helminthicarum Pleuritidum irrifores?) ad claviculam autem de se significationem non præbet (putasse videtur imi ventris dolores ad jugulum non ascendere, quod tamen falsum esse ex Observatione, inferius patebit) alvum mollire, oportet, aut veratro nigro, aut peplo (b). Aretæus quoque (c) inter magis peculiariora Pleuritidis symptomata, dolorem ad jugulum ascendentem enumerat. Cum illud igitur abest signum, quod pectus idiopathice pati Coo significabat; non sanguinis missione, sed Medicamento purgante dato Pleuriridi medebatur; quia materia

(a) acut. tex. 57.

(b) Ibid. tex. 12. 52.

(c) De sign. acut. l. 1. c. 10.

teria dolorem efficiens ita auferri e corpore poterat, quod utique fieri non potuisset, si morbi causa intra sanguinem stabulasset: *Quicumque verò ea, quæ inflammata sunt, statim in principio morborum Medicamento solve-re aggrediuntur; hi de intento quidem, ac inflammato nihil auferunt, non enim remittit affectio, quæ adhuc cruda est: quæ verò morbo resistunt, ac sana sunt, colliquefaciunt (a).* Quod si dolor sub septo esset, causa vero doloris in sanguine stabularet, non alvi ductio-ne, sed sanguinis missione eam tollebat Hippocrates: *Præcordia inflammata, non ex flatuum interceptione (eu quod summo iudicio eam causam excludit, quæ primas vias obsidet) septi transversæ intensiones solvi non possunt, si quis Medicamento purgare aggrediatur, nam venæ sectio in talibus principalis est (b).* Ad utramque vero doloris causam, & quæ in sanguine, & quæ extra sanguinem hæret, respiciens, alibi scripsit, dolores sub septo, & quæ extra sanguinem hæret, respiciens, alibi scripsit, dolores sub septo, & a purgatione, & a venæ sectione solvi: *& si circa spuriam costam graves dolores sunt, his solutis sit venæ sectio, & purgatio deorsum (c)* Venæ sectio, si a sanguine; purgatio vero,

Ei

(a) De ri&. acut. tex. 36.

(b) Ibidem.

(c) De iudicat. tex. II.

sì a materia imi ventris, pectoris partes doleant, natura monstrante viam Medico : *quibus in febre dolore lateris oboriente alvus multa aquosa, & biliosa egerit, hi allevantur (a)*. Forte alvi subductio, quæ sputum suppressit, coctionem tollit, idiopathicamque Pleuritidem adeo exacerbat, ut ab hac exerciti lethaliter (b) decumbant, dolori lateris a causa, quæ intra Sanguinem agit, auxilio esse poterit? Si quidam Hippocratem legerent, haud ita de humano sanguine, quem prodige, amenterque profundunt, male mererentur; morbisque, minime ex titulo, aut fallaci hypothesi, sed ex Observatione, atque ab ea, quæ ab Observatis pendet, ratione, mederentur. At ipsi viderint.

XIV. Buglivus, tametsi ex Hippocrate, & Ballonio, Pleuritidi ab imo ventre mentionem fecerit (c); nihilominus in eo quod putat gastricam cachochyliam ad pectus decumbere, mihi minus placet. Quid enim? Cum pectoris vasa materia ab intestinis obsederit, neque coctionem admiserit, purgante dato tolli potest? Materia antecedens, quæ morbo ferre suppetias potest, utique auferenda; sed cum hæc sanguini immixta, in cruoremque conversa, in Pleuræ, aut Pectoris vasis

sta.

(a) Coac. sect. 2. ver. 73.

(b) 6. aphor. 16.

(c) Prax. l. 1. in Append. ad Pleurit.

stagnat; eo remedio, quod stagnantia in motum ciet sanguinis, nempe, missione exagitata est. Cum sciamus stimulum alicubi hærentem, partes longinquas in crispationem adigere, easque dolore mulctare; operæ prætitium minime duco hypotheticum materiæ decubitus ad partem dolentem in medium adducere. Quod lumbrici in intestinis, stomachoque stabulantes efficiunt, ut ex historiis subnectendis patebit; cruditas quoque vitiosa ventriculum, atque intestina obsidens, efficere poterit, Hippocratisque testimonium comprobare: *sæpe ex crapula, & cibis flatuosis, dolores procedere solent, ex ad lumbos, & ad latera* (a) At nunc præstat historiolas aliquot subnectere.

XV. Nobilis Virguncula, tenuioris corporis habitus, acriorisque temperaturæ, dolore punctorio ad mammam dextram torquebatur cum assidua tussicula, sed nullo, vel paucosputo. Pulsus debiles, depressioresque erant, morbumque difficulter ferebat. Post scarificatas cucurbitulas, litusque, ac potiones anti-Pleuriticas, dolore cedente, vexabatur adhuc pertinaci, ac continua tussicula, quæ somnum illi adimebat. Hausta prima dosi mixturæ ex tintura sulphuris, liquore C. C. succinato, & Elixire proprietatis Paracelsi,

N. curatio tussis

(a) De rist. acut. tex. 157.

tussis cessavit, ac postridie bene se habuit, nullis ejectis vermibus.

XVI. Mulier quadraginta annorum gravior, videbatur laborare Pleuritide maligna, Domestici urgebant, ut sanguinem mitterem; illa verò se vermibus laborare dicebat, meque, ut aliquid sibi contra vermes præscriberem, etiam, atque etiam rogabat. Dicta mixtura hausta, sero vermes aliquot vivos deiciebat. Hora somni eam cum laudano repeto, noctuque satis mediocriter dormiit, & mane plures vermes invicem agglomeratos extrusit, dolorque lateris siluit. Pulsus adhuc ferme formicantes, illaque leviter delira. Ter adhuc dictam mixturam exhibeo, lumbricique, nedum ad alvi exonerationem, sed ex se ab ano prodibant. Die septimo mitius degere mihi visa est: propino itaque Mercurium cum pillulis de hyera, & syrupo absynthii. Quid referam? Putredinis vere filia, vermiumque soror, lumbricorum maximam copiam extrusit. Febris absque malis signis usque ad diem vigesimum perduravit, bisque adhuc Mercurius exhibitus, fereque quotidie, modo plures, modo pauciores vermes deiecit. Plus quam ducentos lumbricos, quod maximè mirum mihi visum est; neque credidissem, nisi oculatus testis adfuisset, misella hæc mulier in ventre alverat.

XVII. Sacerdos Septuagenarius, rusticola, tussi,

tussi, feбри, ac dolore obtuso ad costas sinistri lateris laborabat. Exhibito purgante ex Mercurio, Diagrydio, & pillulis de hyera, fusdeque vermes ejecit, & convaluit.

XVIII. Senex alter gravedinosus, febricula, & Rheumate ad Pulmones decumbente, laborabat. Bis assumpto cathartico convaluit. Singulis vicibus vermes extrusit.

XIX. Vir quadragenarius, pituitosus, a multo tempore semicachecticus evaserat. Illum pro hypochondriaco habebam; dicebat etenim se feбри continuo laborare. Tussis cum febricula illum corripit, ac quodam noctu binos lumbricos, qui ad fauces ascenderant, propriis digitis e faucibus extraxit. Aquā inde ex decocta Felicis radice usus, melius habuit. Post aliquot dies, feбри denuo cum malis symptomatibus torquetur. Purgante exhibito, a quo tamen vermes non prodierunt, supervenit dolor punctorius, sed adeo vehemens, ut erecte sedens spirare cogeretur. Chirurgus venę sectionem festinabat; cum ego accitus, per paucas horas cunctandum præcipio. Interim dictę mixturę guttas cum additione Laudani exhibentur in brodio. Post horam, dolor mitescit, alvus erumpit, lumbricique exclusi, inter quos (ita æger convalescens postea Jurėjurando mihi testatus est) unus fuit semipilosus. Catharsis bis adhuc celebrabatur, & convaluit.

XX. Mullier viginti annorum, octavo mense uterum gerens, corripitur crudeli dolore punctorio lateris sinistri, illi quemcumque motum impediens; tussi; difficili respiratione; frequentibus sternutamentis; & narium pruritu. Febris tamen erat mitioris æstus. In aqua succi Melissæ, & papaveris Rhæados, exhibeo viginti guttas liquoris C. C. succinati, cum laudani guttis sexdecim, meliusque se habuit. Postridie mane binos vermes evomit. Continuato usu mixturæ cum additione Laudani, absque catharsi intra quatuor dies perfectè convaluit.

XXI Alteri septimo mense uterum gerenti, sanguinei temperamenti, ex dolore ad costas spurias decumbenti, cum tussi, febris, genisque roseis, eadem præscribo, & melius se habuit. Nihilominus Chirurgus e manu lateris affecti, ob improbam, atque execrabilem parvuli foetri famem, sanguinem eduxit, cum tamen ex meo præscripto tunc solummodo detrahendus esset, cum cætera non juvisset. A sanguinis missione peperit, febrisque disparuit, tussicula pertinaci, & sicca remanente. Contra hanc, post oleum amygdalinum, præscribo, nedum anti-tussiculosum, sed etiam anti-helmenticum tale remedium.

℞ Rasur. dent. apri }
Mandib. Lucii piscis } an. ʒ ij
Flor. sulphur. gr. xvj

Ra

Radic. Bardani pulv. 3j. ſ.

Styb. diaphoret. gr. xxxv.

F. pulvis pro trib. doſib. ex jure ſummendis

Bis vermes dejecit, tuſſis ceſſavit, ac lochia,
quæ nimis fluebant, ob vim tuſſis, ni fallor,
intra tre dies, nullo alio adhibito remedio
ſubſtiterunt.

... Conſtitutio vernalis anni - 1735 -

(*)

Ab anno - 1717 - , uſque ad Decembrim -
1734 -, ſi quæ vigit Conſtitutio in univer-
ſum ſpectetur, tota ſicca fuit, atque, ut plu-
rimum Aquilonia; at qui præceſſit annus -
1734 - ſiccitate reliquos omnes ita ſuperavit,
ut (quæſi cælum ſinem ponere voluiſſet aridæ
conſtitutioni anno longe ſiccior) per quin-
que integros menſes a Novembri incipiendo,
aqua, pluviisſque noſcarentes reliquerit. To-
ta hac conſtitutione vigente circumflua flumi-
na aquarum parcite laborarunt; noviffime
vero plurimi ex iis rivulis, qui circa Sacilum,
& Pulcinicum regionem totam irriguam red-
dunt, omnino examere. Nihilominus tanta
ſiccitate præcellens annus, adeo fructum ho-
ræorum copia abundavit, ut quantum ipſe
recordor, nunquam vilius venerint, neque
copioſiores viderim. Frugum proventus, me-
diocris, cui rei plurimum contuliſſe credo plu-
vias, quæ, licet in parva quantitate, non in-
tempeſtively veris, & æſtatis tempore, cecide-

runt. At sub anni finem nova rerum facies, emmerfit; namque a Bruma, ita Austri, & pluviæ dominari obstinate cæperunt; ut, quamvis sæpius nivibus copiosissimis montium cacumina cooperta apparuerint; per sex. continuos menses, fere nulla mora interposita, a pluviis maduerimus. Fluviis omnibus suis honos, jam nimium redditus, Fontesque, ac rivuli, qui exaruerant, depuo, & quidem aquis uberes, se se in conspectum dederunt. Mense ineunte, quo hæc scribo, juvenum de nomine quarto ab Martio, a paucis diebus pluviarum vis desit, Austri tamen, usque dominantur; procellæque, ac nimbi, qui grandine, heu ruinis! effusa, cum satis lætis Colonorum, dominorumque spes diluerunt, nos quotidie, nec semel per diem, reddere formidolosos, non cessant.

II. Sub talis Constitutionis dominio, cum declinante Februario dies aliquot sereni illuxissent, in Villula divi Joannis a Templo prope Sacilum, loco depressiore, lutofo, & uvido (scribo, quæ scio, quæque mihi innotuerunt) catervatim decumbere cæperunt; neque omnino pauci emori. Ad hæc, quæ etiam per breve iter vires acquirit fama, rem Sacili adeo amplificaverat; ut ad me illic ultimis Baccanaliis diebus degentem, magistratus salutis miserit rogatum, dictum rus peterem, ac de morbi natura renunciarem, non poterat enim

enim illuc accedere Claris. amicissimusque Pelizza Sacili medicus. Verum, cum Chirurghi, qui plures ex iis ægrotantibus inviserat exactior relatio, de contagioso morbo metum adimeret; dixi, quoniam morbus contagio non cresceret, ex re minime esse Medicum Magistratus præscripto mittendo, rumores de malo ægritudinis genio quotidie apud rudes incrementales, augere. Quæ fuerit dictorum morborum natura: quamdiu durarint: quandoque desierint, mihi notum non est.

III. Mensis Martius provectus jam erat, cum elatiora Comitatus Pulcini loca mali morbi invasere. Primi, qui labem senserunt, fuere rustici ruris *Budoja* dicti quorum tamen cum nullos ipse inviserim, nihil dicere de mea Observatione possum. Prout vulgus ferebat, gravissimo capitis dolore, & feбри laborarunt, quæ tertio, aut quarto die plurimos letho dabat. Montis inde sublimia morbus, conscendit; rurique mezzomonte dicto, graviter incubuit; ruricolæque illos Cafris, aut Hottentotis non multum absimiles, laterum doloribus male multavit; nec paucos sustulit: Dubio tamen locus esse potest, an plures lanceola, vel morbus occiderit. Rumor ferebat eos a vermibus laborasse.

IV. Rus deinde *Coltura* dictum, aliudque; cui *Sancti Joannis* nomen ad planticiei initium positum morbus occupavit. Quorum locorum

cum plerosque ægrotantes inviserim, morbi naturam explorare potui, eamque ex peculiaribus historiis, quarum aliquot hic subdam, describere. Febris acutior cum horrore ægros invadebat, cui comitem se dabat dolor punctorius, modo sub mamilla ad jugulum usque ascendens; modo ad costas spurias obtusius affligens. Pulsus, non raro duri: respiratio celer, ac frequens: tussis sicca, noctu potissimum infestans: sputa, si quæ erant, omnino Pleuritica: aliqui supra affectum latus decumbere nequibant: aliqui supra oppositum: non pauci, neutri incumbere diu poterant, sed supini jacebant. Quosdam, non latens dolor, sed qui hepatitidem mentiretur, afflixit: pauciores faucium inflammatio vexavit; non pauci fuere, quos dolor capitis acerbissimus exercuit. Fere omnes, qui laborarunt, a causa manifesta morbum contraxisse visi sunt. Pleuriticos, hæpaticosque febris periodica afflixit, qua mane mitescere, dolores quoque mitiores fiebant. Qui vero male habebant ob capitis dolorem febris acuta continente conflictabantur, quæ quartodie, delirio, convulsionibusque accitis, ægros, qui non ultra septimum perdurabant, e medio tollebat. Quos curandos suscepi, uno, aut altero dempto, omnes, vel vomitu, vel dejectione, sæpiusque cum euphoria, vermes excludere; aliquibusque juscula, & sorbitiones, quæ offerebantur, odo.

odorem illum, quem *freschino* vulgo dicimus, olebant. Morborum hæc cohors, quæ rusticanæ plebi solummodo bellum intulisse visa est, nostrorum montium cursum sequendo, intra Castellum *Aviani*, & rus *Serone* dictum, castra posuit. Populosus Avianensis tractus, ubi anno 1730 Pleuritides verminosæ grassatæ sunt, hoc anno Epidemicam morbi luem non sensit. An ægritudines, quæ plerisque in locis procul a montibus populariter sævierunt ejusdem indolis fuerint, mihi notum minime est.

V. Præsidia, quæ contra dictos morbos adhibui, fuere, oleum amygdalinum cum spermate cæti: si tussis humidior quandoque foret, cum S. V. crocato, & camphurato: Li-
quor C. C. Succinatus cum Elixire proprietatis Paracelsi: aliquando Laudanum: aqua ex succo C. B; atque ex Infusione Mercurii: Linimenta ex unguento althææ composito; cum S. V. crocato, & camphurato, oleisque cucurbitino, & violaceo: Mercurius dulcis sed crudus, quo serius usus sum, vel e vestigio pluries morbum abstulit. Sanguini omnino peperci, venæque sectionem solummodo in vidua, cui facies flammea fiebat, institui, ea, domesticisque suis expetentibus, nè si forte obisset, methodum, quæ nova illis videbatur, culpasset. At ex peculiaribus historiis omnia melius innotescunt.

VI. Juvenis robustus, annorum 24. postquam per aliquot dies potationi vitium intentus ventorum, pluvixque injurias pertulisset, Pleuritide corripitur. Accersitus Chirurgus, bis sanguinem e brachiis detraxit Medico inconsulto, oleumque amygdalinum ingessit. Sed cum inde omnia pejora, vocor sero diei quintæ, cum acutissimus dolor urgeret, sublimisque, ac gemituosa respiratio adesset. Tametsi primus fuerit, quem inviserim; nihilominus de lumbricis mihi suspicio oborta. Ideo aquam ex infusione Mercurii, cum liquore C. C. succinato, & Laudano exhibeo, a quibus noctu melius se habuit, obdormiit, & sudavit. Sequenti mane sumit oleum amygdalinum, cum uncia S. V. crocati, & camphurati, a quo binos lumbricos teretes evomuit, aliquosque etiam grandiores per alvum extruxit. Jam in vado eum esse domestici credebant, ob idque nil aliud e præscriptis ad impensam vitandam præbuerunt. Sero septimæ diei morbus recrudit, ægerque die octava delirus, ut mihi retulere, ad plures migravit.

VII. Pater, uxor, filius eodem in cubiculo decumbabant. Pater a leviori lateris dolore ad costas spurias cum febris mitiore periodica, ferme sine tussi, & pauca difficultate respirationis. Bis sumpto cathartico ex radice Jalappæ in pulverem redactæ cum Mercurio dulci, & diagrydio, melius se habebat. Cum
deinde

deinde morbus acerbior aliquantulum recrudesceret, post oleum amygdalinum cum spermate cæti, & haustrum ter sumptum ex aqua C. B. & infusionis Mercurii, additis spiritu salis Ammoniaci fugacissimo, liquore C. C. succinato, & Syrupo, e quinque radicibus (crassiora etenim tunc expuebat, quæ dum morbus primo afflixit, non apparuerant) felicissime, nullis dejectis vermibus, convaluit. Filium, dolor capitis, sed mitior, & febris minus acuta, vexabat. Propinato Cathartico ex radice Jalappæ, Mercurio dulci, & diagrydio; susdeque vermes eiecit, & convaluit. Mater annorum propè quinquaginta, angina catharrofa laborabat, cum febris mitiore. Tonsillæ tumidæ erant, ac phlegmate oblitæ; os difficulter aperiebat, dolorque in deglutatione urgebat. Gargarisma præscribo ex decocto sempervivi minoris, cum sympo de Erysimo Lobellii, & spiritu salis ammoniaci. Mane sequenti exhibetur potio solutiva Magistralis, a qua susdeque vermes eiecit, & convaluit.

VIII. Puerulus, decem annorum gracilior, febris acutius periodica, noctu recrudescente, quæ primo cum rigore invasit, laborabat. Aderat dolor obtusus ad mamillam dexteram; pulsus erant duriusculi: tussis frequentior, & siccior: somnus non aderat: irrequietus degabat: difficulter morbum ferebat. Clystere
ex

ex lacte; & Saccharo subterdato, vermem de-
jecit, postideaque potiuncula propinata ex
aqua Infus. Merc. totius Citri, Styb. Diaphor.
C. C. philosophico, & paucis guttis liquoris
C. C. succinati, noctu sudavit, dormit, &
melius se habuit. Mane sequenti, die morbi
quarto, exhibitum oleum amygdalinum cum
saccharo, quod statim simul cum verme evo-
luit. Hoc die, licet de dolore non conquie-
ratur, pejus se habuit, atque ex nare sini-
stra stillæ aliquot sanguinis exiere. Serò,
denuo hausit potiunculam: die quinta, mitius
degit. Hac die quoque, sero haustulus pro-
pinatus: die sexta, pauca febris, nullusque
dolor. Inde alacrior puer fascus, per tres
dies ita degebat; cum propinato Merc. dulci
ad granâ octo, & diagrydio ad grana sex cum
saccharo, sexties corruptam, ut mihi relatum
est, fætidadquæ materiam defecit, cum tri-
bus vermibus, & convaluit. Tussicula illum
aliquandiu adhuc infestavit, sed sæpius per
diem, oleo amygdalino cum saccharo cochlea-
tim sumpro, tandem aliquando cedebat.

IX. Vir siccioris temperaturæ, quadrage-
narius, a vitium potatione die pluvio, &
ventoso domum redux, magno rigore corripit-
tur. Nihilominus plenius cœnavit, noctuque
graviori feбри cum lateris dolore exercetur.
Chirurgus accessitus, fomenta calefactoria ad-
movit, latus inunxit. Sanguinemque eduxit.

Postridie oleum amygdalinum exhibuit; nec cedente morbo, venam die quarta denuo per-
rudit. Die sexta, cum omnia ingravescerent,
accerfor, ægrumque invenio dolore ad hepar
laborantem, cum lingua arida, respiratione
difficiliore, pulsuque depresso, atque inæ-
quali. Relatum mihi fuit etiam, aliquoties
mente motum. Instituto fatali prognostico,
clysma ex lacte saccharato impero; pulverem-
que præscribo ex Nitro, Styb. Diaphor., &
Bezoartico miner. tribus vicibus die una sum-
mendum ex decocto malvæ, violariæ, parie-
tariæ, & cichorei. Contra sitim, serum ca-
prinum stillatitium cum nitro, & aqua to-
tius Citri, præscribo; Cardiacum quoque ex
aquis succi C. B. Scorzon. Scabios. cum matre
perlarum, lapide Bezoar Occidentali, & pau-
cis guttis tincturæ Alchermes. Die octava
obiit.

X. Quod vir iste in Castello Aviani de-
cumberet, quo nondum populares morbi per-
tigerant, neque postea pertigerunt; non enim
ibi, nisi hujusce viri filius, & alter prope ha-
bitans, quorum historias paulo post enarrabo,
decubare; quod ab iis vexaretur symptomati-
bus, dolore, nempe hepatis, & lingua arida,
quæ nondum in decumbentibus a lumbricis
observaram; scrupulum mihi tunc ademptum
de vermibus. At, cum ex altera parte ejus
filius, & vicinus a vermibus laborarint;
quin

quin Pulcinici, ubi populares isti morbi grassati non sunt, juveniculum hæpatitide verminosa laborantem viderim, des quo inferius; innocenti sudant mihi præcordia culpa, vereorque ne in morbi diagnosi fuerim deceptus.

XI. Dicti viri filius annorum 19, gravioris temperaturæ, humato Patre, febris cum horrore corripitur, via noctu se comitem dedit dolor sub sinistra mamilla ad jugulum usque pertingens. Tussis pauca, sed, vel primo morbi die Pleuritica educens: inducendò spiritu, mediocris difficultas. Ab animo male habebat; verebaturenim, ne prope Patrem accederet. Secunda die vocor, præscriboque inunctionem lateri superdandam ex unguento Althææ composito, cum oleo cucurbitino, liliorum alborum, & S. V. crocato, & camphurato. Die tertia, sumit oleum amygdalinum, cum ejusdem spiritus concia, binosque vermes dejecit. Inde dolor per intervalla solummodo infestabat, faciliusque, ac copiosius, ut mihi relatum fuit, expuebat. È Musæo præscripti mixturam ex tinctura sulphuris Willisiana, elixire proprietatis Paracelsi, & liquore C. C. succinato ad guttas xxv. mane, & sero in jure ex emollientibus sumendam, quod factum cum Euphoria, & vermium dejectione. Die nona mihi retulere, cum initio. re adhuc febris laborare. Ut sumeret imperavi

botulos ex Mercurii dulciis gr. xvj, granisque xx. pillularum de hyera cum Agarico, sufficienti quantitate syrupi Absynthii exceptis. Quid præstiterint boli, nescio: scio tamen illum convaluisse.

XII. Vir prope habitans, annorum 30. sciorioris, & robustioris temperamenti, qui hujusce filii Patri ægrotanti ministraverat, mortuum induerat, atque humarat, tempore eodem magno dolore capitis laborabat. Pulsus plenus, ac fortis, sed parum frequens: calor, ut ipse agebat, acerrimus: morbum facillime ferre videbatur. A potione magistrali scripta, insanivit, vermes evomuit, & die morbi quarta obiit.

XIII. Pulcinici, adolescens, quatuordecim annorum, a labore, atque itinere excalefactus, domum redux, fibri cum rigore corripitur. Adfuit postea summus æstus, capitis dolor, tussicula aliquid crassi educens, quod tamen adolescens non expuebat, sed deglutiebat, & dolor lateris minime molestus; cuius situm, ut fieri debuerat, diligentius exquirere, operæ præmium non duxi. Copiosior quoque latex salis valis ex ore fluebat. Prima accessione febris, lumbricus sine ullo auxilio dejectus. Die eodem, quo vocor, mane præscribo pulverem ex granis tribus altes, Mercurii dulcis, sex, & diagrydii quatuor, quem ab assumptione evomuit: nihilominus
bis

bis fætida, & aquofa dejecta. Pro potu, aqua ex infufione Mercurii cum C. C. philofophico; exhibetur. Poft meridiem, fine rigore febris exacerbatur, fed cum fomnolentia, noctemque infomnem, jactabundamque traduxit. Mane fequenti, propinantur unciaë quinque olei amygdalini, quod fequenti nocte folummodo alvum folvit, vermemque eduxit. Poftea per quatuor dies morbo eodem in ftatu perfiftente, ex jure fumebat mane pulverem ex Styb. Diaphoret., C. C. philofophico, oculis Cancerorum, & corallina. Sero feptimæ diei gravior fabris, respiratio difficilior, tufficula frequentior, dolorque acerbior; cujus cum fedem tactu perquirerem, non thorax, fed jecur, vel leviter admota manu maxime dolebat. Tunc ego non parum anxius de hepatis inflammatione, illinitio- nem admoveo ex drachma una cum femiffe fpermatis cæti in amygdalini olei unciiis tribus diffoluti; haufumque ex folita aqua cum additione liquoris C. C. fuccinati; jamque meditabar de venæ fectione mane fequenticelebranda. Sed adolefcens noctu dormiit, & fudavit; dolor filuit; mane bis dejecit, atque ad fingulas dejectiones, vermes extrufit; cumque ad illum accessi, infpiratio bene fe habebat. Tuffis per aliquot adhuc dies perduravit. fed exhibito Mercurio dulci ad grana viginti, cum granis octo Diagrydii, & Saccharo

charo, a quibus alvus copiose soluta, omnino tollebatur.

XIV. Vidua Eufarchos, annorum quinquaginta, incidit in febrim cum rigore, & dolore lateris dextri ad mammam, & scapulam. Ab itinere sudaverat, neque madidam subuculam deposuerat. Febris in statu maximum calorem, ac faciei inflammationem, & jactationem afferrebat. Febri ingravescente, & dolor gravior fiebat, remittente vero, mitescerebat. Noctes, non omnino infomnes, neque impeditus supra utrumque latus decubitus; olei amygdalini copia minime data; illius vice exhibetur oleum olivarum cum aqua ad consumptionem aquæ ebullitum, a quo evomuit acida, & maxime laboravit. Die sequenti, cum idem esset morbi status, ægraque cum domesticis sanguinis missionem expeteret, tunditur brachium partis affectæ, sed absque levamine. Postridie sero exhibetur uncia Mercurii crudi, & egra die sequenti bene se habuit,

XV. Tabellarius pedestris, optimæ temperaturæ, atque habitudinis, annorum viginti. primis Maj diebus per viam febris corripitur. Quibus symptomatibus invaserit, nescio; siquidem cum ad illum die morbi quarto accessi, immane! quam delirabat. Assiduè situm mutabat: tendines manum tremebant: vellicabat stragula, floccosque legebat; quandoque

de gra vi capitis dorſique dolore conquerebatur : pulſus tardus , & debilis : calor acerrimus . Vomitu cum copioſa virideſcente cachochylia lumbricum excluſerat , qui in acetum ab ejus matre conjeſtus , non moriebatur . Præſcripſi ſtatim potionis ſolutivæ Magiſtralis uncias quinque cum uncia Mercurii crudi . Item pro ſtomacho unguen ex Electuario de baccis Lauri , oleo Abſynthite , Camæmellino , & Laurino cum S. V. crocato , & camphurato . Alvus vix ſoluta ; nihilominus minus jactabundus . Sole Occidente , ut ſequenti mane mihi relatum fuit , denuo maxime delirus . Præſcribo clyſmatis injectionem , ac hauſtum ex aquâ Infuſ. Mercur , ſucci C. B. & Scordii , cum uncia Mercurii crudi , paucis Landaniguttis , & ſcrupulo liquoris C. C. ſuccinati . Nescivi , quid remedia præſtiterint : ſcio ſolummodo cum poſtridie obiſſe die morbi ſexta .

XVI. Medio maj menſe juvenis 24. annorum , corripitur feбри cum dolore lateris , & capitis . Ad me mittitur , ut aliquid illi præſcriberem ; quapropter oleum amygdalinum imperavi , ut ſumeret . Per ſex dies nihil de eo mihi relatum . Die ſeptimo ad me denuo ventum eſt , relatumque illi a Chirurgo ſanguinem emmiſſum deinde copioſo alvi fluxu exercitum , aliquotque craſſiores vivos vermes , rubentesque excluſos . Tunc eſſe delirum , & conqueri de Stomachi doloribus : expetebant
ita.

itaque, ut illum inviserem . Verum cum ad ægrum tunc accedere non possem, præscripsi aquam ex infusione Mercurii, cum Elixire proprietatis Paracelsi, ac liquore C. C. succinato. Post duos dies migravit ad plures .

XVII. Virgo quatuordecim annorum Collem elatum inhabitans, Aprili inclinante acutiore febris corripitur cum dolore, tussicula assidua, per noctem sicca, per diem aliquid cruenti educens. Noctes erant insomnes, pulsus duriusculi, & exiles. Quarto die, quo vocabar oleum amygdalinum, cum S. V. crocato, & camphurato ad unciam semissem propino, latulque dolens illinitur unguento Althææ composito, cum eodem Spiritu. Ab oleo binos teretes lumbricos evomuit, sed tanto labore, atque anxietate, ut ejus parentes de instanti obitu timentes, Parochum accerferent. Sero melius aliquantulum se habens, sumpsit aquam ex infusione Mercurii cum pauca aqua succi Melissæ, & guttis aliquot Elixiris Paracelsi, Liqueorisque C. C. succinati. Nox inde minus gravis. Mane sequenti unciam crudi Mercurii haurit, indeque omnia symptomata e conspectu se proripuerunt, & sana facta est. Una ex iis fuit ægrotantibus, qui de malo odore *freschino* appellato, conquesta est.

XVIII. Crescente majore rusticus 50. annorum, cum per montes armenta duxisset,

sticticulosus, atque excalefactus aqua Fontana frigidissima se implevit. Sero eodem domum redux. feбри corripitur cum obtuso dolore ad costas nothas lateris dextri, & magno rigore. Nullo Medico auxilio eo uso, cum omnia ingravescerent, vocor sero diei sextæ a morbi insultu; ægrumque invenio satis graviter febrientem; difficulter respirantem; cum pulsu firmo quidem, sed non raro intermittente. Genæ rosæ, contra, ac essent in statu salutis: cum anxietate, & dolore loquebatur: pauca tussis cum spūto in pectore perstrepente: neutri lateri incumbere poterat. Retulere mihi domestici, quod paulo ante quam illum inviserem, anima ferme agere videretur. Causa externa, quæ morbum excitavit, ac symptomata, quæ urgebant, obfessi inflammati; que Pulmonis Ideam menti meæ obijciebant; nihilominus, cum casus præceps mihi videretur, volui sanguinem mittere, ne si non servassem, occidisse viderer. Ad sputum itaque sollicitandum, humoresque attenuandos, præscripsi aquæ succi C. B. Melissæ, Scorzon. Singularum, uncias tres. Syrupi de quinqueradicibus, & hedera terrestri, singulorum unciam, & dimidiam, Liquorisque C. C. succinati, scrupulum. Mane sequenti ad Auroram retulere ad eundem modum se habere. Præscripsi uncias quinque olei amygdalini cum S. V. crocati, & camphurati uncia; linimentum-

tumque contra lateris dolorem, qui ante consopitus, denuo infestabat. Sero pejus se haberi relatum fuit. Suprascriptam mixturam denuo hausit: die sequenti eadem, ac mixtura denuo propinata. Postera die, morbi nona quinque grandiores lumbricos extruxit, duos vomitu, tres per alvum.

Præscriptum.

℞ *Aqua succ. C. B.*

Scorzon.

Scordii

Mercur. crudi ʒ j.

Spirit. cisri gutt. iiij.

} an. ʒ iij.

Convaluit

XIX. Plerosque alios minus graviter ægrotantes, quorum historias adversariis non consignavi, tali remedio felicissime restitui. Sed præstat historia mihi comunicata hisce Observationibus finem facere. Clinicus apud nostrates Clany, integerimisque moribus præditus Hieronymus Nascimbem; cum tertio Paschatis Festo una essemus, narravit mihi, se die morbi sexto mulieri gravissime a Pleuritide decumbenti oleum amygdalinum exhibuisse; cum sputi suppressio, respirationis difficultas gravior, pulsumque debilis micatio, ægram in malis esse satis testarentur. Ab oleo vermes evomuit; sed cum labore adeo magno, ut ægra tantum non moreretur. Cum vero postridie binas solummodo Mercurii dra-

chmas sumpſſet, copioſiſſime expuit, noctu ſequenti ſudavit, nulliſque vermibus ſecedentibus mane ſequenti apyretos, atque integre ſena eſt inventa eſt. Membranæ inteſtinales a ſpasmis male affectæ, pectoris vaſa criſpabant; liberum humoribus circuitum tollebant; inflammationem cauſabantur; ſputumque convulſorio modo ſupprimebant. Excluſione, & morte vermium ablatis inteſtinorum ſtimulis, vaſibus laxitas ſua reſtituta; inde ſputum copioſe educum; ſerum per ſudores effuſum; ægra ad ſanitatem perducta. Paucis ea attigiffe mihi videor, quæ ſuppreditent, tum ad horum morborum ideam confi-ciendam, tum ad eos curandos. Maxime vero oſtendere queunt, quantum periculi im-mineat a languioribus præſertim ſanguinis educationibus; cum iſtæ, ut morbi cauſam extra animal ſtabulantem non tangunt; ſic ſanguini crudis, impuriſque ſuccis reſerto (quod obtinet in verminofis, Auſtriniſque conſtitutionibus) partes impetum facientes, unde vi-res, vigorque corpori, ſuffurantur. A bonis Practicis Obſervatur, ſanguinis profuſiones facilius ferri Aquilone ſtante quam Auſtro.

XX. Huiuſce anni conſtitutio, ſi cum ea conferatur, quæ anno 1730-viguit, videbi-mus ab omnino appoſitis tempeſtatibus eoſdem morbos exortos; vermesque, qui Hippocrate

(a) au.

(a) autore, autumnī præfertim soboles esse solent, quapropter Coo autumnus *θυρίωνος* ex Dureto, dicitur, & hyemali, & verno tempore sævire. Quare germinarint; & turbas moverint anno 1730 divinare non ausim. Cum verò anno hoc sævierint, aliqua plausibilis ratio, me iudice, potest afferri. Fructuum horæorum copia, qua præterlapsus annus abundavit, quaque plebs rusticana sese infarcivit; vermibus naturalibus intestinorum incolis, & cibum, & fotum, & nidum minime conducibilem exhibuit. Ita isti feliciter propagationi incubuere, & succrevire; neque enim e putredine, neque ex insectorum, aut terrestrium lumbricorum ovulis, vel cum ære absorptis, vel cum cibis, corruptisque aquis, quales apud nos non sunt, deglutitis, ortum habent animalcula propriis feminibus, ovario que (b) donata ad speciem suam perennandam. Accessit deinde uvida, atque Austri-
na tempestas, quæ quorumcumque insectorum genesi plurimum favet. Nil mirum igitur, si nostrorum quoque intestinorum hospites luxuriati, & sæviores facti sunt. Ita non sine ratione explicabitur, quare rusticorū potissimum labem hanc senserint; & cur in castris ad Rhenum positis tantam stragem lumbrici ediderint; absque eo quod ad semi-

O 4 na

(a) n. Epid. Sect. 1.

(b) Vid. Vallisner. Origin. de vermi del corpo umano

na nescio quæ confugiamus in aquis corruptis latitantia, quod a Medicis Gallis factum video ex Mercurio historico Politico Mensis Aprili (a)

XXI. Ex harum quoque Constitutionum comparatione noscitur; quod quamvis in utraque eadem morborum interna causa viguerit; nihilominus gravius afflixerit, quæ sub Austrino, & imbrifero cælo deseviit, quam quæ sub arido, & sudo: adeo verum est, quod siccitates in universum imbribus sunt salubriores. In secunda enim laterum dolores minus graves in universum erant, neque ad jugulum ascendebant: febres erant minus acutæ; neque immanes capitis affectiones sævierunt, quæ non paucos hoc anno letho dedere. Notatu certe dignum est, quod etiam a causa in primis viis hærente ad jugulum dolores, claviculasque pertigerint.

XXII. Illud tertio loco ab utrarum Constitutionum comparatione Eruerè Practicus sibi Medicus potest (quod etiam ad primam Observationem de Polypo Stomachico demonstravi) effectuum morbosorum causas univocas non esse; cum iidem effectus ab causis diversissimis originem trahere possint, proindeque sine rationali criterio fidendum non esse morborum signis, & descriptionibus, vel exactissima acrvia delineatis; neque eos audiendos, qui

qui caufarum morbofarum investigationem a Practica philofophia abiciunt. Cordi Medicorum; qui Praxim cum laude exercere velint illud aureum Dictatoris noſtri conſilium, ut ſemper hærent neceſſe eſt: *Bonis Medicis ſimilitudines pariunt errores, & difficultates, contrarium vero facit cauſa, & occaſio (a)*. Quid autem aliud eſt, niſi ſimilitudinibus totum inniti, ſi morborum hiftoriis, ratiocinio, quo cauſas diſtinguere poſſumus, reſecto, ſolummodo adhæreamus? Quin cum non pauci ſint effectus morboſi, qui Pathognomonico ſigno carent, quorum cenſui verminofas affectiones jure adſcripſit Sylvaticus (b); qui quæſo fieri poterit, ut horum vera, conſtanſque hiftoria habentur?

XXIII. Ab ineunte Junio dicti morbi ſe ſe e conſpectu proripuiſſe videntur. A quibus excipiendi ſint, videbimus.

(a) 6. Epidem. ex parva Tabula poſt 7. Section.

(b) Controverſ. 33.

F I N I S.

LUES

LUES VENEREA GRAVIOR SINE SALIVATIONE CURATA.

Differitur de æque tuta, ac Jucundiore
methodo, quam quæ per salivatio-
nem obtinet morbum hunc
perlanandi.

OBSERVATIO VIII.

I.

Mllēs robustus, annorum 30, a coitu im-
pure, gonorrhæam, bubonemque Gal-
licum contrahit. Cum curationem neglexif-
set, morbumque per menses aliquot flocci
fecisset, bubo sponte subsedit; febricula cum
assiduo capitis dolore accessit; raucosus inde
fit; a doloribus avuum nocturnis excrucia-
tur; Rhagadibusque, & crustis in volis ma-
nuum sædatus. Hisce luis gravioribus Sym-
ptomatibus, accedebat latum ulcus, umbili-
cum sed non profunde depascens; glans pe-
nis, ut postea innotuit, tota facta erat ul-
cerosa; veretrum, inguina, scrotum, frequen-
tibus adeo, ac fætidissimis tuberculis scate-
bant, ut marcida apparerent; gonorrhœa co-

pio.

piofissime fluebat ; jamque mifellus ſibi odioſus , commilitonibus gravis , morbo , ſolitudine , mærore , fætore confectus , quaſi cadaver brevi humandum ab aliis ſeorſim jacebat . Ita bene pexus ab ejus Duce mihi amiciffimo , curæ meæ , Februario ineunte , committitur , ut experirer quid ars in tali conclamato caſu potis eſſet . Cum itaque penſitaſſem ob regiminis ad hydrargiroſim neceſſarii ſervandi difficultatem , ſalivationis adminiſtrationem minus tutam futuram ; Catharſi Mercuriali morbum agredi inſtitui , minus etiam , quam par erat de Diætetico regimine ſollicitus , cum ad optatum finem rem perducere minime ſperarem ; putans , luem ad talem gradum evectam , vel per exactiſſimam hydrargiroſim vix poſſe ſanari . Præſcripſi itaque pillulas quotidie mane ſummendas ex Θ j Mercurii , Scamoniæ ſulphurati gr. xij , & ſufficienti quantitate Therebynthinæ non lotæ . Pro potu , ad evitandas graviores Ducis impenſas , hauriebat decoctum extraqua Ligni Laurini , Juniperini , & Lentifcini . Ulceri umbilicum deſpicienti , apponebatur , unguentum de ceruſa cum Mercurio dulci ; ac penis , inguina , ſcrotum , decocto ſalviæ , & roriſmarini ex vino fovebantur . Dictæ pillulæ , modo quatuor , modo ſex , quandoque plures ducebant ſedes , quæ tamen nunquam denarium numerum exceſſerunt . Sub harum quoque uſu ,
affi-

affidua sudatiuncula noctu æger madefcebat . Post sex dies ab usu pillularum , dolor capitis cessarat ; quique noctu artus excrucians somnum adimebat , minus infestus erat : Præputium detumescebat , ac gonorrhæa parcius fluebat . Potuit itaque glans aperiri , quæ ulcere graviore , & calloso prope frænulum corrosa apparuit , pluribus etiam aliis ulcusculis , & in interna præputij superficie , & ad glandis coronam , & per glandis corpus excitatis . Hisce omnibus unguento de cerussa cum præcipitato rubro medebamur . Ridi intervallo dato , pillulas denuo per sex alios dies repetebar ; & die duodecimo , tum umbilici , tum penis ulcera carne implebantur , & sanabantur ; disparebant inguinalia tubercula iis persistentibus , quæ penem , scrotumque occupabant ; Gonorrhææ vix aderant vestigia ; & vires instaurabantur . Nulla vacatione interposita , sic continuavimus usque ad vigesimum diem , cum apyretos inventus est , Rhagadibus tamen , & tuberculis Scroti obstinate persistentibus . Sed cum decocto rorismarini , & salviæ , alumen rupeum adderetur , coque manus etiam foveret ; crustæ decidebant , & penis tubercula evanescebant , scroto tamen tuberculoso remanente . Post quatuor dierum vacationem catharsis denuo instituitur , & scroto Emplastrum de ranis cum duplici Mercurio superdatur , unde

unde. & quæ scrotum obsidebant tubercula disparvere, ægerque antea ferme tabidus, de nutritione satis bene se habebat. Mense exacto ad me veniebat, ut aliquid illi præscriberem contra frequentissima rubra tubercula ad occiput exorta, quæ ad quatuor dies repetita catharsis, & fotu cum alumine admoto, disparuere. Vere deinde labente in colli parte postica tumor excitabatur. De novo catharsis instituta, ceratumque Mercuriale appositum, a quo tumor emolliebatur. Tunc a Chirurgo disiectus; haud difficulter ad integritatem perducebatur. Miles inde habitior, torosiorque evasit, sed raucus permansit; cumque post duos annos Corcyra-nigra discessi, inculpata adhuc valetudine furebatur.

II. Cum ad Medicum spectet, nedum tuto, sed jucunde, & cito curare; temporis jacturam illum e Medentibus facere minime cogito, qui, quoad potest, omnem movit lapidem, ut ægros sibi concreditos, nedum tuto, sed cito, & jucunde ad sanitatem perducant. Cum itaque, nedum per scriptam historiam sed ab aliis tum meis, cum aliorum observationibus edoctus, Methodum, qua repetita catharsis Syphilidi medetur, non modo æque tutam, ac quæ per hydrargirosim obtinet, sed multo jucundior, absolutioremque comperiri, hanc brevi Dissertatiuncu-

la illustrare mihi in animum induxi ; ut si etiam aliis medentibus in lue curanda , ut mihi , feliciter responderit ; salivationi per hydrargirum institutæ , curationi nempe , quæ de sævitia prope cum morbo certat , jure merito , nedum substituatur , sed anteponatur .

III. Id vero , ut præstem , obex primo quidam Magnus mihi tollendus est , auctoritas nempe Practici , inter alios nervosissimi , Sydenhamii , qui non Mercurium luis domitorem putat , sed peculiarem excretionem , quæ per salivales glandulas fit . Quasi venenum Venereum Regiam oris viam , ut e corpore exeat solummodo affectet ; seu , ut magis physice loquar , alia corporis ementoria , & seccernicula , liquores veneno venereo infectos , transmittere apta , aut proportionata non sint . Quæ sententia adeo Cordi Sydenhamio inhæsit , ut expresse tradiderit : *nullum adhuc experimentum adferri posse (a) extirpati hujusce morbi , nisi per salivationem ab hydrargiro excitatam , quidquid tam doctorum nonnulli , quam indoctorum de aliis sanandi modis satis temere effutiverint . Cui assertioni , ob viri reverentiam nil aliud reponam , nisi illum ex iis fuisse , qui nil rectum , nisi quod sibi placuit , ducunt ; ideoque aliorum Observationes vel non evolvisse , vel neglexisse ; perinde ,*

et hujusmodi sententia ac

[a] Epistol. respons. 2.

ac fecit dubio procul Fernelius ; cum tradit (a) febrim continuam , neque sudore , neque sanguinis profluvio , neque abscessu , per alvinam dejectionem solummodo posse sanari.

IV. Quoniam vero cum eo viro mihi res est , cui rationis scintillulæ , quibus miseri mortales præditi summus , non ad veritatem eruendam , sed ad fallacias , & præjudicia captanda solummodo inserviunt ; augmenta , quamvis non hypothetica ; sed ab iis deprompta , ut magnus vult Hippocrates , quæ visuntur , quæque in potestate nostra sunt ; a vicio , nempe , humorum Syphilide inquinatorum , atque a figura , pondere , & divisibilitate Mercurii , ommittam ; horumque vice ea solummodo oggeram , quæ omnino Practica cuicumque Medicorum obvia esse possunt , & sunt . En igitur , quod verba in pauca confero ratiocinis mei fundamenta . Si pertinacissimi effectus Venerei veneni , vel aliis remediis non cedunt , vel non ita bene , ac hydrargiro cedunt ; velis , nolis , consistere necesse est , luis Venereæ fortissimum , ac peculiarem domitorem esse Mercurium : seu Mercurio vim eam inesse , quæ in aliis non invenitur remediis ad Gallicos effectus tollendos . Ad rem igitur .

V. Venerei bubones , per Mercurium , vel dissipantur , vel felicissime emolliuntur . Ar-

tuum

tuum dolores, quibuscumque remediis resistentes, Mercuriali Emplastro super dato, mitescunt. Tophi, Gummata, Exastoses, non nisi per apposita Mercurialia, vel minuuntur, vel tolluntur, vel mollescunt. Tumidi ex gonorrhæa testes, vix ulli remedio, nisi hydragiro cedunt, tutissimeque hic testibus admoveatur absque ullo evirationis, vel infæcundi reddendi seminis discrimine, quod multiplici mihi experimento constat. Atque hic equidem miror, hujusmodi tumores, ita faciles semper discussioni Sydenhamio contigisse, ut cataplasmate, e farina fabarum, & oxicato perbelle tollerentur; cum mihi, ac plerisque aliis e medentibus haud ita bene id cessisse sciam, quin opus tandem fuerit ad Mercurialia confugere. Tali cataplasmate, bis equidem ex Riverio (a) felicissime testium inflammationes non venereas discussi; verum, parum, aut nihil valere contra Venereos testium tumores, experimento didici. Quod tamen unusquisque etiam ex Riverio discere potest, cui minus feliciter cessit (b), tumidi per dictum Emplastrum ex Gonorrhæa testiculi curatio; qui tandem, sed ægre, potius per iteratas ex pede, brachioque venæ sectiones, purgationemque copiosam, ad statum ferme naturalem perducebatur,

(a) Observ. Centur. 2. 39.

(b) Centur. 3.

batur, quam per vim dicti Cataplasmati-
 Quid igitur? Vi Mercurii cedit, nec ne ve-
 nenum Venereum? Minime responder Syden-
 hamius, quia si quandoque lvi Gonorrhæa
 conjungatur, licet lues salivando curetur,
 gonorrhæa adhuc persistit. Mirum ædè pol-
 argumenti genus! Ego inde deduce-
 rem, quod, quæ per oris emunctoria insti-
 tuitur evacuatio, gonorrhææ tollendæ par
 non sit, quemadmodum impar est etiam su-
 doris per decocta Lignorum prolectio; quam-
 vis Langius (a) edoceat gonorrhæam viru-
 lentam melius non curari; quam per
 Guaiaci decoctum, aut unguentum ex
 hydrargiro Ut argumentum recte conclu-
 deret, ostendere deberet Sydenhamius, non
 quod salivatio gonorrhæam non tollat; sed
 quod Mercurius Gonorrhææ non medetur.
 Sed nedum Celebriores Practicos ex adverso
 stantes haberet, qui Mercurium dulcem,
 aquam ex ebullitione Mercurii, ejusdem me-
 talli præcipitata ad gonorrhæam commendant;
 sed sibimet semetipsum contradicentem naci-
 fceretur, qui gonorrhææ pervicaci Turbith
 minerali, & Mercurio dulci medetur. Mer-
 curialis ptyalismus luem Veneream utique
 curat; sed id ab eo præstatur, quia per Mer-
 curium instituitur. Quod si aliud remedii ge-
 nus inveniretur ferum sanguinis per oris

P. emun-

(a) l. 2. Epistol. 5.

emuntoria proliciens, non eo tamen pondere, neque figura, neque divisibilitate, qua Mercurius præditum esset, a veneno Venero infectos minime sanaret. Cum enim hoc, ut ex Anatome Practica constat (a) difficilime solubili coagulo humores condenset; id remedii genus requirit, quod, nedum, vel minima interstitia penetrare possit (id vero spherico corpori maxime datum est) sed etiam eo ponderis momento specifico instructum sit, quod compacta dissicere, dissociare, ac fluxilia reddeat. Quod si aurum absque eo quod de suo specifico pondere quicquam ammitteret, in ita parvas sphaerulas, ac Mercurius dividi posset; nullus dubito, quin contra Syphillidem magis quam Mercurius valeret. Ut enim Mercurium quinquies pondere excedit, se habet enim ad Mercurium aurum: 19. 14, sic quintuplicata vi Mercurium in lue debellanda excederet. Qui vero ajunt ob suam specificam gravitatem fieri, ne cum fluidis in orbem circum ageretur, næ isti nescium, quæ corporibus in eorum divisione contingunt, in qua ad minima redacto pondere cum non minima superficie, aptiora red-

(a) Ex Observ. massæ apud Bonet. in Sepulchr. T. 3. l. 4. Sect. 9. Observ. 1. in Scorto, quod a partu objerat, quodque superfætationem in utero habebat, vidi inguinales glandulas cretacea veluri materia obstructas. Plures habebat, bubonum curatorum cicatrices.

redduntur, ut vel in tenuissimis, levissimis-
que liquidis innatent.

VI. Cum itaque, vel Galeno teste (a) id
interius sumpta præsent Medicamina, quod
in vulneribus, atque exterius admota: Mer-
curius vero externe appositus molliat, solvat,
discutiat, dissipet; id etiam interius sum-
ptum præstare certissimum erit. Ideo igitur
Syphilidi medetur, quia humores a Syphili-
de coactos solvit, & ideo præ aliis remediis
melius medetur, quia inter alia solventia
medicamina primas obtinet partes. Jure igi-
tur Elegantissimus Fracastorius, licet causam
ut dicitur, non tetigerit, de eo cecinit:

*Argento melius persolvunt omnia vivo
Pars major: miranda etenim vis insita in illo est.
Sive, quod id natum est subito frigusque, calo-
remque*

*Excipere, unde in se nostrum cito contrahit
ignem,*

*Quodque est condensum, humores dissolvit,
agitque*

*Fortius, ut candens ferrum flamma acrius
urit,*

Sive acres, unde id constat, compagine mira

Particula, nexuque suo, vinculisque soluta

Introrsum, ut potuere seorsum in corpora ferri

Colliquant concreta, & semina pestis inurunt (b)

P 2

Cùm

(a) De simplic. Medic. facult. l. 4. c. 17.

(b) De Syphilid. l. 2.

Cum Mercurius, vel indefinite, vi minima divisibilis sit; quibuscumque minimis porulis, vasisque transmeandis aptus evadit, eaque reconditissima animalis penetralia subire poterit, quo pertingere reliqua nequeunt solventia. Quorum moleculæ, si forte quandoque eam nanciscantur exilitatem, per quam etiam minimos tubulos valeant subire; per actionem, & vim vitæ ita immutantur; ut aliæ omnimode ab iis, quæ assimebantur, evadant, momentumque virium a figura, pondere, & consistentia dependens amittant, quo in vasis majoribus concreta, & contenta resolvere quibant. Mercurius vero, vel ad exhalantis fumi exilitatem redactus, ob suarum particularum soliditatem idem semper Mercurius sit, eadem figura, & specifica gravitate donatus. Non ideo itaque medetur, quia salivationem ciet solummodo; quoniam si fluxiliores humores per salivationem eliceret, qui vero stasi correpti sunt, intactos sineret, vel ad longius tempus protracta, atque ad maiorem quantitatem evecta salivatio, Venereum morbum minime curaret. Stat igitur, quod Mercurius ideo Venereo morbo medeatur, quia solvit; quodque felicius præ aliis medicaminibus medeatur, quia potentius resolvit.

VII. Satis tamen non est liquida per salivationem coacta dissolvere, nisi soluta, & liqui-

liquidiora reddita extra corpus ejciantur . Si enim virus in corpore restitaret, fluida ab ejus commercio jam soluta, denuo coinquinarentur, morbusque, quasi Hydra, revivisceret; quemadmodum fieri videmus cum morbi radices succisæ omnino non fuerint . Agitur igitur de veneno e corpore eliminando, ac de viis, per quas expelli debent .

VIII. Id per Phyalismum efficitur, quo mediante per oris totius emunctoria humores liquati, virusque Celticum exturbatur . Ptyalismus iste, vel suffumigiis, vel Mercurio extterius in unguinibus admoto, vel eodem dulci reddito, intro assumpto, obtinetur . Sed quia faciliore modo si Mercurius per os exhibeatur, & regitur salivatio, & remedii vis, prout opus retundi, vel acui potest; apud Practicos Celebriores in usu est salivationem per Mercurium intro assumptum excitare . Antequam igitur salivationi æger subijciatur, laxante aliquo medicamine primis viis absterfis, humectante decocto illum ad aliquot dies implent istoque opere absoluto, ad pillulas mercuriales Sialagoga deveniunt, quas conficiunt ex drachmis tribus Mercurii dulcificati, & sufficienti quantitate alicujus gummi, aut extracti, prout sua cuique placent, ex qua massa viginti pillulas æqualis ponderis conficiendas præcipiunt . Prima die, duas, vel tres ex hisce

pillulis ægro exhibent, inter utramque biho-
reo interposito: inde dosis augetur, prout sa-
livatio procedit; cujus quantitas ad trium,
quatuorve librarum pondus nycthemeri spatio
ascendere debet. Si quando Mercurius tormi-
na ciceat, cruoremque ex intestinis proliciat,
quod nequaquam infrequens est; obviam ma-
lo symptomati, opiato itur: si salivatio co-
piosior sit, quam ferre queat æger; clysmate,
vel purgante, vel sudorifero sistitur; oris
vero ulceribus, gingivisque sanguinem eru-
ctantibus, apto gargarismate medetur. Pro-
ducitur salivatio, donec sputum non amplius
viscidum, sed album, spumofum, & æquale
excernitur; quod raro ante quadraginta die-
rum spatium obtinetur. Subinde minore dosi
Mercurii utendum per alios viginti dies est,
ut lenioris sputationis maneat vestigium.

IX. Salvationis processu fideliter exarato,
videamus quæ incommoda dicta curatio affe-
rat. Æger, saltem per quadraginta dies in
cubiculo rigide conclusus cœli, aerisque pu-
rioris commercia vitare debet. Ptyalismo ad
statum evecto, nedum ob copiose fluentem
salivam, gingivarumque dolorem noctes inso-
mnes agere debet; sed ob ulcera, universi-
que oris, ac linguæ humorem, vix liquida
deglutire potis est. Dentium verò gomphosis
ita laxatur, ut tremuli evadant, ac quando-
que ex alveolis non pauci decidant. At hæc
omnia,

omnia , quamvis gravia , quamvis thædii , nec raro periculi plena ; vix , ac ne vix quidem æquiparari possunt illi virulentæ mephiti , quam excreta saliva olet ; ad quam oratione explicandam , non Medici , sed vix exaggerantis oratoris Cità me Dii ament) stilus sufficeret : Atque hæc , dum recte salivatio procedit . Quod si contra eveniat ; febris gravior ; capitis dolorosæ affectiones , tumefactiones immanes , membri alicujus stupor , convulsivique motus accedunt . Neque sane leve omnino est , quod iis , qui studium hoc percurrerunt , ad expuendum procliritas toto vitæ cursu remanent , quæ in concitatiore oratione (ut digestionis noxas ommittam) in Declamatione , in cantu non parum negotii faceffat .

X. Ut humorum a Syphilide concretorum liquatio , sci salivatio , quæ secum tot incommoda trahit , a Mercurio procedit ; cum etiam si sano corpori Mercurius vel intrudatur , vel apponatur , salivationem , non sine fætore cient . Quare effectus iste a Mercurio præstetur , me omnino nescire confiteor ; neque enim palato meo fasciunt , quæ de illius intra humanum corpus sublimatione , tanquam hujusce effectus causa , circumferuntur . At audacter asserere auderem , non ob id Ptyalimum lui Venereæ efficacissime mederi ; quia oris emunctoria solummodo Venereo veneno

transmittendo apta nata sint. Unde enim horum emunctoriorum ad virus hoc transmittendum aptitudo major exoriri potest? An a situ? Sed humores supra, vel infra nesciunt, verum eo feruntur, quo vis impellens eos urget. An a figura? Commentum de diversis formibus poris apud solidioris physiologiæ cultores, jam exolevit. An a salivalium canalium diametro? Sed concreta Gallica a Mercurio liquata, per minima etiam ossium vascula, facillime transmeant. Cum nulla itaque sit assignabilis ratio, per quem humores Syphilide infecti, per oris potius, quam per reliqua corporis emunctoria separentur, atque expurgentur, restat, ut a modo evacuationis totus salivationis profectus expectetur.

XI. Si quid itaque judicando valeo, ob nullam aliam rationem Mercurialis Ptyalis- mus lvi Venereæ optime medetur; nisi quia humores a veneno Venereo concretos, & per Mercurium liquatos, nulla interposita mora e corpore expellit. Id, neque diuretica, neque sudorifera præstare possunt, tametsi illiusmodi forent, quæ Gallicis coagulationibus solvendis paria essent; quia horum virtus facillime languescit, neque sanguini diurnam, ut ita dicam, impressionem, quemadmodum facit Mercurius, communicant. Clarius tamen id, quod dico, vel dicere vo-

lo explanabitur, si victum, atque excretiones hominis salivantis ad calculum reducam.

XII. Tametsi rictus plenior salivanti circumcidatur, non eo tamen parsimonie adigitur, ut vires, quoad salivatio ad finem perveniat, suffecturæ non sint. Sumat itaque diei spatio libras quatuor alimenti maxime nutritii, ejusque indolis, ut sunt animalium juniorum carnes, & jura, unde paucæ educantur faeces. Ex hac ubi quantitate, in intestinis stercoracea materies sequestrari debet, quæ in homine recte perspirante ex Sanctorio (a) noctis tempore libræ mensem non excedit. Sed quoniam dimidiata cibi quantitas salivanti solummodo datur, quin, perptyalismum ex alvi dejectione aliquid dematur necesse est (ii enim, quibus recte salivatio succedit, siccior sunt alvo) ponamus in singulos dies duas tantummodo stercoraceæ materiæ uncias a cibis sequestrari, tametsi quotidie alvus non deiciat. Igitur 46. uncia chyli solummodo sanguinem ingrediuntur, a quo latex urinosus secernendus est. Iste in homine recte se habente, & plenius vespente, ascendere solet unius noctis spatio ad uncias sexdecim (b) plus minus. Quamvis tamen per diem plus, quam per noctem mingamus; ponamus urinam nycthemeri spatio

ab

(a) De ponderat. aphor. 72.

(b) Aphor. 59.

ab homine sano, sed non bibone expulſam
 32 unciarum pondus æquare. In noſtro au-
 tem caſu, cum dimidiam ſolummodo ſalivan-
 ti demus cibi quantitatem, demus illi etiam
 dimidiam quantitatem, urinæ (de urina ſan-
 guinis ſemper loquor) quæ erit unciarum
 16. At cum ſalivatio adaucta, urinam quo-
 que minuat; urina, quæ a ſalivante nycthe-
 meri ſpatio mingitur, duodecim unciarum
 pondus æquet. Chyli igitur ſuperſtes quan-
 titas ad 34. uncias redacta erat. Porro ex
 pondere octo librarum cibi, & potus, quin-
 que per inſenſibilem tranſpirationem evolant
 (a); probabiliter itaque ex quatuor libra-
 rum pondere, triginta uncix in fumum, &
 auras abibunt, fiet etenim: 96. 60. 48. 30.
 Nempe ut ſe habent octo libræ, quæ æqui-
 valent, unciis nonaginta ſex, ad libras quin-
 que quo ſunt uncix ſexaginta; ita quatuor
 libræ æquales quadraginta octo unciis, ad li-
 bras duas cum dimidia, ad uncias nempe
 triginta. Cùm tamen, *ſi quis plus juſto ſen-
 ſibiliter evacuat, minus juſto perſpiret* (b)
 ex hiſce triginta tranſpirationis unciis aliquid
 demendum eſt, quod per ſalivationem, ſive
 educitur, ſive impeditur: hoc vero ita non
 inepte ſupputabimus. Frequentia Senum ſpu-
 tamina ex laudato Sanctorio; referente Liſte-
 ro

{ a) Aphor. 13.

{ b) Ad aphor. 82.

ro (a) decimam totius perspirationis partem æquant; verum, cum Mercurialis Ptyalismus Senum sputamina quantitate longe excedat; multo magis etiam salivationem imminuet. Ponamus quartum solummodo (hoc autem magis a vero deficiet, quam illud excedat) perspirationis partem per ptyalismum demi; portio, quæ perspirat, ad uncias.22. cum dimidia solummodo redacta erit. Deme igitur e triginta quatuor unciis succi nutritii uncias viginti duas cum dimidia materiæ perspiranti; succus nutritius remanens. undecim unciarum pondus cum dimidia minimè excedet. Sed qui Ptyalismo exercetur nycthemeri spatio tres libras expuit, ergo singulis diebus humorum in orbem euntium viginti quatuor uncias cum dimidia (undecim enim dimidia plus a chylo restituntur) exhaurit. Ergo spatio quadraginta dierum, libras octoginta unam cum unciis octo. Cum vero sanguinis, & lymphæ massa ad summum 34, libras non excedat; sequitur, quod salivationis stadio dimenso veteres omnes morboſi succi e corpore expulsi sint, in quorum locum, cum novi, & sani successerint, homo inde doloribus confopitis, ulceribus exiccatis, cuteque deterſa, innovatur, diversusque omnino ab eo, qui cubiculum intraverat e cubiculo exit.

Qualis

(a) Ad aphor 82.

*Qualis ubi in lucem Coluber mala gramina
pastus,*

*Frigida sub terra tumidum, quem brumati-
gebat.*

*Nunc positus novus exuviis, nitidusque ju-
venta,*

Lubrica convolvit sublato pectore terga,

*Arduus ad Solem, & linguis micat ore tri-
sulcis.*

XIII. Tanta equidem præstat Ptyalismus, sed eadem præstat quoque repetita Mercurialis catharsis, quod me facili negotio nunc demonstraturum confido. Mercurius, qui quolibet mangonio Chymico exagitatus semper idem Mercurius est; etiam cum eo sine porrigitur, ut alvum ducat, vasa sanguinis ingreditur; in orbem rapitur; atque in penitissima corporis penetralia penetrans, venenum invertit, venereaque coagula resolvit, fluxuique apta reddit. Ita motui aptiora reddita, eo fluere debent, & quo per vim stimuli ad intestinales membranas agentis, evocatur (id vero notum cuicumque, qui magnum Bellinum de stimulis differentem locgerit) & ubi vasa evacuata exinaniuntur, liquidisque fluentibus locum faciunt, & resistentias imminuunt; quæ res in intestinorum vasis peragitur. Cum igitur ea erit intestinalis secretio, ut totum venereum venenum liquatum, fluxuique aptum redditum;

ex-

exhaustire possit; molem universam succorum veterum e corpore ejiciet; in quorum locum novis, & sanis succedentibus, homo totus innovabitur.

XIV. An probandum mihi nunc est, Mercurium venas intrare? Id ex calore, & citatiore pulsu, qui validiorum purgantium assumptionem consequitur, indicari putat Claris. Freind (a). Sed cum hæc a sola stimuli vi qualibet in corporis parte agente pendere possint; pace tanti viri dixerim, rem conficere mihi nequaquam videntur. Quæ vero subdam, ni fallor, extra dubitationis aleam eam ponent. Quandoque uni ex meorum liberorum nutricibus vermibus laboranti, Mercurium dulcem cum Diagrydio exhibui: post non multas horas, cumque vix illam expurgasset, lac adeo purgans redditum fuit; ut necesse habuerim infantem ab ejus uberibus subtrahere, eoque, & sequenti die alteri mulieri nutriendum præbere. Hippocrates quoque observavit a validioribus catharticis purgatoriam vim lac nancisci, cum scriptum reliquit: *mulier: capra, elaterium, aut cucumerem sylvestrem comedentes, pueris purgatio* (b) An non, vel a flore Cassiæ, nigro colore fædatam urinam sæpissime cernimus?

XV. Hisce præpositis, nunc optime per-

(a) Comment. 7. p. 64. Edition. Venet.

(b) c. Epid. sect. 5.

ctum ego agerem, si postquam Præclarissimus Freind (a) quæ per cathartica obtinetur, alvinam evacuationem examinavit, denuo ad calculum reducerem. Demonstravit Doctissimus iste vir, quod evacuatio alvina, octo horarum spatio, seclusa succi biliosi, & Pancreatici educatione, ad 48. uncias ascendere possit. Cum itaque purgans ex Mercurio, & Diagrydio concinnatum, neque sit e mitioribus, neque e validioribus (non enim violenter ducit, neque fæces educæ, si bene memini bile tinctæ apparent, sed omnino serosæ, & mucosæ) ponamus per hunc 48. uncias solummodo succorum elici, seu quatuor libras. Deme ab hisce quatuor libris uncias undecim cum dimidia, quæ restituntur a chylo; succi per Mercurium educi, triginta sex unciarum cum dimidia, pondus æquabunt. Duc modo 36×27 . habebis uncias 972, nempe libras 81. Quibus si addas semiuncias, habebis ferme octoginta duas libras succorum spatio viginti septem dierum per catharsim eductorum. Tota igitur massa veterum humorum multo minore temporis impendio per Catharsim, quam per Ptyalismum expurgabitur. Ascendat tamen, & Ptyalismus ad quatuor libras, non ob id tamen, ut Praxis demonstrat eodem temporis spatio, quo per Catharsim, absolvetur curatio. Quare hoc?

XVI.

(a) Loco citato.

XVI. Quælibet excretio sensibilis plus iusto copiosior, insensibilem diminuit. Vero cum insensibilis perspiratio qualibet hora æqualis non sit; sequitur de hac minus de mi per eam sensibilem evacuationem, quæ tempore minoris transpirationis instituitur. Porro evacuatio, quæ per Ptyalismum habetur, qualibet hora in sanguinis succos agit, proindeque etiam cum maxime perspiramus, transpirat. Hinc fit, ut Mercurii vis, quæ veteribus humoribus educendis insumeretur; vires suas exercent contra materiem transpirationis retentam; ideoque non nisi longiore temporis spatio universam succorum molem educat, immutetque. Circa catharsim res ita minime se habet. Verum quidem est, die Medicinæ trium horarum spatio exiguam fieri transpirationem (a), sed cum Catharticum suas exerat vires horis illis, quibus parum perspiramus (a duodecima siquidem a cibo hora (b) ad decimam sextam, vix se libra perspirabilis evolat) Cathartici vis in educenda perspirationis materia nimis occupata, veteribus succis liquandis, & extrahendis insumitur. Hinc ratio, quare repetita Catharsis luem citius præ salivatione curet.

XVII. Huic Dissertatiuncula major pars detracta

(a) Sanctor. de ponder. aphor. 53.

(b) Ibid. aphor. 56.

detracta jam est, quæque restat, ex sola hy-
drargirosis cum Mercuriali Catharsi compa-
ratione absolvetur. Cum ad Catharsim, ne-
que opus sit ægrum per plures dies ptisana
humectare; neque tanto temporis spatio, ac
per primam exerceatur; longe minore tem-
poris impendio hoc quoque de nomine cura-
tio per hanc, quam per primam ad umbili-
cum perducitur. Externi aeris commercio
salivanti ægro interdicitur: cacanti, opus
est solummodo, ut vestibus se probe muniat;
catharticique opere absoluto, si vires ferant,
& placidum sit cælum, aeri etiam liberiori
se potest committere. Mercurio delibutus,
ob assidue fluentem salivam, ob ejusdem fæ-
torem; ob os tumidum, & exulceratum, so-
mnus vix capere potest: cui alvus subducta
est, noctes placide transigit, nisi dolores,
morbusve urgeant. Huic, dentes, neque ex-
cidunt, neque laxantur, curationeque pera-
cta, nulla medelæ vestigia remanent; cum
primo, nulla arte emmendabilis proclivitas
ed spuendum restites. In Catharsi nullum pe-
riculum ex iis, quæ imminet a salivatione,
nullusque timor, vel de alvo nimis fluente,
vel non respondente; cum tamen in primo
casu, vel copiosior sputatio, vel parcior, &
ægrum, & medentes sollicitos teneat; ne vel
remedii vis efficacior ægotantem prosternat;
vel minor, quam morbus exigit, nequaquam
curet.

euret. Quod si verum est, ut ait Sydenhamius, gonorrhæam per Ptyalismum non curari, quod mihi usque modo experimento non constat; in hoc etiam mea methodus supra alteram excellit, quod illa, una fidelia, ut dicitur, duos dealbet parietes; nempe, & luem averruncet, & gonorrhæam curet, ut ex descripta, & infra describendis historiis palam fiet. Id etiam ex hac methodo commodi habemus, quod, vel infectis puerulis aptari possit, quemadmodum ex aliorum observationibus adducendis, evincam; quibus salivatio mortem accerseret.

XVIII. Sed illud circa curationem per Catharsim institutam sedulo considerari mereatur, quod cum minore virium dispendio, quam hydrargirosis, opus absolvat, cujusce rei multiplex ratio assignari mihi posse videtur. Prior, quod latex salivialis, spiritibus, unde corpori vigor, satis abundet, quod de lymphâ intestinali saltem non constat. Altera, quod commodè edere possint, qui catharsi exercentur, quod salivanti plerumque difficillimum est. Primis, ob intestinorum villosam tunicam deterfam, purior chylus sanguini accedit, quam commoditatem, qui spuunt, non habent. Vires tandem cacantes a cathartico convulsas, multarum horarum quiete, & somno restituunt; expuentes verò, ob noctes insomnes, & evacuationem conti-

Q

nuam,

nam, eas nedum, non instaurant, sed continuo deperdunt. Jure igitur insignis sui temporis Practicus Rhodius tradidit, Mercurium dulcem dejectorium, divinum pene esse auxilium contra luem, *eximio medendi compendio, & agrotantium levamine (a).*

XIX. Nunc restat solummodo, ut hanc methodum observationibus confirmem. Antequam vero id præstem, prius objectionem quamdam solvere debeo, quæ tamen potius verbalis, quam realis est. Dum Catharsis instituitur, lignorum, vulgo sudoriferorum decoctum pro potu exhibetur. Sed alvus fusa, & cutis spiracula aperta adeo inter se pugnant; ut dejectio sudorem tollat; sudor dejectionem supprimat. Quæ ista methodus, itaque, per quam motibus oppositis, (quod nil perniciosius) ægri curantur? Dum sudoriferorum actio ad peripheriam (ita enim ajunt) morbosam materiem propellit, & cathartici stimulus eandem ad centrum vi trahit; illud, ut sequatur necesse est, quod, neque uni, neque alteri parens remedio, neque per cutim, neque per alvum ejciatur. Ita, si per horizontalem, ac perpendicularem directionem grave aliquod trudas; cum neque uni neque alteri impressioni parere possit, utrisque se accommodat, ac per Diagonalem auffugit. Bona verba quæso, Docuit jamdudum Hippocrates

(a) Centur. 3. Observ. 84.

pocrates (a) corpora purgare volentem , oportere prius ea fluida facere . Lignorum decoctum , non ad sudorem proliciendum exhibetur , sed ad concreta Gallica fluidiora reddenda , ut facilius cathartici stimulo pareant . Hac de re Fracastorius elegantissime suo more :

Ante tamen ducenda para concreta resolve ,

Et crassa attenua , & lentore tenacia frange (b)

Hinc , tantum abest , ut per decoctum Lignorum debitus dejectionum numerus succidatur , vel alvus fluens supprimatur ; quin potius ita facilius catharsis evadat . Motibus igitur appositis methodo hac ægris non medemur , sed iis , qui ad eundem finem conspirant ; Quemadmodum quispiam motibus oppositis pondus aliquod non distraheret , si interim ac illud austrum versus urget , nodos , quibus a Septentrione colligatur , resolveret . Post hæc , si alicui adhuc a centro , & peripheria corporis objectio petita placeret , sensuum testimonium , Observationes nempe e probatis autoribus , afferam . Riverius (c) ait : *Lues Venerea a me curata est in pluribus decocto , ex sudoriferis , & purgantibus per viginti dies usurpato . Si hac non sufficerent , ad frictiones ex unguento Mercuriali veniebam .*

Q

2

Multi

(a) Aphorif.

(b) De Syphill. l. 2.

(c) Observ. Cent. 1. 78.

Multi media hyeme , hoc solo decocto curati sunt, quibus diata sudorifera administrari non poterat, ob aeris inclimentiam . Allatæ objectioni, dandus locus in cura acutorum; nau-ci ea vero facienda est, ubi omni moline, & qua data porta, ut in Gallici cura, morbo-sa materies ejcienda est. Ob id recte Sylvius de le Boe (a): imperite, ac inepte intestino-rum fistula habetur pro corporis centro, cutis autem pori pro ejusdem circumferentia Non tantum arguit ratio, sed rerum probat ex-perientia, quæ tum alios, tum me quoque con-firmavit, cum optimo successu, & magno agro-rum commodo expelli eodem tempore, ac me-dicamento humores in corpore peccantes, tum per vomitum, tum per secessum, tum per sudo-res, ac urinas. Empyrius quidam mihi notus, suffumigiis lue infectos curabat, a quibus si-mul Ptyalismus, sudor, enormes vomitus, copiosæque dejectiones eccitabantur. Ex re-censione auctoris Chemiæ Celeberrimo Boerhaa-vio adscriptæ (b) mulier Gallica maximas sibi comparavit divitias lue infectos curando per Turbith mineralis exhibitionem, a quo ægri incidebant in diarrhæas, vomituse, qua cura multi quidem moriebantur, sed ob vio-lentiam remedii; plerique vero viribus satis firmis

(a) Apud Bonet. in Merc. compital. l. 19, ad ti-tul. vomit. 8.

(b) T. 2. Præcess. 7. §. 3.

firmis instructi, per quas tantorum motuum violentias ferre poterant, sanabantur. Apud Horstium, insignis habetur historia (a) luis gravioris Mercurialibus dejectoriis, & decocto sudorifero cum sulphure aurato diaphoretico persanata. Si quæ attuli, tamen, ut mihi quidem videtur, & rationibus satis consona, & Observationibus firmata, Praxi non responderint, *turbata volent, rapidis ludibria ventis*. Sin vero contra se res habent; methodus, quam illustrare conatus sum, in usum revocetur; Humanius etenim, æquiusque est, cum æque tuto possumus, ægros per viam mitiorem curare; quam ad curationes forsam celebriores reddendas, eos methodo thædii, dolorisque plenæ, nec raro periculi experti subiicere. Etenim profecto ea est Mercurialis salivatio, ut quando cum spe salutis proponitur, Servi Plautini verbis non injurie infectus reponere possit: *apage istiusmodi salutem, cum cruciatu quæ advenit*. Nunc ad Observationes.

XX. Vir pusillæ staturæ, sicciorisque corporis habitus, atque hirsutus; cum quandoque leviori gonorrhæa infectus, morbum, suavis Chirurgi, qui illi medebatur, ut non virulentum curasset; post annum corripitur duriore tumore ad partem colli sinistram, qui quorumcumque remediorum vim aluit: *levio-*

(a) 7. Observ. re.

levioribus etiam artuum doloribus excrucia-
batur. Cum tumor quotidie cresceret, suffo-
cationemque minaretur, a Docto Danieli
Jaderæ Medico, hydrargirossi subiicitur, ope
Mercurii dulcis excitatæ. Cum summo vitæ
discrimine stadio salivationis emenso, tumor
solvebatur; sed maxillarum synthesis ita inde
ferruminata est, ut post septem a salivatione
menses, os aperire vix posset, licet adhuc
non omnino levis salivatio perduraret, quæ
ægro non parum thædii afferebat. Aderant
etiam leviores scapularum, brachiorumque do-
lores, ob quos, partes hæc difficultè mu-
neribus suis fungebantur. Quæ ad motum
difficultas cum doloribus, sed non magnis,
flante Austro, ingravescebat. Cum itaque
Pulcinium appulisset, hicque loci domicilium
posuisset, ab me medelam exposulavit. Mer-
curio dulci dejectorio rem ipse aggredi in-
stitui; præscripsique pillulas ex granis XV.
Merc. dulc., Diagryd. viij, & s. q. There-
bynth. non lotæ. Verum dictæ pillulæ pri-
mis vicibus, vix alvum solvebant; quapro-
pter acuta dosis Mercurii ad \mathfrak{D} j, Diagryd.
ad gr. X; loco vero Therebynth. suffectum
Extractum Panchymagogum Crollii. Inde al-
vus aliquoties per diem solvebatur. Post octo
dies catharsi assidue impensos, os poterat me-
lius diduci, & Ptyalismus parcior fiebat.
Tridui intervallo interposito, repetebatur ad
sex

sex dies catharsis, tuncque denuo bidui vacatio data, cum bonis ægri rebus, quæ tandem salvæ omnino erant, postquam cathartici in usu per alios octo dies persisteret. Remansit tamen, & adhuc remanet ad expuendum proclivitas. Curationis tempore decoctum Guajari, & Sussafras cum passulis ex aqua pro potu hausit, & quotidie a prandio, vestibus (licet tempus anni æstivum esset) hybernis munitus, domo exiit. Victu usus est mediocri, sed non exiccante.

XXI. Robustus, succi plenus, ac torosus Decurio, ab aliquot diebus feбри laborabat noctu gravius infestante, cum tumore dolorifico oppido in genu dextero. Alvus illi subducta cum Electuario lenitivo Sennato, & tartari cremore; deinde pulvis sudorificus exhibitus ex semine C. B., & Origani, sed successu irritato; siquidem, vix sudabat, parum dormiebat, cibos respuebat, dolorque genu tumidi eum noctu immaniter infestabat, licet emollientes, & discussentes foci assidue apponerentur. Cum itaque diligentius externerem morbi causam ab eo sciscitarer, confitebatur, se gonorrhæa cum urinæ ardore laborare. Tumori itaque Emplastrum de ranis cum duplici Mercurio superdedi, alvumque per octo continuos dies pillulis; ex Merc. dulc. gr. xxiiiij, Diagryd. xij., cum s. q. Therebynth. non lotæ, duxi, nihil de cibi tenuitate

remittens, sed panatellis solummodo ægrum nutriens. Pro potu decoctio Juniperi, & radicis Bardanæ ex aqua, utebatur. A febre, a tumore, a gonorrhæa perfectissime convaluit. Puto, opus citius exactum, obviæ tenuiorem, cui ægrum addixi.

XXII. Mulier lue infecta, puellum peperit pustulis, & ulceribus in variis partibus affectum, qui curatus fuit præcipitato albo ad gr. ij, vel iij exhibito cum saccharo, & lacte, singulis, aut alternis diebus per mensem integrum. Incæpta est remediij exhibitio XV. nativitatis die. (Samuel Formius Observ. 26.)

XXIII. Puellæ duæ, major vix attigerat quintum; minor vero, tertium ætatis annum, laborabant lue per contagium suscepta, cum ulceribus multis in ore, & pudendis, nec non pustulis, & sæda scabie per totum corpus erumpentibus. Frustra exhibitum fuerat decoctum Guajacinum per mensem integrum. Vocatus ego intra quindecim dies puellulas curavi Mercurio præcipitato albo, exhibendo singulis diebus majori puellæ gr. vi, minori verò gr. iv, augendo tamen utriusque dosim juxta operationem, quæ talis fuit, ut utraque singulis diebus, bis, aut ter alvum deponeret, nec vomitus ullus, nec Ptyalismus unquam sequutus est. Perseverabant per dictum tempus in usu Bocheti. (Sim. Jacoz Obser. 16)

XXIV.

XXIV. Curatus est a me puer V. annorum præcipitato albo ad gr. iiij exhibito singulis diebus per XX. dies, cum panatella. Per inferiora tantum purgabat, neque ullus unquam sequutus est Ptyalismus. (Samuel Formius Observ. 51.)

Contigit, ut quoque hoc anno-1736- de Cathartica Mercuriali methodo contra Veneriam luem, periculum facerem. Res ita se habuit.

Nobilis vir, triginta circiter annorum, laxioris fibræ, succosoque satis temperamento præditus; castra sequutus, strenuus potator, sputatorque assiduus, gonorrhæa virulenta sæpius infectus fuerat. Hyeme ineunte, sub usu pillularum, nescio quarum, & vini medicati hydro-cathartici, inter millena victus errata, Gonorrhæa sistebatur, remanente prope frænulum dolore ad penis erectionem. Tumor inde sub mento exortus, atque ulcera crustosa excitata, faciem, mentum, collum, pectus, aurem sinistram, cubitos, suramque dextram occupantia. Quæ suram fædabat (ex æquo decidens ante aliquot annos, pede hoc luxatus fuerat) erat scutati Veneti magnitudine; circumcirca inflammatione cingebatur; dolebat; tumor in circuitu excitabatur, pusque sub crusta latitabat. Quæ collum obsidebant, erant magnitudine aurei Veneti, sed crassiores, & elatiores. Curæ itaque meæ tali in sta-

tu

tu se committere voluit, ob idque Pulcinicum appulit. Decembri itaque crescente, ita illi Medicinam facere institui. Victum, ante omnia, ad tenuen accedentem imperavi: pro potu tale decoctum hausit.

℥ Ligni Guajac.

Lauriri.

Juniper.

} an. ʒ ij.

Ceq. Font. lib. xvj. Infund. per noctem ad cineres calidos. Mane bull. ad remanentiam ℔. xij. In fine ebull. add.

Cinamoni in frusta conscis. ʒ iij.

Hujusce decocti spuma colligebatur, eaque crustæ obducebantur. Venter primo copiose deterfus ʒ v. s. potion. solut. Magistr. Inde ad 24. continuos dies nulla vacatione interposita, quotidie tales pillulas sumpsit.

℥ Merc. dulc. gr. xvj

Diagryd. sulphur. gr. vj

Extrac. Panchymag. Crol. ʒ i

M. F. pillula iiij aur.

Prima die absque ullis doloribus, alvus decies defedit. Die secunda, sexies soluta. Noctu sudavit. Tertia, minores binæ crustæ, quæ faciem sædabant, decidere: sexies die quoque hac dejecit. Quarta quoque, & quinta idem dejectionum numerus. Hisce noctibus non sudavit: frigus admodum asper. Usque ad diem decimam, non satis placide dormiit. Tres aliæ crustæ deciderant: sexies, aut octies quotidie dese-

desedit. Decima nocte, cæpit bene dormire : dolor penis evanuit . Decima quinta omnes crustæ deciderant , ea excepta , quæ aurem inter Helicem , & anthelicem occupabat . Deciderat quoque custa suræ , ulcere non profundo , sed lato remanente , cui tali unguento medebamur .

℞ Unguenti de Cerus. ʒ j. f.

Thuris }
Myrrha } an. ʒ j. f.

Succi abul. ʒ j.

Merc. crud. ʒ f.

m. f. unguentum.

Decima sexta , decidit quoque crusta auris . Decima octava ; plenius edit , semelque tantummodo deiecit . Aliqua gingivarum tumefactio , & glandulæ jugulares turgidulæ . Patiens tamen id refundebat in sibi peculiarem indiosyncrasiam , per quam , vel minimo percepto frigore ita afficiebatur . Verum copia sputi ; gingivarum , gutturisque dolor ; sanguinis ramenta ex gingivis stillantia , satis ostendebant , unde salvatio procederet . Abicimus itaque unguentum ante descriptum , ejusque loco Emplastrum Diapalma superdedimus . Die 24. ab usu pillularum cessavimus , cum nondum ulcus ad cuticulam perductum fuisset . Die 26. sanatum erat . Salivationem , quæ nimium copiose procedebat bis Potione solutiva magistrali exhibita , cohiberimus . Pauca grana

Mer-

Mercurii, turbas hæc excierat; majusque incommodum, majorem virium jacturam, nutritionisque deperditionem passus est paucis diebus, quibus Ptyalismo exercitus fuit, quam per assiduam 24. dierum Catharsim, Vereor, ne si salivatoriæ methodo illum commissem, vitæ discrimen subiturus fuisset. An assidui sputatores male hydrargirosi subjiciuntur? Operæ præmium est, ut id observetur. Die trigesima, cute deterfa, hilaris, ac sanus, æger meus domum rediit.

F I N I S.

ASTHMATIS

CONGENITI PALLIATIO.

OBSERVATIO IX.

L.

Nobilis mulier, cujus Fratres tabidi obire, atque altera soror Monialis Asthmatica vitam traduxit, a prima Infantia asthmate laboravit. Jam plenis nubilis annis, nupsit cum spe convalescendi, sed irrita; siquidem ad anni præsertim τροπὰς spiritum semper difficilem duxit. Cum ad quadragesimum annum pertigisset, melancholica, & lurida facta; nedum ad stata anni tempora; sed ad coitum; ad mensium fluxum; ad auram nocturnam; & quotiescumque Auster dominaretur, asthmate corripiebatur. Morbo usque invalescente, media æstate, Sole dies calidissimos, siccosque referente, asthmate (quod nunquam antea actis annis factum fuerat) denuo corripitur, a quo ferme assidue usque ad mediam hyemem laboravit. Sternutamento incipiebat asthma, & sternutamento dissolvebatur. In Paroxysmi vigore vox stridula, & gracilior fiebat, sibilumque aerem trahendo, edebat. Signum Asthmatis imminuentis

nentis erat fames Serotina, qua pridie, quam asthma accederet, fœmina, cæteroquin paucissimi cibi, capiebatur. Quæ Asthmate correpta expuebat, tenuja sed summe viscida erant; extra verò Paroxysmum crassa, & compacta excreabat. Tali igitur tempore in auxilium vocatus, ut expectorationem promoverem, materiem ad pulmones decubituram, alio diverterem, fibrasque irritatas demulcerem; ablegatis laxantibus, quibus ad nauseam per senioremedicum exercita erat; prescripti

℞ Styb. Diaphor.

Sal. Volatil. Succin. } an. ʒ. ʒ. ʒ.

Spermat. cat. ʒ. ʒ.

Ol. anisor. stillat. gutt. ij.

Extract. heder. terres. q. ʒ.

m. ʒ. fol. iiij. aur.

Hiscæ horis medicis, mane, & sero sumptis, superbibebat decoctum ex brodio foli. Malv. Viol; Erysim, radicum Angelicæ, atque Imperator; florumque Papav. Rhæad. Mirum! quantum emolumenti ab hiscæ ægra cæperit; siquidem, vel sub primis dosibus crassa expuens, copiose mingens, ac deiciens (alvo antea erat solidiore, forte ob cathartorum abusum) cæpit melius habere; primoque per octo dies, deinde per plures, cum magna sua consolatione, & mea laude ab asthma

immunis degebat. Quod cum denuo accederet; per dictorum remediorum vim, crassa, viscidaque materia excreta, paucas intra horas solvebatur. Observavi, quod etsi nivosa, & algida tempestas mulierem asthmaticam non redderet, Auster, vel leniter flans illam respirationis difficultate mulctaret. Tunc cogitare cæpi, quod si remedium aliquod invenire possem sumptis indicationibus satisfaciens, quoque ægra absque repugnantia, & nausea uteretur (a bolis siquidem, & decocto, tanto cum profectu præscriptis abhorrebat) congenitis morbis radicibus intactis, morbo si effectus tollendi forent. Animo itaque subiit tinctura sulphuris Willisiana quam more Rosoli, ad unciam semis jejuno Stomacho sumendam præscripsi. Quid referam? Hoc remedio constanter usa, per quinque annos ab asthma immunis vixit; ac sui juris facta, vel Austro flante nocturnæ auræ se exposuit; personata incessit; ad Mensium fluxum nihil incommodi sensit, Venerisque maritalibus præmiis (semper tamen infæcunda) absque ullo amarore potita est; donec febris mali moris, ut mihi ab ejus marito postea relatum est, ante tres annos optimam mulierem, ævoque longiore dignam, superis daret.

II. Si qui ex morbo si effectibus; suam nobis primævam originem, remotasque causas obtegunt, ii sunt certe, quos sinistris alitibus,

bus, vel hæreditatis jure, vel congenitos e matris sinu nobiscum ferimus. Nihil tam abditum in universa Pathologia est, quam horum morborum semina; cum licet gradatim ab iis, quæ visuntur ad non visa, quantum potes ratiocinio ascendas; modo remotiora, modo proximiora suis causis effecta solummodo detegas; id vero, quod primæ causæ rationem habet, vel acutissima mentis acie, summisque ingenii viribus instructus, nunquam contingas. Propterea, quicumque in causis hisce detegendis studium suum ponere vellet, mihi videretur profecto viribus mentis abuti; quibus potius utendum in morbosorum effectuum consideratione utpote ea, quæ non parum opis ad dictos morbos, nisi averruncandos, saltem palliandos conferat. Si enim horum effectuum naturam dignosces, iis uti poteris præsiidiis, quæ tametsi causam ab agendo non abducant, ejus tamen affectus nascentes, vel tollant, vel ita corrigant, ut nocere non possint. Sic, si quis noxiam virentibus fatis, arboris umbram arcere velit nolit autem, aut nequeat arborem vel radicitus extirpare, vel a foliis ferendis quoquomodo avertere; sat erit, si prout explicari incipiunt ab umbriferis ramis nascentia folia divellat. Quæ res, cum summæ utilitati humano generi futura sit; nunquam satis miror, cur eam Clinici sicco, penè dixerim

xerim; pede pertranseant, ac de morborum per traducem acceptorum, vel congenitorum, qui incurabiles audiunt, palliativa curatione tam pauca habeant; præsertim cum ad hujusmodi studium Hippocrates Medicos excitasse visus sit (a) cum tradidit: *incurabilia cognoscere oportet, ut quam minime ledant*. Scio quidem a diuturnis, atque incurabilibus ægritudinibus conflictatos rhædere ad remedium, quibus dicti morbi palliandi forent, continuum usum. Sed id, cui dictis in casibus studere deberent medentes, est Medicaminum delectus, atque elaboratio; ut ea eligantur, quæ absque apparatu medico familiaria, non minus, ac The, vel Coffe potus reddi possunt. Si quis Podagricos, Nephriticos, Epilepticos insultus ita præcavere scirer, non ne jure merito, vel Numini alicui, ut de Medico Philosopho dixit Hippocrates, esset æquiparandus?

III. Congenitæ in Nobili muliere causæ morbosum effectum, qui causæ proximæ rationem sumebat, putavi esse lentiores, tenacioresque lympham, seu pituitam, quæ glandulas Laryngis, Tracchææ, Bronchiorumque obstruendo, & tumefaciendo, aeri illac transıturo obicem poneret. Ita vero, ut sentirem, tum antecedentia, tum consequentia faciebant. Si enim ex causis manifestis ante-

R

ceden.

(a) De Articul. tex. 68.

cedentibus Austri flatus , auramque nocturnam consideremus ; cum ista humefaciendo , transpirationemque impediendo , nedum catharralem materiem in cruore progignant , sed hanc ob nativam Pulmonum diathesim eo illapsam , ibi ulterius stagnare faciant , crassio remque reddant , aerearum viarum glandulas immediate afficiendo , dictarum glandularum eam tumefactionem causabantur , quæ respirationis difficultatem induceret . Tenacitas vero eorum , quamvis tenuium , quæ mulier meis nondum usa præsiidiis expuebat ; crassiora deinde , quæ remediis expectorantibus usu , cum euphoria , & morbi solutione excreabat ; satis abunde ostendunt , ab hisce crassis , lentisque asthma produci . Oportet enim ex Hippocrate (a) causas unius cujusque ea putare , quæ cum adsunt , talem modum fieri necesse est , cum permutantur in aliud temperamentum , cessare .

IV. Coitus vero , mensiumque fluxus , non morbi , ni fallor , effectrices , sed occasionales causæ fuere . Cum coitus sit vere parva Epilepsia , qua universum nervosum genus , dulce quidem , sed tamen convellitur , & extimulatur ; fieri non potest , quin universa humorum massa novis motibus cientur , succorumque ab ea abscedentium separationes aliquam alterationem patiantur . Porro ex quotidiana obser-

(a) De veter. Medic. tex. 33.

observatione constat, Anomalorum motuum effectus, partibus in illis potissimum manifestari, quæ aliquo vitio laborant, seu præternaturali aliqua diathesi affectæ sunt. In nostro igitur casu, Trachæales membranæ, & glandulæ potissimum afficiebantur, ibique stimuli ratione crassior lymphæ (etenim extra Paroxysmum crassioribus sputaminibus difflabat hæc mulier impacta, atque a fibrarum crispaturis detenta, aeri Pulmones ingressuro obicem ponebat, respirationisque difficultatem causabatur. Paucis mutatis, eadem de mensium fluxu dicenda; non enim, vel omnino recte valentibus fæminis Menses accedunt, sine aliqua universi corporis alteratione. At magnus Hippocrates, Asthmaticarum affectionum incrementa, & progressus, perbelle, omninoque Mechanico modo explicuit (a) *Præ multo autem ac denso spiritu, valde viscosum citra concoctionem fit sputum, & egressum fieri prohibet.... Atque sci mutuum opem ad malum inter se conferunt, dum, & sputum impactum, densum spiritum facit, et hic cum densus sit, sputum insuper viscosum facit, & lubricum fieri, & elabi impedit.* Pulmonis prælum, contra ac putavit Helvesius, utque videre est apud Doctissimum Michelottum (b) liquida premit, miscet, solvit, motuique

R 2 aptio.

(a) De ration. vict. in acut. tex. 8.

(b) In Epistol. potissimum ad Fourenell.

aptiora reddit: id vero præstare non potest; nisi aer ejus penetralia ingressus, vesciculas pulmonales dilatet. Cum vero aeri aliquod obiciatur impedimentum, non potest, ut semper cum magno magistro loquar, *intra ferri cogitur autem cito extra ferri*. Ob id non se explicante Pulmone, liquida non premuntur, neque solvuntur, sed crassiora fiunt, sicque *præ multo, ac densa spiritu valde viscosum fit sputum*, taleque redditum, *densum spiritum* facit, ut densus spiritus sputum lubricum fieri, atque elabi impedit. A retento itaque sputo, atque a fibris crispatis exiliore glottide facta, ejusque rima a glandularum circum circa confitarum protuberantiis inæqualibus exasperata, gracilior, stridulaque vox fiebat; spiritusque illac transeundo, sibilum, ut per fibrarum rimulas assolet, edebat. At cur morbus sternutamento incipiebat, & sternutamento dissolvebatur? Stimulus, quo ab appellente sive præternaturali, sive copiosiore lymphæ membrana glandulosa Trachææ percellèbatur, Schneiderianæ mucosæ continuæ narium membranæ comunis fiebat. Ibi irritato secundo ramo paris quinti nervorum cerebralium, qui cum sexto pari conjugationem intercostalem constituit; accedentibus quoque irritamenti vagi paris in larynge, & Pulmone; musculi respirationi dicati ad quos dicti nervi obeunt, eo motu percellèbantur, qui aerem

tem vi, ejectioneque violenta trudendo, sternutamentum efficit. Cur vero in fine morbi motus idem fieret, non ita facile explicatu est. An membranæ viventes dum cessante stimuli actione laxantur, tremoribus aliquibus tremunt, ut chelium fides, per quos musculis respiratoriis in casu illi motus contingerent, qui eos in sternutationis motum adigerent? Sic neque pronum est explicare, cur insolita famēs Proximi esset prænuncia. An crispati nervosæ Ventriculi tunicæ signum erat illius crispationis, quæ membranis Trachæalibus inducebatur? An succi gastrici exaltati indicare poterant, sales quoque sanguinis quibus Trachæalis lymphæ cogi posset, exaltari, ut optimus Willisius (a) evenire putavit in casu formosæ mulieris hæreditaria periodica cephalalgia laborantis, quæ pridie morbi accessionem, vesperi valde esuriens, cænam uberiores cum appetitu famelico, ne dicam canino, vorabat? At hæc nullis, nisi hypotheticis fundamentis inniuntur, quibus uti in phænomenorum morbosorum explicatione, idem esset, ac peccare contra ultimam ex regulis a me in Præfatione latis, qua protuli, pro ratioeiniis Medici fundamento nil nisi data, & certa ex Anatomico, atque experimentalis penu esse sumenda, atque ab hypothesis semper abstine-

R 3

nem.

(a) De anim. brutar. P. 2. c. 2.

nendum. Sagacioribus itaque effectuum a me non explicatorum causas rimandas relinquo.

V. Circa morbi Idiam, me minime hallucinatum fuisse, juvenia satis ostendunt. Cum enim hæc vi pollerent, crassiora, & tenaciora solvendi; expectorationem promovendi; morbosas sæculéntias a pectore derivandi; fibrasque demulcendi; & mulierem facile a præsentē morbo sanarunt, & impofterum assidue, quotidieque usurpata, a futuro immunem reddiderunt. Cum verò in operibus Willissii suæ sulphuris tincturæ descriptio minime proftet, rem medentibus utilem me facturum existimo, si hujusce remedii ad plura utilissimi descriptionem subnectam.

℥ *Vini Hispanic.* ℔. i

Flor. Sulphur. ℥. ij.

Sal. volatil. C. C. } an. ʒ ij

Succin.

Stent simul in digestionē per quatuor dies; postea cola.

Ut hæc maxime juvabit, cum tenax catharrus glandulas obstruens humorale asthma producet; sic contra quammaxime oberit in Asthmate sicco, cumque ab acrioribus sanguinis spiculis primario agentibus convulsivum asthma exorietur.

VI. Quispiam hic me impetere ita posset: Asthma hoc pro humorali habuisti; interim sapius fibrarum spasmos in medium adduxisti,

&

& remedia, irritatas fibras demulcentia, ut
ais, in usum revocasti : sic quasi centonem
consuisti convulsivum asthma humorali com-
miscens. Quæ est ista in piscem desinens
mulier formosa superne? Mihi asthma humora-
le est, cum efficiens causa est obstructio glan-
dularum internæ Pulmonalis membranæ a pi-
tuitoso humore, crassoque. Convulsivum ve-
ro, cum ejus primaria effectrix causa est con-
vulsio, seu strangulatio Trachææ. Verum,
sicuti spasmus, & strangulatio Trachææ,
lympham Pulmonicam, nulla cæteroquin,
præternaturali crassitiæ, viscositateque dona-
tam, crassiorem, tenacioremque efficit (spi-
ritus enim densus sputum viscosum facit)
sic tenax, & viscosa pituita Trachæam obsi-
dens, & respirationem impediens, aliquam
fibris distentionem non inducere non potest.
Etenim, vel solus nifus, quem difficulter re-
spirando animal exerit, illis irritamento est,
ut convulsorio modo afficiantur. Ob id in
asthmatis quoque humoralis Paroxismo, dum
pituitæ anacatharsis promovetur, crispatis
etiam fibris demulcendis studendum est. Id
tamen iis præstetur, quæ sputum suppressere
non valent, qualia sunt leviora anodyna,
atque mollientia, quæ *spirituosiss*, & dissol-
ventibus sociata, perbelle utramque absol-
vunt paginam, votoque respondent. Hinc
nosci poterit, & cur fibrarum crispaturas in

medium adduxerim, & quare remedia crispas fibras lenientia, exhibuerim.

VII. Verum, an bene purgantia in Asthmatis Pectoris humoralis Paroxismo, ut a pleurisque fit, exhibentur? Id cum bonis ægræ meæ rebus ab seniore medico præstitum certe non est, Baglivus ex sua, & Ettmuleri sententia, in tussi pectorali (a) purgantia damnat: Galenus (b) tradidit Thoracem, & Pulmones per tussim solummodo expurgandos esse. Celebris Crato (c) scriptum reliquit, se re ipsa comperisse, tutissimum esse in morbis Pectoris a Medicinis purgantibus abstinere. Profecto, quod si naturam morborum medicatricem imitari velimus, raro hæc admodum morbos pectoris per alvi fluxum ad sanitatem perducit. Dico raro, quia Galenus (d) Meminit vomicæ Pulmonaris per alvum feliciter expurgatæ, ipseque vetulam Peripneumoniam lethaliter decumbentem, alvo sponte fusa sanatam, vidi.

VIII. De venæ vero sectione in Asthmatis Paroxismo celebranda, quid dicendum? Ut hanc improbet Clar. apud Veronenses medicus, Rotarius, asserit in suis Epistolis, nil aliud pro causa asthmatis cognoscendum, quam

(a) De tussi

(b) Ad Glauco. l. 2. c. 2.

(c) Apud Scholizium Conf. 4.

(d) 6. de loc. affect. c. 4.

quam lentus humor Pulmonalibus glandulis impactus. Ad quid, ait, sanguis insons detrahendus? Ita male delirantibus Regibus, pleſtebantur Achivi. Quod vir iſte Medicam Praxim ad antiquæ utiliſſimam, nitidiſſimamque ſimplicitatem reducere velit, & collando, & approbo. Sane artis præcepta a quibusdam Logodædalis Scriptoribus, ita argumentationibus, tricis, hypotheſibus involvuntur, ut potius Dialecticæ, quam Medicæ Scholæ convenient. At pace tanti viri dixerim minus vereor, ne dum exoticis ornamentis, quibus luxurioſe defluit, Graviffimam Matronam, Medicinam expoliat, ea quoque illi detrahat, quibus non ſine decoris amiſſione carere non poteſt. Non ſola glandularum Pulmonalium obſtructio aſthma cauſatur, neque intra Bronchia ſolummodo quæ aerem a facili in veſiculas ingreſſu arcent, ſtabulantur, ut male putabat Maſſarias (a) contra avicennam. Sanguinis fluxus impeditus, vel ipſius cruoris vitio, vel vitio vaſorum coarctatorum, aut compreſſorum, non raro, ut cauſa proxima, reſpirationis difficultatem inducit. Quandoque in ſanguineo temperamento præditis, vel Trachæ ſolus pituitoſus inſarctus, ita per Pulmones ſanguinis curſum comprimit, ut morbus, ratione effectus ſanguinis miſſionem, nedum poſcat, ſed flagitet. Nil

(a) Apud. Sennert.

hil enim citius liberum illi circuitum per Pulmones conciliat, ex probatissimis Practicis, quam venæ sectio. Ego virum Orthophnoicum primam ferme cum pulsu exilissimo agentem, vena secta, vel e vestigio sanitati restitui. Puer quoque quinquennis, cum hydropis suspicione, orthophnoicus, atque a suo Medico pro desperato habitus, me sanguinis missionem præscribente, pancratice valens vivit, cujus cum duriores cruorem ejus ordinarius Clinicus inspexit, sententiam mutavit, venamque denuo pertundendam, quod præstitum fuit, ingenue edixit. Cum igitur; sive ex Plethora, sive ex exili pulsu, sive ex faciei rubore conjici potest, sanguinem per Pulmonum vasa non libere fluere; tametsi crassior lymphæ faciat, ut Pulmones laborent, quidquid ajat Clariss. Rotarius, sanguis est educendus. Verum enim vero, si sensibus danda fides est, non sola crassior pituita, Pulmones, eorumque glandulas obstruens, asthmata inducit. Concretiones osseæ, lapideæ, grandinosæ, arenosæ, Pulmonum cum Pleura coalitus, non raro difficilem respirationem reddidere. Talibus in casibus, an quæ lympham solvunt, indicabuntur? An non sanguini, sive per copiam, sive per motum turgescenti, transitus per arctata, & compressa vasa, vena secta conciliandus?

Hoe:

Hoechsteterus a sanguine atro (a) Pulmones infarciēte Asthma excitatum vidit. Har-Wejus, & Schneiderus (b) a transitu sanguinis per Pulmones impedito. Willisus (c) secavit juvenem asthmaticum, ob venæ Pulmonicæ truncum prope insertionem in cor lapidescentem, per quem sanguis, non nisi filo tenuissimo cordi instillabatur. Quid quæso hic expectorantia, quid Mercurius valuissent? Quicumque hujuscemodi asthmaticis, labores cum vita producere velit; id, non hercle perdiscoagulantia, solventia, in motum cienta, sed per venam sectam solummodo, præstare poterit. Hypotheses; Logomachix; ineptæ, atque Ideales divisiones, utique a Medicina abijciem dæjat sedulo curandum, ne vitium vitantes in contraria curamus, Præceptisque generalioribus, quæ Ars Medicinalis vix recipit, nimis facilem Praxim reddere studeamus. Licet hæc ad meam historiam proprie non pertineant, ea tamen obiter annotasse, non omnino inutile duxi.

(a) Apud Bonet. in Sepulc. T. 1. sect. 23. Observ. 19.

(b) Ibid. obser. 10. 11.

(c) Pharmac. tation. Sect. 1. c. 2.

E I N I S.

NOVA

NOVA, ET RARISSIMA M E N S I U M V I A. O B S E R V A T I O X.

M

Mulier ex Insula Ladeſta Raгуſinorum ditionis, noviffimis diebus, quibus Corcyrae nigræ morabar ad me ducebatur expectens conſilium contra rariffimum morbi genus. Floridi temperamenti, hilaris, & perfecte valens antequam viro jungeretur; anno ætatis vigefimo nubuit cuidam, & gravis da fit. Prima hac vice, qua utero gerit, naſcitur illi pone aurem ſiniſtram ſupra Lambdoidæam ſuturam tuberculum piſi magnitudine, quod a muliere flocci factum, altera vice, qua prægnans evadit in fatiſnotabilem molem excreſcit. Tempore intra dictos partus medio, vix videbatur incrementum capere, cum tumido exiſtente ventre, ac ſi tunc pabulum ipſi accederet, feliciffime creſceret. Prout adoleſcebat hoc condyloma, parcius fluebant menſes; quorum per loca naturalia efluxus tertio purperio exacto; omnino ſupprimebatur. Hoc tempore in fungiformem eſcreverat figuram; cum nondum
ſilio.

filiioli, quem enixa erat, lactatione absoluta;
per superiorem carnei fungi umbellæ faciem
cæperunt statò tempore erumpere menstrua,
apertis ibi tribus foraminulis, quæ extra
menstruationis tempus erant inconspicua.
Nihilominis, tametsi ab utero non amplius
exiret sanguineus fluor, quarta vice sit ma-
ter, fungosumque sarcoma jam obtinet trun-
cum ultra quinque meos transversos digitos
longum, diametri duorum digitorum trans-
versorum, umbellamque tres meos transver-
sos digitos latam, Res visu fæda, similisque
ex parte tento asinino. A parte postica, &
inferiore trunci repit ad umbellam nigricans
vena, & veluti varicosa magnitudinis calami
scriptorii mediocris, & convexa umbellæ su-
perficies, quam brassicæ folio contegit mulier,
ichorem saniolum continuo plorat. Ab ulti-
mo partu, non amplius stata periodo exit
sanguis; sed quandoque bis, quandoque ter,
sæpiusque aliquando per mensem (septem ve-
ro menses ab novissimo partu excurrerant
tantam sanguinis copiam umbella fungi eru-
stat, ut præ virium imbecillitate, & languo-
re Foemina veluti mortua jaceat. Ejus rusti-
cus Maritus araneorum operibus sanguinem
fistere tentat, quem tamen comprimi potius
præ virium collabescencia puto. Cum quan-
doque illi ad manus araneorum telæ non fo-
rent, tabaci pulverem conspersit; a quo sævi
adeo

adeo distendentes, lancinantefque dolores in internis capitis partibus oborti sunt, ut parum abfuerit quin ægra moreretur. Ab hisce nimis sanguinis effusionibus, jam æreo colore facies fædari incipit, cum antea rosei floridique esset aspectus: quin adhuc non obscure apparent veteris vestigia formæ. Hypochondria, uterique regio mollissima se tactui præbent, nulla resistentia, tensione, aut dolore ibi occurrentibus, atque muniis naturalibus adhuc optime fungitur.

II. Interrariores, rarissima oppido mensium via! Perlegi utique apud scriptores ex oculis, ex inguine, e pede, e stomacho, e pulmonibus menses fluentes; verum quod natura nova sibi organa, qua hæc excretio perficeretur, pararet non adhuc apud quemquam mihi videre contigit. Inter hujuscemodi casus, quos legi, qui prostat apud Riverium (a) de Virgine, cui per pustulam in capite exortam, statoque tempore se se ad emmittendum sanguinem aperientem; fiebant menstrua, aliquo modo similis huic videtur, saltem quoad locum effluxus. Verum aliæ sunt in casu meo circumstantiæ; quæ, ut hunc ab altero haud parum diseminant: excrefcentiam dico: tempus exortam: incrementi modum: inordinatas, quæ novissime successerunt denique, hæmorrhagias; sic ut literis inter ea, quæ rarissime accidunt

(a) Prax. l. 15. c. 2.

accidunt consignetur, sibi haud immerito vendicare mihi videntur.

III. Historia itaque exarata, nunc mihi quatuor examinanda propono. Primum fungi exortum, & incrementum: sanguinis inde fluxum: tertio, quid mulieri a tali morbo timendum sit: ultimoque, an tuto excindi potuerit.

IV. Antequam tamen quomodo condyloma hoc adoleverit exquiram, locum exortus noscere est animus; quem cum manu, vel oculis consequi minime datum sit, mentis acie, probabilibusque conjecturis assequi conabor. Et si quilibet tumores, quaslibet corporis nostri partes obsidere possint, tota siquidem corporis substantia, si præscindas a primis terreis solidulis itaminibus, cava, & vasculosa est, hoc est generis ejusdem; nihilotamen minus jure quodam, veluti sibi proprio, quidam tumores, quasdam præ aliis, corporis nostri partes, corripere solent. Cum ii, qui sub nomine apostematum veniunt, cuicumque parti adnasci videmus, eos tamen, quos schiprosos vocamus, glandulosum, quod dicitur genus, potissimum obsidere, quotidiana Praxis evincit. Sic ii, quos excrescentias appellamus (sive sarcomatosi, sive follicularas tumores audiant) membranaceis potissimum partibus adhærere, non difficili observatione, neque infrequenti auctoritate probare est. Utque ab universalioribus

ribus exordiamur; pedum verrucæ (sive Myrmecias, sive clavos eas vocites) observat Bonetus (*a*) quod subjecto perioestio radices infigant. Cyrtiformes tumores a subjectis membranis tunicam, qua involvuntur mutuare, triplici observatione edoctus sum. Quod si peculiariter de fungiformibus excrecentiis sermonem instituamus; sæpissime a meningum occulto vitio hæc pullulare (quamquam & aliis partibus adnasci notet Sennertus) asserit cum Hildano (*b*) meritissimus Bonetus (*c*). Huc facit observatio Velliferii heu? (nimis prope morte nobis erepti, cuius tam cari capitis desiderio quis pudor erit, aut modus?) Huc facit, inquam, Valliferii observatio (*d*) de fungorum sobole è meningibus cranio quoque divulgis, & in vase asservatis productorum; quas meningas post cranii trepanationem in fungiformem excrecentiam pullulare, adnotavit vir Generis Nobilitate, & doctrina clarus Marchio Landi (*e*). In capitis plaga cum cranii fractura, crassiorem meningem in fungum se producentem vidit Samuel Anhornius (*f*); fungosamque substantiam a dura matre ortum ducentem sarcomati

adna-

(*a*) Sepulchr. l. 4. sect. 2. observ. 25. 55.

(*b*) Centur. 2. observ. 19.

(*c*) l. citat. sect. 2. ad observ. 2.

(*d*) In Museo Minervæ T. 9. p. 6. 1708.

(*e*) In supplem. ad Diar. literat. T. 3. artic. 6.

(*f*) Apud Bonet. l. citat. sect. 3. observ. 23.

adnatam, observavit Larcheus apud Severinum (a). Propterea jure merito Clarissimus Scultetus adnotavit (b) quod ubi læsum, & fissum cratum est, si fungosa caro subcreseat, certissimum signum sit, nisi substantiam, saltem cerebri membranas contusas, & laceratas. Ex hisce omnibus observationibus, haud a probabili abhorret concludere: sarcomatosas excrecentias, e partium subjectarum, quibus insident membranis, sui ortus principium trahere.

V. Hisce tamquam probabili fundamento præjactis, externis solummodo capitis tegminibus, adnatum fuisse fungosum sarcoma huic Foeminæ minime puto; verum, vel a pericranio, vel a cerebri Meninge; quæ sicuti per suturas ad excitandum pericranium producit; ita fibras, ac vascula sensui, nutritionique condylomatosis debita, per Lambdoidæam suturam, cui fungus insidebat, potuit impertiri. Huic meæ conjecturæ illud quoque non parum favere videtur; quod cum ad nimis large fluentem sanguinem compescendum ob telarum aranearum defectum, maritus misellæ aliquando Nicotinnæ irritantem pulverem conspersisset; aborti inde in internis capitis partibus dolores, tantum ægram non enegarunt. Signo mihi haud obscuro; quod cum dolentibus par-

Si Livio adnotatibus

(a) In lib. de abscessib. apud Bonet. l. citat. sect. 2.

(b) In anat. Chirurg. Observ. 19.

tibus a tabaco nimium vellicatæ sarcomatis sentientes fibræ, immediate, ac primatio, ut dicitur, communicent. Ibidem verò aliquod a nativitate vitium adfuisse, quod a causis infra recensendis in talem excrescentiam pullularit, haud irrationabile est suspicari. Nunc morbi sede probabilibus conjecturis detecta, morbi ejusdem exortum, & incrementum emucleemus.

VI. Ægritudines, quæ primis gestationis mensibus gravidæ mulieres corripunt, ex sanguine menstruo secerni impedito ob clausum uterum, & fœtu tamen non potente hætenus in sui incrementum eum absumere, penderè, magnus tradidit Medicus Boerhaavius (a). Hanc sanguinis exuberantiam, nedum ex mulieres notam faciunt, quæ & si sanæ, sanosque fœtus edentes, Hippocrate etiam notante (b) primis gestationis mensibus aliqualem sanguinis fluorem e naturalibus locis patiuntur; sed illæ quoque, quæ innoxium quotidie cruoris vomitum ex Scarfio (c) atque aliis, quæ stillicidium e naturalibus locis usque ad partum sine naxa perdurans ex Pechlino (d) passæ sunt. Ipse Nobilissimam Matronam, sanguinis ferossioris, acriorisque nosco, cui, cum superioribus imprægnationibus

men-

(a) Morb. Gravid. 1293.

(b) de nat. puer. tex. 4.

(c) Apud Bonet. in Med. Septentr. T.2.L.4. observ. 10.

(d) Apud eund. ibid. observ. 9.

menstrua solitum primis mensibus servare ordinem; novissima gestatione, ut mihi sepe retulit, nedum ipsi, veluti vacuo existente utero menses fiebant, adeo ut nihil de graviditate suspicaretur; sed etiam septimo mense copiosam hæmorrhagiam passa est absque abortu, debitoque tempore puellam peperit, quæ contra Hippocraticum effatum (a) apprimè sana, ante paucos annos in quodam Illustri Parthenodochio Religioni se vovit. Inde fit, ut hisce mulieribus sanguinis detractio optime consulatur; quamquam ex Coi (b) sententia antiquiorum Medicorum schola sibi persuasisset, mulierem, quæ ita curata esset abortum esse facturam. Quapropter mulieres illæ, quæ sanguine abundant, effectibus ab hacce exuberantia pendentibus, magis obnoxia sunt. Quod si sarcinam, qua data porta, natura non deponat, metastases humorum mirabiles consequuntur, ut in iis, quibus *menses viam non inveniunt* ex quotidiana praxi, & Martiano videmus (c). Dixi hanc sanguinis redundantiam eisdem producere effectus, quos *menses viam non inveniunt* edere solent. Cum enim sanguis ad uterum appulsus, neque consumatur totus, neque ab utero exire possit, (in iis enim Fœ-

S 2

mints)

(a) Aphor. 5. 60.

(b) aphor. 5. 30.

[c] Sup. tex. 3. l. 1. de morb. mul.

minis, quibus salvo foetu menstrua gestationis tempore fluunt, non jam a menstruorum genuino fonte, quem cum Martiano (a) Hignoro (b) Granffio (c) Boneto (d) atque, ut unum pro cunctis afferam, cum magno nostro Morgagnio (e) uterum esse puto; sed è cervicis uteri hæmorrhoidibus exeunt) reliquum est, ut a vasis revehentibus in orbem rapiatur denuo, neque enim in uteri cavitate absque grume-factione, & putredine morari posset. Quod si ibi restitaret, morbi ex utero, & circa uterum orirentur, quemadmodum in *mensibus occultatis* seu, ut explicat Martianus, in uteri sinum utique delapsis, sed ob uteri, vel ipsius osculi vitium exire non potentibus, videmus. Falsæ siquidem graviditates, uteri hydropes, dolores, exulcerationes, atque id genus alia, in utero superfluum sanguinem stabulare ostendunt. Porro & si facile sit, quemlibet morbum a sanguine hoc ab utero reduce oriri; attamen facilimum est videre, nisi pars aliqua ex se debilis, & male sana ad se morbum trahat, caput maxime, & frequentissime infestasi. Quod ut in non prægnantibus furores, cephalalgia, morbi comitiales, resolutiones nervorum,

(a) Loc. cit.

(b) apud Bonet. l. 3. sepul. l. 3. sect. 35. ad observ. 1.

(c) de Mul. organ. c. 9.

(d) loc. citato

(e) Adversan. 1. 4. animadv. 27.

vorum, oculorum caligines, facies subtumida; sic etiam in prægnantibus vertigines, melancholia, lachrymæ involuntariæ epileptici insultus, omnia affectû capitis indicia, ostendunt. Hanc sanguinis ab utero reducis ad caput tendentiam, Latinus Hippocrates Celsus (a) notasse videtur, qui partes omnes morbis inde ortis obnoxias equidem pronunciavit, sed hos ad caput potissimum tendere respexisse visus est, cum dolores capitis a mensuruis non provenientius primo loco, & peculiariter quidem annotavit. *Quibus Fœminis menstrua non proveniunt, necesse est capitis acerbissimi dolores sint, vel qualibet alia pars morbo infestetur.* Lommius quoque observationum per celebris scriptor inter symptomata præcipua retentorum mensium, capitis affectiones enumeravit (b) *ubi prætermo- dum, præterque ætatem retinentur, totum corpus sit grave, doletque caput cum gravitate præcipue anterioris parte.* Hic dolorem capitis anterioris noto: ex hoc enim, non de mensibus *in utero occultatis*, sed de *viam non invenientibus* auctorem locatum fuisse conficio. Si enim de occultatis locutus fuisset, ex utero morbos exorientes notasset, juxta illud Hippocratis: *& non prodeuntibus ex utero morbi contingunt.* (c) Por.

(a) l. 2. c. 7.

(b) observ. Medic. l. 2.

(c) aphor. 5. 57.

ro ex utero, omnibus Practicis adstipulanti-
bus, non jam anterior capitis pars, sed occi-
put dōlet. De dolore igitur ob sanguinis me-
tastasin loquitur, ab sanguine factam in sinum
uteri delabi non potente, in qua idyopathice,
ut plurimum, partes afficiuntur, non vero
sympathice ab utero, ut vulgus medicorum
putat, male Hippocratici aphorismi auctori-
tati innixum; cum Cous senex, nunquam de
retentis Menstruis a causa sanguinis interna
verba fecerit, sed in uterum semper vitium
refuderit. Quod clare patet, tum ex libro
de sterilibus (a) ubi curationem tradens il-
lius, cui menses non apparent, *aut pauciores,
& per amplius tempus, & non sani, licet uteri
stomacho recto, & molli, & sano, & probe ha-
bente, & in debito loco sito*; nihilominus ute-
ri aliquod occultum vitium agnoscit, ute-
rumque probe purgare præcipit; tum libro de
superfoetatione (b) ubi ejusdem affectus, per
specilla, fomenta, ac mollitoria curationem
prosequitur. Cui Hippocraticæ Doctrinæ in-
hærens Clar. Tozzi (c) ait: *at vero in men-
struorum suppressione defectus hic videtur omnino
adscribendus utero, aut quia illabentem sangui-
nem non admittit (en menses viam non inve-
nientes) aut illapsum excipit, detinetque (en
menses,*

(a) tex. 9.

(b) tex. 17.

(c) sup. 5. aphor. 57.

menes, quos vocat Hippocrates occultatos). Quæ etsi haud vera semper existimem, cum etiam a causa sanguini interna suppressio hæc exoriri possit, & de facto, quandoque exoriat; an contra suppressos menses optime semper agitur, dum incidentibus, deobstruentibus, ad uterum impellentibus, agitur? Non ædepol, verum his nunc non est locus.

VII. Multiplici observatione hanc in gravidis ab utero ad caput tendentiam illustrare possem. Verum cum hos casus apud observationum collectores facilimum sit videre; ab iis enarrandis supersedebo, luculentumque, quod mihi contigit videre exemplum, solummodo afferam. Mulier Narentina, atrabiliaris temperaturæ, computationibusque indulgens; primis mensibus, quibus uterum gerit, fatua fit. Foetu enixo, puerperiique purgamentis parce fluentibus, remanet Maniaco-melancholica. A rudi gente a Lamiis credita divexari, ad Sacerdotes deducitur; a quorum uno aliquantulum nasutiore, prodigna, ut erat, quæ Antyciram navigaret, habita, ad me mittitur; eamque insperato, ac felicissime, liberaliore e brachio, pedeque sanguinis missione, nihil obstante pulsu tenui atque exilissimo, tempore eodem celebrata, acrioreque cathartico, sanitati restitui, sciensque, ac prudens Naronam rediit. An non in muliere ob atrabiliare temperamentum tali

morbo obnoxia, sanguis a vino excalefactus, cum per uterum exire non posset, metastasi ad cerebrum facta, deliræ affectionis causa fuit? Verum quid opus pluribus? Cum etiam in naturali statu habita molis ratione, major sanguinis pars ad caput, quam ad reliquas corporis partes deferatur, ex Malpighio (a) & ramorum arteriosorum ad caput reptantium contemplatione; si sanguinis copia augeatur; talis copiae augmentum magis in capite, quam in aliis partibus manifestari debere, mihi videtur. Hæc igitur, ni fallor, causa est, cur tam in mensibus viam non invenientibus, quam in gravidis, cum illis sanguinis copia superest, caput potissimum, nisi aliqua pars male valens ad se morbum trahat, gravari, atque opprimi videamus. Tanti laboris erat Ladestanæ Fœminæ fungo- sum sarcoma convenire?

VIII. Igitur Mulier, quam sanguine abundare, florida, temperies, ætas, hilaritasque status docebant; cum primis gestationis mensibus a puero, sanguis, qui ad uterum fluebat consumi totus non posset; ab utero redux, peculiarem capitis partibus plenitudinem induxit, per quam meningis, vel Pericranii fibræ ad Lambdoideam futuram aliquo probabiliter vitio, ut suspicatus sum, a nativitate donatæ, uberius irroratæ, ut sata a fœ-

cun-

(a) In actis Londin. ac. 1667.

cundo imbre luxuriantia, se se extenderunt; crassiores a copiosiore alimento assimilato factæ sunt; situm, quem cum aliis servabant, mutarunt; Naturæ Mechanicæ, mirabili quidem, nec infrequenti, licet nobis ignota; in capaliculos liquidis, tum nutritioni, tum sensui necessariis, continendis aptos, se se efformarunt; partisque vitio ita eos probabiliter determinante, ut assolent arborum, conorumque fibræ, in fungos, aliasque vivas excrescentias se se producere; in vivum, vegetansque tuberculum, quod tunc pisi magnitudine apparuit, conversæ sunt.

IX. Cum deinde exacto gestationis tempore, uteri sarcinam deposuisset Mulier, sanguisque, qui singulis mensibus superabundat, in sinum uteri vacuum illaberetur, illincque efflueret; copiosius alimentum, quo adolescere posset, fungo demebatur, ideoque ventre vacuo vix alimentum capiebat. Verum prægnante denuo facta muliere, causæ, quæ ut oriretur effecerant, ipsi jam orto iterum applicabantur, uberior nempe sanguinis ab utero reducis alimonia; unde ille tunc felicissime adolefcebat: Ita fungorum sobolem arborum caesorum truncis adnatam, sudo cælo ferme arscientem sæpissime vidi; quæ post sæcundos imbres, denuo succo turgida, ultra fidem intra paucos dies adoleverat. Atque hæc sunt, quæ de ortu, atque incremento sarcomatis divinare

nare potui. Nunc ad sanguinis fluxum veniamus.

X. Vasa ad pelvim in Fœminis spectantia, cæteris minus pressa & resistentia, majorem sanguinis a nutritione superflui copiam in se se admittere, donec is, & mole, & pondere, eorum oscula vi contractili clausa, ubi minor est resistentia, superet, ex hisque effluat in mulierum mensibus, haud probare necesse mihi videtur. Hoc igitur posito, si humorum copia, quæ absoluto nutritionis negotio hypogastricis vasis peculiarem plethoram induceret, vel dematur, vel aliunde derivetur; vim vasa aperientem, vel imminui, vel intotum suppressi, prout major, vel minor sanguinis copia alio derivatur, necesse est. Cum igitur in muliere nostra secunda imprægnatione satis notabilem magnitudinem condyloma adeptum fuisset; opus habuit ad nutritionem non pauca sanguinis copia; qua in ejus nutrimentum consumpta, minorem plethoram hypogastrica vasa ad se se alliciebant; quapropter, prout sarcoma adolescebat, mensium fluxus à dicta plethora pendens, imminuebatur. Verum a nova imprægnatione majus usque incrementum adeptum, tantam sanguinis copiam sibi assimilabat; ut qui a nutritione reliquus erat, inferioribus minus pressis, parumque resistentibus vasis eam plethoræ vim inducere non valuerit, quæ ad vasorum resistentiam superandam, ut ex utero flueret, satis

fatis esset. En siccas itaque mensum per loca naturalia scaturigines. Novam tamen viam sibi naturæ necessitas aperuit. Namque cum vasa ad sarcoma sanguinem deferentia, totidem emissaria sint respectu vasorum aliorum cum quibus communicant; necesse est sanguinis velocitatem per ea accelerari: quæ cum secum trahat ad sarcoma majorem sanguinis copiam, quam vires vasorum sarcoma constituentium ferre queant; ista nimium distracta, tandem dehiscunt, ubi minor illorum resistentia viget; nempe qua per umbellæ superiorem superficiem reptantia, aeris solummodo externi compressionem patiuntur. Dixi ea vasculorum oscula ab aere solummodo comprimi: mihi siquidem, tum ex colore, qui in cute cuticula denudata apparet; tum ex sensu exquisitissimo, quo pollet umbellæ facies superior, tagmine, quo vasa ad aerem exposita cooperiuntur cuticula nempe, destitui visa est. Eam porro vasorum sarcomati plenitudinem, quæ vasculis aperiendis par est, ab hisdem causis excitari puto, quibus ea exitatur, quæ Fœminis, quibus menses per loca naturalia statotempore fluunt, in vasis hypogastricis fit. Quamobrem, cum hæc nonnisi stata periodo agant, menstruationem quoque stato tempore per fungum fieri necesse est. An vasorum revehentium sectiones, recipiendo sanguini illuc ab arteriis delato pares minime sunt, unde

unde cum hic aucta copia turgescit, ab itinere suo impeditus, atque ad canalium apices, ubi ex arteria fit vena copiose accumulatus, facile coercentes tunicas distrahit? Certe vena nigricans, & varicosa, quæ ad fungi umbellam repit, a majore sanguinis vi, quam ferre possit, ægre distrahi, & tumesceri satis ostendit. Id ipsum ostendit ichor, quem umbella continuo plorat: hunc enim nihil aliud esse puto, quam seriosorem sanguinis partem, qui cum ob resistantiam venosi in varicosa vena stagnantis a suo itinere cogatur deflectere; ut summe aqueus est, vel per diapedesim a reliquo secernitur; vel per oscula, ipsi quidem, ut pote subtiliorum partium aperta, non vero cæteris cruoris particulis, evadit. Sic notissimo Loweri experimento, ligata vena, partes a quibus sanguinem avehit, hydropicæ fiunt; sicque sub menstruationis; & Lochiorum finem vascula, quæ rubrum cruorem eructabant, se se contrahentiam fibrosum, globulosumque sanguinem coercent utique; seriosioris vero, & lymphæ exitui, patefcunt.

XI. Quamvis uterus hujusce mulieris, menstruis non amplius perlueretur, nihilominus ejusdem puerperæ denuo exilientis.

Cruore rubros obstatrix pannos lavit.

Hinc facile videre est, quantum fallantur ii, qui infæcunditatis nota signant mulieres, qui-

bus

bus menses non fluunt Cujusce rei præterea, quæ apud historiarum Medicarum collectores inveniuntur, ipse nuper exemplum in quadam rustica schyro hepatis laborante, vidi, quæ licet eam a quatuor annis fluor mensuus defecerit, jam jamque tabe confecta sit; nihilominus intra dictum tempus ter peperit. * Illud quidem verum est, mulierem juxta naturæ præscriptum a mensibus exercitam, & sanam esse, & partes generationi dicatas optime constitutas habere, unde probabilissime fecundari possit. At ex defectu mensium contrarium semper conicere, haud rationabile est; cum iste defectus, neque naturalium partium vitia semper arguat; neque semper adversam valetudinem; neque ulla ineluctabili necessitate sterilitatem inducat. An non aliorum animalium, simiam si forte excipias, foemellæ, absque ullo mensium fluxu prægnantes sunt. Hoc hercle ostendit conceptus negotium nullo modo ab fluxu hoc cruoris pendere.

XII. Ad quartum usque partum statam periodum fluxus iste servavit; quo exacto, quandoque bis, quandoque ter, sæpiusque aliquando per mensem, ut in historia narravimus, fluere sanguis cæpit. Quem mensium immodicum fluxum, non jam ab aliquo sanguinis interno vitio (licet enim æreum colorem

ab

* Tabida obiit

ab nimis sanguinis effusionibus contrahere cœ-
pisset, nihilominus quibuscumque naturali-
bus muniis adhuc optime fungebatur, infi-
mique ventris viscera molliā, faciliāque con-
trectationi se se offerebant) sed ab condylo-
mate ipso; quod cum quo magis increfcit, eo
laxior fungosiorisque substantiæ evadat; eam
sanguinis copiam, quam absque effusionibus
anteacto tempore ad se alliciebat, modo haud
continere par sit. Quin majorem vim sangui-
nis ad ipsum quotidie acciri rationabile est,
cum emissariorum diameter eo incrementum
capiēte quotidie augeatur. Hisce accedit,
quod cum in muliere, quæ nullam sibi in vi-
tæ regimine normam imposuit, ab gestis, in-
gestis, egestisque pati aliquid sapissime debeat
sanguis; si in motu, vel tantillum excesserit,
hunc in vasis ad sarcoma vehentibus accele-
rari, emissariorum ratione, necesse est; id
ipsumque contingere, si copia augefcāt; unde
de sarcomatis vasa, quæ antequam laxa adeo
avaderent, non nisi datæ plenitudini cede-
bant; modo laxiora facta, ob quemcumque
vel minimum motus incrementum, aperiu-
tur. Quem sanguinis motum, mirum, quam
possint vitare animi pathemata! Si enim ex iis
sint, quæ secum majoris momenti species tra-
hunt, quisque videt effati necessitatem: Si
vero minoris; sanguis, qui naturaliter len-
tiore motu in venis, quam in arteriis fertur,

ad huc

adhuc sentior evadens; impedimento est arterioso sanguini pone succedenti; unde hic vasis plenitudine inducta, si ea sint, quæ facile aperiri possint, ex illis effunditur. Non ita pridem Matronæ cuidam immodico mensium fluxu laboranti, medicinam, sed irritam faciebam, licet a Præstantissimorum Medicorum consiliis adjutus; cui, vel levissima animi agitatiō sive ira, sive tristitia ea foret (hoc autem ob domestica dissidia sæpenimum succedebat) sanguinem ex utero accersebat. Sic ii, quibus, vel ex hæmorrhoidibus, vel ex naso sanguis fertur; si vel tantillum plus æquo exercitio incaluerint; vel, ut Plauti verbis utar, se se invitarint in cœna plusculum; vasorum oscula a crebris anastomosibus debilitata, statim sanguinem fundunt. Atque hæc habui, quæ dicerem de ortu, atque incremento sarcomatis, ac de sanguinis, prius periodice, inordinato deinde a sarcomate fluxu. Quæ, si circa abditas morborum causas datum est aliquando hariolari, ita facta fuisse, forte non improbabile, nullo vero modo impossibile duco. Praxi propius nunc accedamus.

XIII. Quid mulieri a tali morbo timendum est? summum sui mali remedium, mors nempe, me iudice. Ut enim ea missa faciam, quæ copiosioribus sanguinis eruptionibus tandem succedere solent; periculum est, ne vires jam fractæ,

fractæ, copiosiorique hæmorrhagiæ sustinendæ impares, quandoque omnino fatiscant. Periculum vero copiosioris usque hæmorrhagiæ vereri haud irrationabile est, quia hæc in diem fit copiosior, frequentiusque recurrit. Nec minus periculum, licet non adeo proximum, ab sarcomate timendum est. Cum enim sarcomata ista felicissime adolescant; partibus aliis necessarium adimunt pabulum, indeque tabem incurabilem nasci necesse est. Scultetus (a) a sarcomate in interna dextri fæmoris parte exorto, biennii spatio eo magnitudinis provecto, ut tria capita humana æquaret, militem Svecicum oppido macilentum redditum vidit, cum antea fuisset corporis habitu mediocriter carnoso. Infantem, vetulam rugosam facie exprimentem, cui, ut recte judicavit Hildanus, moles carnosa occipiti adnata adimebat nutrimentum, unde reliquum corpus, & facies tabescebat, Hildano, Joannes secreta proposuit, (b) Puellæ, quæ carneum fungosum sarcoma dextro oculo subnatum habuit; cuique resecto aliud sub oculo sinistro successit; pedes negatos, diremptosque ob alimentum a sarcomatibus, ad se raptum, judicavit Larcheus apud Severinum (c). Unde scite Celeb. Practicus Ettmulerus,

(a) In arm. Chir. Observ. 93.

(b) Manger. in addit. ad l. 4. sect. 3. Sepulc. ad obs. 9.

(c) Apud Bonet. T. 3. Sepulc. l. 5. sect. 3. Observ. 2.

fungosarum (a) excrementiarum curationem tradens, animadvertit, *quod fungus in principio supprimatur, quia nutrimentum absunit, & corpus ad tabem disponit*. Verum, an non extremis hisce, fungum excindendo occurri posset? Hoc est, quod ultimo disquirendum mihi proposui.

XIV. Fungosas excrementias non semper excindi posse, neque cystiformes tumores semper extirpari; primum quidem animadvertit Ettmulerus (b) laudatus; secundum vero Pecquetius, & Hoechsteterus (c) Quod equidem juxta dictos Auctores tunc minime fieri potest, cum excrementiæ istæ, vel majoribus vasibus adnascuntur, unde iis excisis lethalis hæmorrhagia succederet; vel nervosis partibus adhærescunt, a quibus extirpatæ mortiferas convulsiones excitarent. Celsus (d) Meliceridis, & Atheromatis, quæ manu sit curam tradens; si quando ab inferiore parte tunicæ musculus inhæsit, ne is lædatur, superiorem excindendam, inferiorem ibidem relinquendam docet. Hisce positis, & si in casu nostro copiosiores hæmorrhagiam impedire possemus, fungum scalpelli incidentibus ignitis amputando, quemadmodum maximos tunicatos tumores Chi-

T

rur-

(a) Colleg. Pract. l. 5. de Chirurg. Medic. sect. 5. de tumor.

(b) loc. citato.

(c) Bpud Bonet. T. 3. Sepulc. l. 4. sect. 2. ad observ. 15.

(d) l. 7. c. 6.

rurgorum Princeps ab Aquapendente (a) &
 ex hoc Scultetus (b) amputandos esse docent;
 nihilominus, locum, cui fungum adcrevisse
 conjectavi, periculosiorem amputationem ef-
 fecturum mihi persuadeo. Pericranii vulnera,
 & si nunquam periculo careant, tunc tamen
 periculosiora esse, cum futuris proxima fiunt,
 praxis quotidiana evincit. Latomi filium,
 cum saxum per funem trahendo in latus ceci-
 disse, caputque schedis Marmoreis pavimento
 superjectis allisisset, vulnusque, ut levissimum
 nihil curasset, sed in officina usque ad no-
 ctē pensum præscriptum exequi perexisset;
 cum media nocte nervorum distentio
 accessisset, die secundo a convulsione apho-
 num convulsūque emori aliquando vidi, li-
 cet contusione simplici pericranium ad coro-
 nalem suturam perstrinxisset. Alium vero e
 casu, capite ad verticem cum cranii fractu-
 ra vulneratum, post ossis abscessum, perfe-
 ctissime sanitatem recuperasse annotavi; licet
 ex Hippocrate (c) ejus loci vulnera cæteris
 sint lethaliora, ibi enim, ut ipse ait, & A-
 natomes ostendit *cranii os tenuissimum est. ac
 modica carne defensum, & plurimum cerebri
 sub sincipite jacet.* Suturis vero proximas læ-
 siones ideo summe periculosas esse puto, quia
 facile

(a) In oper. Chirurg. de carnis Chirurg. quæ ad tu-
mores, prope fin.

(b) ad Tabul. 35. armam. Chirurg.

(c) De vulner. cap. tex. 4.

facile illac duræ matri offensa communicatur; quæ cum vaginæ loco sit nervis, & cerebro exeuntibus; ex ejus irritatione, & inflammatione hos quoque convelli per necessarium est. Huic porro Fœminæ sarcoma Lambdoideæ suturæ incumbibat; forte ab ipsissima dura matre producebatur, ut fungus in capitis plaga ab Anhornio relatus; an igitur absque summo periculo excindi poterat? Haud equidem mihi videtur. Quid vero si ad hæmorrhagiam sistendam, ignis, violentissimum Medicinæ genus, nervisque ab eo tactis distentionem afferens adhibendus fuisset? Hisce rationibus adductus, nolui absque aliorum Medicorum consilio, ut magnis remediis ferro, & igni per me infamiæ nota probabiliter inureretur; neque medico sed carnifici Misericordiæ genus esse putavi cito occidere. Quoniam, tamen, accerbissima crudelitas sit, Seneca teste, quæ trahit pœnam; quos tamen salvare nos posse non putamus, ultimum finem illis afferendo, a penis, quibus conflictantur eximere non debeamus. Verum equidem ex Celso (a) est, nihil interesse, an satis tutum præsidium sit, quod unicum est: sed hic præsidii loco ultimum exitium mihi videre visus sum. Idque exemplo, & auctoritate aliquot Virorum Clar; qui ut Meckeren in observa-

T 2

tio-

(a) l. 7, c. 33.

tionibus Chirurgicis annotavit (a) fungosam
 excrescentiam capiti postico cujusdam puellæ
 adnatam extirpare noluerunt, eo quod duram
 meningem cum portione aliqua substantiæ ce-
 rebralis per suturam Lamdoideam extrorsum
 protrusam, sibi persuaferunt. Terrebat me
 quoque Historia ab Hildano enarrata (b)
 quam non abs re duco huc transferre: Cos-
 mus Slotanus *Nobilem juvenem curandum ha-*
buit, cui Cranium fractum, partioque quedam
exempta fuit, unde fungus exortus. Ille, egro
fere ab omni periculo libero, a curatione desiste-
re coactus, barbitonsori eum committit. Hic con-
tempto consilio, & medicamentis Slotani, nul-
laque habita ratione loci affecti (digna Hilda-
no animadversio) pulverem aluminis, & vi-
trioli usti insperisit fungo; inde exortis dolore
vehementissimo, febre acutissima, delirio, & in-
flammatione, paucos post dies obiit. Fæminæ
 igitur, quæ manuum medelam quamcumque
 experiri volebat, ut adeo turpe malum a ca-
 pite suo excinderet, suavor fui, ut morbum
 patienter ferret; apto victus regimine utere-
 tur; fungi pedem, non admodum arcte, si-
 lo crassiore constringeret; sanguinis, si & a
 colligatione large flueret, copiam, constri-
 ctorium officinarum pulverem aspergendo,
 nisi comprimeret, saltem minueret: Extra
 vera

(a) apud Bonet. in Sepule. T. 3. observ. 9.

(b) centur. 1. Observ. 14.

vero hæmorrhagiæ tempus, totam fungi molem prius pulvere Paræi exiccante ex Ochra, & Sabina; vel ejus loco, C.C. plumboque uſtis, ac pompholige conſperſum, emplaſtro de ceruſa uſta, ut muniret. Jamque opus, quod ab initio mihi perficiendum propoſui, pro virium tenuitate me ſatis exegiffe putabo.

Niſi diverſe inter ſe ſententia dicantur, non poteſt quis eligere meliorem, ſed necesse habet ea, qua dicta ſunt, uti; at cum plures dicta ſunt, liſet tamquam aurum parum deligere, quod per ſe diſcerni cum nequeat, comparatum altero diſcerni poteſt: (Herod. in Oratione artaban. ad Xerſem in Polyhymnia)

F I N I S.

294
ILLUSTRISSIMO AMPLISSIMOQUE VIRO
JOANNI FREIND

Medico apud Londinenses longe celeberrimo Joseph Antonius Pujati Sacilensis (*)

S. P. D.

N.

Mirabitur fortasse quispiam Freind Doctissime, quod homo vix sibi notus, e latebris Forojuliensibus, te virum toto literario Orbe celeberrimum, e Regia optimorum studiorum altrice, totiusque Europæ splendidissima Urbe Londino, compellat. Et sane, ut cum primis, quæ meæ tenuitatis sunt præteream; quod si vel eæ considerentur inopportunitates, quæ viris literis deditis plurimum officiant, dum procul ab Urbibus celebrioribus loca minus felicia incolunt; nedum mirum, sed perridiculum videri poterit, quod ego de rebus Medicis tecum sermones conferere velim. Verum si quis consideret, ea, quæ ad Praxim Medicam spectant, quamvis maxime

(*) Cum epistola hæc scripta est anno. 1733. nondum auctori innotuerat Præclarissimum Freind ad plures abiisse.

me possint exornari ab his commoditatibus , quas Clinici literatas Urbes incolentes capere possunt ; nihilominus ejusmodi esse , quæ sine externo eruditionis ; absque librorum copia , amplissimarumque Bibliothecarum subsidio ; a paucorum , sed optimorum auctorum lectione , ab observatione naturæ , quæ ubique eadem est ; a lectulis ægrotantium , nisi perornatam speciem , solidam tamen nancisci possint ; facile confitebitur , quod , vel humilis Pagi Medicus de rebus ad Jatricam facultatem pertinentibus , cum viris etiam , ut tu es Freind , undequaque perdoctis , verba , & literas miscere queat . Ob plurima sane , illisque intrinseca , Medicinam , & sapientiam sorores , contubernalesque vocavere Democritus (*a*) & Hippocrates (*b*) ; sed ob id etiam mihi maxime affines esse videntur ; quod , quemadmodum sapientia , docente Plutarco (*c*) quovis in loco radices agere potest , si bonam indolem , & animum laboris tolerantem apprehenderit ; ita etiam Medicina in umilioribus , & obscuris urbibus florere queat , si non rude ingenium , neque infirmum judicium , cum observandi patientia junctum nata fuerit . Quæ refero , non quia de me quicquam elate sentiam ; sed ut quorundam

T. 4.

præ-

(*a*) In Epistola ad Hippoc.

(*b*) de decent. ornat. tex. 5.

(*c*) In vita Demosth. T. 3. Vitar.

præjudiciis occurrā, qui præter nomina magna cæteros nihili ducentes; de ingentis perinde ac de moribus judicium ferunt, e quibus ii solummodo in prætio habentur, quibus, qui Clarissimis in Aulis degunt, vel Amplissimarum Urbium cives utuntur.

II. Quamquam a loco, quem inhabito, haud tam aversus sol jungit equos, ut quæ a viris in jatria facultate clarissimis de novo lucem eduntur, omnia me prætereant. Etenim, si non cuncta, aliqua saltem e potioribus ad meos oculos perveniunt; idque ex hoc Vir Clarissime percipies, quod ad me tua opera haud ita pridem allata sint. Quanta in tua Medicinæ historia admirarim, quantaque ab eo scripto didicerim, fari vix valeo: quod non amplius me plurima nescire non pudeat, quæ ad Medicos spectant, tibi unice refero. At prorsus me beasti solidissimis operibus tuis ad Praxim spectantibus, Venetiis, sed non ea, qua par erat diligentia, hoc anno, recussis. Quicumque spretis opinionum ambagibus dicere aveat, quomodo in Praxi Medica sit philosophandum; quomodo quæ abstrusiora visa sunt in Chymicis, & materiæ Medica sint explananda; qua via ex veterum Doctorum lectione uberimi fructus sint comparandi; tuam emmenologiam, & Chymicas prælectiones consulat: tua ad Hippocratem commentaria adeat, tuam Epistolam de febre variolosa perlegat;

Næ,

Næ, si cor illi sapiet, exiguo quidem, sed nobiliori numero illorum Medicorum te adscribet, qui inter volitantes umbras soli sapere cordatis videntur. Ob hæc æquidem te maximi feci, & facio, at ob illud te summo amore prosequutus sum, quod Hippocratem Dictatorem nostrum excolas, atque illustres, quod tuis assertis in eo patrocinium quæras, quod demonstres quomodo ejus dictata veræ rationi, eæ nempe, quæ in rebus Practicis ab Anatome, & experimentis, non ab hypothesebus deducitur, apprime quadrent. Quale Hippocratis studium, cum pro ingenioli mei tenuitate ipse quoque in delitiis habeam, Hippocrateque auctore, & Patrono quam maxime possum utar, non possum eos præ cæteris Medicis non amare, qui Hippocratem colunt, plurimumque illi in Medicis rebus deferunt.

*Scilicet ingeniis aliqua est concordia junctis
Et servat studii fadera quisque sui.*

III. Verum ex Hippocratis studio, ejusque operum repetita lectione, duo invenisse mihi visus sum, quæ ex diametro contra binas tuas assertiones stare videntur. In egregio tuo Commentario primo, de ratione scribendi, quam in Epidemiorum libris servavit Hippocrates, eam, quam tenuit Galenus sententiam foves: Magnum nempe Praxeos Dictatorem, tametsi in febribus descriptis non memine.

minerit venæ sectionis, eam nihilominus in dictis febribus celebrasse. Deinde in solidissima tua Epistola ad Doctissimum Mead conscripta, postquam observationibus potissimum illam probasti methodum, qua repetita catharsis, feбри secundariæ variolis supervenienti felicissime occurri posse contendis; subdis, dictam purgandi methodum, etiam contra putridas humorales vocatas febres, ex Hippocratis auctoritate posse adhiberi. Quibus de rebus cum tecum sentire nequeam Vir Clarissime, rationum pondera, quæ ad dissentiendum me cogunt, huc tibi depromam, ut, vel ea pro tua in Hippocratis scriptis Doctrina diluas, si nugæ sūt, vel pro tua ingenuitate, si vera, confirmes.

IV. Primum argumentum, quod me credere impellit Hippocratem in dictis febribus sanguinem non eduxisse (hoc enim primo mihi probandum assumo) inde duco, quod constantissime de hoc remedio siluerit, narrare vero cætera præsidia, si quæ adhibita fuerunt, non prætermiserit. Quid? Balani, Clysmatis, loti capitis meminerit Hippocrates, quoniam talia remediorum genera adhibita sunt, licet non illiusmodi, quæ febrim radicitus tollere, nisi casu, & quodam felici fato possint; non meminerit vero venæ sectæ, quæ si credimus Galeno ægros in tuto collocare poterat. quamque Hippocrates adamabat? Vel alios dictis

dictis historiis methodum medendi febribus edocere voluerit; vel sibi metipsum, suisque commodis solummodo dictas historias exararit; parum prudenter, parumque honeste se gessisset prudentissimus, atque honestissimus vir; si de venæ sectione celebrata tacuisset, levissima interim remediorum genera enarrasset. Si enim dictas peculiare historias sibi scribebat, cum ob id illas scriberet, ut variam morborum descriptorum naturam; affectionum vim, atque tempora; remediorum effectus ob oculos, atque in mente haberet, quæ omnia illum similibus morbis medendis aptiorem redderent (ipse etenim recte præceptis a se traditis parebat: *sint in memoria tibi morborum curationes, & harum modi quotupliciter, & quomodo in singulis se habent, hoc enim principium est in Medicina, & medium, & finis* (a) procul dubio, quod ea ommittendo auxilia, que curationes peregerant, ea vero describendo, quæ sine potioribus vix juvissent, post verò magis valentia adhibita, forte supervacanea fuissent; levissime admodum se gessisset, perfunctorieque, ut minime illum decebat, dictas historias scriptitasset. Et sane quod post catharsim sæpius celebratam, venamque iteratò sectam, ut Galeno, aliisque in febribus facere placuit; vix remediis recensitis opus fuisset: vel dictis potioribus auxi-

liis

(a) de dec. ornat. tex. 8.

liis omissis, parum, aut omnino nihil balani, & capitis lotiones præstitissent. Si vero, ut alios edoceret dictas historias literis consignavit; viderit ipse, quam bene, prudenterque se gesserit, vera, & solida remedia, vel oscitanter, vel ex animo occultando, leviter interim exponendo; ut inde Tyro Medicus ejus auctoritate fretus pro Junone nubem amplectatur; ac superficialia Praxeos tinctura imbuatur, dum interim solidam medendi facultatem solide se acquisivisse autumat.

V. At huc usque dicta pro non dictis habeantur. Unum a te Vir Doctissime averem scire, cur in aliis morborum historiis in Epidemiis recensitis venæ sectionis meminerit Hippocrates, quoties illa celebrata fuit; in febris vero laborantium historiis de illa siluerit, quamvis tale auxilii genus in usum revocaverit? Profecto, quod si ut ait Galenus, tale remedium Hippocrates adamabat, illius recordari debuerat, præcipue dum contra febres feliciter eo usus erat. Quoniam, cum febris præ aliis morbis universalior morbus sit, eoque plurimi moriantur; maxime intererat illud posteris exemplo commendare remedium, quod contra febres maxime potens est. Interim de hoc remedio contra febres, ne verbum quidem Hippocrates, cum tamen illius meminerit in historia Euridami; viri in cœniade; uxoris Polemarchi; ancillæ Idumæ; Halicar-

nassæ.

nassensis ; Phænicis ; Melissandri ; Eudemi , & aliorum ; quibus non ob febrim , sed ab aliis morbis decumbentibus , venæ sectio , vel levamen tulit , vel morbum graviolem reddidit .

VI. Verum huic argumento , quod ab Hippocratis silentio ducitur , tu doctissime Freind , Galenusque probe occurriftis ; dum Galenus scriptum reliquit , in febrientium exaratis historiis , Hippocratem haudquaquam curationis lucubrationem , sed præſagitionum fundamenta ſolummodo proſequutum : tu vero , cum ſupponas plura remedia ab eodem contra febres adhibita ; ſubdis : quod non ex hiſce Epidemiorum libris , ſed ex cæteris ſcriptis diſcere debeamus , qualem in quoque morborum genere curationem inſtituerit .

VII. Licet in libris Popularium morborum plurimas curationes inveniam , nec pauca præcepta ad curationes ſpectantia , ut propterea Galeno vix aſſentiri poſſim , qui in dictis libris præſagiendi ſolummodo fundamenta exarata credidit (Erotianus Hippocraticarum vocum interpres vetuſtiſſimus in Epidemiorum libris , non ſolummodo ea , quæ ſignificant , ſed *mixtam* materiam contineri putavit) : licet , inquam , Galeni auctoritas contra factum nihil me moveat ; nihilominus , ut & illi , & tibi morem geram , iis in libris , in quibus febrium curationes inſtituuntur nunc expiſcibimur , utrum ille vere in febribus ſanguinem

eduxerit, nec ne? Quod si in dictis libris inveniemus, ejus de sanguine contra febres educendo, præcepta, a te, atque a Galeno stabit conjectura: sin vero absque sanguinis emissionem febrium curam instituat, jure ego inferre poterò, quod silentium in Epidemiorum libris servatum, satis validum sit argumentum ad probandum, quod id tacuerit, quia vere illam in usum non revocaverit. Ad rem igitur.

VIII. Libro 2. de morbis, tex. 36, quotidianam intermittentem, & continuam continentem absque venæ sectione curat. Ibidem tex. 37. in febre acuta mali moris, sibi a venæ sectione temperat. In tertianæ intermittentis, & quartanæ curatione tex. 38. 39. venæ sectionis non meminit. Febri ardenti, & singultuosæ, eique, quam interficientem appellat, textibus 61. 62. 65. ejusdem libri, sanguine non detracto medetur. Tertio de morbis tex. 6. ardentis intacta vena curationem denuo prosequitur, eidemque methodum eandem adaptat tex. 11. libri de affectionibus. In febre æstiosa libro eodem descripta tex. 14. sanguinem non mittit, quemadmodum tex. 2. ejusdem libri, febres hyemales, quæ ex eodem & observatione nimium vera *transseunt aliquando in morbos acutos*, sanguine non detracto curaverat. Venam non tundit in stupore attonito, in quo, & febres fortes tenent, & calor

lor acutus ex libro de internis affectionibus
tex. 42. at quis crederet? In libro acutorum,
quamquam ibi in inflammatoriis morbis venæ
sectionem potissimum esse remedium doceat :
quamquam ibi venam secandam præceperit si
vehemens appareat morbus, & *qui ipsum ha-*
buerint in vigore ætatis fuerint, & robur ipsi
affuerit, nihilominus binas ardentes recenset,
curationelque tex. 34. 35. subdit, nulla de
emmittendo sanguine facta mentione. An Hip-
pocrates tale remedii genus adamaverit, ut
vult Galenus, vel ipsi Massariæ, qui aiebat se
male cum Galeno errare, quam cum aliis re-
cta via incedere, dijudicandum relinquo.
Quid igitur? Ni fallor vir doctissime, jam
opus exegi: cumque ostenderim Hippocratem
ubi docet curare febres, de sanguine mitten-
do tacuisse, minime fallaci illatione deducam,
eum ideo venæ sectionis contra febres in Epi-
demiorum libris non meminisse, quia illam
contra febres minime administravit.

IX. Hic mecum vir Clarissime perpendere
ne dedigneris, quam male Galenus, in Pithyo-
nis casu putarit venæ sectionem ante octavum
diem celebratam, consuetum fuisse Hippocra-
ti contra febres auxilii genus; cum Cœus Se-
nex, nedum non docuerit venam in febribus,
vel in morbi principio secandam, sed eam
omnimode vetarit etiam in iis ægrotantibus,
quibus tutissime adhibetur, si febris affuerit.
Quid? Non ne in secundo epidemiorum,

se-

sectione quinta, venam secari prohibet in capitis ulcere, si æger cum febræ fuerit? Non ne ibidem apoplecticos curare per cruoris educationem vetavit, si febris inhæserit? En igitur quod tantum abest, ut Hippocrati solemne consuetumque esset ante quartum in febribus venam pertundere, quod potius febris presentia illi venæ sectionem prohiberet. Cum igitur idemmet Cōs Senex vetarit sanguifera vasa aperire præsentē febrī in morbis illis, in quibus febre absente ea aperuisset, ut ex mox citandis textibus apparebit: clarissime deducere possumus, eum tale remediū genus in febribus non adhibuisse, supervacaneumque esse contra ejus dictata, labilibus conjecturis locum dare in iis febrientium historiis, in quibus altum de venis sectis silentium. En vero ejusdemmet Hippocratis verba, *Si vero ulcus fuerit internas venas secato, si non febricitet: & paulo inferius: quicumque de repente voce destituntur, si sine febre fuerint, ipsis venam secato.*

X. Quod si post hæc ex ipsius ore Hippocratis prolata alio adhuc argumento opus esset ad ostendendum Hippocratem in febribus venas non secavisse: en vir Clariss. quod tibi illud propono. Tibi in hujusce magni viri operibus maxime versato, datum fuerit observare, Hippocratem, ut plurimum, vinum ei concedere, quem febris exercet. Itidem illius textus probe memineris in libro acutorum

exarati (*a*) ubi ait : *at si sanguinem alicui detrudere conducit , solidam alvum facere oportet , atque sic detrudere , & fame macerare , & vinum auferre .* Vides igitur , ei cui venæ sunt pertundendæ , ex Hippocratis iudicio vini usum esse inhibendum ; atqui in febribus fere semper vinum concessit Hippocrates ; nonne igitur fatendum est (quandoquidem magnus vir sibi constet) eum in febribus venas non secuisse ?

XI. Venas igitur in febribus non secavit Hippocrates : addo , quod neque secare debuerit . Lubeat nunc tibi quæso Vir Doctissime ; pro tua humanitate benignas mihi aures præbere , dum aliqua profero , tibi quidem , tuique similibus Polijatri notissima , cum magni viri sensa , Doctrinamque probe calleas , numerosiori vero medentum cætui , prorsus ignota , & Παράδοξα . Hippocrates , qui magis sensui , quam opinionibus credebat , minime putavit in febribus humores putrescere , quemadmodum commentus est Galenus , quem Andabatarum more superiores Medici sequuti sunt ; seî calefcere , fervere , atque exuri , ut testatur etiam Clariss. ejus interpres Martianus (*b*) . Hinc cum æstui , calorigue concipiendo , nullum aptiorem bilioso humorem in corpore nostro cerneret ; in ea fuit

V

sen.

(*a*) tex. 65.

(*b*) Sup. vers. 2. sect. 6. l. 6. epid.

sententia, quod nulla febris humoralis absque bilis interventu excitaretur. Sic, quamvis quotidianam pituitæ sobolem; quartanam atræ bilis filiam putaret; nihilominus vis illa, quæ reliquos humores à cæteris disgregabat, quæque eos febrili calori fovendo disponebat, erat bilis; quæ utpote activior cæteris humoribus, & veluti ignea, humores reliquos accendebat, atque extorrebant. Ejus Doctrina ex tex. 27. libri de natura hominis manifestatur: *Febres plurimæ e bile fiunt: species ipsarum quatuor sunt, præter eas, quæ ab occultis doloribus generantur. Nomina ipsarum sunt, continens, quotidiana, quartana.* Quod si obiciat forte Galenus partem eam libri citati, quæ dictus textus comprehenditur, Hippocratis genuinam minime esse, tamen ob non pauca optima, quæ continet, tanto viro ejusque schola sit digna; dicam nihilominus dictam de febribus sententiam esse Hippocraticam, quoniam optime illis congruit, quæ alibi ab Hippocrate traduntur.

XII. In ea parte dicti libri, quæ, vel Galeno teste Hippocratem auctorem habet, ubi Hippocrates probare intendit per ætatem bilem gigni copiosiore, ait: *Manifestum fit ex febribus, & hominum caloribus (a).* Libro 2. de morbis (b) quotidianam intermit-

ten-

(a) tex. 14.

(b) tex. 36. 37. 38. 39.

tentem, ardentem, tertianam, quartanam describit, & curat, quas in titulo *febres à bile* vocat. In libro de locis in homine (a) ephemerae plurium dierum curationem pertractans, ait; quod si febris post tertium aut quartum diem, nihil proficiente promotore per illinitionem, & calefactionem sudore, perduret, pharmacum in potu sit exhibendum, quod bilem educat. In aphorismis (b) ait: *si febris non ex bile sit, multa aqua calida capiti affusa solutio sit*. Super quo aphorismo, non minus Martianus, quam Clarif. Tozzi ajunt, hic Hippocratem febres humorales excludere, putridas a Galenistis vocatas. Quarto de morbis (c) humorem biliosum maximum febris alimentum vocat. Ex quibus omnibus facillime, & clarissime infertur, febris humoralis causam in bilem Hippocratem refudisse. Febres etenim haud nobis manifestum facerent, quod bilis per æstatem exuberet, nisi a bile fierent; neque cholagogo pharmaco bilem in febre educeret, nisi felleum humorem causam febris putaret. Stat igitur, quod Hippocratis systema de febribus illud sit, quo ponitur febres humorales a bile originem ducere. Quod si aliqua in Hippocratis operibus quandoque inveniatur, quæ huic sententiæ,

V 201. *μακρὰ καὶ ἄναιμα* haud

(a) tex. 38.

(b) T. 4.

(c) textu 23.

haud satis favere videantur; consulatur Martianus super 27. textu de natura humana; super 1. de morbis textu 22., & super versu 2. sectionis. 6. l. 6. Epidemiorum, qui difficultates huic sententiæ contrarias, haud difficile suo modo diluit.

XIII. Hisce positis sciendum ex Martiano, quod Medicinæ Parenti cacochymia qualibet vigente, suspectum fuerit sanguinem emmittere: minus in Melancholica; maxime in cacochymia biliola. Diathesi melancholica vigente, secta est vena viro in veniade, donec exanguis redderetur: in discrasia biliola, si inflammatorios morbos exceperis, nullibi sanguinem detractum invenias. Cum igitur febres humorales a bile excitari putaret Hippocrates; si sibi metipsum suisque principiis constare volebat, cruor ab eo intactus sinendus erat. Non ergo mittere in febribus sanguinem debuit Hippocrates, proindeque gratis asseritur, quod in febrientium historiis, venarum sectarum, quas in curatione pertunderat, narrationem ommiserit.

XIV. Tu vero vir Clariss. tibi suadere non potes, Hippocratem anginosæ sanguinem non emmisisse; Pleuritico, qui non ante trigessimum quintum diem apyretos fuit, semel solummodo venam secasse; puerperæ balanum tantummodo subterdedisse; eique, qui ardente febre laborabat nihil omnino exhibuisse.

Ego

Ego vero ex dictis historiis illud deduci posse mihi videor, quod ante asservi; nempe Hippocratem sanguini maximopere pepercisse, neque tale remedium, contra ac vult Galenus adamasse; potioremq; Medicinæ partem ad victus ipsius rationem transfuisse. Sed libeat parum per allatis historiis immorari.

XV. Pluribus in locis de angina, ejusque curatione pertractat Hippocrates. Libro 2. de morbis textibus 26. 27. 28. tres anginas describit, eisque medetur, nullo detracto sanguine, sed in morbi principio ad colli verticulum, atque utrimque ad aures cucurbitulam affigit, ut id quod strangulat, evocet in primis duabus: cæterum, gargarismatibus dissolventibus, fomentisque attenuantibus curationem prosequitur. In libro de morbis 3. textu 11. habetur levioris anginæ curatio, contra quam venas sub mamma, & lingua secat; atque a cubitis sanguinem dimittit, si validæ vires fuerint. Liber de affectionibus, nobis tex. 4. exhibet faucium inflammationum curam, ibique gargarismatibus non proficientibus, binæ cucurbitæ, & quidem scarificatæ retro capiti raso admovendæ præcipiuntur. Ex hisce, quid infero? Quam nos tenemus contra anginam medendi rationem per repetitas sanguinis editiones, haud eandem esse, quam adhibebat Hippocrates; proindeque male ex iis, quæ hodie peragimus

nos arguere, eadem Hippocratis quoque temporibus peragenda fuisse. Ita non pauci ex hodiernis rerum priscarum scriptoribus, quos forte mores hodie vigentes præoccuparunt, eisdem in superioribus sæculis perquirunt, sed laterem lavant. Stetit semper, semperque stabit, quod humor anginam efficiens è faucibus deturbandus sit; haud tamen necesse est, ut semper iisdem medicis exturbetur auxiliis, quoniam non unica Methodo indicationi eidem satis fit. Sed tu ais, Doctissime Freind, ex libro acutorum textu 39. citam venæ sectionem contra anginam præcipi: addo ego idem præceptum etiam haberi ex textu 42. libri de locis in homine. Sed nunquam adeo universalis, & constantia præcepta ars recipit Medicinalis, quin iis non raro a circumstantiis pluribus, ætatis puta, regionis, anni, temperiei ægrotantis, temporisque ægritudinis, non derogetur. Nunquam ne, quæso, obvenit, ut rebus desperatis Medici vocentur, cumque solummodo ferali prognostico locus est? Perpende Hippocratem in dicta anginosæ historia ea non recitare, quæ secundo morbi die contigerunt. Nonne hinc inferre possumus eum solummodo ad decumbentem accessisse tertio, aut quarto die morbi, cum jam omnia ex extremorum frigiditate, & livore, exitium minitabantur, nullique Medicinæ amplius erat locus? Mihi

hi certe bis obvenit, ut ad binas anginosas vocarer, cum spiratio sublimis esset, extrema frigida, tumorque satis magnus in collo externe appareret, voxque stridula, ac gracilima esset. Sanguinem emmittendum utique curavi; sed eo ni fallor eventu, ut citius vitam cum morte commutarent. Magnus Hippocrates, qui inevitabile exitium cognoscebat, satius duxit, ut ægra morbo suo periret, quam ut educto sanguine, quod ædepol contigisset, non quinto, aut quarto, sed eodem sectionis die, occumberet. De anginosa apud Pitonem decumbente, ita ego vir Clariss. sentio.

XVI. Venio nunc ad Pleuriticum, cui miraris semel tantummodo sanguinem eductum, qua super re haud pauca præfari nunc debeo, a quibus tamen, qua potero brevitate, me expediam. Primo, ajo, sanguinis missionem in Pleuritidibus equidem Hippocratem celebrasse; sed neque in hoc morbo, ut hodie obtinet, sanguinis profusorem fuisse. In libro de locis in homine textibus 30. 37. habetur Pleuritidum cura, quæ tota inititur humectationi, & sputorum educationi. Trium Pleuritidem, ut plurimum curandam esse, veluti Phrænitis, & Peripneumonia: Peripneumoniam porrò curaverat lib. 2. tex. 43. absque cruoris emissionem. Ex hisce constare potest, Hippocratem, neque in hoc morbo acutorum principe sanguinem profudisse. Secundo, ajo, præci-

puam Hippocrati indicationem in cura Pleuritidum, fuisse dolores sedare; iisque sedatis, ab eo creditum maximam curationis partem peractam. Cum vero prudentissimus vir fortioribus non uteretur auxiliis, nisi frustra levioribus tentatis; dolores calidis fomentis, prius solvere tentabat; quibus in usum absque levamine revocatis, venam, ut eidem indicationi satisfaceret, pertundebat. Hæc clare patent ex textibus 10. & 12. libri acutorum. Hisce positis, Pleuritici examinemus historiam.

XVII. Anaxion in Abderis Pleuritide, & quidem sicca corripiebatur. Satim fomenta calefactoria lateri dolenti admota, sed absque ullo effectu, cum omnia in pejus ruerent, ægerque sexta delirus, septima vero magis dolorose ageret. Quid nunc faciendum mi Hippocrates? Vena pertundenda, sanguisque copiose educendus. Ita factum est, & quidem cum levamine; dolores etenim mitiores facti, & undecima febris remisit. Morbus igitur Hippocrati magna ex parte protrititus. Quid præterea præstandum? An vena denuo secanda? Illi e medentibus, qui de humano sanguine adeo male merentur, ita mehercle fecissent; at Cous, qui præcipit venam solummodo tundendam, cum morbus vehemens fuerit, tali remedio nequaquam fugientem ægritudinem urgebit. Cæpit Anaxion matura sperare:

an tunc sanguis iterato mittendus? Prudentissimus Hippocrates, qui Anaxionis res jam in vado videbat, nequaquam se sibi similem præstitisset, si quæ sponte salva futura erant, forte in discrimen venam secando evocasset. Sic, neque Pisistrato Pleuritide laboranti, cum apparuisset sputum sanguineum, quod criticum norat Hippocrates, quia *ager facile ferebat*, & apud se ipsum erat, & calor remiserat, & excreatio, & stridula asperitas (a) sanguinem dempsit. At Anaxionis morbus, usque ad trigesimum quartum diem vena denovo secta, nequaquam perdurasset. Id Deus aliquis viderit: si nullibi certe in Medicina quandoque lente festinare summæ opus artis est. Tradidit Hippocrates (b) & semper non sanantem, variare oportet modum, & si quidem pejus reddiderit malum, ad contrarium te converte, si vero ad salutem tendat, omnino nihil ab his, quæ adhibentur auferre oportet, neque quicquam aliud addere, aut apponere. Celsus etiam (c) prudentissime scriptum reliquit, quod voluptas, & nimia festinatio in morbis curandis fere periculosa esse soleat. Non igitur habemus unde miremur, si Hippocrates Anaxioni pleuritico semel tantummodo, & die octava venam pertuderit.

XVIII.

(a) Epid. 7. tex. 27.

(b) De loc. in hom. tex. 20.

(c) l. 3. c. 4.

XVIII. Habeo vero unde tecum mirer vir Doctissime, cur in historia puerperæ, & Parrii in Thaso a febris acuta, ardente, siticulosa decumbentis, nullam remediorum adhibitorum mentionem, si balanum puerperæ suppositum excipias, inveniam. Medius fidius, quod si hujusmodi ægrotantes curæ meæ se concredidissent, absque ullo tentamine, atque a Medicis auxiliis integros, ad plures migrare minime sivilsem. Utrum vero illis venas fecissem, nunc non disquiro. Nihilominus dicam, quod Hippocraticis principiis inhærendo illi conjecturæ minime locus est, quæ credi possit, sanguinem illis eductum. Præterquam enim quod in discrasia biliosa cruor Hippocrati sacer erat; Pario alvus perpetuo fluxit: adfuit igitur Hippocrati perpetuo prohibens venæ sectionis (a). Puerperæ Epicratis uxori, itidem usque ad undecimum alvus turbata: hic quoque symptoma aderat cruoris inhibens educationem. Ab undecima, ad decimam sextam, vomitus, & sudores morbum leviores reddiderunt. Non ergo quæ morbum judicabant perturbanda (b), sed sinenda erant. Decima sexta morbus recruduit, & quidem cum impetu: tunc forte locus venæ sectioni, si morbus a bile ortum non traxisset? At ejusdemmet Hippocratis effatum est:

(a) acutor. tex. 65.
(b) aphor.

est: *quum vero impetu fertur morbus, & agrum ; & medicum a curationibus quiescere convenit, ne quid mali inducatur (a)*. Quod quamvis dictum de cura Pleuritidis, eadem ratione, qua de Pleuritide, etiam ad aliorum morborum curam potest transferri. Accessit deinde in statu morbi surditas salutis prænuncia : omnia igitur naturæ committenda, neque quicquam movendum. Nihilominus mira res est, quod Hippocrates, nedum in hisce ægrotis, sed etiam in pluribus aliis rem solummodo cunctando restituere tentarit, nunquamque remediorum vim experiri voluerit. Sed hic de Hippocratica medendi methodo, & de conscriptis Epidemiorum historiis, ut aliqua proferam, quæso, patere vir Doctissime.

XIX. Quamvis Hippocrates rei Medicæ vim penitus intelligeret ; nihilominus certo certius est, eum parca admodum manu medicamenta porrexisse. Cum, naturas esse morborum Medicatrices, & sciret, & diceret (b); in illo potissimum totus erat, ut naturæ vim, qua contra morbos insurgit; nullo modo turbaret, sed illius medentis motus expectaret. Ob id in acutis ad victus rationem potissimam Medicinæ vim transtulit, cibumque ea quantitate ægris offerendo, qua possent usque ad morbi statum durare, eoque tempore, quo
natu-

(a) 3. de morb. tex. 24.

(b) 6. Epidem. Sect. 6.

naturales motus minime impedirentur; observabat assidue, si qua via naturalis vis vergeret, ut eam quantum posset, adjuvaret. In hoc stetit potissimam Hippocratis contra eos morbos, qui naturæ vocantur, in medendo Methodum, aliqua probatione fulcire, duco supervacaneum; cum id, vel ei pateat, qui a primo limine primam aphorismorum sectionem salutarit. Addam solummodo, ut conspici possit, quantum Hippocrates diætæ tribuerit, quod cum in libro de vetere Medicina ostendere vellet, medendi facultatem de facto existere, ac quomodo in artem evecta sit; non aliam Medicinæ partem pro exemplo assumpserit, quam eam, quæ de cibo ægrotantibus offerendo pertractat: quasi in hac, tota Medicina consisteret, vel saltem esset præcipua Medicinæ pars. Nunc venio ad ægrorum historias in epidemiis descriptas.

XX. Vel suis solummodò, vel alienis etiam commodis historias illas Hippocrates exaravit; id certum est, in illis exactissimam morborum, ægritudinum temporum, exituum, successionum, solutionum historiam, & observationem contineri. Hoc posito, opere prætium erat, ut quæ naturaliter contingunt solummodo describeret Causas: id verò facere nequivisset, si plena manu pharmaca ægrotantibus ingessisset. Quomodo enim scire potuisset, an illa, quæ contingebant in morbis,

natu-

naturæ; morbive, an verò medicaminum essent effectus? Forte igitur, & ob hanc causam vir Medicinæ stabiliendæ natus, vel remedia non adhibebat, vel ea solummodo, quæ naturæ motus minimè turbabant; ut quid natura in morbis faceret, feretve, adnotaret. Etenim, nunquam præclarissimam præsagiorum sylvam habuissimus, nisi observatorum Princeps summa non minus diligentia, quam patientia iis animum advertisset, quæ natura sibi soli relicta, nullisque remediorum stimulis perculsa, in ægritudinibus solet præstare. Atque hæc a mente mea admirationem submovent, qua aliquando capiebar, cum legerem ægotantium in epidemiis historias, absque eo quod, ut mihi quidem necesse videbatur, medicaminum adhibitorum recordatio ulla fieret. Cum igitur probabile admodum sit, ea solummodò auxilia in iis, quos febres exercerent adhibita, quæ in textu narrantur; ea decidit conjectura, qua creditur Hippocratem in febribus remedia plurima adhibuisse, vel venæ sectionem instituisse.

XXI. Sed paucis adhuc te volo vir ornatissime. Ex iis febribus, quas in historiis descriptis fusa alvus sustulit, ansam capis Commentario 7. loquendi de alvina purgatione. Et quidem rem eo deducis, ut observationibus, & rationibus satis probes, tale auxilii genus in febre secundaria variolis confluentibus

tibus superveniente, atque in febris Erysipelatosa, quam felicissimè respondere. Excretionem deinde intestinalem prosequeris, me judice, ea Doctrinæ vi, & Methodo, ut dissertatio quam instituis, & ingenium, & demorsos sapiat ungues; adeo hujusce excretionis mechanismum, quantitatem, modum, ex Anatome, atque experimentis, Methodo Geometrica perbellè explicas. Neque dubito, quin si Pitcarvius viveret, in tuam concessurus esset sententiam. Vide itaque quomoddò dies naturæ judicia confirmet, ac rectè rationi, eæ nempe, quæ deducitur ab iis, quæ sensibus usurpantur, optimè quadrent observata Hippocratica. Quamvis summus Præxos Dictator, adeò periculosam in acutis morbis catharsim esse docuerit, ut, vel in principio ægritudinis non nisi cum magna meditatione, molienda sit, nihilominus, non solum tutò hanc in usum revocari posse, sed deberi, præcepit, cum turget materia. Quæ de hujusce materiæ turgentia tradiderit Galenus, consultò prætereo, cum ejusmodi sint, quæ non faciliorem, sed majoribus implicitam difficultatibus purgandi doctrinam reddant, uberimosque fructus, qui ab oraculo Hippocratis percipi possunt, corrumpant. Ipse pro materie turgentia intelligo, cum adest succorum morbosorum, vel in primis viis, vel etiam in venis abundantia; quæ
tamen

tametſi ad ventrem ſpontè non irruat, vi
tamen cathartici ſtimuli eo poteſt evocari.
Ad illud utique ſerio attendendum eſt, utrum
nec ne verè materiæ adſit turgentia; nam
ſi iis pronas præſtaremus aures, quæ tradi-
dit Galenus, facilimè, & ſepiſſimè decipere-
mur; cum ea, quæ pro turgentia ſigno tra-
didit iſte, frequentiſſimè accidant; quin ob
ſanguinis circuitum nervorumque irritamen-
ta, non poſſunt non contingere: rariuſ verò
ea adeſt turgentia a qua indicatur cathariſis,
ut ex re, prudenterque quemadmodum aſſo-
let, Hippocrates addiderit: *plurima vero non
turgent (a)*. At tu oculatiſſime vir, nequa-
quam falleris, cum ea, quæ variolis, atque
eryſipelati ſupervenit febris, inde exoriat,ur,
quia quæ per cutim exire debebat materies
morboſa, in ſanguine reſtitet, veramque ve-
noſæ materiæ turgentiam efficiat, quam al-
vo fuſa tollere, ut interdum facilimum, ita
ſemper ſalutare non eſſe, non poteſt. Quam-
vis dum librum tuum legerem, variolæ hic
loci obtinerent, adhucque dum hæc ſcribo
obtineant; nihilominus occaſionem non ha-
bui tuam experiendi methodum; tum quia
hic parum contra dictum morbum muliercu-
læ artem noſtram valere putant; tum maxi-
me, quia infantes, & parvuli tali morbo
correpti ſunt, quos difficile eſt dictis pa-
rentes

rentes habere. Quamvis tamen contra febrim variolis secundario supervenientem experimentum minimè cæperim, experiri tamen potui, & quidem feliciter contra febrem variolosam, quæ tertio virgunculam adorta est. Res ita se habuit. Puella septennis discretissimo variolarum genere laboravit, jamque omnia in tuto erant, nondum tamen crustæ deciderant, quin illæ, quæ capillitium obfederant, adhuc penitus non exaruerant. Mater capillos puellæ præcidit, ut eam a pediculis, qui morbi tempore copiosè germinaverant, immunem redderet. Tempestas septembri inclinante intempestive frigidior. Puella domo exiit per binos dies, & sero diei secundæ revertebatur domum febris correpta. Post duos adhuc dies vocor, febreque intensa laborantem inveni, cum pulsu magno, & sopore. Quando ejulabat, seque ab internis doloribus percitam, gestu magis, quam verbis manifestabat. Oculi turgidi, rubentes, lachrymosi, lucem aversantes, dolentes, summa anorexia. Quod erat, conieci materiem nempe variolosam, nondum penitus discussam, atque à frigore intro pullam, turbas eas, a quibus puella malè habebat, denudè excivisse. Tuis itaque præceptis, vir Doctissime, locum esse ratus, statim potiunculam præscripsi ex unciiis tribus potionis, quam solutivam magistralem vocamus, cum

uncia una, & dimidia symp. de cichoreo cum Rhabbarbaro . Puella sapore illecta purgans haufit, alvufque quater fluxit, abfque tamen ulla euphoria . Nox itaque gravior, febrisque die fequenti ardentior: pulfus tamen conftitit, licet ægra minimè mente conftaret . Hoc die nihil peractum: die fequenti iteratò exhibetur purgans, alvufque oëties, vel decies foluta, cum ventris doloribus . Quæ poftremò exierant, erant ramentofa, & veluti dyfenterica, undè necelfe duxi mixturam præfcribere ex confectiõne hyacinthina, & Diafcordio in aqua fucci ceraforum, & menthæ . Dolores filuerunt, noctemque mitius egit . Mane fequenti puella expergefacta, interrogatis optimè refpondebat, febri utcumque ad tactum eademque permanente . Hoc die etiam forbitionis illius, quam *panatellam* Itali vocamus, aliquid fumpfit, cum diebus anteaftis nil nifi pauca fruftula e dulciariis fumpfiſſet; ejulatus etiam, doloresque fopiti . Quæ hanc fequuta eft die, potiuncula eadem catharſim repetendam curavi, at conatu irritò, cum puella medicamentum obſtinatiſſimè reſpuerit . Dolo igitur rem confiendam curavi . Dum noctu a matre potum peteret, ut potiunculam propinaret, edixi, reſque ex voto fuccellit; unde sæpius per diem fequentem abfque dolore purgata eft . Olida coluvies, quæ ab alvo exierat, diver-

ficolor erat. Sero melius habuit : a primis noctis horis, usque ad auroram dormiit : expergefacta cibum petiit, vel ingratis e lecto surexit, eamque foco assidentem inveni. Lentior adhuc inhærebat febris per aliquot dies, sed frustra catharsis imperata. Ob id grana xx. Rhabarbari, & decem scammonii in offis dulciariis involuta, & biduo consumpta: alvus per tres dies bis, aut ter die solvebatur, & optimè puella contra parentum spem convaleuit, quibus dixi, non mihi, sed celeberrimo Medico Anglo ob filiam restitutam eos esse devinctos. 1735. Epistolam hanc Junio inclinante transcribebam, cum in muliere corosa, & robusta vidi nothum capitis crysipelas solutum ab alvi eruptione, quæ a septimo die morbi, usque ad nonum fluxit.

XXII. Neque dubito, quin iterata catharsis, haud paucis in casibus optimè respondere debeat. An verò in putridis febribus, eundem exitum habere possit, determinare non ausim. Id solummodo asserere posse mihi videor, talem methodum Hippocratica auctoritate minimè fulciri, quamvis, tu, vir ornatissime, in tua elegantissima Epistola ad Celeber. Mead. conscripta, oppositam huic sententiam tradideris: eam verò ut examinem, pro veritatis amore, ac pro tua humanitate, non dedignaberis.

XXIII.

XXIII. Ais primo, Hippocratem effata quædam comunia, quæ huic fortasse opinionimini favere videantur, edixisse; sed ubi de hoc argumento distinctius differit, ad multas generis varii febres, hanc potissimum Medicinam adhiberi imperasse; postremo ea loca, & exempla adducis, quæ tuis assertis fundamento esse possint. Ipse vero repono, quod non effatis quibusdam comunibus iteratæ catharsis minus faventibus, sed ubique sibi constantibus præceptis docuerit Hippocrates, in febribus parciore manu porrigenda esse purgantia.

XXIV. Circa purgationem in febribus, quatuor Hippocrates respexisse visus est. Febrilis humoris quantitatem, qualitatem ejusdem; febrim ipsam; febrisque tempus. Ad quantitatem quod attinet, hæc dependet ab humorum febrilium turgescencia: qualitas, in humoris febrilis cruditate, aut coctione consistit; Febris vel mitis est, vel vehemens, atque acuta: tempora vero febris, vel sunt universalia, vel particularia: hæcque, vel nullam, vel aliquam ex Hippocrate præseferunt notam, qua, vel prohibeatur, vel possit institui purgatio. Turgente materia, purgatio molienda est (a) *at cum plurima non turgeant*, rarius ob hanc causam in febribus purgandum est. Ad cruditatem,

X 2 aut

(a) aphor. I. 22.

aut coctionem humoris, quod attinet, concocta ex noto aphorismo (a) *sunt medicanda non cruda*; quæ doctrina desumpta videtur ex compendioso, & obscuriore libro de humoribus (b) ubi verbis iisdem exprimitur; cujus denuo 7. Epidem. tex. 32. Meminit; *subpurgandi sunt ventres in morbis, ubi purganda matura fuerint*. Ad febrim quod attinet; si vehemens hæc, & acuta sit, purgante medicamento attingi non debere, Celsus non uno in loco docuit. Id patet primo ex libello de Medicinis purgantibus; qui tametsi genuinus Hippocratis foetus fortasse non sit; nihilominus auctoritatem in hoc casu facere debet, quia aliis genuinis textibus Hippocratis apprimè quadrat. In aphorismis (c) raro purgationem instituendam esse contra morbos acutos præcepit, idque ipsum in libro de humoribus, tradidit; *raro autem in acutis multa ducere oportet* (d). In 2. de morbis, tex. 48. asperæ arteriæ aphtham curans, hæc habet; *at ventrem infernum medicamento ne moveas, si febres fortes corripuerint*. Ubi notandum, aliquibus exemplaribus mendum inesse, legitur enim: *si non febres fortes corripuerint*. Quibus verbis cum subdat; *si vero non*

(a) I. 22.

(b)

(c) sect. I. 24.

(d) textu. 3.

non corripuerint, lacte asinino subtus purgato, clarissime patet dictum textum in mendo cubare. Cum igitur febres vehementes raro purgantibus aggrediendas esse præcipiat; patet ipsum iis contraria tradere, quibus repetita purgatione docetur putridas febres esse expugnandas. Tempora febrium universalia si spectes, in principio solummodo ex oraculis Hippocratis purgatio peragenda est. Sed id cum tanta circumspectione faciendum præcipitur, ut raro iis, quæ alvum ducant, vel morborum principia sint Medicanda. Trahunt etenim secum morborum principia tenues urinas? Quibus in principio urina tenues, tales ne purgato, sed si visum fuerit, infusum per clysterem adhibeto. Hos sic curare conducit.... Medicamenta autem his ne exhibeto. Si enim quid circa ventrem commoveris, urina non coquitur, sed absque sudore, & judicatione febris ad multum tempus durabit (a). Trahunt nebulosas? Nisi, & alia consulerint (b) alvus non est ducenda. Si etenim cum urinis nebulosis aliqua, aut pleraque ex iis appareant, quæ textu 64. ejusdem libri acutorum memorantur; alvus minime erit ducenda. Circa tempora particularia, non quocumque febris tempore, sed extra accessiones solummodo propinanda cathartica; inferni quidem,

X 3

ubi

(a) acutor. tex. 44.

(b) Ibidem.

ubi confidisse videris (a) . Et libro de locis in homine ; *febrienti cibum ne offeras, neque sorbitionibus subtus alvum ducas (b)* . Quanto minus cathartici? Hisce omnibus accedat, quod diebus imparibus purgantia vetarit . *(c)* & libro de humoribus *(d)* diebus illis purgantia inhibuerit, quibus morbus exacerbatur; adeo ut, si diebus paribus magis exarserit, iis ægros purgare non conveniat, idemque faciendum, si imparibus . Illud etiam subdendum est, quod in magnis anni mutationibus, & in magnis æstibus abstinendum esse a Medicinis purgantibus absolute præceperit . Cum igitur raro ex Hippocrate ea adsit materiæ turgentia, quæ purgationem exposcit; cum in cruditate humorum hæc in usum revocanda non sit; cum febris vehementia, principio transacto eam respuat; cum febrium principium plura secum catharsis prohibentia non rarò vehat; cum tempora febris universalis hujusce administrationem sæpissime non admittant; sequitur, quod non ex quibusdam Hippocratis universalioribus effatis; sed ex perpetua constanteque ejus doctrina, purgantia in febribus parcè sint adhibenda; quodque ea sententia, quæ cre-

brioz

(a) 7. epidem. 32.

(b) tex. 39.

(c) 4. de morb. tex. 21.

[d] tex. 3.

brioribus purgationibus humores febres ag-
greditur, neque habeat Hippocratem, neque
habere possit auctorem.

XXV. Ea, quæ pro tui asserti fundamento
in laudata, & mehercle laudanda epistola ad-
ducis, illis, quæ antè dixi, minimè refra-
gantur. Affers primo loco aphorismum 10.
sectionis 4. *purgare oportet in valde acutis ea-
dem die, si humor turget; morari enim in ta-
libus malum est.* An ex hoc aphorismo elici
potest, febribus ex Hippocrate, repetita ca-
tharsis medendum esse? An hinc infertur Hip-
pocratem alvinæ purgationis in humoralibus
febribus amantem fuisse? Sed alia a te allata
loca examinemus, primoque textum 13. de
affectionibus, quem totum hùc affere operæ
præitium duco. *Æstate porrò hæc sunt. Fe-
bris detinet fortis, & sitis; & vomunt aliqui
bilem, aliquibus etiam infernè secedit. His in
potu dandum est, & ad sorbendum quodcum-
que tandem tibi idoneum esse visum fuerit.
Si vero bilis, aut pituita ad cor confederit (hu-
jusmodi febres cum cardialgia, haud raro per
æstatem Venetiis visuntur) aqua frigida,
aut aqua multa pota vomat. Si vero venter
non secesserit, clystere utendum est, aut subdi-
titia glande (usque huc de purgante pharma-
co, ne verbum quidem) morbus autem fit a-
bile. Liberantur maxime septima die, aut nona.*
Sed jam ventum est ad circumstantias eas,

quæ pharmacum exigunt. Si vero febre detinente non purgetur, neque deorsum, neque sursum, dolor autem affuerit per totum corpus pharmaco levi, aut potione deorsum purgato. An tibi videtur Doctissime Freind, quod auctor, qui tunc solummodo leve pharmacum præcipit, cum neque vomendo, neque per alvum se se exonerando, æger totius corporis dolorem contraxit, illius generis Medicaminum fuerit amator, quæ alvum, & quidem copiose iteratoque solvunt? Sed nondum per omnes morbi casus excurrit: sequitur tex. 14. si vero externa partes non valde fervide fuerint, verum interna, & lingua aspera, ac nigra (en notas febris ardentis) huic pharmacum ne dederis. Sed vide etiam tex. 11. libri ejusdem, Hippocratem in caufonide, non cathartico, sed clysteribus frigidissimis, morbum curare: Venter autem curetur, & si quidem non subeant, infusa frigidissima per clysterem immittantur, aut quotidie, aut alternis. Hic autem morbus fit a bile. Vides, ut quamvis a bile sint binæ hæ febres, nihilominus vel in unico casu, & quidem non absque plurium circumstantiarum concursu Hippocrates leve pharmacum præbeat? Haud igitur ex eo, quem citas loco, evinci potest, Hippocratem in febribus copiosam purgationem instituisse.

XXVI. Quod in Lypiria febre, quod in volu-

vulosa, quod in descendente Pleuritide, quæ omnia morbosam materiem extra animal habent, purgationem instituerit Hippocrates; tuæ sententiæ favere non potest, Vir Doctissime, qui probare intendis in acutis febribus ab eo purgationem sæpissimè tentatam, ideoque in casibus iis, in quibus humores in venis contenti febrili vitio laborant. Sed quia semel in morbis hisce catharsim celebravit, an hinc inferas, assertum illud, quod sæpius præcipit alvum in putridis febribus esse ducendam, ab Hippocratis auctoritate patrocinium sibi adsciscere posse? sed ais, eum etiam in cholera alvum duxisse. In cholera sicca textu 62. acutorum, post clysterem pinguisimum, oleo, balneo, somno, & vino morbum curat. Quod si post hæc peracta dolores non remittant, lacte asinino purgat, quæ lenissima purgatio tuæ sententiæ favere non potest. Quod si de cholera humida loqueris, invenio quidem eum vomitum præcepisse, & quidem præcipiti in casu, ut alvum sisteret, quia *secessus multo copiosior erat, quam vomitus* (adnotarat enim Hippocrates, quod vomitus, copiosiora, & diuturna alvi profluvia sistat) purgationem vero instituisse, aut admodum memoria me fallit, nunquam inveni. Jecoris, lienis, uteri morbos non moror, nobis siquidem sermo nunc est de purgatione in febribus; nihilominus asserere auserim,

sim, neque in dictis morbis copiosa purgatione usum. Nunc venio ad reliqua loca a te adducta, ex libro de internis affectionibus textu 38.; de locis in homine, 38.39.; secundo de morbis 35. 36. Locus de affectionibus internis, ut probe memineris, de morbo Regio pertractat: nihil ergo ad nos. Interim cogites, quod neque in hoc morbo copiosa purgatione Hippocrates usus est, ut videre est ubicumque hujusce morbi curationem prosequitur; quin duobus in locis, 64. nempe textu de victu acutorum, & 40. de locis in homine, arquatos purgare vetavit. Textu 38. ejusdem libri, vult quidem, ut detur pharmacum cholagogum, sed postquam sudoriferum regimen nil opis attulerit, corpusque gracile factum fuerit. Textu 39. ejusdem libri, febrim in gracili habitudine curat, corpusque prius tumidum facere præcipit; quod si non conducatur, tunc medicamen exhibet: at audi ejus verba; *Hunc itaque medicamentum potare oportet, quod educat, quæ febris magis hæret, sive superne, sive inferne; & siquidem superne hæreat, superius, si inferne, inferius.* Textu 35. secundi de morbis, Icteri nigri curam prosequitur, pharmacumque deorsum purgans, exhibendum docet; sed quando? Cum quæ urinam copiose ciere debuerant, juvamen non attulerint. In textu vero 36. quotidianæ intermittentis curam

tradit; at vide sis, Doctissime vir; ne textus iste, stet contra te. In hac febre nona die pharmacum equidem exhibet; at quale pharmacum? Si Martiano credimus, sursum purgans, idque absolute præcipitur, supponit enim Hippocrates in hac febre, quam a bile provenire docet, os male affici. *At si os non afficiatur, verum ad immum ventrem tormen irruat; pharmacum deorsum purgans bibendum dato, & postea lac asininum, aut serum, aut aliquem succum.* Sed audi etiam quæ sequuntur, ut a te stent; *Si vero febris, neque noctu, neque interdiu remittat, & ad contactum supernas partes habeat calidas, venter autem, & pedes frigidi sunt, & lingua aspera; huic Medicamentum ne dederis, sed molli infuso per clysterem subluo.* Et ecce, ut in Hippocratis de catharsi doctrina, observationes præceptis, præceptaque observationibus sibi socias porrigant manus.

XXVII. Sed antequam, epistolæ modum jam prætergressus, finem faciam, unum adhuc mihi liceat animadvertere. Videris tu, vir egregie, ideo catharsim repetitam contra febres laudare, quia in epidemiorum libris, ais, per ventris spontaneam resolutionem plurimos febrientes restitutos. Tu itaque naturæ consuetudinem imitatus, hanc, præ cæteris, evacuationem ad febres prolegandas commendas: ita commentario 7. ait te tunc iuglit,

fugit, quæ in primo commentario notaras : nempe de ægrotis a te ex Hippocrate relatis, per alui fluxum, tres solummodo; per sudores vero, decem evasisse. Cur itaque si naturales contra febres salutare motus irritari studuisti, sudorum potius prolectionem, quam catharsim, non commendasti? Sed instantiæ commentario 3. tu jam occurristi, ajendo, quod sudor, non ut curandi instrumentum, sed ut presagij nota perpetuò ab Hippocrate proponatur; quodque remedii sudorem cientis Hippocrates nunquam meminerit. Ad primum, Hippocrates respondeat, neque enim procax adeo esse volo, ut tibi viro celeberrimo quidquam in facie pernegem; *morbi poro omnes solvuntur, aut per os, aut per alvum, aut per vesicam, aut per alium aliquem ejusmodi articulum, at sudoris species omnibus est communis (a).* Ad secundum, respondeat Hippocratis genius Martianus, qui testatur (b) Hippocratem calidis remediis sæpe usum fuisse in pleuritide, peripneumonia, hepatitide, uteri inflammatione, aliisque calidis morbi; quin ait, Hippocratem in qualibet inflammatione interna (c) toto morbi tempore *emollientia, & rarefacientia* exhibuisse, quæ equidem sunt sudorifera antipyretica raro fallentia.

XXVIII.

(a) de victu acut. tex. 36.

(b) sup. 2. de morb. tex. 38.

(c) sup. 36. acutor.

XXVIII. Interim non nego, quod Hippocrates in morbis acutis purgationem non instituerit; id ab eo factum scio, atque ab ejus Interprete Martiano (a) aperte docetur. Contendo solummodo, neque Doctrinam neque febrium Hippocraticas curationes illi sententiæ favere, quæ docet copiosam, iteratamque alvi solutionem, qualis secundariæ variolarum feбри medendo est, putridis aliis febribus convenire, ut tu vir Clarissime innuere videris. Utrum vero dicta methodus probanda sit, neque differui, neque disquiro; verbis enim solummodo res minime agenda, sed Praxis consulenda. Quæ si responderit, quamvis talis methodus Hippocratica non fuerit; nihilominus obviis ulnis excipienda erit; non enim, ut recte Celsus (b) *tanti facere oportet auctorem; quam ægrum*. Cæterum scio illiusmodi febres dari, quæ non nisi iteratæ alvi solutioni cedant: sunt vero istæ, quas Mesentericas vocavit Baglivus, quæ incautis sub larva malignitatis imponunt, quæque ad longius tempus protrahuntur; quarum exempla ex meis observationibus huc possem transferre, si id facere, operæ prætium ducerem. Sed utinam! tua methodus in cæteris quoque respondeat febribus; tuque vir Doctissime, qui variolas, qui mulierum morbos, adeo solidè, nervosè adeo expugnare doces;

morbos

(a) l. 3. c. 1.

morbos etiam illos, a quo plurimi pereunt, febres nempe, faciliore, qua huc usque usumus methodo expugnari posse demonstras. De universo quidem humano genere bene mereberis; sed de Clinicis potissimum, qui tibi novo Hippocrati se debere fatebuntur, quod minoribus difficultatibus impliciti, ac meliore facilioreque methodo securi; quæ eos maxime exercitos, sollicitosque habet, febrium humoralium cohortem, prosternere impostorum possint. Hoc ut præstare queas, superos, ut vitam, ut valetudinem, ut cuncta ex animi tui sententia tibi concedant, etiam, atque etiam rogare non desinam: Vale, tuoque ingenio, optimisque studiis, rem Medicam promoveri ne cesses.

F I N I S.

DE HYDRARGIRO,

Ejusque interno usu.

DISSERTATIO.

O

Nisi homines mentis acie, ingeniique viribus freti, experiundo, & tentando novis rebus studuissent; nedum artes omnes, quibus societates expoliuntur, vitaque hominum, & defenditur, & exornatur, horrida caligine obrutæ jacerent; sed tanta barbarie prememur, ut adhuc

Frigida parvas

Præbent spelunca domos, ignemque, laremque.

Nihilominus, eo semper fato nova in apri- cum prolata sunt, & proferuntur; ut, vel plus justo laudantes, vel plus æquo ea vituperantes inveniant. Si accipiant novæ rei fors hæc indicta est; præsidiiis iis certè, quibus hominum valetudo facta, tactaque conservatur, vel in deterius prolapsa restituitur, remediis nempe, parata maxime est; adeo ut quotiescumque novum aliquod medicamen e rerum incognitarum sinu emergit; & laudes, & vituperia; & approbationes, & quæ illud reprobant; nec minus falsa Encomia, quam veras

veras calumnias nanciscatur. Divinus Peruvianus Cortex, ut alia omittam, ad nos Deum favore primum advectus, horum, quæ asservi luculentissimum præbuit exemplum; qui, cum non minus laudaretur ab his, quam culparetur ab illis; tandem per vim observationum, atque experimentorum suis osoribus adeo ora præclusit, suisque Declamatoribus Emomiastris oculos ita deterisit; ut utrique quod tandem valeret clarissime cernerent, eumque periodicarum febrium potentissimum domitorem, summamque perniciem, non ita pridem declararent. Certe humanum genus ita effectum est, ut (phrasi Eucretiana utar) vel avidum nimis sit auricularum, rerumque novarum, & mirabilium; vel ita tenax eorum, quæ aliquando approbavit, iisque ita adhærens, atque infixum; ut quæ posterius nascuntur respuat, atque improbet; firmiterque teneat hodiernas naturæ facultates, viresque ita ab veteribus descivisse; ut cum istæ pulcherrimos, elaboratissimos, absolutissimosque fætus ediderint; primæ, non nisi indigesta, futilia, vel si mavis, non fæctus, sed embryones, & monstra in lucem emmittant. Quamobrem, tamen hominum assentator Aristoteles tradiderit (a) nos satis ad veritatem natos; nihilominus veritati propius accedisse mihi videtur quidam e recentioribus magni nomi-

(a) I. Rhet. c. I.

nominis Philosophus (a) qui tradidit nos non solum iis carere, quæ ad veritatem, perdunt; sed e contra illis abundare, quæ falso deceptionique quam maxime famulantur. Quanti facienda sint medicamina, e vivo argento petita, nemo ex iis, qui hodie medicinam faciunt, est, qui id ignoret. Quod vero Mercurius nullo igne Chymico edomitus, sed crudus, & currens, ut ajunt, & tuto assumi possit, & utiliter quandoque assumatur, hoc novum est, & quia novum non paucos invenit, qui illi nimis impensè faverint, eumque tanquam universale remedium, veramque *panacea* deprædicant; plerisque, qui illius usum noxium esse contendunt; alios vero, qui ut inutilem, & tanquam agyptiarum thesaurum traducunt. Ipse, cum neque illis, qui ore rotundo eum reprobant, neque aliis, qui immodicis laudibus illum celebrant, acquiescere rationabile duxerim, nisi tum osorum, cum fautorum rationes examinarim; postquam, & auctores consului, & experimenta institui, & super observatis meditatatus sum; in eam veni sententiam, ut Mercurium depuratum semper ex se innoxium, ita non raro summe utilem esse posse. Quæ itaque, ut ita crederem me impulerunt, hic depromam; ut si forte alicujus momenti futura sint, Medentes, partium studio posthabito, ea obviis ulmis

Y

exci-

(a) Fontenell. *Histoir. des Oracles* chap. iv.

excipiant; Mercuriique internum usum, neque noscitur neque inutilem esse confiteantur. Eorum igitur rationes prius examinabimus, qui noxium, venenenumque esse Mercurium putant; quorum sententia, cum non tam observatis, quam auctoritati innitatur; veterum medicorum hac super re auctoritas in medium est adducenda, videndumque, num ex hac quicquam opis, aut Patrocinii Mercurii osiores jure sibi nancisci possint. A Græcis igitur veræ Medicinæ Parentibus, exordiamur.

II. Nisi ridiculare, Peradoxon certe alicui ridebitur, quod ex Hippocrate, in quo altum de Mercurio silentium, ipse eruere velim, an Mercurius Hippocrati fuerit venenum, nec ne. Id verò, quamvis ex Hippocratis verbis me eruere non posse certo sciam; ex ejus tamen observatis arguere forte licebit. Magnus bonæ Praxeos Porrens, in libro de ulceribus (a) ad ambustiones linimentum præscribit, cui minium inest. Si pro hoc minio nostra Cinnabaris, quæ vomica Mercurii est, intelligenda sit; ex observatione Hippocraticæ evictum erit Mercurium venenum non esse. Cum enim venena sanguinem immediate contingunt (quod in partibus cuticula nudatis, ut in ambustionibus, fieri necesse est) suæ deleteriæ qualitatis vim exerunt.

III. Præ-

(a) tex. 14.

III. Prænotandum itaque est adeo minii , & cinnabaris historiam obscuram esse apud antiquos , ut ex ea discere solummodo queamus . Minii , & Cinnabaris nominibus eos promiscue usos fuisse . Hujusce rei duos testes dabo , Plinium , atque Dioscoridem ; primus quorum ait : *Miltoni , Græci vocant minium , quidam Cinnabarim (a) : alter verò scripsit , eos manifestè errare , qui Cinnabarim (b) cum Minio confundunt .* Locus igitur conjecturæ est , an Hippocrates pro minio cinnabari usus sit , nec ne . Ipse puto pro minio Hippocratis cinnabarim nostram intelligendam esse , argumentis duobus innixus , quorum primum , a probabili ; aliorum ab observatione ducitur .

IV. Probabile est idem Hippocrati minium fuisse , quod fuit Dioscoridi , & Plinio : at Plinio , & Dioscoridi minium fuit nostra cinnabaris : ergo probabile est Hippocratis minium nostrum cinnabarim fuisse . Syllogismi , ut ajunt , major , nedum probatur ex judicio , peritia ; & vetustate Dioscoridis , qui procul dubio in re obscura , & incerta , probabiliorum Doctiorum veterum opinionem (quibus jure censendus Hippocrates) amplexatus erit ; sed ex alia circumstantia , quæ meæ conjecturæ quamplurimum favet . Ait Plinius (c) ex Theophrasto

Y 2

(non

(a) H. N. 6. 33. c. 7.

(b) l. 5. c. 58. (c) Ibidem.

(non eo, qui Aristotelis discipulus fuit, sed vetustiore, qui vixit anno 299. a Roma condita) minium a Gallia Atheniense inventum, jam tumque in Hispaniis, durum, & harenosum reperiri. Iste igitur Theophrastus temporibus Peloponesiaris vixit, quibus, & Hippocrates. Porro minium Dioscoridis, & Plinii ex Hispaniis deportabatur, quod traditum quoque fuit a Strabone (a) asserente e Tudertania (Tractus Hispaniæ in Extremadura circa Pacem Augustam, nunc Badajos) cum melle, pice, & purpuræ granis, minium Romam deportari solitum. En igitur, quod probabile est minium Hippocratis, fuisse minium Theophrasti; quod cum esset minium Plinij, & Dioscoridis hoc vero, nostra cinnabaris; sequitur minium Hippocratis nostram cinnabarim fuisse.

V. Quod vero Dioscoridis, & Plinii minium nostra cinnabaris fuerit, ex eo luce meridiana clarius est, quod uterque tradat, e minio argentum vivum extrahi (b). Addo nunc Practicum ab observatione argumentum. Ea est cinnabaris nostra, quæ cum lene, doloresque tollens medicamen sit, ambustionibus convenire quam maximè potest. Cum contra minium e Plumbo antiquis ex Plinio (c) notum

(a) De sit. Orb. l.

(b) Dioscor. l. 5. c. 59. Plin. l. 33. c. 8.

(c) l. 33. c. 7.

tum; utpote detergens, atque exiccans, ob idque exedentes inter leniores Medicinas censendus, ambustis multo modo opitulari queat. Idque ego experimento didici aliquando, admovens Emplastrum de minio coxæ ambustæ; quod, ob maximum, quem inducebat dolorem, æger ablicere coactus fuit. Igitur, nedum venenum ex Hippocrate non est Mercurius, sed utilissimum pharmacum, quam maximè demulcens, doloribusque sedandis natum.

VI. Primus, quantum scio, e Græcis, qui de Mercurio expresse scripuit, fuit Pedatius Dioscorides Anaxarbæus M. Antonio, & Cleopatrx intimus, Medicæque materiæ luculentissimus Scriptor. Iste tradidit, Mercurium per os sumptum lethale venenum esse; quia suo pondere intestina dirumpit (a) Scripsit itidem, quod vitro excepto, quaslibet res alias dissolvat. An ex hac sententia est, quæ examen promereatur? Sat est eam exscripsisse, ut falsitatis arguatur. Galenus, Matthiolo (b) referente, non solum Mercurii Historiam non calluit, sed aperte falsus est, se nullum de tali metallo periculum fecisse, seque latere, utrum venenum esset, nec nè. Mirum! quod Doctissimus, Eruditissimusque vir nescierit, Antonium Musam Augusti Ar-

Y 3

chia,

(a) Ibidem.

(b) seq. c. 45. l. 5. Dioscor.

chiatrum, hydrargiro contra vermes, ex *Ælegantī*, Eruditoque Scriptore *Pisoni* (a) usum fuisse. Nihilominus, tametsi *Galenus* hydrargirum non norat, eo, & quidem interne usus est: adeò, vel ex *Pergameno* nulla venenata, deleteriave qualitate imbuitur *Mercurius*, *Nicolaus* siquidem *Myrepsius*, *Clar.* referente *Listero* (b) inter antidotos ad urinæ difficultatem, unam ex *Galeno* describit, cui sex insunt *Drachmæ Cinnabaris*. Quid verò *Cinnabaris*, nisi *Matrix*, & vomica *Mercurii*? *Paulus Ægineta*, eodem *Listero* teste, ad taphos dissolvendos, *Emplastro* ex *cinnabari* usus est. Non igitur venenum ex *Græcorum* medicorum oblatione est *Mercurius*; talia siquidem vel externè admota, perniciosa sunt.

VII. Si e *Græcis* ad *Latinos* descendamus; tantum abfuit, ut *Antonius Musa* venenorum censui *Mercurium* adscriberet, quin eo interne, ut ante innui, contra vermes utebatur. An vero ex *Celso*, ut *Lister* laudatus putat, idem colligi possit, valde dubito. Inter *Latinos*, *Latinissimus* *Scriptor* adversus ferarum (c) morsus *Emplastrum* describit, cui minii *Sinopici* partes sex insunt. Putat *Lister* *Sinopicum* *Celsi* *minium* idem esse, ac nostram *Cinnabarim*, seu, si mavis, *Dioscoridis*,

(a) De regimin. magnor. auxil. Dissert. 4. c. 1.

(b) De Lue Vener.

(c) l. 5. c. 19. n. 21.

ridis, & Plinii minium. Verum, cum Dioscorides, qui in Asia, & Ægypto vixit, quique facile Ponti, ubi Sinopes sita erat, naturalem historiam callere poterat, ajat ex Hispaniis solummodo minium deferri; de Sinopico verò minio taceat: quin Strabo forte Synchronus cum Celso auctor, asserat ex Hispaniis minium Romam deportari; coniciendum potius est, minium Celsi Sinopicum, fuisse quodam Sinopidis Rubricæ genus. Idque præsertim, quia teste Plinio, Rubrica Lemnia (a) minium subliniri, atque adulterari solebat; quin eam antidotis omnibus familiarem ait, ut pote, quæ præclara haberetur contra venena, & serpentium terrestrium, marinorumque ictus. Sed en ex Latino Scriptore contra innoxiam Mercurii vim, peremptoriam auctoritatem? Plinius (b) docuit, argentum vivum esse omnium rerum venenum. At cum de eo tradat, quod *permanens tabe dira omnia metalla comedit, atque corrumpat*: cum hunc ab hydrargyro, quasi rem diversam discriminet (c): cum nesciat quid sit cinnabaris, isque videatur assensum præbere, qui ajunt cinnabarum saniem esse draconis clii elephantorum morientum pondere, utriusque animalis sanguine commix-

(a)

(b) l. 33. c. 6.

(c) H. N. l. 33. c. 8.

to (a); patet, ut parum argenti vivi naturam cognovit Plinius, ideoque nullius esse auctoritatis, quæ de hoc metallo ab illo traduntur.

VIII Arabes, qui Pyrotechniam excoluerunt quam maximè, omniumque primi illam ad Medicos ulus traduxerant; eam de Mercurio sententiam temere, ut inter frigidiora venena, frigidissimum per eos censeretur Mercurius. Quæ injuriosa de hoc metallo opinio præteritis annis ita viguit; ut Primrosius (b) putarit Mercurio vim inesse sanguinem coagulandi; Franciscusque Joel apud Bonetum tradiderit (c) Mercurium tota sua substantia, & frigiditate venenum esse, ab eoque calorem nativum, & spiritum vivificum extinguï. Forte Primrosio huic sententiæ fovendæ fundamento fuit historia ab Avicenna, Ramazzino referente (d) locum tamen Avicennæ non citante, relata, de Simia, quæ Mercurium ebiberat, in cujus Cordis sinus sanguis in grumos concretus, inventus est. At præterquam quod, experientia auspice, & duce, opinio ista de summa Mercurii frigiditate purum, purumque est figmentum, nulli aliæ rei innixum, nisi garulæ Peripateticorum, Galenistarumque Doctrinæ de elementis

(a) ibid. (b) l. 4. de vulg. errorib. c. 29.

(c) in Polyal. T. 3. de venen. c. 35.

(d) De morb. Chymic.

mentorum qualitatibus, quas jamdudum sumus Hippocrates tradidit nullum in medicina habere fundamentum, neque hominem lædere (a); vim ejus coagulativam nullam esse, neque a Mercurio Simiæ sanguinem coactum, ex eo constare potest; quod Fridericus Garamanni dimidiam unciam Mercurii in jugulum canis absque ullo malo injecerit, affert (b). Alter quoque canis, Vespew mirante, & referente (c) selibram Mercurii, unguentum, cui immixtus erat, lingendo, hausit, absque ulla noxa. Quod si a fumis Mercurialibus ii quandoque exoriantur effectus, qui in sanguinis stagnationem referendi sunt, quibusque remediis sanguinem fundentibus, & coagula solventibus ex Ramazzino, Volckamero & Borrichio medendum est; istos per accidens, ut Scholæ loquuntur, edit Mercurius, non vero per se, ut constabit, cum inferius hosce examinandi opportunior locus nobis aperietur.

IX. Sed cum rerum humanarum vices ita comparatae sint, ut multa, quæ jam cecidere renascantur; factum est, ut Celebris Scriptor, æquè Eruditus, ac peracris ingenii, dicaxque, Martinus Eister, Mercurium venenis connumerare, haud æquidem ausus sit;

sed

(a) de veter. Medic.

(b) apud Bonet. T. 2. M. S. l. 8. P. 5. sect. 5. c. 65.

[c] De cieut. acquatic.

sed ejus frigiditatem , quæ jam exulaverat , denuò in medium adduxerit; in eoque malignam stupefactivam qualitatem se comprobasse putarit (a) Ut eadem libertate, qua ille in alios utitur, & nos in eum utamur, necessè duco, ejus verba huc transferre; *Illud quidem fateor, aliam rem esse hydrargyrum atque aliam cinnabarim: at in cinnabari hydrargiri vis nativa lenis, & benigna est, cum idem ex lapide excoctus, & ignem expertus, tantum non venenum est, & intestina exedit. Immo ex Therebynthina, aut adipe articulis inunctus, linguam, fauces, totumque caput intumescere facit, silvamque vehementer movet, haud aliter, quam ex intenso aliquo frigore, cui corpus exponitur gravedines, distillationesque pituitæ hinc protinus oriuntur. Ad eundem modum venas quaslibet, præcipuè lymphæ ferenda dicatas torpore quodam infestat. Rigorem autem torporemque genuinum esse hydrargiri effectum cuilibet experiri licet. Etenim tu velim demittas digitum in hydrargyrum: paucis momentis illum pallidum mortui instar membri extrahes. Immo vi quadam narcotica tremores, nervorumque resolutiones ex ejus usu assiduo exoriri neminem laet. Ad hæc, quod hydrargyro inunctis, agrè adeò medicamentis purgantibus alvum moveri, ut ea duplo validiora, quàm antè facile perferant; scilicet a stupore spiritibus induto. Sed hæc verborum copia casta. Om-*

(a) De cicut. aquatic. *Antiqua Med. Lib. 1. Cap. 1.*

Omnis, quæ contrà sensus instructa parata est.

X. Hydrargirum intestina exedere, tam falsum est, quàm quod falsissimum. Mercurio delibutis cruentæ equidem dejectiones non raro accedunt; id tamen ex eo evenit, quia tunc non ad os, sed ad ventrem ejus vis inuens, vasculorum oscula aperit, non exedit; ex, iisque patentioribus factis, crassior sanguinis rubra pars, exit. An si ulcera per intestinorum corrosionem excitata fuissent, statim hypnotico dato, ad cicatricem perducerentur? Aptius illi erat dixisse, fauces, & os a Mercurio, quandoq; exedi, non tamen verius; cùm vel ad longius tempus Mercurius crudus, ore exceptus, nullum corrosionis, ac simoniæque sensum excitet. Quod si Mercurio delibutis, ulcuscula quandoque accidunt; id a copia acrioris salivæ (Venenum, nedum carnes, sed ossa non raro exedit) provenit; quæ cùm copiosior sit, quàm ut possit per oscula vasorum salivalium in os elutriari; tunicas, quibus coercetur distrahit, atque disrumpit: at adeo feroçiter non se gerit Cinnabaris, utpotè cui Mercurii vis quidem inest, sed lenis, atque nativa. Vis cinnabaris utique lenior est, quia cinnabaris in pauca quantitate inest Mercurius. Verùm si ex Cinnabari Mercurius coadunetur, corporique, vel sub fumi specie, vel alio modo admoveatur, eadem omninò, quæ reliquus Mercurius edit, præstare scimus. Sed reponit Eister,

ster, vim hanc maligniorem ab igne tunc Mercurium acquisivisse: quasi immutabile Mercurii corpus, quiquam ab igne præter disciunctionem pati possit; quasque, o bone Eister, Mercurius, quem currentem Virginemque, ut ajunt, in Carniolæ fodinis inveniunt, eadem omninò non præstaret, ac Mercurius ad ignem excoctus. Sed ad fortiora argumenta, quibus torporem, frigusque summum Mercurio adstruit? Primum a simili, atque ab effectibus frigoris intensioris deducit. Ipse, non medicorum, sed Ambubajarum Collegia appello, an unquam a frigore, quantumvis intenso, ii effectus, qui a Mercurio prodeunt, quosque describit Lister, cernantur. In hoc saltem discrimen frigus inter, atque Mercurium intercedere vidisse debueras, Lister, proinque similitudinem tuam nihil probare; quod frigus omnia corporis vasa indiscriminatim afficiat: Mercurius vero, aut solummodo, aut præcipue Cymphatica torpida reddat. O singulare commentum! Unde quæso ita conicis? An quia lympham in os eructant? Sed torpida reddita sui liquidi cursum, non solum non promovere, sed inhibere deberent. Ita per exolutas partes liquorum circuitus malè perficitur; sicque intestina paralyti tacta fæces minime expellunt. Commodius dicere poteras, quod solummodo parvuli lymphaticorum sphincteres (si tamen
hisce

hisce donentur) in os hiantium , torporem
sentiant , lymphamque affluxuram minime
coerceant ; non secus ac ani sphincter resolu-
tus feces sine sensu elabi sinit. Sed irruptior
salivalis lymphæ ad os , & fauces , a qua vi
promoveretur ? Ut asseris lymphatica solum-
modo , non verò cætera corporis vasa narcosi
male affici : jure eodem asserere poteras , lym-
phaticorum sphincteres a Mercurio resolvi ,
vasa vero lymphatica fortius oscillare , non
secus ac ab assumpto , aut illinito Mercurio
arteriæ fortius micant. Sed salivæ Mercuria-
lis fætor , unde lymphæ accedit ? Cum ne-
que narcotica , neque frigus , salivam fæti-
dam reddant ; aliam in Mercurio fætidam
qualitatem comminisci debueras , quæ phæ-
nomenon explicares. Verum ad experientiam
provocat Eister. Digitus , ait , Mercurio im-
missus , pallidus , torpidusque , extrahitur .
Idem , repono , accideret , si aureæ scobi immer-
geretur. Haud sane Mercurii frigus digitum pal-
lidum reddit , sed compressio a Mercurio pro-
veniens ; qua coarctata digiti immersi vasa ,
fluida , quæ calorem , coloremque partibus
impertuntur , minime excipiunt. Eadem vi ,
qua digitum pallidum reddit , glaciem con-
spersus dissolvit , pondere , nempe ; quo , ut
digitum comprimit ; sic inter glaciei porulos
sele adigens , congelatas dissociat particulas.
Si tanto frigore donatus esset , nedum glaciem
non

non dissolveret, quin eam duriorē efficiēt, liquorūque congelationem promoveret. Sed frequēns nervorum resolutio, qua capiuntur, qui frequentius metallum hocce pertractant, ac alvus difficilior catharticis in Mercurio delibutis respondens, satis claras narcoticæ suæ qualitatis notas ob oculos ponunt. Ad primum alias respondebimus: Ad secundum, ajo, quod, qui Mercurio crudo per os usi sunt, alvo segniores minime facti sunt. Circa verò hydrarginosum passos: aut isti alvum pigriorem experiuntur, dum actu saliva exit, aut emenso salivationis studio. Primum verum est; sed inde evenit, quia in recte cedente salivatione, sicciora intestina evadunt, ob acquositates aliò abreptas: secundum vero, nedum gratis, sed falso asseritur; cum vel ii, qui post salivationem, robustiores, torosioresque evadunt, nulla præternaturali stipticitate afficiantur. Quid, quod vir spirituum destructor, hic spiritus torpore affectos somniat? At tanto frigori me tædet amplius immorari.

XI. Verum tametsi de Mercurii summa frigiditate opinio jam obsoleverit; nihilominus non pauci e recentioribus, illum adhuc summè noxium putant, Ettmuleri magni nominis Practici auctoritate freti, qui Mercurium esse corpus compositum, e fumo subterraneo resolutum, arsenicalique sulphure scatens; tradidit; quo in sulphuro sitam esse Mercurii

fil salivatoriam vim, idem Ettmulerus docuit. (a) Quod fæculentiæ minerales Mercurio immisceri possint, & scio, & video: an vero sulphur Arsenicalis indolis illius compositionem ingrediatur, vel Mercurio jam facto adjungatur, nunc examinabo.

XII. Tria sunt, quæ Corporum naturalium mixturam, & heterogeneitatem arguere possunt. Primum, genesis eorum, & incrementum: alterum, genitorum consideratio, & examen sensuum testimonio institutum: tertium, analysi. Plurimorum corporum genesis nobis incognita omnino est; sensuum vero examini, ignisque, aliorumque solventium vi, nullum est e corporibus, quod non subici possit. Corpora mineralia, & genesis, & incrementum quam maxime nobis occulunt: animalia, suam genesis utique, sed non incrementa abscondunt: vegetantia, & genesis, & incrementa nobis ob oculos ponunt. Neque mineralium semina, neque incrementa nobis in propatulo natura posuit: animalium semina, sed non incrementa recondidit: vegetantium vero, neque semina, neque accretiones nos celavit. Et sane quis metallorum semina vidit unquam? Quis eorum nutritivi materiem, aut organa, quibus nutritiva materies assimilatur, detexit? Ex eorum igitur genesis, aut incremento eorundem
hete.

(a) Pyrotechn. ration. c. 5.

heterogeneitatem arguere minime possumus. Cum vero animalia & Plantæ non nascantur, nisi, & materia seminalis, & id quod facundat ad animalis, & Plantæ genesim concurrat; jure arguere cuicumque licet, neque animalis, neque Plantæ corpus simplex homogeneumque esse, sed compositum e diversisque constans principiis. Si animalia, aut Plantas jam effectas examinemus, ex partium diversarum specie diversa, e ponderis specifici, figuræque diversitate; multoque magis ex instituta analysi, eorum compositio satis arguitur. At si metalla jam confecta sensuum criterio subicias; cum nullam partium diversitatem; nullam in partibus speciem diversam; nulla Machinamenta; nulla organa; sed idem in partibus omnibus specificum pondus reperiatis; arguere nunquam probabilis cum fundamento poteris, hæc nisi homogenea, atque in suo genere simplicissima corpora esse. Igitur, neque ex Mercurii aspectu, & sensuum testimonio, multo minus ex ejusdem genesi, atque incremento, quæ nos latent, ejus heterogeneitatem, & compositionem arguere poterimus. Restat, ut ex analysi Chymica id arguamus. At cum quocumque artificio, & Mangonio pressus, atque exagitatus Mercurius, idem semper Mercurius sit, nec in ulla decomposita, sed in Mercuriales solummodo minutas atomos resolvatur; evincitur,

citur; non jam corpus compositum, sed primarium, ac simplex esse ab æterno conditore primævis temporibus, non minus ac aurum, effectum. Nobilissimus Chymista Boyleus, jamdudum hæc Chymicorum, litterarum quidem, sed non technarum rudium, imposturas detexit; docuitque, neque ab auro neque a Mercurio (*a*), aut sales, aut sulphura, aut alia, sive principia, sive decomposita ea voces, extrahi posse. Celebris quoque Alchymista Centivoglius (*b*) tradidit, tantam Mercurio inesse immutabilitatem, ut nulla vi, nullo artificio, nisi in Mercurium divini queat. Nullum ergo signum haberi potest de Mercurii compositione, neque ex aliorum decompositorum mixtura Mercuriale corpus conficitur; quoindeque illius compositionem Arsenicale Sulphur minimè ingreditur.

XIII. Quod si ajat Ettmulerus, sulphur Arsenicale Mercurio immisceri, tamen ejus compositionem non ingrediatur; scire averem, quo fundamento id proferat. Si enim; vel e minera Mercurii, vel prope, Arsenicum effoderetur, non ineptæ suspicioni locus esset, illi sulphur hoc Arsenicale posse conjungi. At, cum neque in minera Mercurii effodiatur Arsenicum, neque prope, quomodo Mercurio immisceri possit, non video. Sed, vel

Z

Ettmu-

(*a*) Chymist. Sceptic. P. 1.

[*b*] apud auct. Boerrhaav, Chemiæ T. 1, Titul. 2.

Ettmulerus os nobis sublinat, vel quid sit arsenicum ignorat. Materia, unde arsenicum fit, quæ Cobaltum est, effoditur; arsenicum verò, Doctissimo Hoffmanno (a) teste, non effoditur, sed per artem conficitur. Nisi igitur Ettmulerus me doceat, quomodoid, quod posterius est, & per artem fit, vel compositionem illius ingredi possit, vel illi jam facto conjungi quod ante, & per creatrices naturæ vires factum est; nunquam intelligere quibo, ut arsenicale Sulphur Mercurii compositionem ingrediatur, vel maturo Mercurio conjungatur.

XIV. At demus Arsenicale Sulphur Mercurii compositionem ingredi, vel Mercurio jam facto immisceri (Phantastica, ut plurimum, veterum Pyroscophorum Theoremata rationibus minime sunt aggredienda, cum eorum nationes non omnibus cerebris aptari possint, sed Phænomenis, & observationibus) nonne tum illi, qui sulphuri, cum qui arsenico peculiare sunt effectus observari in Mercurio deberent? Porro inflammabilitas ita propria sulphuris est, Clariss. ut Gugliemino (b) referente, substantia quælibet inflammabilis e mixtis educta, vel educibilis sulphur appellata sit. Idem quoque Celeber. Ettmulerus (c) Schrodæruque tradidere, per Sulphur

(a) Patholog. Gener. P. 2. c. 2. §. 12.

(b) De princ. Sulphur. Dissert. 1.

(c) Pyrotechn. rat. c. 4.

phur nempe nihil aliud intelligi, quam pinguedinem facile inflammabilem. At Mercurius, nedum inflammabilis non est, quin, ut videbimus, ignis vires valide sustinet; neque ex eo ulla inflammabilis substantia educitur, fortiusque igni resistit, quo purior est. Idque, quod ex Mercurio tandem vi ignis abreptum in auras evolat, sub specieque vaporis, aut fumi abit; nil nisi Mercurius est, qui madefacto corio collectus, in majoresque globulos denuo migrans, non minus, ac ante evolare, ignis vires valide sustinet. Non ergo Sulphur inest Mercurio. Quin neque quidpiam Arsenicalis indolis, si effectus spectentur, in Mercurio latet: Arsenici sub crassiore mole sumpti; nemo est, qui effectus non noscat; qui cum Mercurium assumptum non sequantur, necessario dicendum est; huic Arsenicales moleculas minime inesse. Præterea, ut ex experimentis per me institutis, atque in quadam Dissertatione Metheorologica anno 1726. publici juris factis, constat; arsenicum aquæ congelationem maxime promovet: Mercurius autem glaciei inspersus glaciem dissolvit. Fumi vero, atque aura Arsenicalis, humores corporis nostri coagulant, lentamque febrim inducunt, quæ tandem homines e medio tollit. Sic execrabilis aqua Famigeratissimæ Neapolitanæ Veneficæ, plurimos letho dedit: sicque a fumis

Arsenicalibus Celebris Chymistâ Tachenius & Ramazzino (a) referente, lentam contraxit febriculam. Tantum vero abest, ut Mercurius sit venenum febriferum, aut humores congerat, quin ad oculum eos potentissimè resolvit; ac Ramazzino (b) Ballonio, Fernelioque testibus apud eundem Ramazzinum, summum sit antipyreticon. De ejus vi antifebrili, ipse ante aliquot annos singularem observationem habui, quæ hic sibi locum exposcit. Sacerdos ex Augustiniensium familia sexagenario major, Chymicorum, Paracelsique fautor; per totam ætatem sub cura Senioris Medici febris laboraverat, quæ pro Quartana continua a Medico habebatur. Religiosus iste, morbi, remediorum, Medicique pertæsus, quid ipse tunc Tyro valerem experiri voluit. Post itaque exhibitum Emeticum; pillulis quibusdam antifebrilibus, quarum basis est cortex Peruvianus, Quartanarius paroxismus edomitus, remanente, quæ seniori Medico imposuerat, catharrali febricula, contra quam tales præscripsi pillulas, semel per diem jejuno sumendas.

℞ Calomelari River. gr. viij.

Sal volat Viper. gr. x.

Extrac. Melis ʒi.

Tinctur. Alcherm. parum

m. f. bol. iij. aur.

Post

(a) De metalli. c. 15. (b) De morb. Chymic.

Post tres dies, levior Ptyalismus excitatus; qui ægro imponebat sub specie facilioris catharri expunctionis, & febris omninò profligata. Notandum obiter, quod animalium salia in Mercurium nullam vim exerant. Cum igitur a Mercurio ii non prodeant effectus, quos edere solet Arsenicum, vel sub auræ subtilissimæ specie, vel sub mole crassiore sumptum; rationi consonum est concludere, Arsenicalem deleteriam qualitatem Mercurio minimè inesse. Quod verò a Sulphure Arsenicali salivatoriam vim deducat Ettmulerus; unum est ex iis, quæ Pyrophili, dictatorie quidem, sed nullo, neque ratiocinio, neque experimento innexi, proferre solent. Cum enim per ignis vim evolaverit e Mercurio Sulphur, corpus inflammabile, quodque non difficulter evolat; nulla amplius a Mercurio expectari poterit salivatio. At lippis jam, & tensoribus notum, Mercurium dulcem redditum ignisque sublimatorii violentiam sæpius passum, ptyalismum ciere. Quid igitur? An ab Arsenicali sulphure, salivatoria hydrargiri vis dependet? Minimè ædepol. Unde ergo? Id mihi adhuc ignotum esse confiteor; meque magis puderet ad hujusce effectus rationem reddendam, quicquam e cerebro meo comminisci; quam meam sincerè ignorantiam confiteri. Ut scio magnetem ferrum trahere; atque ad Septentriones converti: in auro in-

finitam, propè dixerim, esse ductilitatem; lumen corpus esse, nec sensibus ponderare; metallum de quo agimus, fluidissimum corpus esse neque madefacere; sic scio Salivationem ciere, hujusce tamen effectus, neque veram neque probabilem causam, cum iis, qui sibi fucum facere nolunt, me nescire cognosco. Concludendum igitur, quod nulla deleteria qualitate sit imbutus Mercurius, sed omnis expers virulentiae, ut Doctissimus quoque Hoffmannus, Mercurialibus remediis cæteroquin non amicissimus, in suis operibus, docuit (a).

XV. Non satis tamen est venenosa, & deleteria qualitate exuisse Mercurium, nisi etiam noxia, & morbosa spoliatur. Hanc verò habere posset ab acido illi contrato, licet non Arsenicali, ut Schrodærus (b) docuit; aut a corporibus aliis salinis, metalisque imperfectis illi consociatis. Ettmulerus ait, quod si Mercurius carbonibus superjectus in avolatione crepitet, signum sit, imperfecta metalla illi adhæsisse (c): Borrachius vero (d) ex Mercurii super prunas coniecti crepitatione, arguit eum impuritatibus scatere. Inde etiam Ettmulerus (e) conjicit acidum in recessu Mer-

(a) In Scholio ad §. xv. c. 2. P. 2. Pathol de venenis.

(b) Sect. 3. c. 11.

(c) Pyrotechn. ration. c. 5.

(d) apud Bonet. T. 2. M. S. l. 8. P. 4. Sect. 5. observ. 66.

(e) Ibidem.

Mercurio adhærere ; quod si Mercurio vulgi probe purgato Chalybeæ laminæ immittantur , vasque claudas ; brevi post in rubiginem corollæ inveniantur. Bonichius idem narrat experimentum , addita tamen circumstantia , qua de Ettmulerus non meminit ; vas scilicet Soli exponi debere. Ante hosce Schrodærus scripserat , Mercurium Martem corrodere.

XVI. Quamvis non negem corpora metallica , & salia impura posse Mercurio adhærere , ex allatis experimentis id tamen evinci non posse contendo , cum primum veritati minime respondeat ; secundum quoque vitio eodem laboret ; prætereaque si responderet , non id tamen , quod volunt Ettmulerus , & Borrichius , probaret.

XVII. Carboni ardenti Mercurium ad oculos purum imposui , leniterque afflavi ; sed cum carbo noster lignorum , præsertim cum flatu urgetur , maximè crepitet , distinguere non poteram , an crepitus , qui edebantur , ab evolante Mercurio , an verò a prunæ scintillis ederentur. Ob id ignitæ ferreæ pallæ , eæque luculentissimo carbonum igni impostæ , in quem follis grandior assidue afflabat , Mercurium imposui . Quid inde ? Iste , qui ab ardente carbone , haud difficulter , licet non citò , evolare visus erat , pallæ impostus , tanti ignis vim , non sine constantiæ nota , ferebat . Licet tamen lente diminueretur ,

nullos unquam crepitus edidit. Eidem pallæ Mercurium ad oculos impurum, scoriisque refertum (erat siquidem sæx depurati, sæpiusque per Corium trajecti Mercurii) imponebam. Iste verò, sine ulla decrepitatione citius evolabat. Non ergo, neque purus, neque impurus Mercurius evolando crepat; proindeque ex hoc experimento veritati minimè respondente, de heterogeneis corporibus, salinisque, aut semimetallicis sæculentis Mercurio immixtis, iudicium ferre minimè possumus.

XVIII. Ad secundum, quod attinet, experimentum, laminam, non chalybeam, sed ferream, lima expolitam, atque splendentem, chirotecis digitos armatus, Mercurio sæculentiori immisi, eamque in loco, quo Sol non pertingeret, reposui. Post quinque dies illam inveni; licetque obscurum colorem a sæce probabiliter plumbea, contraxisset; nulla tamen adhuc rubigine corrodebatur. Eam itaque Soli exposui primis Septembris diebus (*), quibus hoc anno imbrifero, fruges fermè ussit; sed post octo ab expositione dies, nulla adhuc rubigine inficiebatur. Eam per totum mensem Mercurio immersam (cum immersam dico, non intelligo eam subtus Mercurium subsidisse, Mertalo siquidem vivo, semper innatabat) relinquo; sed obscuriorem equi-

(*) 1735.

equidem, & plumbagine infectam; nulla vero rubigine corrosam e vasculo extraxi. Non ergo Mercurius ferrum est. At ponamus Mercurium ferro rubiginem inducere: forte hinc deduci posset aliquid salis, aut acidi in Mercurio latitare? Ergo Salia hæc Martem rodentia in purissima quoque aqua Fontana latitabunt. Cum enim ejusdem laminæ frustulum lima expositum, & splendens aquæ in vase vitreo, quod postea duplicata papyro exacte obsignavi, immisissim; postridie tanta rubigine lamina corrosa erat, ut ad fundum rubigo sideret, vaseque succusto tota vasis aqua rubigine conspurcatur. Cum ergo ferrum, ab insulso etiam liquore rubiginem contrahat; nonne satius esset dicere (siquidem lamella a Mercurio rodatur) ideò æruginem contrahere, quia sæx aquea, quæ inest Mercurio, teste vetere, & magno Chymico Geber (a) illi rubiginem inducat? Sed, nedum lamella aquæ immissa, verum, quam in vacuo vasculo, probe postea obsignato, reposui, rubiginem contraxit. Fundo angulosi vasculi hæc ita adhæsit, ut non mediocri succussione, ad eam ab adhæsiōne divellendam, opus fuerit. Extracta inde e vase, extremitate ea, qua vitro hæserat, rubigine manifeste infecta apparebat. Non ergo ex hiis experimentis quicquam haberi potest, quod acida,

(a) apud Borrichium l. cit.

da , aut alius generis falia in Mercurio ad-
esse commonstent . Ut rem novo subijcerem
examine , Untzerum perquisivi , qui de Mer-
curii Anatome scripsit ; eum tamen Venetiis
Honestissimus Biblioposa Coleti , nullo studio ,
aut diligentia , invenire potuit . Quamquam ,
ut ante asservi , Nobilissimus Coylius , & Cen-
tiovoglius asseruere , e Mercurio , nil nisi Mer-
curium extrahi posse ; supervaneum omnino
ducam exquirere , quid hac super re reliquus
Chemicorum chorus cecinerit .

XIX. Huc usque verbis , experimentisque
extra corpus humanum institutis , evictum
est , neque venenatam , neque malignam ul-
lam qualitatem Mercurio inexistere ; nunc
vero experimentis intra nos factis conficien-
da res est , historiisque ejus detractoribus ora
obstruenda . Omissis , quæ ex musa , & Ga-
leno anterecensui ; Nobilissimus , Consularis ,
Elegantissimusque Scriptor Ausonius , Patre
Medico natus , Mercurii , non solum sine no-
xa , sed contra toxicum utiliter hausti , me-
minit , quam lepidam historiam non fædare
non possem , si illam aliis , ac auctoris verbis
enarrarem .

*Toxica Zelotypo dedit uxor Mecha Marito ,
nec satis ad mortem credidit esse datum .
Miscuit Argenti lethalia pondera vivi ,
cogeret , ut celerem vis geminata necem .
Dividat hac si quis , faciunt discreta venenum ,
An-*

*Antidotum sumet , qui sociata bibet
Ergo inter se se dum noxia pocula certant ;
cessit lethalis noxa Salutifera .*

*Protinus , & vacuos alvi petiere recessus ,
lubrica dejectis , qua via nota cibus .*

*Quam pia cura Deum ! prodest crudelior uxor ,
& cum fata volunt , bina venena juvant . (a)*

Certum itaque est ex hoc Epigrammate , Mercurium fuisse sine noxa deglutitum . Quod vero discretum sit venenum : quod toxico sociatum evadat antidotum , id ex propria sententia tradidit Ausonius . In quem , si Grammaticomasticem agere nunc locus esset , subdere possem , Epiphonema , quo claudit Epigramma , neque utiliter , neque superioribus cohærenter appositum . Cum enim ex Ausonio , naturaliter Antidotum sumat , qui Mercurium toxico sociatum ebibit ; non opus erat peculiari Deorum cura , neque vi irreluctabili factorum , ut uxor crudelior prodesset , & bina venena juvarent . Matthiolus (b) retulit , mulieres comitatus Goriciensis , Hydriæ forte proximitate occasionem præbente , (quam , ut obiter moneam , male auctor Boerhaavianæ Chemiæ Insulam appellat) & sine noxa , & feliciter uti ad laboriosos partus adjuvandos . Henricus ab Heers (c) ut rarissimam

(a) Epigram. 10.

(b) apud Pison. De regimin. magn. aux. Dissert. 4. c.

(c) Observ. rarissim. apud Bonet. T. 1. M. S. l. 3. sect. 8. c. x

simam observationem adnotavit (forte enim putabat huic metallo venenatam qualitatem inesse) Mercurium crudum ad libræ sensum sine noxa deglutitum fuisse. Samuel Ledelius (a) qui eandem de Mercurio sententiam fovebat, historiæ meminit de hoc remedio (ipsius verbis utor) contra Gigantæas mulieris obstructions feliciter exhibito. Ut vero ostendat, non sine periculo tale remedij genus administratum, subdit: *mulierem, pristinam sanitatem adeptam cum Theoremate, audaces sepiuscule Fortunam adjuvare*. Tanti est alicui præconceptæ opinioni favisse, ut quæ naturaliter contingunt, cum nostræ sententiæ minime congruunt, vel in Deum, vel in Fortunam refundantur! Georgius Marchio Brandenburgicus (b) ad sitim extinguendam, vini loco lagenam Mercurio plenam arripuit, & ebibit, Mercurio sine noxa per guttur inferius reddito. Ex Johannis Paterfonii Hain (c) relatu, viginti uncix Mercurii absque ulla noxa intra corpus per sex dies delituisse. Scio, binas Mercurii libras per sex dies intra intestina latitasse, scripsit Belostus (d) qui etiam, ex recensione Domini Le Due, tradidit, Smirnæas mulieres, eum impune sum-

(a) apud Bonet. ibidem

(b) Thom. Jordan. l. 3. de pest. phænomen.

(c) T. 2 M. S. l. 6. sect. 6. Observ. 30.

(d) p. 52.

summere ad faciei pulchritudinem conciliandam. Relatum mihi est ab viro spectatæ fidei, Cerdonem quemdam Venetiis, vinum, quod in loco subterraneo æstivo tempore cujusdam Pharmacopolii ministri condere solebant, clam ebibere, & suffurari solitum; Cum vero ministris techna innotuisset, vini-que loco, vas Mercurio plenum reposuissent; hunc Mastigiam bibendi aridum, moræque impatientem, pleno guttore hausisse Mercurium; cujus frigiditate in bibendo percepta, præ timore, quasi exanimem redditum ejulasse, eoque ministros illum iridentes accurrisse, qui graphicum sicophantam, alia sicophantia non minus graphice deluserant: nulla vero noxa a Mercurio Cerdoni illata. Vir Genere, ingenio, moribus, honestateque Clariss. mihi narrabat, ab ejus Nobili condiscipulo febris exercito, Bononiæ, aquæ loco Mercurium noctis tempore absque ulla noxa ebibitum. Quid plura? Si Sulphur Arsenicalis indolis in eo lateret, vel si maligna miasmata illi intime commixta forent; tantum abest, ut volvulosi ab ejus pondere medelem caperent; quin a stimulis Arsenici, aut aliorum salium, irritatis, corrosisque intestinis, citicis præ gangræna perirent. Eodem fato functi fuissent, qui hoc anno a verminosis Pleuritidibus decumbentes esempto Mercurio, felicissime evaserunt. Ex iis vero, qui,

qui, vel animi, ut ita dicam gratiā, superioribus Mensibus Venetiis Mercurium sum-
pserunt, quot, quæso, non periissent, vel
difficilissimis morbis impliciti non fuissent, si
deleteria qualitate imbutus esset Mercurius.
Quod si post assumptum Mercurium adversū
aliquid aliquibus contigit; videndum, qui-
bus morbis exerciti, aut obnoxii Mercurium
sumpserint, atque, num iisdem, vel non sum-
pto Mercurio, capiendi fuissent: Quod, si
Medico cum criterio; partiumque studio post-
habito, fiat; nullus dubito, quin inson Mer-
curius plenis suffragiis non sit declarandus.
Quoniam itaque, & a Veneriorum censu est
proscribendus Mercurius, & repurgatus sine
ulius noxæ suspitione potest hauriri, restat,
ut de ejus vi Medica differamus.

XX. Ut quam minime possum errem in
disquirendo de Medicis Mercurii viribus;
necesse duco quorumcumque Scriptorum au-
toritate posthabita, una cum hypothefibus
ab auctoribus effictis, tria, majore qua pote-
ro acrvia examinare. Primo igitur, asser-
tam Argenti vivi volatilitatem: inde, muta-
tiones, quas a vi vitæ in corpore nostro pati
potest: tertio loco ejus ingressum in sangui-
nem examini subiiciam. Si igitur *νοσμεν* op-
ponendo *φαινόμενα* constare faciam, quæ præ-
stare non possit Mercurius; ni meum, quale-
cūque sit, me fallat *κρίτηρον*; quid efficere
queat,

Queat, clare eluceſcet. Age igitur, ejus aſſertam volatilitatem examinemus.

XXI. Cum ex Statices principiis ſcirem, vim inertię proportionalem quolibet in corpore eſſe debere quantitati materię; inſuperque non ignorarem, nullum corpus ex iis, quę noſcimus, poſt aurum ſub dato volumine majorem materię quantitatem præhydrægiro continere; non poteram iis acquieſcere, quę de ejus maxima volatilitate circumferuntur. Volatilitas etenim, cum nihil aliud ſit, quam aptitudo corporis, vel per minimam vim aeris, aut caloris ad evolandum; intelligere non ſatis poteram, quomodo Mercurius, qui, ſi Nobiliſſimo Boglio credimus (a) aere 14000. vicibus gravior eſt; vi minima ita dividi poſſet, ut per hanc diſiſionem proportio majoris inæqualitatis ſuperficiæ ad pondus, quę naſcitur, ea evadat, per quam amiſſo ferme ad infinitum pondere, cum non adeo imminuta ſuperficie, per aereum liquidum natare, atque evehi facillime poſſit. Neque huic meo ratiocinio obſtabat, aurum corporum notorum ponderoſiſſimum (quinque Mercurium pondere excedit) fixiſſimumque; quodque vim ignis vitrarię fornaciſ per duorum menſium ſpatium, abſque ferme ulla ponderis imminutione, ex Gaſtonis Clavi

vei experimento sustinet (a), posse, non solum ita per menstrua corrodi, dividi, atque extenuari, ut in iisevehatur, cumque iis chartæ emporeticæ poros penetrare non respuat; sed etiam absque calcinatione, aliarum volatiliū substantiarum ope in sublime elevari (b) Quanta enim vis ignis! quanta corporum solventium activitas ad id præstandum requiritur! Metallum etiam de quo agimus, vi spirituum acidorum ad minima redactus, facile sublimatur. At quemadmodum nemo assereret aurum esse corpus volatile, quia maximorum solventium ope, maximaque ignis vi in sublime vehitur; sic neque volatilibus corporibus jure Mercurium adscribet, tametsi efficacissimis admotis prædiis tandem in auras abeat. Ob hæc cum legerem, vel audirem, aurum in crumene a Mercurio in altera crumena existente dealbari: vel in ore aurum detentum flavum ammittere colorem, si Mercurio digitus immergatur eoque Clariss. apud Veronenses Medicum Rotarium (Si vera fama fert) in Rureto Mercurium gestare solitum, ut extra metalli activitatis, volatilitatisque sphaeram (Mercurialia amulita a nugarum venditoribus collaudata consultò prætereo) noxia detrudat miasmata; leviter collo inflexo, musculisque patientiæ contractis,

an.

(a) apud Boyl. Chymist. Sceptic. P. 1.

(b) Ibid.

annuebam: Quid enim? An rationibus solummodo confusus, assertis factis obviam ire poteram, potissimum, cum animum induxerim, in physicis rebus, oculis magis, quam opinionibus credere? Haud equidem. Sed tonis avibus, Doctissimus Freind ad me delatus, qui ait, perperam volatiliorum corporum censui adscribi Mercurium (a) ansam dedit, ut illius assertam volatilitatem examinarem; quo instituto examine, novi, male a Medicis, & Philosophis, ut contra recte fit a Pictoribus, atque Poetis: Mercurio talaria necti.

XXII. Subiit mihi itaque primo vulgare experimentum de aureo anuli circulo a Mercurio dealbato, qui denuo flavum suum colorem recuperat, si ardenti candellæ imponatur: Anulum igitur ita dealbatum candellæ flammæ exposui, qui niger primo evadebat; ac quamvis satis diu illum candellæ vertici admovissem, nigrore prius, quo infectum erat deterfo; adhuc, licet remisse, albescebat, neque suum pristinum recuperabat colorem, nisi postquam iteratò illum flammæ exposuissem. Non igitur, neque per vim ignis fortioris, adeo facile in auras abit Mercurius. Idem metallum ignitæ ferreæ pallæ impositum, eæque in vehementiore carbonum igne detentæ, satis constanter vim ignis sustinuit; eoque constantius, quo

A a

pue

(a) Prælect. Chymic. 4.

purius fuit, neque facile abiit, ut volatilia
 ra evolant corpora. Cum legissem in Chemia
 Celeberrimo Boerhaavio adscripta, Mercurium
 ad calorem ebullientis aquæ evolare; accepi
 unciam dimidiam Mercurii, eumque aquæ
 ad ebullendum commisi. Postquam per ho-
 ram ebulliisset, aquam per decantationem
 effudi, Mercuriumque probè exiccavi, qui
 lanci denuo impositus, exactissimè primum
 pondus æquavit. Huic tamen experimento
 fidere, vel in eo acquiescere non sat censui;
 siquidem sciebam dari corpora illiusmodi,
 quæ de se effluvia, & quidem copiosa, at-
 que ad longius tempus emmittunt, absque
 eo quod de suo pondere ferme quicquam de-
 perdant. Sic E. E. Moschus suaveolentibus suis
 effluviis totam domum odorosam reddit, sine
 sensibili ponderis imminutione. At, quid
 Moschum refero? Corpora metallica aliis sub-
 stantiis manifestissimè consociantur, absque
 eo quod corpora, quibus nupsere pondero-
 siora evadant. Non ne fieri e contra potest,
 ut a suo metallo abradantur, absque metalli
 sensibili ponderis imminutione? Nunquam
 sine laude recensendus Boylius, quia ha-
 buit mineralem aquam manifestè ferro satu-
 ratam, quæ aquæ puræ pondus minimè ex-
 cedebat; putavit (a) posse gemmis admi-
 sceri substantias metallicas absque gemma-
 rum

(a) De Gemm. origin. & virtut. sect. 1.

rum ponderis incremento. Cum ergo legissem
aquam Hermeticam Salivationem aliquando
excivisse (quam rem tamen ; nisi videro ,
non credam) suspicatus sum , Mercurio mias-
mata adeo subtilia , tenuia adeo esse posse ;
ut quamvis de sensibili Mercurii pondere ni-
hil demant ; nihilominus e Mercurio evolent ;
atque expirent , aquamque Mercurialem red-
dant sine Mercurii sensibili ponderis immi-
nutione . Ad hoc itaque mihi adimendum
scrupulum , tale experimentum institui .

XXIII. Unciam Mercurii in vitreo nodu-
lo posui : nodulum postidiè aquæ ebullienti
immisi ; nodulique osculum aureo nummo co-
operui , quem eo loci reliqui , donec aqua
deferbuit . Cum prima vice ab impetu aquæ
ebullientis nodulus tremere ; caderetque ; te-
nacula vice altera eum ; ne præceps agere-
tur , detinebam ; sed nullo argenteo colore
nummus aureus albescebat . Mercurius , qui ,
vel sub specie vaporis , & fumi semper Mer-
curius est ; si per calorem ebullientis aquæ
in sublimo evectus fuisset , auro super obje-
cto adhæssisset , ejusque flavedinem suo albore
commaculasset . Advertendum tamen est , ut
vasis os a moleculis Mercurialibus probe de-
tergatur ; namque si illi inhæserint , in auri
porulos sese insinuabunt , quod refundi facile
postea poterit in Mercurii particulas a vi
caloris in altum evectas ; ut mihi prima vi-

ce, quæ experimentum institui, contigisse notavi. Ista percripseram, quin Dissertationem ancillam ad umbilicum perduxeram, cum ad me allata est genuina Magni Boerhaavius Chemia, ejus nomine, & manu signata. Ait laudatus auctor, non ad calorem aquæ ebullientis, sed ad paulo majorem eo, quo aqua ebulliens calefcit, Mercurium in sublime ferri. Cum igitur satis constanter ignis vim sustineat Mercurius, neque per vim ignis remissio-riorem in auras evolet; dicendum ejus volatilitatem gratis quidem asseri, sed experimentis minimè comprobari. Nunc ad ea veniamus, quæ a viribus vitæ in nostro corpore pati potest.

XXIV. Pleraque e corporibus, quæ extra nos dissolvuntur; vel resolvantur in corpora heterogenea, quæque alterius indolis spectanda se obiciant, ac corpora ex quibus extracta sunt; vel solummodo dividuntur, adeo ut in homogenea abeant corpuscula, quæ ejusdem sunt naturæ, ac integrum corpus, quod prius componebant. Cum V. G. terrestri gleba exiccata, vel pistillo, vel molendo in subtilissimum pulverem redigitur; atomi pulverulentæ in quas resolvitur, ejusdem omnino sunt indolis, ac integra gleba. Si vero analysi Chymica hæc resolvatur; in substantias abit a terrea indole omnino dissimiles. Axioma universale apud Pyrosophos est,

cor.

corpora quælibet in sua principia, seu tria, seu quinque resolvi. Verum, ut pleraque e Pyroſophia deprompta ad examinis trutinam penſitata minime vera eſſe conſtat; ita, & hoc univerſale poriſma fallax falſimonio invenitur; cum Inſigni Boylio notante (a) non pauca ſint corpora, e quibus Chemica principia educi minime poſſunt. Inter quæ (ut taceam de oſſercolla, arena, Lignis putridis, aut quæ diu æquor ſulcarunt, de Talco Veneto, de Senitide) jure cenſet aurum, atque Mercurium. De hoc ultimo igitur loquendo, eum, quantumvis Stygiis aquis corrodas; in ſublimatum corroſivum, aut dulce, ſublimes, vel Riveriana methodo in Calomelanos *dulciſices*; præcipites; *chryſtallices*; calcinare tentes; per quancumque ignis vim, vel per quodlibet Chemicum artificium, nunquam immutabis, neque Mercurius, niſi in Mercuriales atomos reſolvetur. Cum igitur extra nos per tantarum virium momenta nunquam immutari poſſit hydrargirus; an putandum eſt facultatibus ita efficaciſſis ſuccos noſtros pollere, ut quæ ab externis fortiſſimis agentibus præſtari non poſſunt, præſtare illi queant? Haud ædepol. Quam igitur mutationem in Stomacho, atque inteſtinis noſtris ſubire poteſt argentum vivum hauſtrum? Nallam aliam, niſi quam etiam extra corpus a

Aa 3 vi

(a) Chymiſt. Sceptic. P. I.

vi percussione, vel si major, impulsus, patitur. Hisce positis.

XXV. Ea corpora fluida vocantur, quorum partes vi cuicumque illatae facile cedunt, moventurque in se. Cum vero Mercurius fluidiora corpora, longe fluiditate antecellat; necesse est, ut ejus particulæ vi illatae facilius cedant, & quam facilius moveantur. Hinc evenit, quod si plano speculo hydrargiri granulum imponas, lenteque chrySTALLINA lucis radium in illud dirigas; ex recensione auctoris Boerhaavianæ Chemiæ in infinitos globulos difficiatur. Fieri itaque minime poterit, quin corpus vi illatae ita facile cedens, a stomachi contractionibus, motibusque, atque ab intestinorum peristaltico motu in millena hinc inde granula dividatur; quæ cum sint semper ejusdem figuræ, ejusdemque specifici ponderis, neque vis dimovens ea sit, ut eò tenuitatis illa redigat, per quam cum non minima superficie, pondus ferme amittant; in mutuos denuo ruent amplexus, seu si major, sese invicem attrahent; quapropter nunquam gastricis fluidis innatare poterunt, sed ab intestinorum, ventriculique parietibus, ut a vasis fundo, sustinebuntur.

XXV. At quis obiciet, majorem dissolutionem, quam sit simplex particularum divisio, Mercurio in intestinis nostris contingere.

re.

re. Cum enim in ventriculo, atque intestinis liquida adesse dandum sit: cumque gastricorum succorum indoles acida audiat; poterit ab hisce acidis spiculis corrodi Mercurius, iis adhærescere; ac quemadmodum in menstruis stygiis evenit, sursum, deorsum, levorsum, dextrorsum ferri, atque natare, neque intestinorum tunicis, quemadmodum vasis fundo adherere. Hinc duo oriri possunt: Primum, quod mediante salium succis hisce inhærentium consortio, in fluorem redactus, lymphæque innatans, oscula lacteorum subeat, & sanguinem ingrediatur: alterum, quod quemadmodum in ejusdem per stygias aquas, dissolutionem, evenit; corrosivus evadat. Quod non inepte animadversum est a Leme-ryo (*a*) præcipiente, vivum Argentum in pleniore dosi vulvulosi exhibendum esse, ut citius descendat, nè in intestinis restitans acidorum salium actioni exponatur, quæ illum corrosivum reddere possint.

XXVI. Quamdiu in physicis hypothesebus abutemur, tamdiu male philosophabimur. Observatis, veritatisque minimè consonum est digestivos succos acidos esse. Ejusdem omnino naturæ sunt, ac salivalis humor, qui e glandulis salivalibus in os prolicitur, nempe subsalsi (*b*) lactæque Sylviana biliosi cum

Aa 4 Pan.

[*a*] Corf. de Chemic. T. II. c. 8.

(*b*) Vid. Boerhaav. *Æcon. animal.*

Pancreatico succo, non Physiologium Theorema, sed merum postulatum nondum demonstratum, naturioribus Physiologis audit. Dicti igitur succi, non sunt illius indolis, quæ corpus corroderet maxime compactum, penetrare, & solvere queant, quod acidissimis salibus, & corrosivis solummodo datum est. Quin neque acida mineralia quæcumque; quamvis fortissima Mercurium æque dissolvunt; cum facillime ab aqua forti; difficilius a Regia; neque ab oleo vitrioli, nisi fortior ignis olei spicula in actum deducat, atque intra Mercurii poros impellat, didolvatur. Quod si etiam acidissimi in nobis forent dicti succi, aut evaderent (putavit Galenus, neque injurie, in humanis corporibus venenatos succos sponte quandoque progigni, qualis fuit acrior ille succus in Ferdinandi III. ventriculo inventus, cujus guttæ argenteæ pelvis nitorem commacularunt (a) præterquam quod non adhuc horum succorum vis illa esset, quæ metallum posset corrodere (quid enim, si cum stygiis aquis, aut oleo vitrioli comparentur?) mihi probabilius videtur, non tam per hosce succos Mercurium corrosivum evadere, quam per Mercurium efferos hosce humores corrigi, & cicurari, sicuti sublimatum corrosivum, Mercurio

[a] apud Bonet. in Sepulc. Tom. 2. l. 3. sect. 15. octerv. 4.

curio crudo admixto dulcescit. Ego sæpissime, ut ex meis observationibus videre est, vel in infantibus, Mercurio dulci, eo nempe, qui corrosivis adhæret, utor; etiam cum facies viridescentes, aut sincere flavæ acidorum succorum prædominium arguere possunt; neque ex hac Praxi, quæ Hoffmanni Doctis pace, mihi sollemnis est, adhuc quicquam mali contigisse annotavi. At, en, ut sibi constant dictorum auctorum ratiocinia. Non ne per eos lues Venerea acidi soboles est, quæ quandoque, nedum carnes exulcerat, sed durissima quoque ossa corrodit? Quid vero potentius acida ista, si Diis placet, spicula infringit, quam Mercurius? An ad eorum nutum in lue Venerea acida cicurabit; in aliis vero casibus ea auctiora, & corrosiva reddet? Quod si ajant, Mercurium per acidorum salium vim, corrosivum evadere; reponam, non ideo sic appellari, quia vere ipse rodense evadat; si enim ab acidis salibus, quibus adhærebat, separetur, denuo spicula abiicit, atque inermis, ut ita dicam, remanet; sed tali nomine donari, quia corrosivorum corporum, quibus adhæret, suo pondere vim exacuit. Quemadmodum eveniret, si a cui curi infixæ plumbeam lamellam imponeres, quæ sua gravitate acum intimius adigeres. Velim tamen animadvertas, salia ista quibus spicula exacuit Mercurius, ejus esse indolis, quæ

quæ Mercurium corrodere possit, & solvere; Non igitur intra nos ingestus eum dissolutionis gradum subit crudus Mercurius, per quem in unum homogeneous corpus cum liquidis gastricis facessere possit. Cum igitur non sit Mercurius volatilissimum illud corpus, quod esse censetur: Cum gradus caloris nostri illum non æquet a quo evolat; per suæ volatilitatis vim, ut effluvia evolantia solent, sanguifera vasa minimè ingreditur. Item, cum a vi gastricorum fluidorum, & solidorum illum divisionis, fluorisque gradum acquire non possit, per quem lymphæ innatans, illique intimè commixtus lacteorum vasculorum oscula intrare queat; sequitur illum, dum per os crudus assumitur, sanguinem minimè intrare posse, ut Ramazzinus quoque laudatus (a) putavit; sed per inferius guttur, ad idem pondus quo per superiora ingressus est, extrà detrudi, quod a Claris, Chymico Lemeryo jam traditum est (b).

XXVII. Sed argumentis hisce a priori, ut ajunt, petitis, aliqua a posteriori deprompta, accedant. Observare est, medicamina illa, quæ sensibilibus edunt effectus, quomodocumque sanguini accedant, sive per cutem, sive per venas infusa, sive per Regiam

(a) De morb. Chymic.

(b) Corso di Chemic, T. I. c. 8.

Chyli viam, sibi peculiares propriasque actiones semper exercere. Cantharides, vel exterius admotæ vesficam extimulant: Cathartica fortiora cuti illinita, alvum cient. Crocus metallorum genubus admotus, vomitus, ac si haustus fuisset, induxit (a). A lotionne capitis ex Nicotiana, ebrietas, anxietas, vomitus, & diarrhæa exorta (b): Opiata cuti apposita, somnum cient, idemque in venas conjecta præstant (c), gummata principio scatentia sulphureo, non minus apposita ac per os assumpta stagnantia resolvunt. Unioni continui disruptæ balsamica hausta famulantur, idemque præstant apposita, aut per syringam injecta; atque, ut tandem aliquando finiam, rodentia, non minus externo, quam interno contactu, vomitus, anxietates, ardores, febres, rosiones, mortem inducunt. Porro peculiaris, Mercurioque sanguinem ingresso specificus effectus, quique ejus cum sanguine commixtionem prope sequitur, est salivatio: quandoque etiam cum torminibus, nec sine sanguine, alvi fluxus. Apponatur cuti Mercurius, vel sub linimenti, Emplastrive forma, vel sub specie fumi; seu sanguini dulcis redditus, immittatur, fere semper

(a) apud Bonet. T. 1. M. S. l. 3. sect. 7. c. 19.

(b) apud Boyl. Philos. experim. p. 106.

(c) Ex Transact. Anglic. T. 3. c. 9. §. vi. Emetica injecta, vomitum, & dejectiones; cathartica, dejectiones, ac vomitus intulerunt,

per primum; alterum non verò, sæpius ambobus dictos effectus edit. Nunc scire averem, cum cruas per Galaxiam rupri connixtus eisdem non edat effectus? Unde quæso facultati ejus salivatoriae compedes accedunt? An vis stomachi saccorumque gastricorum: an lymphæ lacteorum salivatoriam ejus vim domat, atque ea difrigit? At Aquilæ albæ salivatoriam facultatem minimè comprimit. An a sua indole mutatus sanguini accedet? Sed quicumque Mercurium ejusque intercætera vel metalla summam noscit immutabilitatem, vix hæc cogitabit. Quæ verò affert Belloſus de ejus maxima volatilitate, per quam aura, & fumi Mercuriales solummodo sanguinis fluentum ingrediuntur, deque ejus gastrica sublimatione diverſa ab ea, qua in ſublime venit, dum vaſa ſanguifera percurrit; ex ante dictis ſuper aſſerta Mercurii volatilitate, atque ineptitudine caloris noſtri ad illum in ſublime evehendum, extenuata omnino, & dura puto. Quin aſſerere, particulas Mercanti volatiliores ſanguinem per Galaxiam ingreſſas, ſalivationem minimè ciere; nedum eſt nondum probata nimis fidenter pro demonſtratis obtrudere; ſed verba factis impudenter ſatis opponere, cum videamus fumos Mercuriales per ſuffumigia in ſanguinem delatos ſalivationem excitare. Forte ignis prunæ fumos ſalivatorios corpori inducet,

ret, quæ salivatoria in Mercurio non sunt. Stomachus calor in sublime pellet solum modò? At ita hypotheses hypothesibus connectantur, quæ cum phænomenis minimè congruunt, nedum ea, quæ fiunt, sed neque quæ fieri possunt valent explicare. Mihi videtur, ut quemadmodum ex effectus cujusdam observatione, qui causam suam propè sequitur, optima cum ratione causæ effectum producentis existentia arguitur; sic ex ejusdem effectus absentia aptissimè argui posse, vel producentem eum causam minimè adesse, vel illius actionem aliquo de nomine impediri. Non ergo Mercurius crudus per os assumptus venas intrat, quia cum sanguinem tangit, salivationem ciety ut vice quadam Bellosto observare datum fuit (*).

XXVIII. At tela, quæ in adversarios conjeci, facta, nempe, verbis opposita, nunc sentio in me retorqueri. Cum isti asserant, Mercurium in urinæ sedimentis apparere, evictum jam est, cum sanguinem intrare. Proinde ea quæcumque sint, quæ illius in sanguinem ingressui opposui, meri sunt logi, verbaque

ina-

(*) Objectionem a Mercurio Diaphoretico vulgo dicto, petitam, non moror; neque ob id solummodo, quia naturales, vitæque vires nostræ ab efficacia virium Chermæ plurimum deficiunt; sed quia Mercurio Diaphoretico dicto: vel nihil, vel parum addendum Mercurium inest. Preparatio, quæ mihi innotescit, nil nisi Sal armoniacum continet.

inania : Ita sint , sed factum examinemus : Mercurius , qui sanguinem ingreditur , sub auræ volatilissimæ specie venas intrat ; qualis est , quæ per auctores aquæ Hermeticæ virtutem anti-helmenticam conciliat . Eo igitur tenuitatis , & parvitatís tunc Mercuriales atomi redactæ sunt ; ut quemadmodum nihil sensibilis ponderis e massa undè evolarunt , demperint ; sic in se nihil sensibilis ponderis habeant . Diameter igitur hujuscæ mercurialis molculæ , adeò , penè dixerim , infinitè parvâ concipiendâ est , ut pondus ejus , seu cubus a Diametro multùm infrâ zero subsistat . Ergò dicta Mercurialis aura , nedùm ; quocumque in liquido crassiore , sed vel in subtilissimo æthere natabit ; proindè natabit quoque in lotio : in hujus sedimentis minimè subsidet : cùm lotio effundetur ; neque in lotii facie quacumque visus acie conspici poterit .

XXIX. Huic ratiocinio , video , quid opponi possit . Eiusdem specificæ gravitatis corpora , facilimè sibi adhærescunt , seu fortiter se se invicem attrahunt . Ergo atomi Mercuriales per lotium dispersæ , in mutuos amplexus ruentes , in grandioresque molculas se se efformantes ; fluidum in quo natant , pondere excedent ; in urinæ facibus subsident ; oculusque , saltem adjutus perspicillijs , eas videre poterit . At ego inсто : ergo quod
que

que in aqua Hermatica cernentur, quod tamen falsum est. Petam itidem, quomodo particulæ istæ, quæ cum oculis usurpari possunt, aliquid sensibilis ponderis habere debent, nihil ponderis a Mercurio demserint. Hæc tamen instantia, ut fatear, quod est, si veræ est Boylei observatio, de qua dubitare, nefas ipse ducerem, argumentum non solvit; ille etenim habuit aquam manifestè ferro saturatam, quæ aquæ Fontanæ pondus minimè excedebat. Nodum igitur non diffringam, sed solvam.

XXX. Omni materiæ vim eam inesse scio; quam attractionem Magno Nevvotono vocare libuit; scio itidem vim hanc in minimis potissimum particulis manifestari; sed scio quoque ab fluidis in quibus natant, particulas, suis motibus, ideòque suæ attractioni mutux resistentiæ pati. Quomodo, & qua lege fluida corporibus per ea natantibus resistant, insignis docuit Nevvtonus. Ejus subtilissimas speculationes (præterquàm quòd caput meum fortè superant) hùc afferre Omnino necessarium minimè duco; cùm rudiori ratiocinio, sed tamen ratiocinio, pinguioreque Minerva, quæ in meam rem facere possunt, hic possim in propatulo ponere. Observo natantia corpora, eo difficilius per fluidum aliquod moveri, quo plus tenacitatis, viscositatisque fluido inest. Observo itidem

cor-

corpora per fluida dispersa, eo difficilius suæ
 attractionis vim exercere, quo fluidi partes
 magis moventur. Aquam lignea scobe con-
 spergas, bacillo postea aquam dimoveas: Pul-
 visculi lignei granula facilius ad se mutuo
 accedent, quo segnius aqua succutitur. Nec
 obstat, motum fluidi, sive intestinum, sive
 ab vi externa excitatum, particulam par-
 ticulæ admovere posse, ut inde attractio fa-
 ciliior evadat; quia eadem vis motus, quæ par-
 ticulam particulæ propiorem constituit, parti-
 culam quoque a particula dimovet; quapropter,
 ob causam eandem, qua forte attractio pro-
 moveri posset, attractio quoque impeditur.
 Sed rem clarius illustrabit aqua calidis cine-
 ribus superposita, cui insit aliquid pulveru-
 lenti, aquæ pondus non multum specificè ex-
 cedentis. Videbis leni calore aquæ particu-
 las commotas per totum, aquæ corpus pulve-
 ris particulas dispergere, quæ remota ab igne
 aqua, & refrigerationi commissa, ad se mu-
 tuo accedent, atque subsident. Hinc, tamen-
 si non me fugiat, quod inter attractionis
 vim, & vim gravitatis, vel ex eo aliqua di-
 versitas intercedere debeat, quod vis attra-
 ctionis major, aut minor, nedum a pondere,
 sed etiam a figura dependeat, quod secus ac-
 cidit in vi gravitatis, quæ eadem corporis
 densitate remanente eadem semper est sub
 quacumque figura; nihilominus cum eo in
 gravi-

gravitate convenire videtur, quod quemadmodum hæc densitati materiæ omnino correspondet, sic etiam vis attractionis ab eadem densitate plurimum pendere videatur. Ita pulveris aurei particulæ si liquido alicui immittantur, citius seu fortius se attrahent, quam particulæ pulveris ferrei, hæcque ocyus, quam particulæ lignei, aut terrei pulveris. Hisce positis, cum particulæ Mercurialis auræ infinite parvæ concipiendæ sint (nihil enim ponderis a Mercurio, unde avolant, demunt) cum talia non sint terrea, aut salina urinæ corpuscula, & contenta, sed sensibilis, crassiorisque magnitudinis: cum lotium fluidum viscosius, & tenacius sit: cum, nedum per horas, sed per dies quoque motum quemdam, siue intestinum conserve, si vè ab externo aere recipiat, sæx urinæ subsidet, natante adhuc Mercurio, ideoque neque acies quantumvis Lincea hunc in urinæ sæcibus, in quibus non est, cernere quibit. Sed quid verbis opus? Uxori meæ, ut inferius tradam, Mercurium propinavi: quam exactissime potui ejus urinæ sedimenta diversis a mictione temporibus, examinavi: oculos perspiciliis (licet enim lobio non victitem, acutiore visus acie non valeo) armavi; pondere, lotionem, fricationem vero remtentavi, sed nunquam Mercurii moleculas invenire quivi. Alteri Nobili viro, qui in

flore ætatis constitutus bis leviores Podagræ insultus passus est, Stomachique ardore, per hyemem potissimum, cumque exercitio non incalescit, laborat, Mercurii crudi usum suasi, cujus cum tres libras consumpsisset, ita mihi per Epistolam de Mercurii effectu sciscitanti. respondit: *Ora passo al Mercurio. Io da questo, non ho sentito alcun profitto immaginabile. Per urina, le protesto, che non ne ho veduto niente, ne mi persuado, che alcuno ne vedrà, perche pochi saranno, che facciano quelle osservazioni, che da me sono state fatte. Quest'è quanto posso scriverle intorno al Mercurio, quale per me nulla ha giovato. E quantunque di presente sii estate, che non solo patire il mio incommodo di Stomaco, ora qualche volta m' incommoda. Non voglio però dare la cagione al Mercurio, ma ad un acre insuperabile nel mio sangue. Forte annus humidior, atque inæqualis, transpirabiles acres sistendo, facit, ut contra ac per æstatem solebat, Nobilis vir hoc anno Stomachi ardorem patiatur. Quid ergo? Cum experiundo satis didicerim plurima pro veris ab auctoribus tradi, quæ talia minime sunt; sacra prophanis, sed cum debita reverentia miscebo impofterum, atque exclamabo: nisi videro, & tetigero, non credam.*

XXXI. Hisce positis, corrui optima cæteroquin, explicatio, quam ex Æconomia
ani-

animali; opellæ Belloſti Præſationis auctoſ appoſuit; ut oſtenderet, quomodo Mercurius venas ingredi poſſit. Cum enim iſte ingreſſus non ſolum dependeat a Mechanica Stomachi, inteſtinorumque ſtructura, & operatione, ſed etiam ab aptitudine corporis ingreſſuri; niſi demonſtrabitur Mercurium crudum cum liquidis gaſtricis, & inteſtinalibus ita miſceri poſſe, ut iis innate, ſeu per calorem noſtri Stomachi ita poſſe ſubtiliari, & in ſublime pelli, ut quemadmodum volatiles atomi ſolent; membranarum, vaſculorumque porulos pervadat, in cruoremque ſe infinuet; numquam illius in venas ingreſſum probabimus.

XXXII. Adhuc dum binæ inſtantiæ contra hanc aſſertionem impetum faciunt. Prima eſt, quod Mercurius per Chemiam dulcis, ut ajunt, redditus, ſanguinis vaſa intrat. Cur eadem crudus vaſa intrare non poterit? Altera, eaque, ne mea fallat me opinio, majoris momenti: Mercurius crudus in ſanguinem ingreſſus, cum ſanguine circumagi poteſt, illi innatare, osculaque, vel minima exiliſſimorum canaliculorum ſubire. Cur inſidere quoque non poterit inteſtinali lymphæ, cum eaque lactearum venarum oſtiola ingredi?

XXXIII. Ut haſce objectiones diluam, aliqua mihi præſanda ſunt. Verulamius pu-

tarat Mercurii crudi proportionem ad aquam; majorem ea esse, quæ intercedit decem & septem, ac unum: nempe Mercurium aqua specificè esse graviolem plus quam vicibus decem septem. At Nobilis Boyleus tradidit (quod probatum ab aliis video) ad aquam Mercurium se habere (*a*) :: $13\frac{19}{21}$. 1. Verum omissis fractionibus, ponamus Mercurii pondus, specificè aquæ pondus vicibus quatuordecim superare. Sanguis ad aquam (*b*) ex plurimorum recensione, se habet :: 14. 13: Excedit nempe aquam pondere una parte decima tertia. Quæ proportio sanguinem, succosque gastricos intersit, neque experiendo, neque legendo didici. Verum, ni fallor, non admodum erraret, si quis crederet horum specificum pondus, paululum pondus aquæ excedere, a sanguinis verò pondere parum deficere. Sint itaque ad sanguinem :: $13\frac{1}{2}$. 14. Aqua ad hosce igitur se habebit :: $13\frac{1}{3}$. Cum vero Mercurius se habeat ad aquam :: 14. 1., ad hosce se habebit :: $14. 1\frac{1}{2}$: nempe moles ea succorum gastricorum, quæ æqualis sit moli Mer-

(*a*) Exper. 36.

(*b*) Ex Experimentis Jurini sanguinis crassamentum se habet ad aquam :: 1054. 1000. (Transact. Anglic. c. §. 2. 7.

Mercurii, minus, quam Mercurius duodecim vicibus cum dimidia ponderabit; seu Mercurius succosholce pondere specifici excedet vicibus duodecim cum dimidia. Quid igitur fieri potest, ut hisce innatet?

XXXIV. Ad hoc, ut corpus aliquod a fluido specificè levioze vehatur, unum saltem ex hisce quinque præstandum est. Vel liquidi pondus ita augendum, ut demersi corporis pondus æquet, quemadmodum fit, dum aquæ in qua ovum subidet, salem adlicis, muriamque conficis; tunc etenim sale satis aqua saturata est, cum ovum non subidet, sed natat. Vel demersi corporis pondus ita imminuendum, ut fluidum specificè adæquet; id vero alterius corporis additione potest obtineri, quod levitate tantum fluidum excedat, quantum a corpore deorsum nitente fluidum pondere superatur: Ita addito subere, vel plumbum in aquis vehitur. Vel cum motus ita augetur, ut fluidi motus adauctus eandem proportionem habeat ad vim corporis deorsum nitentem, quam habet hæc eadem vis ad specificum fluidi pondus. Ita rapidissimus torrens, qui cum stabulis armenta trahit, graviora saxorum pondera secum vehit, rapitque. Vel tandem, cum corporis tendentis deorsum ita imminuitur cum pondere superficies, ut pondus in ratione majore, quam superficies decreseat, seu cum pondere ma-

xime imminuto, non admodum pusilla evaserit superficies. Ita aurum corporum ponderosissimum in minutissima granula, postea in bracteolas tenuissimas distentum, nedum aquæ, sed aeri quoque innatat. Primus modus, tertiusque, in casu nostro impossibiles mihi videntur: quintus facit, ut Mercurius per cutim ingressus cum sanguine circumvehatur; secundus verò quartusque, ut Mercurius dulcis redditus succis gastricis insidere possit, efficiunt. Ad primum, tertiumque, quod attinet, non video qui fieri possit, ut gastrica fluida ita graviora reddantur, ut Mercurii pondus exæquent: (cæteri vero, quomodo in Mercurii dulcis confectione locum habeant, nunc explanabo.

XXXV. Primo itaque sciendum ex Statices principiis, quod corpora ejusdem densitatis, & materiei, sint etiam ejusdem specifici ponderis; proindeque, quod corporum ejusdem densitatis pondera, sint inter se, ut magnitudines. Sint V. G. duo globuli argentei, quorum unus triplo alterum magnitudine excedat: pondere quoque triplo hoc excedet. Cum enim vis gravitatis cuicumque ex componentibus datum corpus, suam impressionem æqualiter largiatur; necesse sequi debet, pondus totius, aggregatum esse ex ponderibus molecularum corpus componentium. Sed corporum ejusdem densitatis componentes molecu.

leculæ æquales sunt ; æqualia ergo erunt quoque horum pondera, quapropter mensura ponderis cujusque corporis per numerum particularum corpus componentium determinabitur. Itaque si corpus aliquod millenas componentes particulas contineat : alter ejusdem densitatis, quingentas ; hoc a primo duplo ponderi superabitur. Pondera itaque, seu potentiae, seu gravitatis vires in corporibus æque densis, in eadem sunt proportionem, ac magnitudine.

XXXVI. Illud quoque ex Geometricis nunc sciendum est, quod corpora similia sint inter se, ideoque crescant, & decrescant in laterum homologorum triplicata ratione, seu inter se esse, ut cubi a diametris ; eorundem vero corporum superficies, haud equidem esse in homologorum laterum triplicata ratione, sed in duplicata solummodo, ut diametrorum, nempe quadrata. Sit itaque granum Mercurii, cujus diameter = 6: postmodum ita decrescat, ut diameter evadat = 2. Eius moles, ac proinde pondus per ea, quæ superius asservimus, ea proportionem decrevit, quæ cubus diametri 2. defecit a cubo diametri 6. Porro cubus diametri 6. est 216: cubus diametri 2, est 8, qui minor est vigesies septies, seu continetur in primo cubo viginti septem vicibus. Ergo moles, & pondus granuli Mercurii, cujus diameter = 2 a pondere, &

mole granuli, cujus diameter $\equiv 6$. viginti septem vicibus superatur. Cum vero superficies non decreascant, nisi in ratione laterum homologorum duplicata, nempe ut diametrorum quadrata; superficies granuli, cujus diameter $\equiv 2$. deficiet ab altera, cujus diameter $\equiv 6$. ea ratione, qua 4 quadratum primæ deficit a 36. alterius quadrato: scilicet, prima erit minor altera novem vicibus solummodo. Cum igitur pondus viginti septem vicibus minor evasit, superficies novies solummodo facta erit minor. At operæ prætium me facturum existimo, si ex immortalis Galileo (a) rem visibili exemplo illustrabo. Sit cubus solidus, corpus nempe sex quadratis faciebus æqualibus compræhensum, ac quælibet cubi facies quatuor digitos quadratos contineat. Tota igitur cubi superficies viginti quatuor quadratis digitis æqualis erit, Scindatur iste cubus in octo minores æquales cubos, quorum quælibet facies, quadrato digito æqualiserit. Cujuslibet ergo e cubis minoribus superficies, quorum singuli sunt pars octava majoris, a quadratis sex digitis compræhendetur, ideoque majoris cubi superficies sextupla erit superficie minoris, moles vero octupla. At moles, seu magnitudines in ejusdem densitatis corporibus, se habent, ut pondera, ergo pondus quoque majoris,

(a) Dialog. 1.

oris ; minoris pondere octuplum erit , cum superficies sit solummodo sextupla . En igitur , ut in corporum divisione pondus tandem ad sensus evanescat , minimumque infinite fiat , cum non adeo minima superficie , quae de re saepius a nobis in hac Dissertatiuncula mentio facta est . Quam facile vero a liquidis vel specificè levioribus latiores sustineantur superficies , nemo , ut puto est , qui id ignoret . Exemplo sit parva acus chalybea , quam si perpendiculariter aquae immitas , fundum petit ; si vero eam dextere aquae superextendas , non raro evenit , ut supernatet . Nunc Mercurii dulcis , ut ajunt , redditi , processus est examini subiiciendus . En paucis ex Clariss. Chymico Lemeryo (a) ejus præparatio , & confectio

℥ Merc. crudi ℥ xvj

Dissolv. in Spirit. Nitri ℥ xvij

Dissolutio , ut in vapores abeat fac . Massæ post evaporationem remanenti , adde

Vitriol. ad albed. calcin. ℥ an. ℥. xvj.

Sal. decrepitat .

Sublima , ut artis est . Habebis ℥ xix . Mercurii sublimati . Huic sublimato adde Mercurium vivum eo pondere , ut quarta parte sublimatum excedat , mixturamque probe commixtam igne arenæ sublima .

Qui

(a) Cors. di Chim. T. I. c. 8.

XXXVII. Quicumque hunc processum exacte considerat, explorare satis percipiet: primo a vi spiritus Nitri corrosiva ita Mercurium penetrari, dividi, corrodi, ad minima redigi, ut menstruo innatet: deinde Mercurium ita solutum, per mixtionem salinis corporibus eo levioribus ita adhærere, ut massulæ ex sale, & Mercurio conflatæ minus ponderent, quam si solo Mercurio sub eodem volumine constarent. Inde fit, ut per ignem in sublime evehi possit. Moleculæ istæ salinæ sunt in aqua solubiles. Secum igitur ad minima divisum trahentes Mercurium aquæ innatabunt, ut ex aqua Phagædenica palam fit. Mercurius per artem ita levis redditus, crudo denuò additur Mercurio, qui, nedum salia corrosiva cicurat, & fermè inermia reddit, sed massæ pondus adauget, ut fluido non amplius insideat. De facto, si Mercurium dulcem in pollinem subtilissimum redactum aquæ super iniicias, fundum vasis tandem petit, non eo tamen gravitatis excessu, quo ad fundum ruit argentum vivum, quod per meam observationem (quam tamen non exactissima acrivia instituit) se habet ad Mercurium dulcem, ut quinque, circiter, ad unum. Mercurius ergo dulcis se habebit ad aquam, ut novem ad unum. Qui excessus non est, cui aliquò modo non possit occurrere. Et primo quidem per majorem, quæ haberi

feri possit ; salium in aqua dissolutionem ; secundo , per aquæ motum . Si enim aquæ vas in quo Mercurius dulcis fudit , concutias ; per aquam spargitur ; in ea aliquamdiu natat , nec nisi lente , atque tardè denuò subsidit . Quod secus evenit , si crudum aquæ immitas ; præter enim quod celerrimè descendit , nunquam per aquam spargitur aquæve insidet , si vel fortius vasculum concutias .

XXXVIII. Mercurius itaque talis redditus , ut , vel per aquam eyehi possit , multo facilius per gastrica liquida vehetur ; tum ex eo , quia horum liquorum pondus aquæ pondus aliquantulum excedit ; tum quia assidue aliquo motu cientur ; cum maxime ob calorem quo foveantur , per quem usque magis solutis , & divisis salinis moleculis , quibus ad minima divisus , & adhuc dividendus hæret Mercurius , istæ liquoribus gastricis facile innatabunt ; cum iis homogeneous corpus constituent ; quoque liquores dicti se insinuant , ferentur ; cum iisque secum Mercurium vehentes , sanguinem ingredientur . At e contra , cum crudus Mercurius non cum in nostro Stomacho divisionis gradum subire queat , quem subit a Stygiis aquis corrosus : cum corpori minus ponderoso non uniatur , adeo ut particula ex Mercurio , & Corpore , minus ponderet quam particula ex Mercurio ejusdem voluminis : cum moleculæ in
aqua

aqua solubili ad minima divisus non adhærescat : cum tanto ponderis excessu gastricorum liquidorum pondus excedat, ut impossibile sit in eum motus gradum dicta liquida excitare, qui vim Mercurii deorsum nitentis impediatur (quantocunque enim motu aquam in vase dimoveas, neque Mercurium a celerrima subsidentia arcebis, neque per aquam natare facies) sequitur hunc in gastricis liquidis minime natare posse, neque dissolvi, neque, quod confectarium est, cruoris vasa subire. Non igitur quia Mercurius dulcis per Galaxiam sanguinem intrat, crudus quoque via eadem in cruorem feretur.

XXXIX. Sed neque ex eo quod per cutim in venas vivus delatus sanguini innatat, gastricis quoque succis innatabit : id etenim ab iis pendet circumstantiis, quæ in altero casu desiderantur; suntque divisio, quam subire debet, ut transcoletur per cutim, & sanguinis motus, pondusque. Ad primam harum circumstantiarum quod attinet, ut per poros cutis in venas didatur Mercurius, ejus moleculæ eo tenuitatis pervenire debent, quo perveniunt fluida e cute exalantia. Cum enim nulla expressio, nulla externa vis accedat, quæ illum per cutim urgeat, porulos eos subire debet, per quos, & materia transpirabilis, & sudor fertur. Quanta igitur exilitas particularum, quanta di-

ta divisio molecularum ad id requiritur ! Venas ingressus, quæ est altera conditio, vi illi exponitur, qua minime in intestinis, Stomachoque urgetur. Non pauci e Celebrionibus Physiologis, vires sanguinis, motusque supputarunt : an rem acu tetigerint, viderint ipsi. Quæ hac super re tradidere, vel le ad examen reducere nimium esset æa scopo ad quem collimo, deflectere. Dicam solummodo obvia, nullisque difficultatibus obnoxia. Sanguis per vasa arteriosa, majore virium momento fertur, quam ferantur gastrica liquida inter intestina conclusa. Hinc fit, quod cum in rapidissimum hoc flumen Mercurius summe divisus, adhucque summe divisibilis fertur ; non solum denuo, prope dixerim infinite, dividatur ; sed a motu, divisus conservetur, perinde, ac si in rapidissimum torrentem subtilius sabulum iniiceretur. Adde, quod velate ad sanguinem, specificè minus, quam ad gastrica liquida ponderat. A sanguinis itaque rapidiore motu ; ab ejusdem sanguinis, vasorumque assiduis percussionibus, eò parvitatibus, cum majore superficie ejus moleculæ rediguntur, ut sanguini facillime insidere, & cum eo circumagi possint. Quæ omnia cum in gastricis succis desiderantur, a subsidentia crudus Mercurius non arcebitur ; in iis non nabit ; cum iis fluidum homogeneum minimè constituet ;

stituet; neque per lactea in cruoris vasa penetrabit.

XL. Postquam, ni fallor satis evici, Mercurio Stomachum ingresso adimi cum sanguine commercium; explicandum est, quomodo ab ejus assumptione sanguinis vitia nihilominus corrigi possint, morbiq; succis in orbem euntibus adhærentes, curari. Succos animalium a vi vitæ, & circulationis quotidie consumi, novisque succis, qui deperditos resarciant, indigere, adeò nota res est, ut probatione minimè indigeat. Si novi itaque succi, qui veteribus suppetias ferunt sanæ indolis, probeque elaborati sint; nedum consumptorum jacturas resarciunt, hominemque probe nutriunt; sed etiam paulatim, sensuque, ut dicitur, sine sensu, vitia veterum corrigunt. Ità si vase aceto pleno aliquid aceti quotidie dempseris, vinoque probo extracti aceti quantitatem resarcias, non multo post tempore, vas, quod liquidum accenscens continebat, optimo flore Liberi plenum erit. Ægri, qui post graviores auctos morbos convalescunt, ac pueri, qui ad pubertatis annos perveniunt, hujusce rei luculentissimum præbent exemplum. Macies, enim, obstructions, febriculæ succorum nondum sanorum effectus, & inditia, victu analeptico solummodo tolluntur, quæ tamen utilitas, nisi præsto sit salubris elaboratusque chylus, habet.

haberi non potest. Cum enim homo vires refarcit, & carnes restaurat, ut rectissime Aretæus, *simul omnia morbi vestigia obliterantur* (a) : Pueri verò, ferme cachetici, desides, ventriosi, cruditatibus scatentes; dum stomachus ab ætate, & vi seminis roboratus cibos perfectius conficit, paulatim absque ullo medicaminum auxilio colorem mutant, torosi, sicciores, sanioresque fiunt. Ut enim primæ digestionis vitia cæteras digestionis vitio afficiunt, omniumque fere chronicorum morborum causa sunt, & origo; sic e contra beni elaborata ventriculi concoctio, reliquis vitiatis viscerum actionibus medetur. Q. Sen-
tenus cecinit :

*Qui Stomachum Regem totius corporis esse
Contendunt, vera niti ratione videntur;
Hujus enim validus firmat tenor omnia membra,
Et contra ejusdem languescunt cuncta dolore.* (b)

Et jure quidem : cum enim bonus sic chylus, fit bonus sanguis, sanguineque probò, & sano existente, fieri non potest, quin homo perfecta valetudine fruatur.

XLI. Pluribus de causis vitiari potest chylus; eas omnes pertractare velle, idem esset, ac de morbis omnibus imi ventris tractatum contexere. Duo maximè obvia, quibusque Mercurium perbellè mederi posse putato

(a) De curat. diuturni. l. i. c. 5.
(b) Digest. & Stomach.

to hic explicabo: Primum est proclivitas tuni-
nicarum Stomachi, intestinorumque ad spas-
mos, & crispaturas: alterum vitiosa sabur-
ra, seu cacochylia ventriculi tunicis impa-
cta, villosque turbulosa villosa crusta obli-
niens. Cum per spasmodicas crispaturas, quæ
hypochondriacis, hysterisque familiaria, sue-
taque sunt pathemata, motus tunicarum peri-
stalticus vitatur, quo blandè, & imi ven-
tris contenta urgentur, atque miscentur, &
succorum digestivorum secretio, & excretio
promovetur; turbeturque insuper motus mu-
scularis, quo tunica ventriculi musculosa ci-
bos comprimit, pinset, atterit; succis, ve-
rique contritas moleculas in tumorem ele-
vanti, & in fermentationem adigenti, expo-
nit, atque commiscet; hisce de nominibus
primum digestio vitari debet. Cum præte-
rea modo hic, modo illic anormale crispentur
tunicæ, eoque pylorus, vel serius, vel ci-
tius, quam par est, laxetur, intestinaque per
sectiones diversas coarctentur; sequitur, quod
cibi, aut nondum satis in ventriculo elabo-
rati e ventriculo in intestina prolabantur;
vel jam digesti, exituique parati, detinean-
tur diutius; unde, si secundum, vel acidi,
vel rancidi, alchalinique fiant, atque putre-
scant: si primum, nondum eam modificatio-
nem nacti sint, per quam succi biliosi, Pan-
creatici lymphæque intestinalis actioni exci-
pien,

piendæ apti sint, ideoque non satis comminuti lactea, & sanguinem ingrediantur. Sectiones vero intestinorum coarctatæ, aeri intestinorum accolæ rarefcenti viam claudunt, qui borborygmus, ructus, crepitus, flatus causetur. Isti spasmodicæ diathesis filii spasmos magis adaugent, tubique intestinalis actionem, magis usque vitiant. Saburra verò vitiosa villis adhærens, cum illorum tubulos oblinat; glandularum oscula incrustet; vasorum sanguiferorum (an nervorum quoque?) porulos obstruat; impedimento est, quo minus succi digestivi in cavum elabantur, chylicationemque promoveant. Quin cum dicta saburra sit fermentativa, vitio, quo ipsa laborat, reliquos quoque inficit succos. Vim porro crudi Mercurii eam esse duco, quæ vitia hæc tollere perbelle possit, chylicationique favere: idque non alia, quam sui ponderis & figuræ vi. Cum enim intestinorum parietibus illabendo eos a se invicem disjungat, atque ad extra protrudat; nedum aeri rarefcenti viam facit, sicque flatus, ac borborygmi tolluntur; sed motus fibrarum inversos intercipit, naturalemque, quo deorsum versus oscillant, restituit. Res hæc non sine planfibiliori Theoria ex spiralibus Cole (a) intestinorum fibris, & Mercurii pondere deducta, explicari posset; sed satius duco eam

Cc

obvio

(a) De fib. spiralib. intestin.

obvio exemplo illustrare. Lumbrico proferpenti (ad hunc etenim modum vermicularem intestinalium fibrarum motum concipimus) bacilli summitatem admoveas, eaque lumbricum leniter comprimas; statim ejus vermicularis motus, quo versus Orientem V. G. ferebatur, cessat; adversamque viam non raro solet lumbricus insistere. Sic cum fibræ stimulis percitæ sursum versus oscillant; si eas Mercuriales globuli comprimant, motus iste vermicularis inversus cessat, quique illis deorsum versus naturalis est, qui ab validiore, ut ita dicam antagonista, stimulo nempe, suppressibatur, restituitur. Neque fibræ compressio hunc, ut primum tollit, sed adjuvat; quia hæc quoque compressio deorsum versus exercetur. Sic si tubulum conaceum leniter digitis deorsum versus comprimas; liquor in illo contentus, digitorum comprimentium motum consequitur. En igitur quomodo vitium, quod chylicationi accedebat ob intestinorum, & Stomachi crispaturas spasmodicas, motumque peristalticum inversum, auferatur. Dum vero villos viscidiores putrilagine oblitos Mercurius præterlabitur; fieri non poterit, quin intra vitiosæ putrilaginis texturam se se suo pondere insinuet; eam perrumpat; viscositatem, quæ villis adhærebat, tollat; fluxiliorem, extrusionique magis parentem illam reddat; deorsum

sum urgeat; crustam villosam, ac glandularum, & vasorum ora detergat; vitiatamque hoc de nomine digestionem restituat. Inde optima chyli confectio: inde sanguini medella: inde morborum intra animal existentium curatio. Ut vero Stomachi intestidorumque vitia vel sub primis Mercurii dosibus corrigi possunt; quæ tamen sanguini in hærent, nisi longiore temporis spatio, sensumque sine sensu, si annosiora, & confirmata sint, auferentur. Non enim tumor V. G. aliquo in viscere excitatus tolli hoc auxilio poterit, nisi stagnantes humores per sanguinem fluxiliorem abripiantur, atque emendentur, quod non exigui temporis opus est. Quod si ex Observationibus Bellosti quandoque contrarium evincatur; id non Mercurio, sed catharticis, quibus Mercurium immiscebat; tribuendum est; quæ venas ingressa; & momento percussione per acceleratam circulationem adaucto; & suis spiculis, fluida stagnantia citius resolvere, atque in motum ciere poterant. At, quam vellem, ut eos quoque casus auctor iste retulisset, qui per suam curandi methodum minus feliciter cesserunt! Neque enim putandum est suarum pillularum effectus felicissime semper votis respondisse, cum in Medicina, *qua ex Hippocrate non idem semper facit, & ad idem contraria*

facit (a) vel certissima, & probatissima remedia quandoque fallant. Neque enim, ut recte Celsus (b) tametsi perpetuum sit, quod fieri debet, perpetuum etiam est, quod consequi convenit. Inter certiora remedia, certissima sunt cortex Peruvianus, Mercurius, Opium, Attamon, neque cortex semper abigit febres; neque Mercurius certissime salivationem excitat; neque semper papaveris succus dulci perfundit lumina somno.

XLII. Sed jam e vadis, scopulisque Dissertat uncula hæc emmersit: Quæ differenda restant plana sunt, actacilia. Cum igitur demonstraverim hydrargiri usum, nedum noxium esse non posse, sed haud raro utile, & saluberrimum; de methodo in ejus exhibitione servanda, nunc mihi loquendum est. Vel catharticis consociatum exhiberi potest metallum hocce, vel sine his; tuncque, vel solum vel alteri commixtum corpori. Quæ fuerit formula pillularum Bellossi, me latet; sed quando catharticis jungitur, cavendum est, ne ista e minerali Regno petita sint, neve catapota, aliquod salium genus, illorum dico, quæ acutiora audiunt, ingrediantur. Salia e vegetabilibus petita nulli sunt suspicioni obnoxia, nisi forte hæc quoque per

Che-

[a] De loc. in homin. tex. 50.
[b] l. 7, c. 12.

Chemiam eo acutiei devenerint, ut corrodere possint, seseque intra Mercurii porulos insinuare, quod tamen, an fieri possit, adhuc me latet. Neque Catharticis commixtus Mercurius, promiscue omnibus exhibendus est; neque quocumque anni tempore; neque cui-libet ætati. Ilique, non ratione Mercurii, qui cum per se stimulo careat, soloque pondere, & figura agat, is est, ut quandoque quidem frustra, nunquam vero cum noxa præberi queat; sed ratione purgantium admixtorum; cum repetita catharsis, non raro a temperamento; ab ætate; ab anni tempore; ab imi ventris constitutione; a morbis, vetetur. Hac igitur super, re, artis ab Divino Hippocrate deprompta, servanda præcepta. Cum sine catharticis, nulloque alteri commixtus corpori propinatur: videndum, an sumpturi os ulcere aliquo fædetur, dentiumque non interrupto aggere instructum sit. Si enim ulcusculum aliquod adesset, Mercurii granula ulceri ita adhære-re possent, ut tandem sanguinem ingressa, capitis gravitatem, oris fauciumque tumorem, salivationem excitent. Si alicubi dentes desint, per os incommodè spargitur, nec sine incommodo deglutitur. In primo itaque casu, aliquo molli corpore excipiendus est, ne ulcerosis partibus adhærescat: in secundo, vel eodem modo, vel ex aliquo liquore, ut

ab hoc magis quam ab aere circumpressus ; non ita facile per divulforum dentium interstitia elabatur. Cæterum cavendum , ne molle corpus , quo excipitur viscositate nimia donatum sit, tunc enim posset tunicis adhærere, in cruorem penetrare , salivationemque excitare, ut evenit dum emplastris, atque axungia immixtus cuti apponitur. Si gastrici succi ea viscositate donati sint, qua diutius Mercurium in corpore detineant (ob hanc forte, vel ante allatam causam, apud Bellostum semel salivationem excitavit) neque elabi sinant; cathartico, cui auri folia misceantur, exturbandus erit. Ad ejus vero e corpore exclusionem promovendam, ut qui illum assumpit ambulet, necesse est, flexionibusque trunci illius exitum promoveant. Cavendum quoque quam maxime est, ne impuritatibus, & mineralibus sæculentiis scatet, a quibus dissociabitur, si cum oleosis, atque unguinosis commisceas, tundas, ebullire facias, indeque per corium sæpius trajicias. Operosa Rotarii Clarissimi præparatio, haud inutilis mihi videtur. (a)

XLIII. Verum, ut omnis Scrupulus, qui iniici posset, eximatur, etiam suspensiones, mereque possibilia examinemus. Duo adversa in Mercurii exhibitione contingere possent : ut illius aliquid, dum deglutitur in trachæam illa-

(a) In Epistol.

illabatur; utque in cæcum intestinum, unde illi exitus minime detur, divertat. Ad primum quod attinet, tenendum est, tantam esse ejus divisibilitatem, ut pauca omnino guttulæ (si tamen vel hoc possit contingere) in pulmones ingrediantur. Cum enim ad primorum globulorum contactum glottidis fibræ a corpore extraneo vellicatæ, ad tussim excitandæ forent, quemadmodum contingit dum cibi molculæ, aut potus guttulæ eò illabuntur; reliquæ pone sequentes, atque, ni tussis contingeret, illapsuræ, huc illuc disiciuntur, atque a rima longius amandabuntur. Quid autem ab illapsis pati posset Pulmo? Vel in eo detinerentur, vel sanguinem intrarent. Si sanguinem ingrederentur, omnis noxa Pulmoni ablata jam est, neque sanguini tam in pauca quantitate commixtæ detrimentum ullum afferent, ut nullum afferunt, dum ad aliquem tumorem emolliendum Mercuriale emplastrum metallo non admodum saturatum corpori apponitur. Si vero intra Pulmones detinerentur, quid inde? a corpore nullo stimulo donato, neque in alia decomposita solubili; eo præterea parvitatæ reducto, ut pondere, quod ipsius vis unica est, vix aliquam impressionem facere queat, omnino nihil Pulmo patietur, neque fibrarum, quantumvis sensibilem, ut sunt Willisio te-

ſe (a) quæ internam Trachææ membraniam conſtituunt, actio vitiabitur, quemadmodum apprime ſenſiles linguæ papillæ nihil omnino irritamenti a globulis Mercurialibus, vel grandioribus, perpetiuntur. Quod ſi etiam in ſatis magna quantitate Mercurius aſperam intraret arteriam; nullus dubito, quin tuſſi excitata, globolum, læve, ponderoſum corpus eiciendum non foret. Nihil ergo mali ab illapſu Mercurii in Pulmones timendum eſt.

XLIV. Deglutitus vero Mercurius in cæcum divertat. Primo videndum eſt, quid cæci inteſtini nomine intelligatur. Si enim cæci nomine, ut aliquibus placuit, appendicula vermiformis veniat; ob ſitum, quem erectum hæc obtinet, illam ſubire minime quibit Mercurius. Sin pro cæco inteſtino intelligatur illa inteſtini Colon pars craſſior, & dilatata, ubi Ileum in craſſioris ſiniſtrum parietem deſinit, incipiens; ſi etiam ad illuſ fundum Mercurius diverteret, quo & ſæculenta divertunt ſcybala, ab inteſtini conſtrictionibus ſuſſum urgeretur, & per Colon flexus, quemadmodum facit, ad anum protruderetur. Sane haud eſt inſimum ſignum viſ muſculoſæ inteſtini colon aſcenſus ferme perpendicularis ab oſſe Ilii ad dexterum renem, Mercurii, Plumbi, aliorumque ponderan-

rantium corporum. At subjecto in aliquo eum
 naſta ſit ſitum vermiformis appendicula, ut
 in eam detur Mercurio tranſitus. Non inde
 tamen quidpiam mali evenire poſſe autumo.
 Statim enim ac inſolitum pondus circa dex-
 terem illum percipietur, ab exhibitione Mer-
 curii ceſſandum, acriusque catharticum ex-
 hibendum, ut terna Colon ligamenta a ſtimu-
 lis cathartici percuſſa, & exagitata, appen-
 diculam quoque vermiformem, in quam de-
 ſcendunt, & noſtro Morgagnio (a) dimoveant,
 criſpent, atque ſuccutiant, ut Mercurium
 in illam illapſum denuo in cæcum veterum
 revomat. Quod ſi hæc medela non respon-
 derit, non ideo tamen quidpiam gravius ti-
 mendum eſt. Non enim pondus unciale, aut
 ſemunciale illud eſt, quod appendiculam la-
 ceret. Quin cum Coria, neque admodum
 craſſa, in quibus ad burſæ modum confuſis,
 Slavi Idriæ accoſæ Mercurium ad libras fe-
 runt, a Mercurii pondere non lacerentur;
 multo minus id viventibus membris con-
 tinget, quæ vitæ inſtructæ lacerationi magis
 reſiſtunt. Quid inde ſequetur igitur? Vel,
 ut Mercurius in ſanguinem paulatim tranſ-
 ſcoletur, vel ut ibi placide quieſcat, non
 ſecus ac plumbei globuli in internis corpo-
 ris ad artus latitant abſque ullo malæ ſide-
 rationis effectu. In ſanguinem autem tranſ-
 colatus

[a] Adverſ. 3. animad. 14.

colatus salivationem ciceret, quæ tametsi quandoque non parum incommodi afferat, a pauca Mercurii quantitate excitata, malum non adeo metuendum est. En igitur, quod si vel Itæalia, & mere possibilia examinentur, & contingant, non ideo tamen aut mors, aut graviores morbi a Mercurio inducerentur.

XLV. At quispiam reponet, memet mihi fucum fecisse, dum putans hanc meam Disquisitionem e difficultatibus emmeritam, circa Itæales noxas, quas inducere posset Mercurius. divagatus sum; interim nondum veris difficultatibus, quæ a malis effectibus Mercurialium effluviis exoriuntur, fecerim satis. Si etenim sola Mercurialia effluvia tot, tantosque morbos inducunt, quid quæso non faciet malignum hoc metallum per os ad dies plures, atque in non exigua quantitate sumptum? Duo hominum genera circa Mercurium laborantium, læsiones ab aura Mercuriali capere possunt: qui Mercurium, nempe, effluunt, quique, eo in decurandis corporibus cæteris, utuntur. Morbi, quibus deauratores plectuntur, dubio procul nascuntur ab argenti vivi vaporibus. Cum enim amalgama ex auro, & Mercurio corpore inaurando superdederint; v. ignis corpus amalgamate obductum obiciunt. ut. que in fumum, & auras evolet Mercurius, effluat.

efficiunt. Notandum etiam, quod quædam corpora deauranda prius aqua forti obliniunt. Nisi igitur a dictis Mercurialibus fumis sibi cautè caverint, morbos inferius adnotandos, quam facile contrahunt. An vero Mercurialis aura fossoribus ita labores infligat, ut morbi, quibus plectuntur in hanc solummodo, & specificè referendi sint, dubitationi locus esse potest. Metallicas fodinas, qualescumque metallum, ex iis effodiatur, malorum atrocitate vel teterrima ergastula quam maximè superare, ex eo notum esse potest; quod Romani profligatissimos homines, quorum centui plures e nostris Martyribus adscribere, ad metalla damnarent. Nolim inficiari ex variis metallorum diversorum effluviis, varios, diversique generis morbos posse exoriri. Si tamen, qui ab impuro subterraneo aere, atque ab aquis in fodinis resistantibus, & corruptis oriuntur, metallicis omnibus sunt communes. Vel in auri fodinis (metalli nempe saluberrimi, si Chymicis fides habenda est, qui auro potabili, ejusque tinctura inculpatam longævitatē credulis spondere audent) metallici cachectici evadunt, de quibus ita Statius (a) ad Junium Dalmaticarum aurifodinarum Præfectum;

*Quando te dulci Latio remittent
Dalmatæ montes, ubi Dite viso*

cum.

*pallidus fossor redit, erutoque
concolor auro.*

Hippocrates quoque talem metallurgum describit (*a*) nulla de metallo, circa quod laborare consueverat, facta mentione: *Vir metallicus, praeordium dextrum intentum, splen magnus, alvus intenta, subdura, spirituosus, decolor.* Morbos quoque Pulmonum quibuscumque metallurgis communes esse, e Sennichio (*b*) discere possumus, qui ait hujusmodi artifices a Pulmonum morbis potissimum interire, nulla de metallorum diversitate mentione habita. Quos inter affectus est, quem Paracelsus vocavit *Die Bersucht*, in quo Sennerto etiam teste, Pulmones exsiccantur (*c*). Idem Famigeratissimus Practicus tradidit, sibi relatum ab experto medico, qui diu Tribergæ (Misniæ Civitas est in circulo Erægeburgico, qui Districtum metalli ferum vocatur) Medicinam fecit, in metallicorum pulmonibus ea metalla reperta, circa quæ laborare consueverunt. Si itaque descripta hæc mala Mercurii quoque fossoribus contingant; hæc certe in malignam, seu deleteriam vim Mercurialis auræ referenda non sunt. Aliter, nedum cætera metalla, sed instrumentum quoque, & reliquæ segetes qualitate

[*a*] 4. Sylv. 7.

(*b*) Apud Bonet. in Sepulc. T. I. l. 2. sect. 1. observ. 45.

(*c*) Ibid.

te maligna imbutæ essent, quia ii, qui eas
everunt, ac cribrant, suspiriosi, tussiculosi,
raucæque non raro evadunt. Quibuscumque
extraneum corpus, licet per se maxime insons,
si Pulmones cum aere subeat, eorum actio-
nem impediet, indeque a læsis Pulmonibus,
respiratio neque vitiata, ac sanguinis confe-
ctione, quæ Pulmonum opus est, cujuscum-
que generis morbi, sive acuti, sive chronici,
poterunt exoriri. Non igitur ex hisce metal-
licorum Mercurialium morbis argui potest
ullam malam qualitatem inesse Mercurio,
quia morbos hosce cum cæteris metallurgis
comunes habent, nascunturque magnam par-
tem ab aere non perflato, corrupto, & pu-
trido; vel a vaporibus quidem Mercuriali-
bus, qui tamen eos non lædunt, neque res-
pirationem impediunt, quia Mercuriales sunt,
sed quia subeunt Pulmones, quæ læsio ab
quolibet infanti corpore contingere potest.
Nulla igitur noxia, aut deleteria qualitas
ab hisce morbis in Mercurio elucet, nullum-
que discrimen subit, qui eo per os utitur.
Hic tamen subdendum est, Bellostum tradi-
disse, non paucos e Mercurialibus metallur-
gis per totum vitæ tempus circa vivum me-
tallum laborare consueisse, absque ulla noxa.
Quod si verum est, qua de re me vadem mi-
nime constituo, dicendum ab aura Mercu-
riali, aerem subterraneum morbosum corrigi,
& salubrem reddi.

XLVI. At fossiores una cum inauratoribus
 iis morbis laborent, quos secundis aura Mer-
 curialis solummodo afflat, vertigine, nempe;
 Paralyſi, ſpaſmiſ, tremoribus, oris ulceribus,
 dentium caſu. An ideo nervis inimicus ſpe-
 cifice cenſendus Mercurius, iſſque, qui eo
 crudo uſuri ſunt in nervorum morbos inci-
 dendi diſcrimen ſubibunt? Qui ita philoſo-
 phantur, ratiocinio mihi videntur po-
 tius abuti, quam uti. Talis enim eſt eo-
 rum argumentatio: A Mercurio, quandoque
 nervi male habent: ergo Mercurius nervi eſt
 inimicus. Quod argumentandi genus ſi valet,
 valebit itidem hoc: A ſulphure Pulmones
 quandoque male afficiuntur: ergo ſulphur
 Pulmonum hoſtis eſt. Itidem: Qui inebrian-
 tur, non raro debiliores fiunt: ergo vinum
 ſpiritibus adverſatur. At, quis neſcit ſul-
 phur laborantibus Pulmonibus ita non raro
 prodeſſe, ut Pulmonum Baſſamum audiat;
 vinoque ſpiritus alacriores fieri, hominem-
 que robuſtiores reddi, unde Plinius (a)
Vino aluntur vires ſanguis, coloſque hominum?
 Et Plinio multo ſenior Homerus ἀνδρὶ δεκρο-
 μῶτι μὲνός μ' ἔγα οἶνός ἀεζεί (b). Ut oſtendant
 Mercurium nervis ſpecificè inimicum eſſe,
 oſtendere debent ab eo quoquomodo intra
 nos delato, niſi ſemper (quæ conſtantia in
 rebus

[a] H. N. 23. c. 1.
 [b] Iliad. 6.

rebus physicis desideratur) ut plurimum nervosum genus male habere . At tantum aberit, ut inductio id illis ostendat; quin per hanc contrarium docebuntur, inventientque obstructis, compressis, maleque affectis nervis sæpissime Mercurium opem tulisse . Age igitur, Logicis relictis sermocinationibus, rem, forte non omnibus notam, quomodo physice se habeat, demonstremus .

XLVII. Tamen volatilissimum corpus non sit Mercurius, neque igni, facillime obbediat; nihilominus ab hoc violentissimo agente impulsus, tandem in auras evolat . Particulæ, quæ abscedunt, ob summam suam divisibilitatem, eò exilitatis, tenuitatisque deveniunt, ut fumo, auraque subtiliores, nedum omnino visum effugiant; sed per aera, & per aerem subtilius æther ferantur . Itaque, nedum cum aere haurientur, gastricisque liquidis nostris immiscebuntur; sed per cutis poros (quod aeri minime datum est) corporis nostri interiora subibunt, ut patet in Mercurialibus suffumigiis . Per nares itaque, os, oculos, aures, cutimque capitis universam in caput delatæ, immediate nervosis fasciculis impingent, eos penetrabunt, sejunget eorum fibrillas ad invicem, divellent, tonum eorum destruent . En ergo systema nervosum debilius redditum . Cum vero cruor per membranas nerveos colligantes fasciculos,

per.

perque vascula intra fasciculos repentia lentissimo feratur motu; dictas Mercuriales particulas minime dissociatas ita conservare poterit, ut se se invicem non attrahant, in majoresque massulas coagmententur. Quod cum factum fuerit, obstruent, prement, motui sanguinis resistent, eosque producent effectus (neque enim necesse duco eos ulteriore Æthiologia persequi) qui sub nomine vertiginis, paralyûs, convulsionum, tremorum veniunt. Oris vero ulcera, dentiumque casum, ob rationem eam promovebunt, ob quam ea promoveant in hydrargirosi; quia nempe, saliva copiosior, atque corrupta gingivas laxat, tubulosque salivales corrumpit. Neque, quamvis a pressione, pondereque Mercurii nervi liberentur, ac quoquomodo ab iis abripiatur, affectus morbosus tollentur omnino; quia ea est nervorum structura, ut cum diu laceßiti, compressique fuerint, talem inelumbilem noxam contrahant, ut quamvis actualis vis, quæ eos male afficiebat, dematur, & ab agendo cesset; nihilominus pristinum suum tonum, energiamque nunquam recuperent. Experimentum Valsalvæ Clarif. apud nostrum Morgagnium id probat. Cum Celebris iste Professor (a) cani cordis nervos filo constrinxisset; paucos post a colligatione dies canis obiit, licet a colligatione nihil sensibilis vitii nervi contraxerint.

XLVIII.

[a] Advers. 6. 84.

XLVIII. Nunc quis non videt gastricum nostrum calorem illum non esse, qui corpus non volatile, quodque violentiori igni non sine constantia nota resistit, possit insublime elevare, atque ita extenuare, ut sub specie auræ subtilissimæ insensibilisque vaporis, nedum in sanguinem commigret, sed membranas, tunicasque pervadat, nervosque transadigat? Quod cum non fiat, metus, ne systema nervosum ab assumpto corrente Mercurio male afficiatur, omnino evanesceat. Difficilimos igitur, nec raro lethales contrahant morbos Mercurii fossiores, atque inauratores: iis obnoxii non erunt, qui ore Mercurium sumunt; quia primis in casibus Mercurius ab igne subterraneo (de fossoribus loquendo) seu nostrate, in sublime vehitur, aptusque redditur, ad membranas, nervosque penetrandos: in casu nostro illi Stomachum ingresso dicta ad penetrandum evolandumque aptitudo non comunicatur.

XLIX. Hinc colligere licet, quod cum ægri salivationi committuntur, minus tutares sit eam suffumigiis excitare, quia ita nimium extenuatus Mercurius, nimisque penetrans redditus in nervos immediate impingere potest, difficilimosque, nec raro lethales morbos inducere. Jure igitur huic methodo celebriores Practici non insistant, eamque agyrtis, circulatoribus, latroliptisque relinquunt. Illud etiam inde fluit, quod Catharsis Mercurialis, salivatione quoquomodo

excitata, sit tutior, quia cum in salivatoria methodo, & satis magna Mercurii quantitas sanguinem ingrediatur, & diu cum sanguine in orbem rapiatur; evenire potest, ut moleculæ Mercuriales summam noctæ exilitatem, atque in ea vascula ingressæ; ubi lentissimus sanguinis motus eorum attractioni mutare. sistere nequit; in grandiores coeant massulas, eaque tristitia excitent, quæ quandoque cum minus feliciter salivatio respondet, contingunt. Illud quoque ex dictis deduci potest, quod cum Mercurius in sanguine, & vasis diu resistans mala hæc parit; disgregantibus, & sudoriferis, ut Borrichius, Volckamerus, & Ramazzinus docuerunt, sit eliciendus. Scio, hanc rem non paucis e Celebrioribus, mihi que notis Practicis, esse ridicularem. Ajunt enim, eo quo Mercurius pervenit, cætera Medicamina pervenire non posse. At pace eorum dixisse liceat; opus minime est, ut dicta medicamina Mercurium contingant: satis est sanguinis circuitum velociorem reddi, ut ab hoc dissectæ, & divisæ Mercuriales moleculæ illi denuo infideant; atque per motum violentiorem abreptæ, in majora vasa commigrent, quod a disgregantibus præstari posse; nemo, ut puto erit, qui sit inficias iturus. Decoctum ad id præstans commendavit Clariss. Tozzi (a) ex radice Helenii, ac cortice, & radicibus feniculi sylvestris: Joel, decoctum

ex

ex China, & Salsa: Borrichius ex Alexipharmacis, sed præcipue ex radice (a) Pimpinellæ, & Saxifragiæ: Volckamerus, Antimonium diaphoreticum (b). At nunc forte extra oleas divagor. Ut eo, unde digressus sum redeam; dicam quod si quis hic postremo scripta sociarit a me sub Dissertationis initio traditis, cumque ibi allatis historiis, & observationibus composuerit; eum sibi facile suasurum, neque venenatam ullam, neque noxiam qualitatem in Mercurio latere; absque ullo periculo tale metallum crudum per os sumi posse; nec raro utilissimos affectus ab illo expectandos fore. Sed nuperis Observationibus hæc omnia illustrentur.

L. Matrōna, genere, moribus, virtute Nobilissima, tumore carcinomatoso mamillæ dexteræ affecta, diu verè proxime elapso crudum Mercurium sumpsit, nullusque malus effectus ab hujusce medicaminis usu sequutus est. Ita superis placuisset; ut votis respondisset Mercurius. Postea a multo tempore Bellosti pillulas sumpsit, sed, ut ab hisce nullum detrimentum, ita nullum levamen percepit.

LI. Hujusce matrōnæ Illustrissimus maritus, Podagra laborans, ut ipse paucos ante dies mihi testatus est, non sine eximio levamine, hydrargiro usus est. (*) Dd 2 LII.

(a) apud Bon. T. 2, M. S. l. 6. sect. 6. Observ. 31.

(b) apud Bon. T. 2, M. S. l. 6. sect. 6. Obs. 35.

(*) Altera Matrōna, atque altera mulier carcinomate laborantes, inuicem Bellosti pillulas, sumpsere.

LII. Nobilis Comes acrioris temperaturæ, hypochondriacus, & Podagricus, hoc anno 1735. longiore, eoque sævissimo Arthritidis Paroxismo, qui pedes, genua scapulas, humerum, cubitum, extremam manum vexavit, multatus est. Cum ægre tandem ab insultu evasisset, Augusto proxime elapso Mercurii crudi usum suavit. Toto Sextili, & primis Septembris diebus oppido calidis, unciam hydrargiri quotidie hausit, nedum sine ullo malo effectu, sed cum sensibili levamine. In hoc tamen, me iudice, non stetit utilitas a Mercurio. Septembri inclinante, per plures dies spontanea lassitudine corripitur, ac doloribus, veluti Rheumaticis, dorsû, & capitulis. Verebatur, ne dolorum Domina de novo accederet; sed febris tertiana, quæ facillime, & integrè per corticem Peruvianum expugnabatur, metum excussit. Rusticatum deinde abiit, levissimoque Podagræ insultu, biduum solummodo vexatus est. Nobilissimus vir, modo pedibus libere, & perfecta valetudine utitur.

LIII. Podagræ diathesim, in liquidi tenacitate, & acrimonia ab universis digestionibus vitiatis, cum vasculorum rigiditate, & angustia consistere, non sine plausibiliore ratiocinio, Magnus tradidit Batavus Boerhaavius. Sicuti igitur morbum hunc radicatus extirpare impossibile est, ob solidorum minimorum vitia; ita illum quoquomodo mitiorem reddere, haud per difficile est. Cum bo-

na hæmorrhôis ab optima chylicatione primo, & potissimum dependeat; illa, quæ chylicationi favent, sanguificationi quoque favere, certissimum est. Hac de causa péptica Sydenhamii Electuaria, Antiscorbutica, atque Amariora, ad hujus morbi prophylaxim per Practicos celebriores jure laudantur. Cum enim viscera sanguini cæterisque succis famulancia vitio aliquo infecta sint, tamen munere suo nunquam brobè fungantur; nihilominus minus vitii in agendo præferrent, si purior chylus illi accedat, quam si imperfecte elaboratus. Nobilis Podagrici solida, a Mercurio assumpto, hæud equidem perfectiora evasere; sed cum per haustum Mercurium chylus elaboratior conficeretur; succi, qui cæteroquin ab impuriore chylo, vitio organorum accedente in Podagricam diathesim affurexissent, id mali solummodo peperere, quod motu Rheumaticorum dolorum, & tertianæ febris edomaretur ita, ut nisi levior, & ad breve tempus durans Paroxysmus excitari posset. Quæ si ita se habuere, operæ præmium est, ut a Podagricis tale innovans, facilimumque remedium per quam familiariter excipiatur (*). Sed en histo-

Dd 3

riam,

[*] Adfunt Maj Kalendæ anni 1736, neque adhuc Podagra accessit, licet alii locorum vicinorum Podagrici laborarint, & quidem immaniter. Leviores quandoque sentit in artubus punctiones, & gravativum quemdam totius corporis sensum. Denuo sumpturus est hoc anno Mercurium. Notandum, quod vitam agit sedentariam.

riam, quæ quantum chylicationi famuletur Mercurius, ostendit, quæque, ut eam ex-
 Auctore Epicrisi pensitet Medicus rationalis, meretur.

LIV. Uxor mea Dilectissima Theodora, Patre nata acrioris temperaturæ, atque ad iram proclivi, corpus, spiritumque sensibilia, nata est. Antequam mihi desponsaretur floridi temperamenti, & satis carposa, acidaque, ac fructus horæos vel immaturos maxime appetens, ab animi pathemate asthma convulsivum contraxit. Qui illius curæ præfuit, non paucis remediis illam diu frustra exercuit, donec ex Consilio celebris Practici nostratis Pizzuti; tunc inter vivos degentis, haustibus olei amygdalini sæpius de die cochleatim ingestis, melius se habuit, & convaleuit. Inde mihi nupsit, quatuorque annorum spatio quatuor liberos peperit; sed singulas graviditates oppido graves duxit, Stomachi præsertim assiduis doloribus, dejectoque appetitu lacescita; quapropter parum comedens, sanos quidem fætus, sed debiles enixa est. Hoc quoque tempore leviores respirationis difficultate haud raro vexata, quætamen, vel ex se, vel spiritu Melissæ hausto, solvebatur. Postremis tertiæ gestationis mensibus contigit, ut auris dexteræ foramen, cui in aures appenduntur, sanguinem stillare inciperet: qui affectus cum per plures menses cuicumque adhibito auxilio obstinate resisti-

stitisset, vetus foramen, ut sponte claudere-
tur sive, ignitaque acu novum excitavi, sed
frustra; stillicidium enim sanguinis, vel ad
leviorem attractum præsto semper erat. An-
tequam ultima vice uterum gestaret, major
natu puerulus, quem unice adamabat, obiit,
dieque, quo ad sepulchrum deportabatur,
graviores lypothimia correpta est, quæ repe-
ritis solvebatur tremoribus, iis similibus, qui
in expulsiōe extremarum lotii guttarum,
quandoque contingunt. Gravida deinde quar-
ta vice sit: hæc verò gestatione, proh: quan-
tum incommode se gessit. Parcissime edit: bis
tertiana febris correpta est: creberrimis spiri-
tum anomaliis: tremoribus: ventris, Stoma-
chique doloribus maxime exercita. Quin no-
vus convulsorius dolor in musculo bicipiti
brachii dextri accessit, non raro acerbissimè
affligens. Quartum filiolum enixa, ab hæ-
morroidibus laborare cæpit, quæ postea in-
stantibus mensibus dolere consueverunt. Inde
tenuior facta: appetitus semper dejectus, si-
ticulosa: vertiginibus, lypothimiis levioribus,
tremoribusque ante descriptis frequenter exer-
cita, a formidolosis insomniis fere singulis nocti-
bus terrebatur: de die quoque dum Spirituum
ataxiæ succederent, spectra, imaginesque
videbat. Floridus postea faciei color deper-
ditus, nitorque cutis commaculatus: extremi
pedes levi ædemate turgiduli: ructuosusque

singultus à pascu, dorsi, ventris, diaphragmatis dolorem inferens, respirationemque intercipientis. Tot symptomatum agmen postea cum meo maximo dolore claudere gingivæ dolentes: mane saliva haud raro falsior, ac laxa excrefcentia ad angulum internum maxillarum a parte sinistra exorta, quæ spiritu vitrioli tacta, in ulcusculum degeneravit.

LV. Contra hanc morborum Iliadem, mense Majo proximè elapso, prius ad aliquot dies Magnesiam albam, deinde, non sine euphoria Stomachicum Quercetani pulverem sumpsit. Sed cum majora, & plura efflagitare morbus mihi videretur, quibus tamen non sine remediorum farragine, & thædio a quibus abhorrebat mulier, satisfieri posset, putavi unum pro cunctis sufficere posse Mercurium, cujus uncix semissem mane nullo sociatam remedio sumere cepit. Tribus primis vicibus, statim ac illum deglutierat, convulsiva tussi, cum respirationis difficultate corripiebatur, quæ ab haustu spiritus Melissæ, quiescebat. Paucos post dies appetitus evehebatur: spirituum ataxiæ e conspectu se proripuerunt; cutis candor denuo nitidior redditus; somniorumque terri culamenta evanuerunt. Cùm die Junii 23. pervigilium esset Divi Joannis, quod prope sequerentur dies Veneris, & Sabathi, quibus a carnibus abstinere voluit (diebus pisci;

culosis potissimum male habebat) ; non satis commode se gessit, pondusque gravius in imum abdominis persensit, quod excunte ex se Mercurio, evanuit. Accessere postidea menses, quos leviores antecesserunt hæmorrhoides.

LVI. Cum ad mensium fluxum, tubercula ad scapulas illi solerent erumpere ; hac vice floridæ papulæ, quas *Esferas* vocamus incoxis, & ad musculos potissimum coxæ triginos, exortæ sunt. Hoc tempore contigit, ut cum fociis animi causa collemascenderet, impensiusque calesceret, utque in novum migraret cubiculum, quod aeri nocturno, non usquequoque præclusum erat. Inde menses, qui per aliquot adhuc dies fluere debebant, intercepti, papulæ majores, & crebriores; quæ tandem feбри in consortium adscita, facie, pectore, & ventre exceptis, totum corpus occuparunt. Tunc a Mercurio abstinuimus, Stybiumque Diaphoreticum cum Nitro, oculisque Cancrorum in jure ex Malva, & cichorea, propinavimus. Sexto, aut septimo die a quo lecto committebatur, alvus flavæ, & biliosa cum euphoria fudit, quem Naturæ motum, ut adjuvaremus sal anglicum exhibuimus, a quo febris abiit, papulæ disparuere.

LVII. Papulis e conspectu se proripientibus, hæmorrhoides plurimum doluere; silentibusque postmodum hæmorrhoidibus, gingivæ
do;

dolore afficiebantur, & sanguinem stillarunt. Contra gingivarum affectum, frustra adhibita ablutio ex decocto salviæ, radicum Tormentillæ, & florum rosarum ex nigro vino austero. Post aliquot dies, quibus febris, & papulis caruerat, efflorescentia purpurea, aspera, miliaris, pruriginosa cum febricula erupit: Tempestas tunc fuit calidior. Brachii, pedisque venæ tunduntur, sanguisque, durior quidem, sed sine coagulo apparuit. Postea, manus, faciesque ad septimum usque diem intumere, hac vice ut tumentefacie, manus detumescerent. Hoc tempore frequentes haustus feri cum Nitro, & sale prunellæ sumpsit. Cuticula desquamata decidebat: Nonna die fuit sine febris.

LVIII. Inde prope anum excitata bina dolorosa tubescula, quæ fistulæ metum incusserunt. Hisce appositum linimentum ex S. V. & Laudano Sydenhamii, sed frustra. Ex pul-ticula ex lacte, mica panis, malva contusa, & succo malvæ, atque ex illinitione olei rosati completi, quo ante admotionem pul-ticulæ inungebantur, saniem fuderunt, & perfectissimè nullo ulcere insequuto, ad sanitatem perducta sunt. Tunc circa ductum Stenonianum dexteræ maxillæ, ea parte, qua auris sanguinem stillare solebat, ulcuscula excitabantur, gingivæque inferiores dolebant. Hoc linimento ad sanitatem felicissime perducta sunt.

24 Mell.

℞ Mell. rosat. ℥ f.

Lapid. calamin. ℥ i

Spirit. Sal. gutt. x.

M.

Per paucos deinde dies vaccino lacte usa, a quo abstinuit, cum primum alvus soluta, sana facta est. Dum hæc scribo, ter menses accessere, nedum sine previis hæmorrhoidibus, scapularumque tuberculis, sed absque ventris doloribus, qui alias fluxum præcedere solebant. Carnes refarciit: viribus pollet: egregie comedit: verbo, optima mulier felicioreque Marito digna, sui juris omnino facta pancreaticæ valet, eaque utitur valetudine, qua illi per antea actum vitæ tempus, nunquam frui datum fuit (*)

LIX. Morbi historia exarata, nunc examinandum occurrit, an Mercurio adscribendus sit morbus acutus, a quo mulier cum recidiva decubuit & reliqua symptomata, a quibus male habuit. Quæ de re, ut rite iudicium feratur, morbus, morbi que antecedentia examinanda sunt. Cuique ex historia patere potest, huius ægritudinis semina in muliere delituisse. Cum enim, vel a genesi acriorem sanguinem nacta esset, cujus, sive aciditas, sive
acri-

(*) Indè concepit, feliciterque, septimum jam ingressa imprægnationis mensem, contra ac illi superioribus gestationibus contigit, uterum gerit; satis benè comedit; uterusque qui parum tumescere solebat in justam molem excrevit.

acrimonia; de quibus non pugno; & ob vit-
 ctus errata, & ob spirituosâ remedia, ad ma-
 jorem gradum evecta fuit: quin; cum ob in-
 commodas graviditates, & crebras parturitio-
 nes, glutine balsamico orbatâ sanguine, a
 quo salium spicula obliniebantur, succorum
 acrimonia usque increverit; potuit hujusce
 indolis cruor, & spirituum ataxias, morus-
 que spasmodicos cîere, & ex aure stillare; &
 per acriorem salivam gingivas dolore mul-
 ctare, eorumque laxam excrescentiam causa-
 ri. Quæ imminentis Scorbuti signa, haud
 ædè pol fuere effectus assumpti Mercurii, cum
 illius usum precesserint. Suppressis deinde a
 causa manifesta mensibus, purpurea febris ac-
 cessit, quæ non ita rarus, vel difficilis ex-
 plicatu affectus est, ut in subjecto sanguine
 acriore scatente evenire non possit, nisi hy-
 drargiri vis accedat. An ne res oppido rara
 est a mensibus suppressis rariores difficiliores
 que morbos obvenire, eosque, qui in tempe-
 ramento præjacta semina non habuerint? Quid
 vero, cum ii obveniunt, qui temperamento
 quam maxime congruunt? Quod vero per
 mensum fluxus sanguinis acores ad cutim
 mea in uxore protruderentur, tubercula,
 quæ ad scapulas ad mensum fluorem erum-
 pebant, argumento esse poterant. Sanguis
 itaque acer a solito fluxu impeditus, atque
 in venas refluus, purpuram, febriemque indu-

xit; quæ cum non rite per alvi fluxum sol-
veretur (genuina enim horum morborum so-
lutio est cuticulæ desquamatio) recrudit;
manuum, facicique tumorem excitavit; male
gingivas affecit; hæmorroidum dolorem in-
duxit; tandemque ad anum decubuit. Quod
si rarum, mirandumque est, mirandum quo-
que erit abscessus morbis acutis succedere,
iisque judicationem asferre. (*)

LX. At oris ulcera, reponet quispiam,
nonne sunt effectus assumpti Mercurii? Cum
os male affectum fuerit, apparuerintque Scor-
buti signa ante assumptum Mercurium, non
video, quid causæ sit, cur eadem exorientia
post assumptum Mercurium, potius in hujus-
modi remedii usum, quam in morbi naturam
sint refundenda, præsertim, cum secum co-
pioSIorem salivam, assumpti Mercurii effectum
secum non traxerint. Cum igitur quæcum-
que passa est uxor mea, in ejus temperiem,
causasque suo sanguini inhærentes refunden-
da optima cum ratione sint; eas in usum
Mercurii tamquam in causam, seu effectri-
cem, seu materialem, referre velle, idem es-

set,

(*) Postquam per duos annos bene se habuit,
filiolumque, quem grandiore, habitioreque
peperit, feliciter gestavit; postremo ab immi-
nutis menses, papulis, seu esseris iisdem, nul-
lo Mercurio adhibito, correpta est.

fer, ac Practicum κριτήριον a Praxi excluderes

LXI. Quoniam tamen ex iis ipse non sum, qui, non pro rei veritate, sed ad tuendum positum, ac si pro aris, & focus pugnarent, disputant, proferam sincere, quæ sentio. Vi-res medicaminum, haud absolute, sed relative sunt, suasque operationes exerunt, pro subjecti, in quod agunt dispositione. Memini me quandoque alvum solutam vidisse a bolo ex Theriaca, & Diascordio confectis. Vis crudi Mercurii ea est, me iudice, quæ chyli elaborationi, succorumque gastricorum depurationi famuletur. An non fieri potuit, ut ab hisce purioribus succis in sanguinem ingressis, ejus motus velocior evaderet, acores exaltarentur, papulæ erumperent, ac crabrones, ut dicitur, excitarentur? Quicumque hæc obiiceret, me forte illi adversantem minime haberet. Reponam tamen, non ideo, vel infidum, vel deleterium Medicamen censendum esse Mercurium, ita enim medicamina quæcumque comparata sunt, ut magno Hippocrate docente, ad aliquid omnia bona, & mala sunt (a). Sed quid dico Medicamina? Res omnes *non naturales* hanc promerentur censuram: & *quæ sunt vitæ, sunt quoque causæ necis*. Non minus quam Mercurium causari possumus optimi succi cibos, quibus mulier usa, per quos & solida robora

rata

(a) De aliment. tex. 10.

rata, & sanguis moleculis impetum facientibus exsaturatus. At crabrones irriter Mercurius, dum irritatos occidat ne impofterum lædant. Ita cathartica, atque Emetica, quin inter hæc, leniffima, quandoque antequam Stomachum, atque inteltina detergant, plurima incommoda afferunt. Mulier mea, nunc optime valet. Si valet a Mercurio, nedum, insons, fed utilis est Mercurius, neque debita laude fraudandus. Sin a purpura per Mercurium excitata: non minus ac febris in exolutis, exoptabilis erit purpura, quæ passionem hypochondriacam, aut si maris, hystericam graviorem, incipientemque Scorbutum percuret. Si vero non est, cur de purpura accusemus Mercurium, nihil istemali attulit: id vero boni præstitit, quod ante purpuræ eruptionem gastricos, hypochondriacosque morbos edomuerit.

LXII. Si consimili Epicrisi examinarentur morbi, qui exorti post usum Mercurii dicuntur, nullus dubito, quin in sons suffragiis Medicis declararetur Mercurius. At suspitioni locus esse potest, ne plerique e Mercurii osoribus, eum non vero ægris, sed sibi noxium putent; vereanturque, ne per Mercurium, ut qui Chrysopæis fidem præstant, aurum exuflent. Quod si ita esse. Medici artificum Nobilissimi, & utilissimi, atque in humani generis commodum nati, ut salutis hu-

humanæ hostes ab virorum honestorum catu
atque ab Urbibus, ut olim per Romanos fa-
ctum est, ejciendi forent. Sed a pectoribus
Phæbo sacratis, tam malam Deus pestem avertat.

F I N I S.

P. S. Nobilissimus quidam Comes prope
Sexagenarius, obæstioris temperaturæ, a mul-
tis annis, ditissimis Podagræ hereditariæ in-
sultibus conflictatus, hoc anno: 1736. in ipso
Arthritidis vigore, eoque de more acerbissimo
Bellosti pillulas sumpsit. Quid referam? Adeo
mitis Podagra evasit, ut post paucas doses e-
lecto surgere posset, cathedræ insidere, satis-
que commode Tyrannidem morbi ferre. Hæc
habeo ex relatu ejus Medici Hieronymi Na-
scimbeni viri integerrimi, atque inter nostræ
te Praxi Medica Clari.

Alter Generosus atrabiliaris temperaturæ,
ac prope Gigas, 44. annos natus; licet assiduo
& quidem Montano venatu ætatem exercuerit,
adhucque exerceat, ab aliquot annis Podagra,
non tamen crudeliore; ac Chiragra laborare cæ-
pit. Anno elapso Bellosti pillulas sumpsit, ne-
que adhuc postea Podagræ insultus persensit.
Hec haberi paucos ante dies ex ejus ore, &
testimonio ejusdem Nascimbeni laudati, cum
ad consulendum pro Fratris hujusce Generosi
morbo accerserer.

INDEX RERUM ⁴³³

Literæ Alphabeticæ Dissertationes, aut
Observationes designant: numeri Latini
Paragraphos Dissertationis, aut Obser-
vationis illius, cui nota Alphabetica
præposita est.

A

- A** B ulcere intestini recti polyposa concre-
tio B. VI
Ægritudines, quæ primis mensibus gra-
das corripunt, undè exoriantur M. VI
Æthiologiæ fundamenta A. XXXXV
Albertus I. Imperator Austriacus vomendo ocu-
lum ammisit A. XXIII
A' magnis doloribus vexati, nisi sedatis dolori-
bus non sunt purgandi B. VIII
Anastomoses vasorum medii, atque infimi ven-
tris illustrantur Observationibus Volckameri
& Hippocratis C. V.
An æque tutò hirudines ano appositæ vitiis uri-
næ medeantur, ac venarum pedis internarum
sectio D. XI
utilior saphænæ incisio D. XII
Angina catharrofa post exclusos vermes statim
sanata * VII
Anginæ quomodo mederetur Hippocrates N. XII
Anginosæ apud Pitonem decumbentis historia
expeditur N. XV
Animi pathemata, quomodo hæmorrhagias cieant
M. XII
Antonius Musa Mercurium contra vermes ex-
hibuit O. VI

E c

An-

- Antimonii vis ab rarioribus observatis comprobata A. XV
 Apoplexia rarior in Italia Celsi tempore A. XIII
 Appendiculæ vermiformis positus. In eam non potest divertere Mercurius assumptus O. LIV
 Appetentia ciborum in Phthisico deplorato maxime vîgens G. V
 Arabum de Mercurio opinio recensetur, & refellitur O. VIII
 Argumento Practico probatur Minium Hippocratis fuisse nostram Cinnabarim O. V
 Arsenicum non effoditur, sed conficitur O. XIII
 Asthmatis causæ plures recensentur L. VIII
 congeniti palliatio L. I
 Asthmata ex Hippocrate explicata L. IV
 Asthmaticis an purgantia convenient L. VII
 Aquapendentis, & Mercati sententia circa bubonum Gallicorum curam F. II
 Horum auctoritates diluuntur F. III
 Auster, vel leniter flans, asthma constanter exci-
 tans L. I

B

- B** Aglivus haud bene Pleuritidis ab imo ventre Ideam adumbravit H. XIV
 Bartholini de diureticis sententia F. VI
 Biliosa cacochymia vigente, sanguinem non detrahebat Hippocrates N. XIII
 Binæ Hippocratis observationes ad Rheumatis lumbaris Ideam, & Æthiologiam facientes G. XVI
 Binæ objectiones contrâ denegatum Mercurio cum sanguine commercium O. XXXII
 Binæ peculiare causæ vitiatæ chylosteos O. III
 Boerhaaviana de Mercurii volatilitate sententia O. XXIII
 Boerhaavii libellus de materie medica commentatus A. XII
 Boer-

Boerhaaviana mania absolutior historia A. XVII
 Boylii sententia de Mercurii pondere relatè ad
 aerem : O. XXI.
 relatè ad aquam O. XXXIII
 Bubones, & ficus Galliei sine Chirurgiæ Præsi-
 diis perfanati F. I
 quomodo generentur F. IV
 ex Boerhaavio per specifica dissipandi F. V

C

Cadaveris Phthisici apertio, quæ exhibuerit G. VI
 Cataplasma Riverianum ex oxicato, & farina
 fabarum parum valet contra Venereos testium
 tumores I. V
 Catharsis Mercurialis repetitæ, vires I. XIII
 Effectum eundem, ac Ptyalismus præstat I. XV
 Sed citius; quare hoc? I. XVI
 Conferrur cum Mercuriali Ptyalismo I. XVII
 Cur minorem virium deperditionem, quam Ptya-
 lismus inferat I. XVIII
 Cæci intestini nomine, quid veniat O. XXXIV
 πεδυνκτα quid sint, quique hisce obnoxii. Galent
 hac super relapsus G. XIII
 Circa locum medela, ex Hippocrate, Herodoto,
 & Morgani, Valsalvæ, Celsi, Lancisii, Rive-
 rii, Zacuti, Jonstoni, meisque observationibus
 illustrata G. XVIII
 Circa Catharsim in febribus quæ respexerit Hip-
 pocrates N. XXIV
 Chylus, durarum concretionum materia B. VI
 Clemens VI. Pontifex ob ictum capitis felicem
 nanciscitur memoriam A. VII
 Concretio ossea è Pulmonibus excreta, ejusque
 descriptio C. I
 Concretio Polyposa Riverio, & Beckers impo-
 suit B. X

Condylomatis Lambdoidææ futuræ adnati, descriptio M. I

Hujusce condylomatis originis locus perquiri-
tur M. VIII. IX

Exortus, & incrementum explicatur M. VIII. IX

Coniectura, qua probabile redditur Hippocratis
Minium rem eandem fuisse, ac minium Dio-
scoridis O. IV

Constitutionis hyemalis Epidemicæ an. MDCCXXX
descriptio H. IV

Constitutionis vernalis anni MDCCXXXV de-
scriptio *. I. II. III. IV. V

Corporum dissolutio duplex O. XXIV

Corpora ejusdem densitatis, sunt etiam ejusdem
specifici ponderis O. XXXV

Corporum hamologorum proportio quoad mo-
lem, & superficiem, explicatur, atque exemplo
ex Galileo illustratur O. XXXVI

Cur veteres humorum congestiones fluxiones
vocarint G. XII

Cur Mercurius dulcis aquæ, & gastricis liquidis
insidere possit O. XXXVII. XXXVIII

D

D Ecoctum exiccans, alumine validius reddi-
tum I. I

Diagnostica morborum signa, infida A. XV. B. XI

Diarrhæa, quando non sit confirmatæ Pthiseos
signum G. XIX

Diuretica ad Gonorrhæam usu probata F. VI

Diuretica potio efficax F. I

Dioscoridis, & Plinii Minium, fuit nostræ cin-
nabaris O. V

Dioscoridis de Mercurio opinio O. VI

Dolores Venerei Emplastro Mercuriali resi-
stentes huic additis seminibus narcoticis, ce-
dunt E. XIII

Edunt

Doses

- Doses remediorum, quæ sensibiliores edunt effectus, notandæ, & cur A. ILI. ILII
 Bina exempla ad hanc rem A. ILIII. LLIV
 Ductilitatem fibrosam, à motu, quo circumaguntur fluida, acquirunt B. VI
 Dum Hippocrates præcipit in urinæ difficultate venas internas secare, omnes vescicæ passiones aphorismo comprehendit D. XII
 Curtii hac super re auctoritas D. XII

E

- E Centro, & Peripheria corporis deducta obiectio contra methodum Hydro-Chatarticam, ratione, auctoritate, observatione diluitur I. IX
 Eductio sanguinis in Phthisi incipiente à pluribus Practicis administratur G. XXI
 Effluviorum Mercurialium effectus, non probant Mercurium nervis specificè adversari. Isti effectus explicantur O. ILVI
 Elephantiasis rarior in Italia Celsi tempore & adhuc rara A. XIII
 Equitatio, an Podagrico utilis, & quando G. XIII
 Ettmuleri pillulæ ad Phthysim cum alvo fusa utiles G. III
 Eiusdem de Mercurio sententia O. XI
 Eiusdem, & Bonhii experimenta circa Mercurium O. XV
 Quæ veritati minimè respondent O. XVII. XVIII
 Erysipellas Capitis nothum spontanea diarrhæa curatum N. XXI

F

- F Ax rationis tenebricosis observationibus lucem affert A. XXI
 E c 3 Exem-

- Exempla ad hanc rem A. XXII. XXIII
 Febres humorales putridæ vocatæ, ex Hippo-
 cratis sententia à bile originem ducunt N. XI
 Folia Salviæ lacti incocta, utilia in Lumba-
 gine Rheumatica G. I
 Fontes mensium genuini M. VI
 Fontenellius laudatus O. I
 Formulæ quædam Sydenhamii utilissimæ A. IX
 Fœcunditas à mensibus non dependet. Quid
 Mentes rite procedentes præsignent M. XI
 Fluxus menstruus à sarcomate, quomodo con-
 tigerit M. X
 Fluxus menstrui causa breviter adumbrata M. X
 Fluxus irregularis è Sarcomate causa M. XII
 Fereind sententia circa venæ sectionem & Ca-
 tharsim in febribus ex libris Epidemiorum
 Hippocratis N. III
 Ejusdem de volatilitate Mercurii sententia O. XXI
 Quando ex eodem admoveantur utiliter discu-
 tientia F. IV
 Fungosæ excrescentiæ, cystiformesque tumores
 non semper extirpandi M. XIV

G

- Galenus Mercurii Historiam non calluit O. VI
 Cinnabarim internè exhibuit O. VI
 Bipedi animali Medicinam aptè comparavit A. I
 Ejus sententia de Historiis in libris Epidemio-
 rum ab Hippocrate conscriptis N. III
 Genæ rosæ cum alvo liquida tabis prænun-
 ciæ G. XVIII
 Gonorrhææ metastasis ad pulmones, ejusque ef-
 fectus G. I
 Gonorrhææ nil melius medetur, quam repetita
 catharsis F. VI
 Gonorrhæa salivatione non curatur, ex Syden-
 hamio I. V

Langii hæc super re sententia I. V
 Gonorrhææ prima sedes ex Morgagno ab inie-
 ctionum effectu confirmatur F. VI
 Granula Mercurii crudi gastricis liquidis inside-
 re non possunt O. XXV
 Graviditatis tempore mensium fluxus regularis:
 hæmorrhagia inde succedens septimo mense sine
 ullo nequematrix, neque fœtus damno M. VI

H

HArvejus largiore dosi opii sumpta calculo
 extrusit A. XII
 Hepatitis verminosa *. XII
 Hepatitis altera lethalis, fortè verminosa *. IX
 Hippocratica medendi methodus in acutis N. XIX
 Hippocrates peculiare, & raras observationes
 descripsit A. VII
 Hippocrates cum ex professo curam febrium tra-
 didit, venæ sectionis non meminit N. VIII
 Eam vetavit præsentente febre iis in morbis, contra
 quos febre absente eam celebrasset N. IX
 Peculiare, & raras observationes descripsit A. VII
 Historia Naturalis, & medica ob observatorum
 incuriam deturpata B. III
 Historia Podagræ, qui plurimum adjumenti
 ab assumpto mercurio percepit O. LII
 Eiusdem historię Æthiologia O. LIII
 Historia mulieris hystherico hypochondriaca pas-
 sione, incipienteque Scorbuto laborantis, per
 Mercurium sanatæ O. LIV
 Diætæ Historię Epicrisis O. LIX L. Y
 Historica lectio, quæ utilior A. XXXV
 Humorum concretiones, cur Polypi vocen-
 tur B. IV
 Humorum intra articulos congestio contra Schnei-
 derum, & Harderum asseritur ex Ettmuleri,
 &

& Poupartii observatione: ex Hippocratis auctoritate; & ex Glandulis mucilaginosi Havverianis G. XV
 Hydrophoborum cura ex Morino, & Mead A. XIII
 Hygyenes ab observatis illustrata. Utilitas ad hanc Statices Sanctorianæ A. XXVI

I

I N corporibus humanis venenati succi quandoque spontè gignuntur O. XXVI
 Incrementa Medicinæ ab observatione expectanda A. III
 Inductio historiarum Medicarum fundamentum A. VIII
 Inguinis, & Pectoris peculiaris consensus C. III
 In Asthmate fibræ spiritales irritantur, proinde mulcendæ. Quomodo id præstandum L. VI
 Intemperies quædam Medicorum, & peculiariter Pyrosophorum A. IX
 Injections in Gonorrhæa, quando utiles F. VI
 Pitcarnius eas improbat F. VI
 Incerti loci abscessus descriptio, & cura H. I
 Ischuriæ vescicalis convulsivæ descriptio D. I
 Rara hujusmodi Ischuriæ mentio apud auctores D. II
 Ischuria à Stranguria specie minimè differt D. XII
 Ischuria à crudioris musti ingurgitatione fermè ex tempore curata E. IV

L

L Aſcæ urinæ causa in Stranguria E. III
 Lancisi Mortium repentinarum historia A. XVIII
 Lati vermis analysis Valliſneriana B. IX
 Latus vermis Hippocratis, aut cucurbitinorum catena, aut polyposa concretio B. IX
 Libel.

- Libellus de medicinis purgantibus auctoritatem
facere debet N. XXIV
- Linimentum utile ad oris ulcuscula, gingiva-
rumque dolorem O. LVIII
- Listeri de Mercurio opinio recensetur O. IX
- Refellitur O. X
- Lotii sedimenta, illius qui Mercurium sumpsit,
Mercurium non continent O. XXX
- Lotium, & lac ingestorum facultatibus facilimè
imbuuntur E. VII
- Luis Venereæ gravioris descriptio, & cura I. I
- Lumbago Rheumatica Chronica G. X
- Quos corripiat G. XI
- Causæ externæ hujusce morbi, effectus, natu-
ra, exitus G. XI

M

- M** Ateries Medica cur in tantam molem cre-
verit A. XII
- Mensium vitia, semper in uterum refudit Hip-
pocrates, cui Tozzi cohæret M. VI
- Mensium retentorum ad caput tendentia lucu-
lenta historia illustratur M. VII
- Hujusce effectus causa ex Anatome N. VII
- Mentis humanæ character O. I
- Mensura Hippocratis ex Martiano, ad febrium
acutiem dimetiendam H. V
- Methodus medendi, observationi, & ratiocinio
innititur A. I
- Ab observatis illustrata A. XXVII
- Methodus servanda in exhibitione Mercu-
rii O. ILII
- Methodus curandi bubones Gallicos sine scal-
pello F. IV
- Metallicorum morbi quas causas habeant O. ILV
- Mercurii constantia, & immutabilitas O. XIII
- Ee 3 Mer-

- Mercurius crudus, vel è vestigio verminofas
 Pleuritides curavit *. XIV
 Cur luis Venereæ sit domitor I. V. VI
 Ejus pondus relatè ad aquam, sanguinem, &
 succos Gastricos O. XXXIII
 crudus ad dulcem se habet, ut quinque ad
 unum O. XXX
 crudus cur sanguini per cutim ingressus inna-
 tet O. XXXIX
 Mercurius dulcis, contra ac tradit Clar. Hof-
 fmanus tutissimè infantibus exhibetur: denti-
 bus nullam affert noxam, & cum saccharo si-
 ne ullo periculo commisceri potest H. IX
 Gonorrhæam curat I. V
 Catharticis commixtus sanguinem ingredi-
 tur I. XIV
 Mixtura Traumatica excellens H. I
 eadem contra vermes utilis H. I
 Mos Chirurgorum nostratium cum rusticana ple-
 be H. V
 Morbi partium genitalium facilimè ducuntur
 per alvum F. IV. V
 Minii, & cinnabaris historia apud antiquos con-
 fusa O. III
 Temporibus Peloponesiacis, Dioscoridis, &
 Plinii, deportabatur ex Hispania O. IV
 Morgagni anatomica Observatio utilis de glan-
 dulis Tracchææ G. IX
 Altera ejusdem observatio, qua explicatur cur
 in Pulmonis cum latere coalitu, supra sanum
 latus, non supra infirmum decumbere possit
 æger, contra ac putavit Hippocrates G. XXII
 Morthonus, rarioribus observatis Phthysilogiam
 adauxit A. VIII

N

- N**Arrare non omisit Hippocrates inferioris no-
 tæ remedia contra febres administrata N. IV
 Neque venæ sectionem cum eam celebraret N. V
 Nedum actio intestinorum Mechanica sed apti-
 tudo corporis ingressuri requiritur, ad hoc,
 ut corpus aliquod per galaxiam sanguinem in-
 tret O. XXXI
 Neque sulphuris, neque arsenici effectus in Mer-
 curio manifestantur O. XXXIX
 Non est Mercurius venenum febriferum, sed
 è contra antidotus febrifuga O. XIV
 Nervi ligati, aut compressi inelubilem noxam
 contrahunt O. ILVII
 Non Mercurius, sed salivatio ex Sydenhamio
 luem curat I. II
 Ejus ad hanc rem argumentum diluitur I. V
 Quo argumentorum genere Sydenhamius sit
 confutandus I. IV
 Non semper, licet ab assumpto Mercurio ver-
 minosa remittant symptomata, vermes exclu-
 duntur. Phænomeni ratio ex Jonstono H. X
 Nota Pathognomonica Pleuritidis Idyopathicæ
 ex Hippocrate, & Aretæo H. XIII
 Quandoque fallax *. XIII
 Nova Stranguriæ idea illustrata E. IX
 Novi morbi ingruunt A. VIII
 Nudæ observationes, non admodum utiles
 A. XXXV
 Nutritio Sarcomatis causa diminutionis, & sup-
 pressionis mensium M. X
 Noxæ à Mercurio medela O. ILIX

O

- O** Biectio de Stomachi acido contra hydrargiri usum recensetur, & diluitur O. XXV
Observatio Medicinæ originem præbuit A. I
 Et incrementum A. II
Observationibus Medicis evincitur Mercurium non esse venenum O. XIX
Hoffmani hac super re sententia O. XIV
Observationum inconstantia quibus adjumentis firmanda A. XXXI
Hac super re Verulamii, Baglivi, Hippocratis auctoritas A. XXXI
Opium virtus ab observationibus rarioribus detecta A. XIV
Opium Sydenhamiana præparatio utilissima A. XIV
Oleum amygdalinum, non admodum potens vermineca si solum exhibeatur H. X

P

- P**ario, & Puerperæ Epiciatis uxori sanguinem non debuit mittere Hippocrates N. XXXVIII
Pathologia à peculiaribus, & raris observationibus locupletata A. XXIV
Paucæ Mercurii guttulæ in Pulmonem illapsæ, ibique resistentes, nullam afferent noxam O. ILIII
Peculiares remediorum formulæ non raro utiles A. IX
Peculiares in Praxi observationes vicem cuiusdam analyseos gerunt A. XXI
Peculiarium, & rariorum observationum peculiarior utilitas A. XXV
Pericranii vulnera quando periculosa. Binæ observationes ad hanc rem L. XIV
Phthisis rarioris descriptio G. I
 Pil-

- Pillulæ Belloſſi contra Cancrum innoxie , &
 inutiliter ſumptæ O. L
 Pleuritidi quomodo mederetur Hippocrates N. XVI
 Anaxionis Pleuritide laborantis Hiſtoria expen-
 ditur N. XVII
 Physiologia ab obſervationibus illuſtrata A. XXIII
 Praxi maximè favet: Hac ſuper re Hippocratis
 autoritas A. XXX
 Pleuritides verminofæ H. XI
 Pleuritides ab imo ventre Hippocrati notæ H. XII
 Contra hujusmodi Pleuritides cathariſm Couſ
 præcepit, & venæ ſectionem prohibuit H. XIII
 Pleuritidis verminotæ Æthiologia paucis ad-
 umbrata * XX
 Plateri opinio de membranis per podicem ex-
 cretis, convellitur B. VI
 Plinii de Mercurio opinio exploditur O. VIII
 Polypi Stomachici per anum excreti deſcri-
 ptio B. I
 Polypoſæ concretiones antiquis impoſuerunt B. II
 Poſt ſanguinem è pene per catheteris adminiſtra-
 tionem eduſtum Iſchuria ſanata E. XI
 Proceſſus Mercurii dulcis ex Lemeryo O. XXXVI
 Ptyaliſimi ope Mercurii dulcis extitati proceſſus
 & methodus I. VIII
 Ejuſdem incommoda, & pericula I. IX
 Omnes veteres ſuccos è corpore expellit, ho-
 minemque innovat I. XI
 Pulticula, & illinitio à quibus ani tubercula
 feliciffimè curata ſunt O. LVIII
 Pulmonum actio contra Helvetium à Michelot-
 to demonſtrata L. V
 Pus quandoque ſine feбри movetur H. II

Q

QUæ arguant mixtorum corporum heteroge-
 neitatem O. XII
 Quæ

- Quæ sint examinanda, ut de Medica Mercurii
vi ritè judicium feratur O. XX
- Quæ mutuum corporum liquoribus insidentium
attractionem impédiant O. XXX
- Quæ fuerit Polypi Stomachici materies B. VI
- Quæ contulerint ad Rheumaticam Lumbagi-
nem GXVII
- Quæ pericula afferant grandiora Sarcomata. Scul-
teti, & Larchei observatio. Ettmuleri au-
toritas M. XIII
- Quid sit turgentia materiæ N. XXI
- Quidam tumores quibusdam corporis partibus
familiariores M. IV
- Quid venire possit apud Præcticos nomine ra-
rioris observationis A. XIII
- Qui fieri possit, ut corpus gravius fluido spe-
cificè leviori innatet O. XXXIV
- Quomodo se gerere debeat observationum Scri-
ptor A. XXXVII. XXXVIII. XXXIX. IL. ILIV.
ILV
- Quo vitio laborent Sydenhanii processus in
morbis omnibus curandis O. XXI

R

- R**ariores observationes ad morborum Histo-
riam propriè pertinent, contra ac tradidit
Sydenhamius A. XVIII
- Rariores casus à Sydenhamio utiliter relati
A. XVI
- Rarissima, & Nova mensium via M. I
- Ratiocinia Chymicorum inepta A. XI
- Ratio in Praxi adhibenda, sed non hypothetica.
Hippocratis hac super re autoritas A. XXIV
- Res cibaria, & diætâ hominum Systemate con-
cludi non potest A. XXVI
- Remedia ad Phthisim utiliter adhibita G. III. IV
San-

S

- S**anguis, quando gravidis tutò, quando cum
periculo mittatur A. XXXII
- Sanguinem ingredi non potest Mercurius crudus
assumptus O. XXVI
- Santorini rarior observatio de cerebro fatui
A. XVIII
- Semiotices à peculiaribus, & raris observationi-
bus illustrata A. XXV
- Sinopicum Celsi minium non fuit nostra Cin-
nabaris O. VII
- Sibi semper peculiare medicamina edunt effectus,
quocumque modo Sanguini accedant O. XXVII
- Sanguinem tametsi ingrederetur Mercurius, in
sedimentis urinæ apparere non posset O. XXVIII
- Spiritus Vini crocati, & camphurati usus, vis,
dosis H. VII
- Spiritus carminativus de tribus, utilis in morbis
intestinatorum à vini abusu B. I
- Slotani historia ab Hildano relata de rodente
Medicamine fungo insperso M. XIV
- Statives principia Mercurio volatilitatem de-
munt O. XXI
- Stranguriæ in senes descriptio. Post sanguinis
missionem curatur E. I
- Hujusce Stranguriæ causa, an fuerit lotii viti-
um, an verò vitiata vescicæ œconomia. E. II
- Causa in œconomiam vescicæ viciatam refun-
ditur E. IV. V. VI
- Nova hæc Idea observationis subsidio non de-
stituitur E. IX
- Non inutilis in Stranguria curanda E. X
- Superstitionis effectus G. I
- Sudor, non solum prælagii nota, sed & curationis
Instrumentum ex Hippocrate, qui sudorifera
exhibuit N. XXVI
- Suf-

- Suffumigiis salivationem excitare, minus tutares est O. ILIX
 Sydenhamius, neque peculiare, neque raras observationes Medicinæ utiles putat A. V
 Cur ita senserit A. XIX
 Confutatur auctoritate Hippocratis, Celsi, exemplo Hippocratis, & aliorum A. VI. VII. VIII
 Systema Hippocratis de febribus N. XI. XII

T

- T** Abes è spuito minimè dignoscenda Hippocratis, Aretæi, Celsi hac super re auctoritas G. XX
 Tabes hinc tussi, & spirandi difficultate ex Merchlino G. XX
 Ex Severino aliud genus tabis G. XX
 Tametsi Mercurius crudus sanguinem per os sumptus non ingreditur, vitia sanguini inhærentia tollere potest O. IL
 Testiculi dextri tumor obstinatè remediis resistens cedit Cataplasmati è seminibus Narcoticis E. I
 Therapeutices Pars Pharmaceutica, & Chirurgica ab observatis aucta A. XXVIII. XXIX
 Tunicati tumores grandiores, quomodo ex Aquapendente, & Sculteto excindendi M. XIV
 Tussis puerorum convulsivæ descriptio, & cura H. VIII

V

- V** Enæ sectio disparentibus variolis felicissimè celebrata f. XIII
 Venæ sectio ab Hippocrate iis in morbis vetitis, contra quos eam, si febris absit, instituit N. IX
 Damodo sibi constare voluerit venas in febribus secare

- secare non debuit Hippocrates N. X. XI
 Venarum interiorum sectio in urinæ vitiis Hippocratem habet auctorem D. III
 Rationi maximè consona D. VI. VII. VIII. IX. X. X
 Contra quæ vescicæ vitia, & quando celebranda sit D. IV
 Vesciculæ stomachales liquore plenæ per annum extrusæ B. V
 Vermes, cur adeo sævierint anno 1735. *. XX
 Vinum *Maraschinū* corroborans, & expellens B. VIII
 Vinum non concedebat Hippocrates ei, cui sanguinem detrahebat N. X
 Virus Gallicum primo lympham inficit C. VI
 Quomodo id præstet C. VII
 Qua via ad Pulmones decumbat C. VIII
 Victus & excretiones hominis salivantis ad leges staticas examinantur. I. XII
 Vis mercurialis cataplasmatibus per additionem Seminum Narcoticorum adaucta E. XIII
 Vomitus oculis, & capiti noxius, & utilis. Quomodo id præcognoscendum A. XXIII
 Urinæ tenues, vel in principio febris purgationem prohibent N. XXIV
 Urinæ nebulosæ, non rarò vel in principio purgationem prohibent N. XXIV
 Utilitas peculiarium observationum circa remedia A. IX
 Galeni hac super re criterium A. XII
 Weinhart libellus de Medico Officioso commendatus A. XII
 Willisi Tinctura Sulphuris mirabilis in astmate humoralis L. V

Graviora, quæ malo fato irrepserunt errata hæc correctæ damus; leviora, neque ea sane pauca, humanitati tuæ, lector benevole, corrigenda relinquimus. Scias insuper, Lector, per Operarum incuriam, in capite paginarum primæ dissertationis omissam fuisse litteram alphabeti A. quæ, omissa titulo ibi apposito, Dissertatio præsignanda erat, ut Indicibus responderet.

ERRATA	CORRIGE
P. 2. l. 12. Methodicis Medicis	Methodicis etiam Medicis
4. l. 22. reservando	resserrando
6. l. 24. Medicum Phisicum	Medicum Fiscum
8. l. 3. & Medicum	& medium
9. l. 5. in cerebro	cerebro
11. l. 25. quod morbus	quod novus morbus
3. l. 28. Bollicis	Bellicis
36. l. 5. pulcis ab oro	pullis ab ovo
42. l. 3. opus esset	opus ad Hygienem esset
61. l. 29. deruptis	demptis
65. l. 28. ex Mastiche	& Mastiche
67. l. 13. Quatuor duorum	Quatuor meorum
73. l. 15. fætens, quod	fætens detrufit, quod
78. l. 17. cum ructu	cum metu
89. l. 2. vincleati minismatis	venenati miasmatis
ibidem l. 16. Si igitur viam	Si igitur aliam viam
90. l. 12. inflammationis	inflammatorios
ibidem l. 27. plura	Pleura
92. l. 4. inservatur	inferuntur
97. l. 25. absonum appri- me	absonum, sed apprime P. 104.

P. 104. l. 18. gamelus	garrulus
113. l. 19. ζ j. f. ... \S ζ j	ζ j. f. ... \S ζ j
114. l. 25. ζ an ζ . f.	an ζ . f.
115. l. 30. in carum	in cavum
129. l. 6. oxicroc. ζ . f.	oxicroc. \S . f.
ibid. ζ an. \S r	an \S r
131. l. 8. ut quæ	ut lux
ibid. l. 17. Itaque ad	Itaque rem ad
180. l. 8. inflammato-	inflammatoriam crustam
riam, quam	quam
184. l. 19. Sogos	Logos
197. l. 22. examere	exaruerere
198. l. 15. ruinis	nimis
200. l. 14. non latens	non lateris
206. l. 9. via noctu	cui noctu
208. l. 27. inspiratio	insperato
213. l. 12. ζ j	ζ j
ibid. l. 20. Clarhs	Clarif.
ibid. ll. 21. Nascimbem	Nascimbeni
215. l. 2. $\theta\gamma\rho\iota\omega\delta\eta\varsigma$	$\theta\gamma\rho\iota\omega\delta\eta\varsigma$
ibid. l. 12. minime con-	maximè conducibilem
ducibilem	
218. l. 7. avuum	artuum
219. l. 18. Mercurii	Mercurii dulc. Scamon.
Scamon.	
227. l. 14. dicitur non	dicitur acu non tetigerit
tetigerit	
228. l. 29. liquida per	liquida coacta.
salivationem coacta	
233. l. 13. libræ minsem	libræ semissem
239. l. 4. salivationem	perspirationem
239. l. 10. transpirat	transpirationē perturbat
251. l. 11. ζ j.	ζ j
261. l. 11. crispati	crispatio
265. l. 12. minus	nimis
ibid. l. 13. defluit	diffuit
266. l. 4. primam	animam

- P. 270. l. 26. difeminant discriminant
 ibid. l. 27. exortam exortus
 281. l. 10. conorumque coriorumque
 308. l. 12. in veniade in Oeniade
 311. l. 24. Trium Pleu. Trium Pleuritidum cura-
 ritidem tionem prosequitur lib.
 2. de morbis à 40. ad 42.
 textum, nulla de vena
 secta facta mentione.
 Textu 22. l. 3. ait Pleu-
 ritidem &c.
 320. l. 19 Quando quandoque
 332. l. 15. in facie in faciem
 334. l. 16. ne cesses ne cessa
 335. l. 13. si accipiant si cuipiam
 341. l. 3. multo nullo
 ibid. l. 20. An ex hac An ea hæc
 344. l. 7. traduxerunt traduxerant
 ibid. l. 8. temere tenere
 345. l. 9. affert effectu
 346. (4) de Cicut. de lue Venerea
 aquatic.
 347. l. 18. Venenum, Venenum Venereum,
 nedum nedum
 358. l. 17. Contrato commixto
 362. l. 7. asserui Nobis asserui postquam
 lissimus
 364. l. 23. Scio Sic
 365. l. 27. citicis citius
 373. l. 9. offercolla osteocolla
 ibid. l. 11. Senitide Selenitide
 385. l. 28. veroquo Anro
 400. l. 14. verique aerique
 409. l. 23. quæ vitæ quæ vi vitæ
 412. l. 18. Tribergæ Fribergæ
 ibid. l. 19. Erzgeburgico Erzgeburgico



34

